



BIBLIOTECA NAZ.  
Vittorio Emanuele III

IX

C

54

NAPOLI

R.<sup>do</sup> m. Christo Patri  
P. Bernardo de Angelis.





(M. DE Mas. 2  
ANTICHRISTO

ET  
EIVS PRÆCURSORIBVS

Disputatio Apologetica  
gemina:

Qua refutatur PRÆFATIO MONITORIA,  
falsò, vt creditur, adscripta  
Magnæ BRITANNIÆ REGI:

Auctore LEONARDO LESSIO Soc. IESV  
S. Theologia Professore.

Lat.



Inscrip.



ANTVERPIÆ,  
EX OFFICINA PLANTINIANA,  
Apud Viduam & Filios Io. Moreti.

M. DC. XI.



< y dono auctoris

OF THE  
CHRISTIAN  
RELIGION

AND  
THE  
MORAL  
DUTY  
OF  
MANKIND



THE  
LIBRARY  
OF THE  
UNIVERSITY  
OF  
CAMBRIDGE  
PRINTED  
BY  
J. B. NEALE  
1847

SERENISSIMIS  
ORBIS  
CHRISTIANI  
PRINCIPIBUS

LEONARDVS LESSIVS

*Societatis IESV Theologus*

*temporalem & eternam felicitatem*

*precatur.*



RODIIT nuper in  
lucem libellus VESTRIS MAIESTATIBVS & CELSITVDINIBVS inscriptus, in quo SUMMVS PONTIFEX, omnium Christianorum Pater & Pastor, Antichristus asseri-

tur ; & Vos Antichristi capita & cornua , hoc est , organa primaria, & omnium impiorum eius decretorum executores , & ὑπεργοί. Atrox profectò cōtumelia, & qua maior animo vix concipi queat. Nam ex diuinis Scripturis constat , Antichristum omnium qui vñquam fuere mortalium scele- ratissimum fore , totamq̃ue Sata- næ potestatem in illo exertum iri: capita verò & cornua eius , pro- ximum impietatis , improbitatis, & tyrannidis gradum obtentura. Itaque qui vos capita & cornua facit Antichristi, is Caligula, Ne- rone, Domitiano , Heliogabalo, & aliis huiusmodi tyrannis Vos asserit deteriores, & impietate, im- probitate, crudelitate, ac tyranni-  
de

de superiores . Quis ista Catholici  
æquo animo ferat ? Quàm e-  
nim perniciosè ista dicantur vel  
credantur , & quanta pericula ex  
huiusmodi sententia sceptris ve-  
stris impendeant , nemo prudens  
non intelligit . Excusauerim ta-  
men magnum illum PRINCEPEM ,  
cuius titulum libellus ille præfert :  
quia ab infantia ab impostoribus  
in fraudem impulsus . apud hos  
tanti facinoris culpa potissimùm  
residet . Neque enim ille operis  
istius fuit Architectus ( vt à fide  
dignis accepi ) sed Calvinianæ se-  
ctæ Ministri : quorum studium est ,  
huiusmodi scriptis bella & sedi-  
tiones accendere . Hic enim est  
scopus istius operis , vt omnes  
Principes in Summum Pontifi-

cem, tamquam in Antichristum  
insurgant, eumque è rebus huma-  
nis exterminent. Hoc scriptum  
qua parte causam Antichristi per-  
sequitur, ego refutandum, ma-  
gnorum virorum hortatu, susce-  
pi; vt **SVMVM PONTIFICEM,**  
& **MAIESTATES ac CELSITV-**  
**DINES VESTRAS,** à tam enormi  
& horrenda calumnia vindicem.  
Etsi enim satis manifestum sit ca-  
lumniam esse: tamen quia sacra-  
rum Scripturarum velo obtegi-  
tur, plausibilis & verisimilis apud  
imperitos & maleuolos efficitur.  
Itaque confido hunc meum affe-  
ctum & laborem vestro honori  
deuotum & consecratum, & à de-  
ditissimo seruo vestro profectum,  
Vobis ingratum non fore, sed  
æqui

æqui boni consulendum. CHRISTI diuinitatem supplex oro, vt  
Vobis eximiis DEI ministris, Ho-  
noratissimis ECCLESIAE filiis, &  
CATHOLICAE RELIGIONIS co-  
lumnis, hîc in terra statum tran-  
quillum, felicem, diuturnum, &  
postea sempiternum ac beatum  
in cælis largiatur.



# P R Æ F A T I O

A D

L E C T O R E M.



**P**ER LATVS est ad me nu-  
per libellus typis Londini in  
Anglia à Ioanne Norton ex-  
cusus, hac epigraphe : Apo-  
logia pro iuramento fidelitatis , pri-  
mum quidem ἀνάγνωμος , nunc verò  
ab ipso Auctore Ser<sup>mo</sup> ac Potentif-  
simo Principe , Iacobo Dei gratia  
Magnæ Britanniaë, Franciæ, & Hi-  
berniaë Rege, fidei defensore, de-  
nuò edita: cui præmissa est Præfatio  
monitoria, Sacratiss. Cæsari Rodol-  
pho II. semper Augusto, ceterisq̃ue  
Christiani orbis Ser<sup>mis</sup> ac Potentif-  
simis Monarchis, ac Regibus, &c.  
inscripta eodem Auctore. *Idem in*  
*Hollan-*



Hollandia ac Gallia recusatus, & in vulgares linguas transfusus. Legi mox accurate, & indolui tale scriptum tanti Principis in fronte nomen præferre. Et sanè agrè in animum inducere potui, ut crederem ipsius Principis esse opus, cùm tam procul à gravitate & moderatione, quam Principes servare decet, & præsertim à veritate & sinceritate absit, ut longiùs abesse non possit. Omnia plena lædoriis, maledictis, blasphemis, calumniis, irrisoribus, depravatis Scripturarum & Patrum sententiis, adulteratis interpretationibus, paralogismis, antilogiis. Multa quæ millies à Catholicis sunt refutata, tamquam certa & manifesta ingeminantur: multa quæ manifestè falsa, intrepidè & absque fronte asseruntur. Redolet profectò scriptum istud non Regiam indolem, sed novi Evangelij ministerium; quod huiusmodi tropis, & pigmentis orationis, scripta sua solet

P R A E F A T I O

*adornare : qualia sunt ista quæ passim hic  
occurrunt : Apostolica Ecclesia pro  
Apostolica: Babylonius monarcha; Ba-  
bylonius tyrannus: stramineus san-  
ctus: straminea miracula: Babylo-  
nicæ meretricis scortationes; abo-  
minationes Antichristi; & similia.  
Produnt etiam se passim in quosdam priua-  
tos degeneres affectus, indoli Regiæ inde-  
cori, & odia plusquam Vatiniana, quibus  
Auctor aculeis orationis mirè indulget. De-  
nique quidquid umquam acerbitalis ab  
hæreticis huius ævi in doctrinam Ecclesiæ,  
in Summum Pontificem, in dignitatem  
Cardinalium, in ordines Religiosorum, &  
præsertim in Iesuitas effusum est, hoc ferè  
totum in istum libellum inuenias stipatum.  
Quare meritò non Regi ipsi, quem ego me-  
lioribus exercitiis, Regiæque dignitati con-  
gruentioribus distineri crediderim, sed Mi-  
nistro alicui Caluinistico duplex hoc scri-  
ptum*

# AD LECTOREM.

ptum quis assignauerit, & ut ministricum opus refutauerit, etsi Regium nomen præ se ferat. Non enim semper quæ sub nomine Regum prodeunt, ab illis excogitata, collecta, conscripta. Sæpè ab hominibus improbis causam suam tectè agentibus, & priuata compendia sectantibus, magnis Principibus specie Iustitiæ vel Religionis, vel publicæ vtilitatis imponitur, ut ea sub nomine suo euulgari sinant; quæ detecta veritate ipsimet detestarentur, & suppliciis vindicarent. Exempli plurima extant apud veteres; & in primis notabile illud Assueri circumuepti ab Amano. Multi hoc tempore apud Principes quosdam potentes Amani, qui priuatis affectibus indulgentes, Principum potentia & facilitate ad piorum euerisionem, & religionis Catholicæ exterminium, abutuntur; pari exitu dignissimi. Itaque mirum non est, eum Regem ab impostoribus in hanc fraudem impulsu-

sum,

*sum, cuius iuuenta non alios ad religionem formatores habuit; et si alioquin indoles praeclara extiterit.*

*Et quamvis nihil in hoc libello novi adferatur ad dogmata pertinens, quod non saepius à Catholicis Doëtoribus, et in primis à Doëtissimo Cardinale Bellarmino hæreticorum malleo tractatum sit et confutatum: tamen quia non desunt in Hollandia, et alibi, qui disputationem de Antichristo inter cetera magni faciant, et contumeliam in fidei articulum vertant: rogatus sum ut hanc partem paullo accuratius excutiam, et argumentis, quæ in Regio libello adferuntur, respondeam. id enim ab aliis nisi obiter hætenus factum non esse. Qua in re censui mihi parcendum Regiæ dignitati & nomini, quod mihi cum primis venerabile; et totam disputationem in eum dirigendam, qui Regiæ Maiestati fucum & imposturam fecit, eamque*

*in probrosissimam causam pertraxit . Por-  
rò vt tota res meliùs discutiatur , insti-  
tuam duas Disputationes : alteram de re-  
bus Antichristi ; possintne ea quæ à Scri-  
pturis de Antichristo traduntur in Sum-  
mos Pontifices conuenire : alteram de An-  
tichristi præcursoribus , quinam iuxta men-  
tem Scripturarum sint veri illi præcurso-  
res, & ministri prodromi.*

*Et quamuis sola Scriptura propriè  
& seriò non illusoriè exposita , in hac cau-  
sa nobis satis esse queat : tamen vt om-  
nes clarè videant quenam omnibus sæ-  
culis antiquorum Patrum fuerit senten-  
tia, putauit etiam horum testimonia profe-  
renda . Horum enim præcipua hac in re  
debet censerì auctoritas . Primò , propter  
eximiam eorum sapientiam & sanctita-  
tem . Secundo , propter eorum consensum ;  
cùm tamen diuersis sæculis , diuersis regio-  
nibus, & diuersis occasionibus scripserint.*

*Tertiò,*

DE AV-  
CTORI-  
TATE PA-  
TRVM.

Tertiò, quia vacui fuere in hac causa passionibus, quæ maximè hominum iudicia peruertunt, ut qui diu ante has controversias extiterint. Aduersarij nostri nullos testes habent nisi domesticos, & suæ factionis homines, qui hoc sæculò huius controversiæ fuere auctores, vel post eam mortam exorti. Quartò, quia omnino credibile est Patrum hac in re sententiam ex Apostolica traditione descendere.

Multa de Antichristo tradidere Apostoli verbo, quæ litteris non fuere ausi commendare, ne in Romanum Imperium viderentur iniuri; ut multi Patres notant. Vnde Paulus 2. ad Thessal. 2. cùm breuiter & obscurè quædam de Antichristo, & tempore aduentus eius dixisset, addit: Num retinetis quòd cùm adhuc essem apud vos, hæc dicebam vobis? Et nunc quid detineat scitis, ut reueletur in tempore suo, &c. Illi  
itaque

Hieron.  
q. 11. ad  
Algasiam.  
Chrysoft.  
hom. 4. in  
c. 2. epist. 2.  
ad Thessal.  
Theophyl.  
in eundem  
locum. &  
alij.

# AD LECTOREM.

itaque quid remoraretur aduentum eius,  
& multa alia de Antichristo ex doctrina  
Apostolica nouerant, quæ ex Scripturis  
non possunt clarè colligi: quæ nos omnino  
ignoraremus, nisi ea à Patribus tradita  
& exposita haberemus: quos dubitan-  
dum non est eadem à suis maioribus, &  
hos ab Apostolorum discipulis accepisse.

Cùm enim Spiritus sanctus docuisset Apo-  
stolos omnem veritatem iuxta Christi pro-  
missum, & totius Scripturæ intelligen-  
tiam: dubitari non potest, quin suis di-  
scipulis & Episcopis, quos ubique insti-  
tuebant (cum quibus tot annos versati  
sunt) omnia fidei mysteria explicuerint,  
& obscuriora Scripturarum loca eò per-  
tinentia sint interpretati, & Episcopi eo-  
rum discipuli in omnibus dubiis & ob-  
scuris quæstionibus eos consuluerint. De-  
bebat enim doctrina mysteriorum, & in-  
telligentia Scripturarum, in totum corpus

Irenæus  
lib. 3. con-  
tra hæreses,  
cap. 4.  
Basiliius de  
Spiritu  
sancto,  
c. 27.  
Epiphani-  
Hæresi 55.  
Hieron.  
dial. contra  
Lucif. c. 4.

Eccle-

*Ecclesiae, per omnes aetates, usque in finem saeculi propagari. Non enim Apostoli tantum pro seipsis, aut Ecclesia sui temporis; sed pro suis posteris, & Ecclesia sequentium saeculorum, mysteriorum fidei & Scripturarum intellectum acceperunt. Certissimum ergo est, eos successores suos & Ecclesiarum Rectores de omnibus instruxisse: qui deinde suis posteris, ea quae ab Apostolis acceperant, tradiderunt. Hinc tanta Patrum in rebus fidei omnibus saeculis consensus: hinc tanta Romanae Ecclesiae, quae traditioni Apostolicae penitus inheret, doctrinae uniformitas & stabilitas, omnis novitatis respuens. Et sane sine hac traditione nihil certi neque in Scripturis, neque in mysteriis explicandis haberemus.*

*Itaque cum multa apud Danielelem, Apostolum Paulum, & in Apocalypsi de Antichristo habeantur, & valde necessaria,*



saria sit Ecclesia eorum notitia, nimirum, quo tempore venturus, quid acturus & docturus, & quibus notis, cum venerit, possit cognosci, ut fideles tempestiuè possint moneri, ne ab illo circumueniantur: necessarium omnino fuit, ut Apostoli horum notitiam, doctrinam, & explicationem suis discipulis & successoribus traderent, & hi ulterius suis; ut sic per omnem Ecclesiam in omne ævum propagaretur. Quare sicut in aliis mysteriis obscurissimis, & cognitu necessariis, maxime ad Patrum expositionem & sententiam concordem, tamquam ab Apostolis derivatam, confugiendum est: ita in hoc arcano de Antichristo. Et quaecumque Patres unanimi consensu absolutè affirmant, ea pro indubitatis habenda; etiam si fortè non ita clarè ex Scripturis probari posse videantur. Credendum enim eos traditione illa accepisse: ut, Antichristum

fore Iudæum; venturum sub finem sæculi; gesturum se pro Messia; à Iudæis recipiendum; coacturum homines ut se pro vero Deo adorent, & Christum abnegent: persecuturum Ecclesiam Christi; cultum Christi & Sanctorum totis viribus aboliturum; ex professo apertum Christi hostem futurum; tres annos cum dimidio Ecclesiam oppugnaturum; Eliam Thesbiten, eiusque comitem perempturum, &c. Fieri enim nequit, ut tanto consensu in idem conspirent, nisi vel Scriptura apertè eos conuincat, vel illud tamquam ab initio traditum acceperint.

Ex quibus perspicuum est, quanti Patrum auctoritas sit æstimanda. Porro hanc in disputando rationem seruabo: semotis conuitiis, quæ causam numquam meliorem efficere possunt, & Rhetoricis digressionibus, more scholastico vrgebo Scripturarum & Patrum sententiis, &  
ratio-

rationibus in illorum doctrina fundatis. Deinde argumenta, quæ in libro Regis proponuntur, vel insinuantur, dissoluam, singulis in suam classsem ordinis causâ digestis. Multa priuata quæ ibi tractantur, non putavi mihi persequenda: aliis fortè id curæ erit, qui res Anglicas melius norunt. Mihi satis erit, doctrinam Catholicam generatim defendisse, & quæ illi aduersantur, refellisse. Vnde confido neminem, ne ipsum quidem Magnæ Britannie Regem, cui ego omne bonum intimo animi affectu voueo, hoc meum studium agrè laturum.

DISPUTATIO  
DE  
ANTICHRISTO  
*constat xvi. Demonstrationibus.*

- I. Ex auctoritate Doctorum, &  
omnium Patrum. n.3. Pag.3
- II. Ex absurdo. n.5. 6
- III. Ex unitate Antichristi. n.9. 10
- IV. Ex tempore & modo istius  
mutationis. n.12. 16
- V. Ex repugnantia aduersus Chri-  
stum. n.18. 24
- VI. Ex modo veniendi, & rece-  
ptione à Iudæis. n.19. 25
- VII. Ex professione Antichristi.  
n.21. 29
- VIII. Ex tempore aduentus. n.25. 38
- IX. Ex persecutione Antichristi.  
n.27. 44
- X. Ex

x. Ex miraculis Antichristi. n. 34.

<sup>56</sup>  
xi. Ex consideratione nominis.  
n. 38. 64

xii. Ex loco & sede Antichristi.  
n. 41. 69

xiii. Ex consideratione temporis  
quo regnabit persequens Ec-  
clesiam. n. 49. 91

xiv. Ex consideratione potentiae,  
& praeliorum eius. n. 56. 103

xv. Ex cōsideratione duorum Pro-  
phetarum Enoch & Eliæ.  
n. 63. 120

xvi. Ex consideratione finis Anti-  
christi. n. 76. 168

DIS-

DISPUTATIO  
DE  
ANTICHRISTI  
PRÆCURSORIBVS

*constat duabus Demonstrationibus , &  
Responsione ad quedam argumenta, &  
Appendice de Caluino.*

- I. Demonstratio sumitur ex generali ratione hærescos , quæ conuenit in Lutheranos & Caluinistas. n.1. Pag. 181
- II. Demonstratio ex decem Comparationibus inter Antichristum & Sectarios huius temporis. n.6. 192
- I. Cõparatio fit in studio abducendi homines à fide. n.7. 193
- II. In neglectu bonorum operum & licentia vitæ. n.9. 195
- III. In tollendo iugi Sacrificio. n.10. 198.
- IV. In

- IV. In tollendis Ecclesiæ Sacra-  
mentis, Officiis diuinis, Fe-  
stis, ieiuniis, &c. n. 11. 200
- V. In mutilandis Scripturis, &  
earum sententia peruerten-  
da. n. 12. 202
- VI. In tollendo mysterio sanctissi-  
mæ Trinitatis. n. 15. 213
- VII. In variis contra Deum & San-  
ctos blasphemiiis, quarum xiiii.  
genera recensentur. n. 17. 218
- VIII. In hypocrisi, & varia fraude.  
n. 30. 244
- IX. In persecutione contra Eccle-  
siam. n. 35. 252
- X. In falsis miraculis. n. 37. 258
- Responsio ad rationes, quibus Au-  
ctor Monitionis cõtendit se pro-  
bare Catholicum. n. 38. 261
- Appendix de Caluino. n. 46. 277

*Zacharia* VIII.

VERITATEM

ET

PACEM

DILIGITE.



I

D E  
ANTICHRISTO  
DISPVATIO.

*Vtrum* PAPA ROMANVS  
*sit Antichristus.*



VLTA de Antichristo  
quæri possunt: sed quod  
præcipuè in controuer-  
siam vocatur, est: Vtrum  
Papa sit Antichristus.  
Quod vt plenè tractetur,  
pleraque quæ ad An-  
tichristum pertinet explicanda sunt. cram-  
be toties cocta & recocta.

- I Nomen *Antichristus*, vt inter alios notat  
Damasceus, dupliciter accipitur in Scri-  
pturis. Primò, vt significet omnes eos qui  
Christum oppugnant; & maximè qui ne-  
gant Filium Dei venisse in carne, & esse si-  
mul Deum & hominem. Secundò, vt de-  
notet magnum illum Christi aduersarium,  
qui in fine mundi venturus describitur: qui,  
*κατ' ἐξοχήν*, *Antichristus* dicitur. Vtramque

*Lib. 4. de fi-  
de, cap. 28.  
in princi-  
pio.*

A

signi-

significationem complexus est Ioannes Epist. 1. c. 2. cùm ait: *Filioli, nouissima hora est, & sicut audistis quia Antichristus venit, nunc Antichristi multi facti sunt. Vnde scimus quia nouissima hora est.* q. d. Scimus magnum illum *Antichristum* in fine sæculi debere venire: at nunc videmus adesse multos eius præcursores, qui illi viam parant, dum Christum oppugnare incipiunt. Vnde colligimus esse nouissimam horam, seu ætatem. Verùm hîc agimus de *Antichristo* propriè & per excellentiam sic nuncupato: nimirum, Vtrùm Papa Romanus sit magnus ille Antichristus, Scripturarum mentione celebris?

SENTEN-  
TIA HÆ-  
RETICO-  
RVM.

Omnes hæretici hoc sæculo exorti affir- 2  
mant, idque volunt adeò esse cẽrtum & perspicuum ex Scripturis, vt non sit ampliùs ea de re dubitandum: & multi id velint esse articulum fidei. Hoc autem sic intelligunt & explicant, vt non velint tantùm vnum aliquem ex Summis Pontificibus esse *Antichristum*, sed longam Pontificum seriem; nimirum omnes, qui iam plurimis sæculis in Sede Apostolica successerunt, & vsque in finem sæculi succedent. His omnibus & singulis hoc nomen tribuunt. Sed magna inter eos est dissensio, dum explicare conantur, quo tempore Sedes Apostolica mutata sit in sedem

sedem Antichristianam, & Pontifices Romani cœperint esse Antichristi. Quidam enim dicunt id accidisse statim post tempora Apostolorum: alij circa annum Domini 600. alij circa 763. alij paulò post tempora D. Bernardi. quæ varietas ostendit infirmitatem huius commentii. Rationes eorum nullæ sunt præter commentitias aliquot expositiones Scripturarum: quas suis locis adducemus & refutabimus.

*Prima DEMONSTRATIO, ex auctoritate Doctorem, & omnium Patrum.*

3 **I**GITUR hanc sententiam omnino falsam esse, & omni probabilitatis colore destitutam, multis rationibus demonstrari potest; quas ad quindecim reuocabimus.

Prima, Quia omnibus Patribus, & Scriptoribus omnium sæculorum superiorum repugnat. Quod etiam ipse Lutherus fateatur (quem Lutherani iactant esse primum, qui hoc mysterium mundo detexit) qui ad cap. 49. Genesis sic ait: *Vulgata opinio est apud omnes Scriptores Ecclesiasticos, quod ex tribu Dan venturus sit Antichristus.* Et infra: *Ex omnibus scholis Papisticis nemo est qui sentiat Papam esse Antichristum.* Si omnes sentiunt Antichristum venturum ex

tribu Dan, vel saltem ex Iudæis ; si nemo est qui sentiat Papam esse Antichristum , qua fronte , quo veri colore audet Lutherus , & illum secutus Calvinus , asserere tamquam certum & manifestum , quod omni antiquitati repugnat ? Quod nulli ex Patribus tam doctis & sanctis , nulli Doctori , nulli Academiae , nulli Scriptori vel per somnum in mentem venit ? quod nec Græci , etsi infestissimis animis iam aliquot annorum centuriis ab Ecclesia Romana dissidentes, ei umquam obiecere ? nimirum tot sæculis omnes cæci fuere, nemo tantum malum videre, aut ullo modo notare potuit: nemo vel unum apicem in Scripturis , quæ de Antichristo loquuntur, intellexit, donec veniret Lutherus , & hoc mysterium mundo patefaceret ! Quis obsecro , cui sit mica sani sensus , ista credat ? Quis hîc non videat spiritum hæreticum , qui totam antiquitatem contemnit, qui se omnium ætatum Doctoribus anteponebat ?

Constituamus ex vna parte omnes Patres, omnes Scriptores Ecclesiasticos, omnia Concilia , omnes Academias , omnes Doctores & Rectores Ecclesiarum , qui à temporibus Apostolorum, usque ad nostra tempora extiterunt: hi omnes hanc calumniam à Summo Pontifice remouent ; imò nunquam

quam illis vel per leuem suspicionem id in  
mētem venit. Ex altera parte statuamus Lu-  
therum & Calvinum cum suis adhaerenti-  
bus, tandem post quindecim sæcula exortos:  
qui immenso quodam in Summum Ponti-  
ficem odio impulsī, eò quòd hæreses ipso-  
rum damnarit; vt sese de illo vindicēt, hanc  
contumeliam ei rependunt. Nunc conside-  
ret prudens Lector, vtrius sit fides adhiben-  
da; vtrorum auctoritas præponderet; vtrum  
in tribunali diuino aliquam excusationem  
obtendere possint, qui his paucis, & nouis  
magistris, quorum vita infamis, lingua ma-  
ledica, doctrina inconstans, animus odio  
inflammat, contra tantam sanctitatem,  
sapientiam, antiquitatem, dignitatem, nu-  
merositatem, adhaerint.

- 4 Nec refert quòd iactent Scripturam à se  
stare, & huic suæ sententiæ fauere. Hoc  
enim omnes hæreticorum sectæ, etsi inter se  
maximè dissideant, semper iactant. Quam  
multis in articulis dissentiunt Calvinistæ &  
Lutherani; Lutherani molles & rigidi; Pu-  
ritani & Protestantes Angli; Anabaptista-  
rum sectæ tum inter se, tum à reliquis; Sa-  
mosateni in Transilvania, & aliæ sectæ? &  
tamen singulæ æquè audacter & fortiter in-  
geminant, Scripturam à se manifeste stare,  
suam sententiam esse purum putum Dei

verbum, Spiritus sancti sensum & mentem: alios omnes spiritu vertiginis decipi. Itaque cum non habeant aliud quàm impudentiam asseuerandi, quis non videat esse recurrendum ad sententiam & expositionem veterum, qui ante has controuersias sincerè, absque affectu & partium studio, de istis scripsere?

*Secunda DEMONSTRATIO, ex absurdo.*

PRIMUM  
ABSUR-  
DUM, E-  
VERSAM  
CHRISTI  
ECCLE-  
SIAM.

SI Papa Romanus iam tot sæculis est An- 5  
tichristus; consequens est, Primò, iam  
à mille annis penitus euersam esse Christi  
Ecclesiam, penitusque extinctam, & con-  
uersam in Synagogam Antichristi & Sata-  
næ. Omnes enim, qui Christiano nomine  
censentur (exceptis paucis hæreticis, qui  
subinde exorti, & paulò pòst extincti sunt)  
adhæserunt Romano Pontifici, tamquam  
Christi locum tenèti. Si ergo ille iam à mil-  
le annis cœpit esse Antichristus, tota Chri-  
stianorum multitudo illi adhærens cœpit  
esse Synagoga Antichristi. Quomodo ergo  
Matth. 16. verum est, Ecclesiam Christi esse *fundatam*  
*supra petram*, & *portas inferi aduersus*  
*eam non preualituras*? Quomodo ipsa est  
I. ad Ti- *columna & firmamentum veritatis*?  
moth. 3.

Secundò, frustra iam tot sæculis prædi- 6  
catum

catum Euangelium, frustrà creditum, fru-  
strà tot gentes conuersas ad fidem Christi,  
& Baptismo lustratas, frustrà tot labores pro  
Christi gloria, pro salute animarum à viris  
Apostolicis susceptos, frustrà tot martyria  
obita, frustrà à tot millibus vtriusque sexus  
renuntiatum sæculo, & cōtra carnem, mun-  
dum & Satanam certatum, & in Christi se-  
quelam incubitum. Hæc enim omnia extra  
Ecclesiam Christi, in Synagoga Antichristi  
sunt inutilia. Ergo perierunt omnes maio-  
res nostri; perierunt tot animæ Deo addi-  
ctissimæ, sapientia, sanctitate vitæ, & mira-  
culorum gloria celeberrimæ: perierūt Apo-  
stoli prouinciarum nostrarum, qui Angliam,  
Germaniam, Flandriam, Hollandiam, Bra-  
bantiam, Frisiam, Daniæ, Hungariam,  
Poloniam, Prussiam, & vicina Septemtrio-  
nis regna ab Idololatria ad Christianismum  
traduxerunt. Periit Augustinus, Bonifacius,  
Beda, Anselmus, Dunstanus, Adelbertus,  
VVillebrordus, Rumoldus, VVulfrandus,  
Malachias, Bernardus, Bruno, Dominicus,  
Franciscus, Ignatius, Xauerius, aliiq̃ue innu-  
meri, quorum vita mundo fuit admirabilis:  
hi enim omnes Pontifici Romano fuere  
addictissimi, eiusq̃ue instituta & imperium  
spiritalie summa ope conati sunt propagare.

Neque possunt excusari per ignorantiam

& simplicitatem, vt quidam ex hæreticis dicunt: quia tantæ rei, vnde totum Christi regnum, & tota Ecclesiæ ratio pendet, ignorantia, in primariis Christiani orbis magistris, tolerabilis non est: & si ipsi hac in re excusari possunt, etiam Pontifices Summi per ignorantiam excusari poterunt: sicque Antichristus sine culpa Antichristus, & hostis Christi iuratissimus erit. Quo quid absurdius dici potest? Accedit quod Scriptura Apocal. 13. & alibi, apertè doceat omnes qui bestię characterem habuerint, siue qui Antichristo adhæserint, perituros: *Adorauerunt, inquit, eam* (bestiam) *omnes qui inhabitant terram, quorum non sunt scripta nomina in libro vite Agni.* & cap. 14. prolixè dicitur omnes qui bestiam adorauerint *cruciandos igne & sulphure in secula seculorum.* si omnes qui solum adorauerunt, quantò magis qui auctores fuerunt adorandi, & alios seduxerunt, & imperium bestię amplificauerunt?

TERTIVM,  
CHRISTVM  
ECCLE-  
SIAM  
SVAM DE-  
SERVISSE  
ET DECE-  
PISSE.

Tertiò, Deum tot sæculis Ecclesiã suam 7  
deseruisse, imò decepisse, & in errorem gra-  
uissimum impulisse. Permisit enim eam cõ-  
uertere in Synagoram Antichristi, & omnes  
ita excacauit, vt nullus tanto tempore exti-  
terit, qui hanc tam funestam mutationem  
posset animaduertere. Imò plurimos qui  
maximè addicti fuere Antichristo, eiusque  
regnum



regnum totis viribus conati sunt propagare, ornavit spiritu prophetiæ, & gloria miraculorum, eosque hoc nomine toto orbe fecit celeberrimos; ut patet in iis quos antè nominauimus. Ex quibus vnus S. Bernardus Galliam, Germaniam, & Italiam clarissimis miraculis impleuit.

- 8 Neque dici potest illa non fuisse vera miracula virtute diuina patrata, sed dæmonum præstigias, vel talia ut à dæmone fieri possent, ut hæretici calumniantur. Contrarium enim testatur orbis, qui illos hætenus multis sæculis, pro diuinis viris ob miracula habuit. Testatur ipsa operum magnitudo & soliditas. Non enim diabolus potest mortuos excitare, cæcos illuminare, claudis repente gressum firmum præbere, paralyticos erigere, membra mutila instaurare, qualia Sancti innumera subito fecere. neque præstigiæ sunt durabiles, sed mox euanescent. Testatur gætium conuersio, & morum correctio inde secuta. Testatur simplicitas eorum, qui illa fecerunt, & mores à commercio dæmonis alienissimi, ut qui plurimos dæmones expulerint. Denique testantur auctores illorum temporum, qui ea vel viderunt, vel ab iis qui viderant, acceperunt; quibus hæretici sine vlla ratione contradicunt. Itane omnes fatui erant, ut præstigias dæ-

FVISSE  
VERAMI-  
RACULA  
SANCTO-  
RVM.

monum pro veris miraculis venerarentur, nec vllus potuerit imposturam deprehendere, donec venirent aliquot Apostatæ libidinibus infames, qui eam retergerent? Quare nullo modo dubitandum quin diuina virtute peracta fuerint. Vnde si illi fuerunt socij & ministri Antichristi, vt hæretici volunt; Deus qui illis potestatem miraculorum contulit, eos iuuat in stabiliendo & amplificando Antichristi regno, & hac ratione omnes Catholicos decepit, vt Synagogam Antichristi crederet esse Ecclesiam Christi: quorum vtrumque blasphemum est dicere.

*Tertia DEMONSTRATIO, ex vnitae  
Antichristi.*

**S**I Papa est Antichristus, ergo non vnus, 9  
sed plurimi sunt Antichristi; nimirum omnes & singuli Pontifices qui iam à mille annis fuere, & vsque ad finem mundi sunt futuri. Itaque erunt plusquam ducenti Antichristi. At hoc repugnat omnibus Patribus, & Scriptoribus Ecclesiasticis, qui hætenus extitere; vt etiam Lutherus fatetur. Et si enim concedant plures esse Antichristos generali quadam ratione, qua omnis qui negat Christum esse verum Deum & verum hominem, Antichristus dicitur; tamen omnes  
docent

docent eum qui propriè & κατ' ἐξοχὴν Antichristus dicitur, vnicum fore, non plures: sicut vnicus est, qui propriè dicitur Christus. Idem semper fuit sensus omnium Christianorum. Omnium hanc esse sententiam testatur etiam D. Hieronymus in cap. 7. Danielis: *Ergo, inquit, dicamus, quod omnes Scriptores Ecclesiastici tradiderunt, in consummatione mundi, quando regnum destruendum est Romanorum, decem futuros Reges qui orbem Romanum inter se diuidant, & undecimum surrecturum esse regem paruulum, qui tres reges de decem illis regibus superaturus sit, id est, Aegyptiorum regem, & Africa, & Aethiopie, &c. quibus interfectis etiã septem alij reges victori colla submittent. Et ecce, ait Daniel, oculi quasi oculi hominis erant in cornu isto, ne eum putemus iuxta quorundam opinionem vel diabolum esse, vel demonem, sed vnum de hominibus, in quo totus Satan habiturus sit corporaliter, &c. Et in cap. 11. Danielis: Nostri autem & melius interpretantur & rectius, quod in fine mundi hæc sit factururus Antichristus, qui consurgere habet de modica gente, id est, de populo Iudeorum, & tam humilis erit atque despectus, vt ei non detur honor regius, &c. D. Augustinus lib. 18. de ciuit. cap. 52. in fine dicit, nullum*

MAGNUM  
ANTI-  
CHRISTVM  
ESSE VNI-  
CVM, NON  
MULTOS.

Christi

*Christianum ambigere de nouissima persecutione, nimirum quam mouebit Antichristus. Et lib. 20. cap. 23. Antichristi aduersus Ecclesiam seuissimum regnum licet exiguo temporis spatio (nempe tres annos cum medio) sustinendum, donec Dei ultimo iudicio sancti regnum accipiant sempiternum, qui vel dormitans hac legit, dubitare non finitur.* Itaque testimonio SS. Hieronymi & Augustini, omnium Scriptorum & Christianorum sensus est Antichristum fore vnum aliquem hominem, qui in fine mundi Ecclesiam persequetur.

PROB-  
TVR EX  
SCRIPTV-  
RIS ESSE  
VNICVM.

Idem optimè colligitur ex Scripturis, quæ 10  
semper de Antichristo tamquam de vno homine loquuntur. Primò, ex Epist. 2. ad Thessal. 2. ubi dicit Apostolus diem Domini non venturum, *nisi reuelatus fuerit homo peccati, filius perditionis, qui aduersatur & extollitur supra omne quod dicitur Deus, &c.* Et infra: *Tunc reuelabitur ille iniquus, quem Dominus Iesus interficiet spiritus sui, &c.* Quis non videat Apostolum de vno tantum loqui? Si tot essent Antichristi, debuisset dicere, Nisi reuelati fuerint homines peccati, filij perditionis, qui aduersantur, &c. Et tunc reuelabuntur illi iniqui, &c. Alioquin dedisset illis & Ecclesiæ futuræ occasionem maximi erroris, nimirum

mirum vt putarent esse vnicum, cùm sint tam multi : præsertim cùm in Græco ( qua phrasi scripsit Apostolus ) vbique addatur articulus qui vocem ad aliquid certi restringere solet : *ἐάν*, inquit, *μὴ ἔλθῃ ἡ ἀποστασία πρῶτον, καὶ ἀποκαλυφθῇ ὁ ἀνθρώπος τῆς ἀμαρτίας, ὁ υἱὸς τῆς ἀπολείας, ὁ ἀντικείμενος καὶ ὑπεραιρούμενος ἐπὶ πάντα λεγόμενον θεόν*, &c. Et infra, *καὶ τότε ἀποκαλυφθήσεται ὁ ἄνθρωπος*. q. d. Nisi venerit magnatilla discessio, & reuelatus fuerit ille homo peccati, ille filius perditionis, ille aduersarius : nimirum qui diuinitus est præscitus, & nobis reuelatus. Sane illa tam crebra articuli repetitio, aperte indicat de certo aliquo sermonem esse.

Secundò colligitur ex illo Ioannis 5. *Egὼ veni in nomine Patris mei, & non accepistis me: si alius venerit in nomine suo, illum accipietis.* Non dicit : si alij venerint, sed, si alius. Opponit enim se Antichristo, & dicit se venisse non sua auctoritate, sed vt missum à Patre, nec esse receptum à Iudæis pro Messia ; venturum alium, scilicet Antichristum, in nomine suo, id est non tamquam missum ab alio, sed sua auctoritate tamquam Deum à nullo procedentem ; & ipsum à Iudæis pro Messia recipiendum. ita hunc locum exponunt omnes Patres, & res ipsa cogit sic intelligere. Non enim multi venerunt

nerunt ad Iudæos, aut venturi sunt in nomine suo: nam alij pseudoprophetæ tamquam missi ab alio nimirum à Deo venturi sunt. Neque plures à Iudæis pro Messia recipiendi sunt, sed vnus tantum, qui nouissimis temporibus prodibit.

Tertiò colligitur ex Apocalypsi cap. 13. Antichristus enim est bestia illa, quam Ioannes vidit ascendentem de mari, habentem capita septem & cornua decem: de cuius capitibus vnum fuit quasi occisum in mortem, & plaga mortis illius capitis curata est: cui bestię decem reges cap. 17. v. 13. & 17. suam potestatem dabunt; quæq; cap. 19. cum regibus terræ & exercitibus facit prælium aduersus Christum & Sanctos, & apprehensa mittitur in stagnum ignis. Atqui hæc bestia est vnica & singularis; & quæ de ea dicuntur, non possunt conuenire in tantam multitudinem, sed solum in vnam personam.

Quartò, ex visionibus Danielis. Antichristus est cornu illud paruulum, inter decem cornua quartæ bestię exortum. Atqui decem illa cornua non sunt decem series & successiones regum, sed decem reges singulares; vt apertè indicatur cap. 7. in expositione visionis, cum dicitur: *Decem cornua ipsius regni decem reges erunt.* Ergo & cornu illud

lud paruulum, non est multorum successio, sed vnus rex; de quo ibidem dicitur, quòd *tres ex decem illis humiliabit, & sermones contra excelsum loquetur, & Sanctos Altissimi conteret, & regnabit tres annos cum medio.* Quæ omnia in vnum tantum, non in multitudinem congruunt.

Ex his luce meridiana clarius est, Antichristum illum eximium fore vnicum, non multos; ac proinde in tot Summos Pontifices eius personam non posse tribui.

11 Dices: 1. Ioan. 2. Antichristus dicitur omnis qui negat Iesum esse Christum: *Quis, inquit, est mendax, nisi is qui negat quoniam Iesus est Christus? Hic est Antichristus, qui negat Patrem & Filium.* Loquitur autem de Antichristo primario, quia Gracè est articulus, ἑτός ἐστιν ὁ Ἀντίχριστος ὁ ἀρνέμενος τὸν Πατέρα καὶ τὸν Υἱόν. Et Epist. 2. *Multi seductores exierunt in mundum, qui non confitentur Iesum Christum venisse in carne. hic est seductor & Antichristus.* Gracè, ἑτός ἐστιν ὁ πλάνος καὶ ὁ Ἀντίχριστος.

OBIE-  
CTIO.

Respondeo, solum significari tales omnes magni Antichristi duci spiritu, & eadem <sup>RESPON-</sup>  
<sup>SIO.</sup> operari: vnus enim idemque spiritus qui possidebit & reget magnum Antichristum, etiam illos possidet & regit, & eadem in illis & per illos operatur. Sicut enim si quis vende-

venderet, & proderet Vicarium Christi, vel virum aliquem sanctitate eximium, rectè de illo diceretur; Hic est Iudas proditor, nimirum spiritu & imitatione : ita rectè de quouis tali hæretico dicitur; Hic est Antichristus, nimirum spiritu & repræsentatione. sic de Ioanne dictum Matthæi 11. *Ipse est Elias qui venturus est.*

*Quarta DEMONSTRATIO, ex tempore & modo istius mutationis.*

**S**I Sedes Romana facta est sedes Anti-<sup>12</sup>  
Christi; peto Primò, Quàdo facta sit hæc mutatio, & quo Pórtifice? Quis fuit primus, qui ex vero Pastore Ecclesiæ, & Christi vicario, factus est hostis Ecclesiæ, & Christi iuratus aduersarius? Secundò, Quomodo nemo Scriptorum veterum huius mutationis meminit? non enim potuit latère, cùm esset maxima. Nam non potest esse maius discrimen, magisque palpabile, quàm inter regnũ Christi & Antichristi; cùm doctrina, moribus, & cultu religionis hæc regna ex diametro sint opposita. Vnde etiã sine maxima mundi perturbatione hæc mutatio fieri non potuit. Si enim cùm Angliæ regnũ non ita magnum ex Catholico factum est hæreticum, & Princeps ex subdito Ecclesiæ & filio,



filio, se extulit in caput Ecclesiæ & Pastorem, non modica perturbatio fuit in regno, & totus mundus facile eam conuersionem rerum aduertit: similiter cum in aliis prouinciis mutatio aliqua Religionis facta est, omnibus fuit conspicua & notabilis: quanto magis toti mundo conspicua esse debebat horrenda illa mutatio, qua Ecclesia Christi per totum orbem diffusa, facta est synagoga Antichristi, & ipse Christi generalis Vicarius mutatus est in Christi supremum hostem, omnium Christi hostium antesignanum? At nullus Scriptorum ullius talis mutationis aut perturbationis meminit. Nullus mortalium tot sæculis eam vel leuiter est odoratus. Vnde apparet quàm stolidum & cæcum sit hoc commentum; & quàm nihil mētis habeant, qui illud credūt.

- 13 Respondent hæretici hanc mutationem sensim esse factam per aliquot annorū centurias, & ita non fuisse animaduersam. Perdetentim enim introductas superstitiones, & tandem accessisse complementum, quo formatus est Antichristus.

RESPON-  
SIO HÆ-  
RETICO-  
RVM.

Sed perspicuum est, hæc solùm esse effugia, ne cogantur ostendere quando & in quo Pontifice facta sit hæc tanta mutatio. Nam quod attinet ad ea, quæ ipsi superstitiones vocant, vt cultum Sanctorum, vene-

REFUTA-  
TVR.

rationem imaginum, Missas pro defunctis, & similia; hæc non sunt sensim introducta, sed ab initio fuerunt in Ecclesia, vt à Catholicis DD. clarissimè est demonstratum. Deinde nulla vmquam facta est mutatio in Religione per hæreses, quin statim animaduersa fuerit, & turbas contentionesque excitauerit, Catholicis Episcopis & Doctoribus se opposentibus. Vnde omnium hæresum initia, auctores, successus & exitus assignare possumus, nimirum quando singulæ exortæ, quibus auctoribus, à quibus oppugnatae, & damnatae. Quinam ergo fieri potest, vt tanta mutatio (qua nulla potest esse maior in Religione) omnes latuerit, & nemo Doctorum, nemo sanctorum viro- rum illam animaduernerit; nemo conferens præsentem Religionem cū veteri, quæ quinque primis sæculis vixit, potuerit notare immanem illam distantiam & discrimen immensum? Denique non potuit non esse summum discrimen & maxime notabile inter eum Pontificem, qui primus se extulit in Antichristum, & inter præcedentes, qui non fuerunt Antichristi. Ergo non potuit illud latere homines illius temporis, qui illum & priores nouerant, eorumque statum & rationem gubernandi perspectam habebant.

Auctor

14 Auctor in Præfatione pag. 99. dicit Bonifacium Tertium fuisse primum Papam Antichristum : *Primum, inquit, illum hominem intelligo Bonifacium Tertium, qui primus se nūcupauit Vniuersalem Episcopum, quo titulo sanctus Gregorius, qui vitam vsq; ad tertium annum ante Pōtificatum illius produxit, ipsum Antichristum cognoscendum fore prædixerat, siue eius, ut ipse loquitur, præcursorem.*

SENTENTIA AVCT.  
PRAEFATIONIS  
DE BONIFACIO III.

Verum hæc facilè refutantur. Primò, Inter Bonifacium & Gregorium vix intercessit triennium: Gregorius autē fuit sanctus, ut hîc fatetur: ergo si Bonifacius fuisset Antichristus, maximum inter hos, eorumque gubernandi modum, fuisset discrimen; nec sine magna rerum perturbatione potuisset illa mutatio, qua Præfuli sancto successit Antichristus, & gubernationi consentaneæ Euangelio Christi, imperium tyrannicum Euangelio directè oppositum, peragi. At nullum discrimen est animaduersum, nulla extitit perturbatio aut admiratio in illa successione. Nam Bonifacius ille Gregorio non fuit dissimilis, & breui illo tempore quo præfuit (nam nono mense obiit) conuocata Synodo multa præclara constituit. Secundò, Si ideò factus est Antichristus, quia primatum & auctoritatem in vniuer-

REFUTATVR.

sam Ecclesiam sibi vendicauit; ergo omnes omnino Pontifices fuerunt Antichristi, etiam B. Petrus, Linus, Cletus, Clemens, & ceteri. Omnes enim hanc auctoritatem & eminentiam supra omnes Christianos & omnes Ecclesias habuerunt, & in se agnouerunt; ut plurimi ex Catholicis Doctoribus fuisse demonstrarunt. Qua de re alibi vberius dicendum.

Et sanè si Reges Anglię in suis regnis vsurpant sibi primatum in spiritualibus, nouo post tot sæcula exemplo, & tamen non dicuntur idcirco magnus ille Antichristus: cur Pontifex Romanus ratione primatus in totam Ecclesiam, quem tot sæculis sine controuersia obtinuit, Antichristus dicetur? Nec refert quòd Rex Anglię non arroget sibi illum primatum nisi in suis regnis: quia si potestas ipsius temporalis extenderetur per totum orbem, etiam supra Ecclesias totius orbis sibi primatum spiritalem vindicaret. quo casu necesse esset ipsum planè fieri Antichristum, si Summus Pontifex ob primatum in totum orbem est Antichristus.

Tertiò, Si titulus ille vniuersalis Patriarchę vel vsurpatio primatus facit Antichristum, etiam Constantinopolitani Patriarchę fuerunt Antichristi, qui hunc titulum sibi iniquè multis sæculis vsurparunt. Et si  
Alexan-

Alexandrinus eundem vsurparet , etiam Antichristus fieret : sicque multos Antichristos simul habere possemus.

- 15 Quod ad factum Bonifacij attinet, nihil novi iuris impetrauit à Phoca Sedi Apostolica, quod antea omnes decessores eius non habuissent ; sed impetrauit vt finis imponeretur diutinae contentioni Patriarcharum Constantinopolis , qui cōtra antiquam sanctorum Patrum traditionem, & tot sæculorum receptum morem, in præiudicium Sedis Apostolicæ sibi titulum Patriarchæ Oecumenici vsurpabant : ne videlicet ipse id permetteret , sed honorem primatus Sedi B. Petri reseruari iuberet. Neque Bonifacius hoc egit vt titulus Oecumenici seu Vniuersalis Patriarchæ sibi tribueretur, sed ne Constantinopolitanus illum vsurparet. Vnde verum non est ipsum à Phoca hunc titulum impetrasse : præsertim cūm Phocas ipsum non vocet *Patriarcham Oecumenicum*, sed *caput Ecclesiarum*. Constituit autem Phocas vt Romanus Pontifex iuxta Apostolica dogmata , & sanctorum Patrum vetustissimam traditionem, primum omnino locum in Ecclesia Catholica retineret : secundum verò Constantinopolitanus Antistes . Ita Beda lib. de ratione temporum, & Paulus Diaconus lib. 4. c. 21. Historiæ Longobar-

FACTVM  
BONIFA-  
CII.

AD TESTI-  
MONIUM  
S. GREGO-  
RII.

dicę: Platina & Ciacconus in Bonifacio III.  
Testimonium Gregorij à nobis facit. Non 16  
enim dicit Gregorius, *ipsum Antichristum fore agnoscendum titulo Vniuersalis Episcopi*, vt Auctor ei imponit; sed dicit cum qui hunc titulum vsurpat, Antichristum sua elatione præcurrere. Quantum autem inter hæc duo, *esse ipsum Antichristum, & esse præcursorem Antichristi*, intersit, nemo non videt: & tamen Auctor hæc duo prò iisdem nobis obtrudit. Verba Gregorij lib. 6. Epist. 30. sunt: *Nymquid non, cum se Antichristus veniens Deum dixerit, frivolum valdè erit? sed tamen nimis perniciosum. Si quantitatem sermonis attendimus, duæ syllabæ sunt: si verò pondus iniquitatis, vniuersa perniciēs. Ego autem fidenter dico, quia quisquis se Vniuersalem Sacerdotem vocat, vel vocari desiderat, in elatione sua Antichristum præcurrit, quia superbiendo se ceteris anteponit. Ex quo testimonio habemus, Primò, ipsum Antichristum se venditaturum pro vero Deo. Secundò, qui vsurpat sibi iniquè titulum eminentiæ supra omnes Sacerdotes, cum esse præcursorem Antichristi, iuxta sententiam Gregorij, siue sit Ecclesiasticus, siue Princeps sæcularis. Tertiò, Patriarchas Constantinopolis potius esse præcursores Anti-*

Antichristi, qui hunc titulum sibi iniquè arrogant, quàm Pontifices Romanos, qui hoc titulo non vtuntur, etsi ipsis quodam sensu iure competat, & à multis Conciliis, Patribus, & Principibus sit tributus. Neque verum est numerum nominis bestię, qui est 666. in Bonifacium III. competere, vt vult Auctor Præfationis. Neque enim hoc nomen *Bonifacius* hunc numerum reddit. Neque *Latinus*; præterquam quòd *Latinus* non sit nomen proprium, sed commune omnibus Pontificibus, & plurimis Imperatoribus, &c. Vnde ex eo nihil certi potest colligi. Græcum autem *λατῆνος*, numerum illum conficit; sed neque proprium est (de quo Ioannes loquitur) vt omnes Interpretes exponunt; neque vsitatum, sed barbarum. Nihil enim *λατῆνος* significat. Quod autem additur de numero annorum, planè ridiculum est; vt infrà ostendetur.

DENVME-  
RO NOMI-  
NIS BE-  
STIÆ.

- 17 Novi Samosatēni dicunt Papam factum Antichristum, paulò post tempora Apostolorum, quando abolito vero Christo, qui erat purus & simplex homo, introduxit Christum falsum & geminum, qui simul sit Deus & homo: & abolito Deo vno, introduxit Deum trinum: Ecce qualia monstra tellus sustinet. Sed hi nec nomen quidem Antichristi intelligere videntur. Non

NOVI SA-  
MOSATE-  
NI.

enim Antichristus dicitur, qui Christum extollit & Deum facit; sed qui se contra Christum extollit, & pro Deo venditat; vt apertè Apostolus docet 2. ad Thessal. 2. Deinde se potius Antichristos esse demonstrat. *Omnis enim spiritus, qui soluit Iesum, ex Deo non est, & hic est Antichristus;* vt 1. Ioan. 4. dicitur. Illi autem Iesum soluunt: quia Deum negant. Soluere enim Iesum, est negare vnionem humanę & diuinę naturę, & illum vel solum Deum, vel solum hominem confiteri. Omitto alia quę contra hoc commentum adferri possent.

*Quinta DEMONSTRATIO, ex  
repugnantia aduersus Christum.*

**A**NTICHRISTVS ex diametro se 18  
opponet Christo, & se eius aduersarium profitebitur. Dicit enim se esse verum Messiam in Lege promissum: & Christi Religionē conabitur extirpare. Ita docent omnes Patres, & colligitur manifestè ex Scripturis, Ioan. 5. 2. ad Thessal. 2. & ex ipso nomine. *Αντίχριστος* enim significat aduersarium Christi, vt inquit Damascenus lib. 4. de fide, cap. 28. Isidorus lib. 8. orig. c. 11. & alij. Oportet autem vt se gerat pro tali; alioquin non esset præcipuo quodam modo aduersa-

GERET SE  
ANTI-  
CHRISTVS  
PRO AD-  
VERSARIO  
CHRISTI.



uerfarius, fed occulte tantum, & fub fpecie amici vel ferui. Perfpicuum enim eft, cum longè perfectius eſſe, & dici Antichriftum, qui palam fe hoſtem Chriſti profitetur, & eius cultum ac regnum exterminare conatur, quàm qui occultè fub fpecie amici.

At Summi Pontifices tantum abeſt vt profiteantur fe Chriſti aduerſarios, vt glorientur fe dici eius miniſtros, & Vicarios; & humillimè fe Chriſti inſtitutis & præceptis ſubiiciant, Chriſto facrificium offerant, indignos fe eius miniſterio fateantur, ad pedes aliorum Chriſti ſeruorum accidant, vt per eos virtute Chriſti eis communicata à peccatis abſoluantur, & Chriſti gratiæ fiant participes. Denique toti in eo ſunt, vt & ipſi & omnes Chriſtiani Chriſtum humillimè ac deuotiſſimè colant, & vt eius cultus per totum mundum propagetur. Hæccine ſunt ſigna iurati aduerſarij? Et quanam tandem ratione poſſet oſtendere fe gloriæ & regni Chriſti illuſtrandi eſſe cupidiorem, aut magis ſtudioſum?

*Sexta DEMONSTRATIO, ex modo  
veniendi, & receptione à Judæis.*

- 19 **A**NTICHRISTVS *veniet in nomine ſuo,*  
vt Dominus ait Ioan. 5. id eſt, non  
B 5 tam-

tamquã missus ab alio , à quo auctoritatem acceperit, ( sicut Christus venit in nomine Patris sui ) sed veniet vt à se ipso auctoritatẽ habens à nullo acceptam, vt perspicuum est ex loco illo Ioan. *Ego veni in nomine Patris mei, & non accepistis me; si alius venerit in nomine suo, illum accipietis.* At Pontifex Romanus non venit in nomine suo, id est tamquam à se ipso auctoritatem habens, sed vt seruus & minister Christi.

RECIPIE-  
TUR A IUDÆIS.

Deinde Antichristus cùm venerit, recipietur à Iudæis pro Messia, vt apertè hîc Dominus insinuat, cùm ait, *Illũ recipietis.* Quod etiam indicat Apostolus 2. ad Thesal. 2. cùm ait: *Ideò, (nẽpe quia charitatem veritatis non receperunt vt salui fierent) mittet illis Deus operationem erroris, vt credant mendacio, &c.* id est, quia Christum recipere noluerunt, permittet Deus vt seducantur ab Antichristo, eumquẽ pro Messia excipiant, &c. Quòd enim de Antichristo loquatur, patet ex verbis præcedentibus: *Cuius est aduentus secundum operationem Satanae, in omni virtute & signis & prodigiis mendacibus, & in omni seductione veritatis, iis qui percunt; eò quòd charitatem veritatis non receperunt, &c.* Vbi etiam Iudæos rectè denotat, qui Christum volebant recipere.

Eadem

20 Eadem est communis Patrum sententia.

Irenæus lib. 5. de hæresibus cap. 25. *Et Dominus hoc idem non credentibus sibi dicebat: Ego veni in nomine Patris mei, & non recipistis me: cum autem alius venerit in nomine suo, illum recipietis. Alium dicens Antichristum, quoniam alienus est à Domino, &c.* Vbi Irenæus etiam explicat vim illius particulæ *si per cum*: quia re vera non denotat euentum incertum, sed certum, & certę personę.

PROB-  
ATUR IDEM  
EX PA-  
TRIBVS.

Hippolytus Martyr de consummatione sæculi, dicit *Antichristum suscitaturum regnum Iudeorum*. & infrà dicit illum *ex Iudeis*, nimirum ex tribu Dan nasciturum, & *Ierosolymis templum excitaturum*, & *Iudeos illum ut Saluatorem suscepturos*.

Hieronymus ad Algasia q. 11. exponens locum Apostoli 2. ad Thessal. 2. *Faciet hæc omnia non sua virtute, sed concessione Dei propter Iudeos, ut qui noluerunt suscipere charitatem veritatis, hoc est, spiritum Dei per Christum, &c. mittet illis Deus non operatorem, sed ipsam operationem, id est, fontem erroris ut credant mendacio*. Et infrà: *Nunc autem ideò iudicandi sunt, imò procul dubio condemnandi, quia Christi veritate contempta, postea mendaciū, id est Antichristum suscepturi sunt*.

Ambrosius in Epist. 2. ad Thessal. c. 2. ex illo loco Ioã. 5. *Si alius venerit in nomine suo, illum*

*illum recipietis; infert: Quamobrem ex circumcissione aut circumcisum illum venire sperandum est, ut sit Iudæis credendi illi fiducia.*

D. Augustinus tract. 29. in Ioannem: *Ego veni in nomine Patris mei, & non suscepistis me: alius veniet in nomine suo, hunc suscipietis. significauit eos Antichristum suscepturos, qui gloriam nominis sui quesiturus est, &c.*

Cyrillus Catechesi 15. *Si tamquam Christus ad Iudæos veniet, à Iudæis sanè adorari volet, ut illos maximè decipiat: studiosissimum se ostendet illius templi, ut ipse de progenie David esse videatur, &c.*

Ephrem Syrus de consummatione sæculi: *Supra modum Iudæorum gentem honorabit, quòd scilicet hi maximè expectent illius aduentum, tamquam veri Messia, &c.*

Hilarius can. 25. in Matth. *A Iudæis susceptus (Antichristus) loco sanctificationis insistet, &c.*

Nazianzenus orat. 47. *Quod ad hunc locum attinet, Abominatio desolationis stans in loco sancto: aiunt fore ut Ierosolymitanum templum rursus extruatur, atque Antichristus à Iudæis Christus credatur, in eoque sedeatur, &c.*

Gregorius lib. 11. epist. 3. *Quia Antichristus populum Iudaizare compellit, ut exterioris legis ritum reuocet, & sibi Iudæorum perfici-*

*perfidiam subdat, coli vult Sabbatum, &c.*

Damascenus lib. 4. de fide, c. 28. *Ergo Iudæi Dominum Iesum Christū, ac Deum Deiq; Filium haudquaquam receperunt: impostorem contrā, diuinitatem sibi arrogantem, recipient.* Idque probat ex duobus locis Scripturæ, Ioan. 5. & 2. ad Thessal. 2. Idem ex iisdē locis probat Prosper in dimidio hebdomadis, cap. 9. & Theodoretus in Daniele orat. 7. explicans illum versiculum, *Iudicium sedit, &c.*

Theophylactus in cap. 5. Ioan. & in cap. 2. Epist. 2. ad Thessal. Denique ceteri omnes interpretes in eadem Scripturæ loca docent Antichristum à Iudæis pro Messia recipiendum. Hinc communiter Patres docent illum fore Iudæum, & instauraturum templum, Sabbatum, ac circumcisionem, aliasq; cærimonias. At numquam Pontifices se venditarunt pro Messia: neque vñquam à Iudæis pro Messia suscepti: Imò nullus eorum à mille annis est ex Iudæis.

*Septima DEMONSTRATIO, ex professione Antichristi.*

21 **A**NTICHRISTVS se venditabit pro vero Messia in Lege promisso, imò se ipsum faciet Deum, vt indicat Dominus  
Ioan.

Ioan. 5. cùm ait : *Si alius venerit in nomine suo, illum recipietis* : nimirum tamquam Messiam, vt omnes Patres intelligunt; & ipsa antithesis, quam ibi Dominus inter se & illum facit, postulat, & satis ostensum est in 6. Demonstratione. Non autem credibile recipiendum pro Messia, nisi ipse pro tali se gerat, & se Messiam affirmet.

PROFITE-  
BITUR SE  
DEVM.

Quòd etiam se Deum faciet, indicat illud, *in nomine suo*. Si enim non veniret vt Deus, necessariò deberet comparere tamquam missus à Deo : & ita non veniret in nomine suo. Hæc enim duo Christus opponit, *venire in nomine Patris*, siue Dei; & *venire in nomine suo*. Itaque hoc ipso quo dicitur ipsum venturum *in nomine suo*, perspicuè insinuat ipsum cõpariturum tamquam Deum, qui sua, non ab alio accepta, nitatur auctoritate. Idem clarè docet Apostolus 2. ad Thessal. 2. *Qui aduersatur & extollitur supra omne quod dicitur Deus, aut quod colitur; ita vt in templo Dei sedeat, ostendens se tamquam sit Deus* : vel vt Græca habent : *ὁποδεύων & ἐαυτὸν ὅτι θεὸς*, ostendens se quòd ipse sit Deus. Efferet itaque se supra Christum, & omnes deos Gentium, & sibi soli diuinitatem arrogabit, seq; tamquam Deum adorari faciet. Idem habetur Danielis 11. *Et eleuabitur & magnifi-*

*gnificabitur aduersus omnem Deum: & aduersus Deum decorum loquetur magnifica.* & intra: *Et Deum patrum suorum non reputabit.* Denique idem communi consensu docent Patres, quorum verba producere, nisi res esset satis clara ex Scripturis. Nam vix clariùs dici potest.

- 22 At hæc omnia immane quantum distant à professione & moribus Pontificum. Nullus enim vmquam se pro Messia venditauit: nullus se supra aut contra Deum extulit: nullus se vt Deum ostētauit, aut vt Deus coli voluit. Omnes confitentur se seruos, & ministros Dei, & Christi, eoque nomine gloriantur: neque solum *seruos Dei*, sed etiam *seruos seruorum Dei*. Numquam aliquis Princeps tam humili titulo in suis litteris & diplomatibus vsus est. Nemo Catholicorum adeò vecors vmquam fuit, vt Pontificem Summum pro Deo propriè dicto colendum, aut habendum senserit: quamuis à quibusdam metaphoricè *Deus in terris* dictus sit: nimirum, quia in terris est supremus, & Dei locum tenet. Simili forma loquendi Dominus Exodi 7. dixit Moyfi: *Cōstitui te Deum Pharaonis, & Aaron frater tuus erit Propheta tuus.* & Psal. 81. Principes ac Iudices Dij vocantur.

- 23 Respondet Auctor in Præfatione pag. 57.

*Ponti-*

RESPON-  
SIO AVCT.  
PRÆFAT.

*Pōtificem se extollere supra omne quod dicitur Deus; quia extollit se supra Reges, & supra Episcopos: de quibus dicitur, Ego dixi, Dī estis.*

REFUTA-  
TVR.

Sed hæc responsio facile refutatur. Primò, Si nihil aliud est extollere se supra omne id quod *dicitur Deus*, quàm extollere se supra Reges Christianos & Prælatos Ecclesiasticos, non est per se malum; sed fieri potest, ut quis absque culpa & laudabiliter id faciat. Ponamus enim Christum aliquem constituere suum Vicarium, ei que omnem eam auctoritatem dare, quam re ipsa Catholici dicunt Pontifici concessam (quis enim dicat Christum id facere non posse?) iste iure sibi in omnes auctoritatem vindicabit, & suprà utriusque gladij potestatem se efferet. Itaque absque culpa se extollet *supra omne id quod dicitur aut colitur Deus, & sedebit in Ecclesia ostendens se esse Deum.* At hoc non nisi absurdissimè dici potest; Apostolus enim ut atrocissimum scelus illud refert, in quo, teste Gregorio, *est uni-versa perniciēs.* Secundò, Si Rex Angliæ haberet tam latum Imperium, quàm olim habuere Imperatores Romani, extolleret se supra omnes Reges & Episcopos: supra Reges, ut Imperator; supra Episcopos omnes, ut primum Ecclesiæ sibi vindicans: & tamen non idcirco putaret in se competere ista

Lib. 6. epist.  
30.



ista verba Apostoli : alioquin se faceret Antichristum. Tertiò, Antichristus non minùs se faciet Deum, quàm olim fecerunt aliqui Principes Ethnici: nam vincet omnes impietate & superbia. Atqui multi Principes Ethnici non solum extulerunt se supra *viriusque gladij potestatem*, sed etiam arrogarunt sibi honores diuinos, & voluerunt vt dii adorari; vt Nabuchodonosor, Nero, Caligula, & multi alij. Ergo Antichristus venditabit se non solum pro Principe supremo, cui omnes mortales subsint, sed etiam pro vero Deo, voletque honore diuino coli. quod expressè indicat Apostolus, cum ait: *Ita vt in templo Dei sedeat, ostendens se tamquam sit Deus*, nimirum, vt adoretur. Et Apocalypsis 13. omnes coguntur illum adorare, & recusantes iubentur occidi: sicut olim sub Nabuchodonosor, Danielis 3.

Quartò, Nomen *Deus* in illis verbis Apostoli non accipi metaphoricè pro solis Regibus vel Iudicibus, sed propriè & generatim pro omni eo, cui hoc nomen ab hominibus in propria significatione, siue verè, siue falsò tribui solet, patet ex illa forma loquendi, *qui extollitur supra omne quod dicitur Deus*: Græcè, ὅτι πάντα λεγόμενον θεόν. At præter Iudices, quibus solum improprie

NOMEN  
DEVS AC-  
CIPIT PRO-  
PRIE AB  
APOSTO-  
LO.

hoc nomen tribuitur, multi sunt alij, quibus tribuitur in propria significatione, etsi quibusdam falsò; vt Iupiter, Mars, Mercurius, &c. & ipse Christus, cui tribuitur verè. ergo etiam supra hos se extollet. Idem confirmat illud, *aut quod colitur*, Græcè *σέβασμα*: quæ vox generatim significat *numen quod religiosè colitur*, vt etiam Erasimus annotauit; & ita vertit hoc loco. plerumque autem accipitur pro Idolo; vt Sapientiæ 15. & Actorum 17. & hoc loco; vt passim Patres exponunt. Itaque non agitur de Iudicibus, sed de numinibus, quibus honores diuini impenduntur. Quintò, Antichristus negabit Christum esse Deum, & se ipsum Messiam esse dicet, vt ostensum est; hinc Ioan. 2. dicitur, *eum esse Antichristum, qui negat Iesum esse Christum*, seu Messiam promissum; nempe quia ducitur spiritu Antichristi, qui hoc penitus negaturus est, vt se Messiam faciat. Atqui Christus secundum Scripturas est verus Deus, & pro tali colitur à Christianis: ergo Antichristus se dicet verum Deum. Sextò, Idem colligitur ex loco Daniëlis supra allato; vbi dicitur, quòd *eleuabitur aduersus omnē Deum: nec quemquam Deorū curabit, quia aduersus vniuersa consurget*. Quis hæc interpretetur de Iudicibus? Septimò deniq. communis omnium

nium veterum & recentiorum sententia est, quòd Antichristus se iactabit esse verum Deum, & coget homines ad se adorandum instar Dei: nec ulli umquam istud commentum de Diis metaphoricis, hoc est Iudicibus, in mentem venit. Vnde cùm hæretici dicunt Pontificem esse Antichristum, & nihilominus affirmant illum colere Idola, & Idolorum cultum ( sic enim sacrarum Imaginum venerationem vocant ) promouere, se ipsi euertunt. Si enim est Antichristus, ergo non promouebit, sed tollet cultum Idolorum, vt ipse solus publicè colatur: vt apertè ex Scripturis & Patribus colligitur. Si autem promouet cultum Idolorum, & ipse se illis publicè supplicem præbet: ergo non est Antichristus, qui aduersus omnem Deum consurget, & supra omnem se extollet.

- 24 Dices: Si Antichristus geret se pro Deo, & omnibus aliis Diis aduersabitur, eosque exterminabit; quomodo ergo Danielis 11. dicitur: *Deum autem Maozim in loco suo venerabitur?* Respondeo: Etiam si publicè se gerat pro Deo; tamen priuatim in arce aliqua poterit colere diabolum, cuius opera in omnibus vtetur, à quo eius fortuna, & successus omnis pendeat.

Ex his patet illos quinque actus (in qui-

bus Auctor pag. 57. vult Pontificem se gere-  
 re vt Deum) primò, *Quòd peccata con-*  
*donet*: secundò, *Quòd animas redimat*:  
 tertio, *Quòd articulos fidei definiat*: quar-  
 to, *Quòd omnium censor esse velit & Iu-*  
*dex*: quinto, *Quòd ipse à nemine velit*  
*iudicari*: non sufficere. quod vltèrius con-  
 firmo. Nam quod ad primum & secun-  
 dum actum attinet, si isti sufficiunt; ergo  
 omnes Sacerdotes in Ecclesia Catholica  
 gerunt se vt Deus, iuxta mentem Aposto-  
 li. Omnes enim peccata condonant, om-  
 nes peccatis captiuas animas è miserabili  
 illa seruitute eripiunt. Omnes itaque erunt  
 Antichristi. Sed hæc non faciunt sua au-  
 ctoritate, sed auctoritate à Christo accepta  
 (qui Apostolis suis, & in Apostolis omnibus  
 Sacerdotibus dixit: *Accipite Spiritum san-*  
*ctum, quorum remiseritis peccata, remit-*  
*tuntur eis, &c.*) nec suis meritis, sed Christi;  
 applicando pretium sanguinis ipsius Sacra-  
 mentis inclusum. Vnde in hoc opere non  
 ostendunt se esse Deum, sed ministros Dei,  
 & dispensatores mysteriorum Christi. Pro-  
 priè tamen non dicuntur Sacerdotes *ani-*  
*mas redimere*: quia *redimere* propriè est pre-  
 tium dependere, & de suo soluere. Hoc so-  
 lus Christus facit. Vnde ipse solus propriè  
 dicitur *animas redimere*. Quodam tamen  
 sensu

Ioan. 10.

sensu potest dici *redimere* etiam is qui pretium solutum defert & applicat; vt exemplis humanis constat. Et hoc modo conuenit Summo Pontifici, & Sacerdotibus omnibus: quia pretium redemptionis Sacramētis inclusum peccatoribus applicant, & sic à peccato & damnatione eripiunt.

Neque tertius sufficit. quia etiam Apostoli *articulos fidei definierunt*, quando declararunt gentibus legalium obseruationem non esse necessariam, Act. 15. Et cuius tandem erit, obortis controuersiis, statuere, quid in Ecclesia vniuersa sit tenendum, nisi eius, qui loco Christi toti Ecclesiæ præsidet, adhibitis aliis inferioribus Ecclesiarum Principibus? Omitto quòd Princeps & Parlamentum in Anglia articulos fidei definiant, & quid credendum sit statuunt, & præcipiant.

Quartus etiam & quintus non sufficiunt, vt ostensum est nu. 23. in principio: Quia rex Britannia nullum Iudicem, vt opinor, agnoscit in terris, & tamen non ideò se propriè Deum facit. Et si esset Monarcha tantus, quantus olim Imperator Romanus, se etiam omnium hominum Imperio subditorum censorem, & Iudicem censeret, à nemine iudicandum. Nemo tamen rectè dixerit, ipsum se Deum facere.

Denique nec omnes simul sufficiunt,

quia in merum hominem omnes cadere possunt, vt ostensum est : imò præcipui omnibus Sacerdotibus conueniunt. Longè enim excellentius, admirabilius, & diuinius est à peccatis absoluerè, animas Deo reconciliare, Eucharistiam consecrare, quàm omnibus Regibus imperare, & posse de eorum regnis etiam pro arbitrio disponere.

*Octaua DEMONSTRATIO, ex tempore aduentus.*

**A**NTICHRISTVS non est venturus 25  
 nisi sub finem mundi, nimirum paulò ante secundum Domini aduentum. Falsum ergo est Summos Pontifices iam tot sæculis Antichristos fuisse. Antecedens clarè conuincitur tum ex Scripturis, tum ex communi omnium Patrum sententia. Ex Scripturis. Nam 2. ad Thessal. 2. monet Apostolus, vt nemo sibi persuadeat instare diem Domini, nisi reuelatus fuerit Antichristus: quasi eius reuelatio sit signum illius diei imminientis. Matth. 24. cùm Apostoli petiissent aliqua signa secundi aduentus, & consummationis sæculi; Dominus tradit illis quinque signa, quæ debent antecedere. Primò, Generis humani magnam perturbationem: *Consurget, inquit, gens contra gentem,*

*gentem, & regnum aduersus regnum, & erunt pestilentie, & fames, & terremotus per loca. Hæc sunt initia dolorum.* Secundo, Multorum à pseudoprophetis seductionem: *Et multi, inquit, pseudoprophetae surgent, & seducent multos.* Sicut enim Christus Prophetas habuit præcursores, qui illi viam in mentibus hominum pararent: ita Antichristus pseudoprophetas præcursores habet, qui mentes hominum ad ipsius aduentum disponant: quales sunt omnes hæretici, & maximè hæresiarchæ, vt Lutherus, Caluinus, Menno, Melanchthon, & similes. Hi seducent multos. Hoc signum nostro sæculo magis quàm vmquam videmus impleri. Tertiò, Prædicationē Euangelij in toto orbe: *Prædicabitur, inquit, hoc Euangelium regni in vniuerso orbe in testimonium omnibus gentibus; & tunc veniet consummatio.* Quartò, Maximam tribulationem seu persecutionem, qualis non fuit ab initio mundi; cuius typus fuit calamitas Iudæorum in excidio Vrbis. Hanc inferet Antichristus, vt communiter docent Patres. Quintò, Signa cælestia, & perturbationem Elementorum, quæ statim post inchoatam persecutionē Antichristi incipient; eruntq; aduentui Domini propinqua: *Statim, inquit, post tribulationem dierum illorum sol*

QUINQUE  
SÆCULI  
ADVENTVS  
SVI SI-  
GNA A DO-  
MINO  
TRADITA.

*obscurabitur, &c. post tribulationem, inceptam nimirum, non completam, ut ex Apocal. cap. 6. v. 13. colligitur. Itaque non erit magna mora inter aduentum Antichristi, & finem sæculi. Idem colligitur ex cap. 7. Danielis. Vbi Daniel postquam vidit cornu paruulum, ortum inter decem cornua quartę bestię, loquens grandia contra Altissimum (quo ex communi Patrum sententia significatur Antichristus) statim vidit thronos positos, & antiquum dierum sedentem ad iudicandum orbem. Et infrà: Aspiciebam, & ecce cornu illud faciebat bellum aduersus Sanctos, & praualebat eis, donec venit antiquus dierum, & iudicium dedit Sanctis. Idem paulò post dicitur adhuc apertius.*

VENTV-  
RVM SVB  
FINEM  
MVNDI  
DOCENT  
PATRES.

Ex Patribus quoque eadem res est per- 26  
spicua. Irenæus lib. 5. cap. 30. *Cum vastauerit Antichristus omnia in hoc mundo, regnans annis tribus & mensibus sex, & sederit in templo Ierosolymis, tunc veniet Dominus de calis in iudicium.* Tertullianus lib. de resurrect. carnis c. 27. *Hoc ipso quod ait, Donec ira pratereat, qua exstinguet Antichristum, post iram ostendit processuram carnem de sepulchris, in qua ante iram fuerit illata, &c. post Antichristi eradicationem agitabitur resurrectio.* Cyprianus  
epist.



epist. 56. *Scire debetis, & pro certo tenere occasum sæculi, atque Antichristi tempus appropinquasse, ut parati ad prælium stemus.* Et lib. de exhort. martyrij ad Fortunatum, in principio Præfationis: *In fine atque in consummatione mundi, Antichristi tempus infestum appropinquare cæpit.* Vbi aduertendum, Cyprianum & quosdam alios Patres, consideratis persecutionibus & flagellis mundi, & scelerata hominum vita, existimasse finem mundi instare; & inde collegisse aduentum Antichristi. qua in re apertè declarant se sensisse, Antichristum sub occasum mundi venire debere. Et quamuis in illa coniectura de fine mundi instante sint decepti, non tamen in eo, quòd Antichristi aduentum cum fine mundi coniunxerint. Hoc enim tamquam indubitatum ex Scripturis, & receptum in Ecclesiâ dogma supponebant: illud ex signis quibusdam coniectabant.

Hieronymus in cap. 11. Danielis: *Nostri, inquit, & melius interpretantur & rectius, quòd in fine mundi hæc sit factururus Antichristus, qui consurgere habet de modica gente, id est, de populo Iudeorum.* Vbi apertè indicat hanc esse receptam Christianorum sententiam. Augustinus lib. 20. de Ciuit. cap. ultimo: *In illo itaque iudicio, vel*

*circa illud iudicium, has res didicimus esse futuras, Eliam Thesbitem, fidem Indeorum, Antichristum persecuturum, Christum venturum iudicatum, mortuorum resurrectionem, &c. quæ omnia quidem ventura esse credendum est; sed quibus modis, & quo ordine veniant, magis tunc docebit rerum experientia, &c.*

Prosper, In dimidio temporis c. 9. *Hic ostenditur quòd ex Iudæis, de tribu Dan quæ hodieq; in Perside est, veniat Antichristus, &c. statimq; verum Christũ Dominum venturum ostendit, dicens; Salutare tuũ expectabo Domine. Chrysostomus Homil. 78. in cap. 24. Matth. Sicut cùm arca fieret, aperte futurum prænuntiavit diluvium, illi autem non credentes tamquam nullo malo venturo lasciuebant: sic Antichristus apparebit, post quem consummatio & intolerabiles pœnæ sequentur. Damascenus lib. 4. c. 28. Primũ Euangelium apud omnes gentes prædicetur, necesse est; & tunc reuelabitur iniquus ille, &c. At nondum apud omnes gentes prædicatum esse constat. Denique eadem est ceterorum omnium constans & indubitata sententia, nimirum Antichristum non nisi sub finem mudi venturum: neque per xv. annorum centurias quifquam Patrum, aut Doctorum fuit, qui ea*  
de

de re dubitauerit. Ratio est, quia Antichristus venire debet cùm impietas & licentia vitiorum ad culmen peruenerint. Ipsius enim regnum maximè aduersabitur regno Christi, & totis viribus omnem Christi & veri Dei cultum conabitur exterminare. Illud autem erit sub occasum mundi. Nam vt ait B. Augustinus Hom. 26. in Ioannem: *Quantum accedit finis mūdi, crescunt errores, crescunt tenebra, crescit iniquitas, crescit infidelitas.* Quò enim longius progreditur genus humanum, eò magis languescit pietas olim suscepta, & crescit vitiorum licentia: vt patuit omnibus mundi ætatibus, & in plurimis regnis, vbi olim Religio viguit. Itaque sub mundi terminum impietas & contèptus Numinis erit in summo, & Religio in infimo. quod indicat Dominus Lucæ 18. *Verumtamen Filius hominis veniens putásne fidem inueniet in terra?* Vitium enim cùm sit secundum inclinationem naturæ corruptæ, vsu, consuetudine, & exemplo semper crescit. Pietas cùm sit spiritalis, & supernaturalis, est naturæ corruptæ & terrenis addicte difficilis, molesta, & quasi violenta. Vnde sensim, hominibus spiritualia negligentibus, & terrena sectantibus, euanescit. Cùm ergo sub finem mundi venturus sit, qua fronte asserunt hæretici, iam à  
mille

mille annis Antichristum venisse, & omnes Pontifices Romanos tanto tempore Antichristos fuisse.

*Nona DEMONSTRATIO, ex persecutione Antichristi.*

**A**NTICHRISTVS cōmouebit asper- 27  
 Arimam persecutionem aduersus Ecclesiam, & quidem toto orbe, idque eo fine, vt omnes à Christi cultu ad sui cultum traducat: & sibi adhaerentibus certum imprimet vel tradet signum, vt nemo, nisi eiusmodi signo eius se profiteatur cultorem, possit emere aut vendere. Atqui nihil horum factum à Summis Pontificibus. Ergo illi non sunt Antichristus. Maior probatur ex Scripturis, Matth. 24. *Erit tunc tributatio magna, qualis non fuit ab initio mundi vsque modò, neque fiet.* Vbi Dominus potissimum loquitur de vltima tribulatione, vt patet ex illis verbis: *Statim autem post tribulationem dierum illorum sol obscurabitur.* Et Danielis 7. dicitur de Antichristo: *Sanctos Altissimi conteret.* & Apocal. 20. *Cum consummati fuerint mille anni, soluetur Sathanas,* nimirum ad persequendam Ecclesiam, vt ex iis quæ sequuntur constat. Vnde tanto maior erit tunc persecutio, quàm  
 sub

sub villo fuerit vinquam tyranno ; quanto magis fauere diabolus potest solutus quam ligatus, vt Patres tradunt.

Erit etiam hæc persecutio generalis, & per totum Antichristi imperium; vt colligitur ex illis verbis, *Et circuierunt castra Sanctorum, & dilectam ciuitatem.* quibus verbis significatur Ecclesiam vbique diffusam ab eo affligendam. Quòd autem eo fine hæc persecutio excitabitur, vt omnes à Christi cultu ad sui cultum traducat, manifestum est ex cap. 13. *Et data est ei potestas in omnem tribum, & populum, & linguam, & gentem, & adorauerunt eam omnes inhabitantes terram, quorum non sunt scripta nomina in libro vite, &c.* Et infra: *Et datum est ei vt faciat, vt quicumque non adorauerint imaginem bestia, occidantur.* Denique de charactere patet eodem cap. 13. *Et faciet omnes pusillos & magnos, diuites & pauperes, liberos & seruos habere charactorem in dextera manu sua, aut in frontibus suis; & ne quis possit emere aut vendere, nisi qui habet charactorem, aut nomen bestie, aut numerum nominis eius.* Eadem fusè probari possant ex Patribus; sed opus non est, cum aduersarij non negent.

Quòd autem nihil horum à Romano Pontifice factum sit aut fiat, perspicuum est.

Num-

Numquam enim Romani Pontifices visi sunt mouere apertam persecutionem contra Ecclesiam, aut conari homines à cultu Christi ad cultum suum traducere: numquam ab iis datus omnibus adhærentibus character aliquis, sine quo non possent emere vel vendere.

RESPON-  
SIO HÆ-  
RETICO.  
RVM RE-  
FUTATUR.

Respondent hæretici, Pontifices Roma- 28  
nos mouisse persecutiones cōtra Ecclesiam  
Dei, quando ipsorum socios iusserunt occi-  
di. Hanc autem persecutionem mirè exag-  
gerant; sed ridiculè. Primò, quia Antichri-  
sti persecutio erit vniuersalis: hæc autem fuit  
solum in paucis locis, vbi erant hæretici.  
Secundò, Antichristi persecutio erit sæuior,  
quàm fuerit vlla Tyrannorum antiquorum,  
vt Neronis, vel Diocletiani, &c. vt docent  
omnes Patres, & apertè colligitur ex verbis  
Domini, Matth. 24. citatis. At quis rationis  
compos dicet persecutionem Pōtificis Ro-  
māni in hæreticos esse immaniolem, quàm  
fuerit vmquam persecutio Diocletiani, qua  
tot millia Christianorum toto Romano  
Imperio sublata, tot genera tormentorum  
per multos sæpè dies irrogata, tot carceres  
impleti, tot metalla referta? Tertiò, Anti-  
christus persequetur Catholicos, quia te-  
nent religionem auitam. at Pontifex per-  
sequitur hæreticos, quia deseruerūt auitam.

Quar-

Quartò, Antichristus persequetur vt cogat omnes ad cultum suum, relicto cultu Christi. At Põtifex non persequitur quemquam, vt cogat illum ad cultum suum, sed vt redeat ad cultum Christi, quem est professus. Quintò, Antichristi persecutio erit toti mûdo notissima, & vehementissimè concutiet orbem. At persecutio Pontificis in hæreticos, non turbat pacem mundi, sed tollit faeces seditionum, & tranquillitatem mundi conseruat: vnde nemo sentit illud esse persecutionem, nisi eo modo quo punitio furum, latronum, proditorum, seditiosorum, persecutio dicitur.

Sextò, Antichristus sua persecutione penitus opprimet Ecclesiam, ita vt ipsa non valeat ei resistere; nam ipse vsque dum interimatur, prosperè aget, & pro suo arbitratu omnia faciet. Vt enim Danielis 7. dicitur: *Roborabitur fortitudo eius, & suprà quàm dici potest vniuersa vastabit, & prosperabitur, & faciet, & interficiet robustos, & populum sanctorum secundum voluntatem suam.* At persecutio Pontificis in hæreticos non habet illum successum. Nam non solum ei resistunt, vt non possit illos pro arbitrio & meritis castigare, sed etiam & ipsi, & omnibus ipsi adhærentibus grauissimam persecutionem mouent. Testis est Anglia, Gallia,

Gallia, Hollandia, & aliæ regiones ; in quibus paucis annis plures Catholici ab hæreticis vario tormentorum genere interfecti, quàm totis decem sæculis hæretici ab Inquisitoribus damnati. Quòd si multi in bellis cecidere , ij non sunt dicendi persecusione , quæ martyres faciat , occisi ; sed prælio tamquam milites deleti . Cùm enim regna pacata turbassent , & populum ad arma cõtra Principes concitassent , Principes se aduersus illos armarunt, & sic multi eorum vt seditiosi & rebelles interempti. Deinde tantum abest vt potentia Romani Pontificis crescat, vt iam à mille annis cœperit decrescere , præsertim in Europa & locis vicinis. Crescente enim regno Turcarum, decreuit Ecclesia , prouinciis Christianorum sensim ab eo occupatis . Itaque amisâ iam antea Africâ , cœpit amittere Asiam; quâ totâ absorptâ , quidquid Imperij Orientalis supererat in Europa, tandem ademptum curren- te sæculo xv. Superiore autem sæculo, quot regna in Europa Ecclesiæ subducta? quot in Religione conuulsa, & ad defectionem inclinantia? Vnde Auctor Præfationis pag. 138. dicit *partem propè dimidiam Christiani orbis è Babylone* , hoc est , ab Ecclesia Romana , *exisse* ; eoque nomine excitat Principes Catholicos, vt Antichristi ( Pontificis ) iugum



gum excutiant. At hæc minimè congruunt cum successibus Antichristi, cuius potentia crescet vsque ad finem; cui nemo poterit resistere, vt ex Scripturis constat: nedum populus sanctorum, qui persecutionem patietur.

29 Septimò, Si persecutio Pontificis, qua persequitur Lutheranos, Calvinistas, Anabaptistas, est persecutio Antichristi; ipsi ergo sunt *sancti Dei Altissimi*, qui ab Antichristo conterentur; Danielis 7. Ipsi sunt *castra sanctorum*, & *ciuitas dilecta*, quam exercitus Antichristi cinget & affliget; Apocal. 20. Si ita est (quod etiam ipsi apertè affirmant) peto an hæ præclaræ appellationes conueniant in omnes sectas huius temporis, an in aliquam tantum? Si in omnes, quomodo id fieri potest, cum vnica tantum sit fides & religio, quæ hominem sanctum efficiat, sine qua impossibile est placere Deo? Nam istæ sectæ habent fides & religiones valdè diuersas. Dissentiunt enim Calvinistæ & Lutherani in primariis fidei capitibus, & se mutuò hæreseos damnant. Similiter Calvinistæ Protestantes, à Puritanis; & Lutherani molles, à rigidis; & hi omnes ab Anabaptistis, & à nouis Arrianis, & Samosatenis. Itaque non possunt omnes istæ sectæ esse castra sanctorum, & ciuitas dilecta. Si vna ex his est *ciuitas dilecta*, quænam tandem est illa? quibus

notis eam deprehendemus? Singulæ enim sectæ æquè fortiter asseuerant se hanc ciuitatem cōstituerè: Quia, inquit, nostra doctrina est purum putum verbum Dei. Neq. aliam probationem adferre possunt, cū extra Scripturas nihil sit credēdum. Si Calvinistæ sibi hanc gloriam vindicare velint, opponent se Lutherani, qui plurimos & pestilentes errores in illis notarunt: si Lutherani, obsistent Calvinistæ, qui non pauciores errores obiiciunt Lutheranis. Quare cū fieri nequeat, vt omnes sectæ sint *ciuitas illa dilecta*; neque vlla possit adferri ratio, cur hæc potius sit quàm illa; meritò colligimus nullam ex his ad illam ciuitatem pertinere, sed omnes potius ad sortem Antichristi.

Rursus, si grex, v.g. Calvinistarum est *ciuitas illa dilecta*: ergo Antichristus multò est antiquior Ecclesia Christi: multis enim sæculis ipse Calvinistas antecessit; vt quorum primus Apostolus Lutherus nondum vnum sæculum impleuerit. Vbi quæso ante Lutherum erant Lutheranorum & Calvinistarum synagogæ? Si erant inuisibiles non audentes suam religionem metu Pontificis profiteri, indigni planè erant Ecclesiæ nomine, quæ est ciuitas supra montem posita, quæ suum sponsum non erubescit. Vnde  
num-

numquam ita latuit in persecutionibus Tyrannorum, quin facilè cognosceretur. Si visibiles, quomodo non fuerunt isti fratres apprehensi ab Inquisitoribus, & puniti? Denique quomodo scitis eas antea extitisse, cum nullus Scriptor, nullus Historicus id tradat, nec vllum huius rei sit vestigium? Nam & ipse parens earum Lutherus antea Catholicus fuit, & cum furore percitus, eò quod Indulgentiarum promulgatio ipsius Ordini in Germania delata non esset, ab Ecclesia descuiisset; non antiquos illius sectæ cultores collegit, sed Catholicos peruertit, & nouam sectam ex veterum sectarum frustis excitauit. Itaque nullo colore dicitur, religionem Lutheranam & Caluinisticam antea extitisse.

- 30 Octauò, Antichristi persecutio non diu durabit, vt omnes fatentur: *nisi enim breuiati fuissent dies illi, non fieret salua omnis caro*, vt Dominus ait Matth. 24. Sed persecutio Pontificis in hæreticos multis sæculis durauit: ergo hæc non est persecutio Antichristi. Nonò, Antichristus sua persecutione tollet omnem publicum Christi cultum, & in primis iuge sacrificium, vt patet ex cap. 12. Danielis. At Summus Pontifex non tollit, sed stabilit iuge sacrificium, & nouis illud regionibus infert. Itaque ex diametro

repugnat Antichristo. Decimò, Antichristus innumerabili exercitu persequetur Ecclesiam: vt enim Apocalypsis 20. dicitur, Satanas tunc solutus *exibit & seducet gentes, quæ sunt super quatuor angulos terræ Gog & Magog, & congregabit eos in prælium, quorum numerus est sicut arena maris, & ascenderunt super latitudinem terræ, & circuierunt castra sanctorum, & ciuitatem dilectam, & descendit ignis de calo, & deuorauit eos.* At nihil horum hætenus est visum, numquam Pontifex talem exercitum habuit, vnde nec Lutheranos, nec Calvinistas illo persequi potuit. Vndecimò, Antichristus in sua persecutione prohibebit, ne possit quis emere aut vendere absque eius charactere, quem suis tradet, quo profitebuntur se ab eius partibus stare. At hætenus tot sæculis Summi Pontifices nulum tale præceptum dederunt, nec vllum characterem Catholicis impresserunt; nec vllus hætenus in regno Pontificis coactus fuit aliquod tale signum exhibere.

RESPON-  
SIO AVCT.  
PRAEFAT.  
DE CHA-  
RACTERE  
ANTI-  
CHRISTI.

Ad hoc respondet Auctor Præfationis, 31 pag. 98. *Character in fronte, est externa professio se huic bestia (Romano Pōtifici) subiecti. Signum in dextra notat actualem atque implicitam obedientiam erga eam, quam putant non posse errare, etiam si eos contra*

Prin-

*Principes suos naturales arma ferre iuberet; cui similis est caca illa obedientia, in quam omnes Iesuitæ iurant, &c. Et infra: Qui non concedit absolutam hanc potestatem, neque emendi neque vendendi ius habet; quia nemo fidem servare tenetur hæreticis, vllumve contractum cum illis ratum habere.*

En præclaram illius loci explicationem, REFUTA-  
TVR.  
quæ neque textui, neque vsui applicari potest. Quomodo enim hæc professio subiectionis, & obedientia actualis, & implicita, vel cæca, in foro ad singulos emptionis & venditionis actus exhibebitur? v.g. Vis emere panem, vinum, piscem, carnem, pannum; quomodo hunc characterem proferes, vt ostendas tibi ius emendi competere? Quomodo ostendes singulis, te erga Summum Pontificem habere obedientiam, præsertim implicitam, aut cæcam? Deinde professio subiectionis est in ore, nō in fronte, vel dextra: obedientia actualis & implicita est in externa alicuius operis executione, non in dextra. At character ille Antichristi erit in fronte vel in dextra, & poterit statim venditori exhiberi. Denique hætenus in regno Pontificis neque fuit vllum præceptum, neque vsus alicuius signi in quotidianis contractibus exhibendi; vt etiam hæretici te-

stari possunt, qui in locis Catholicorum, & maximè in Italia, & Romæ sunt. versati. Non enim rogantur, an professionem subiectionis Pontifici fecerint; an illi obedientiam actualem & implicitam, aut cæcam præstent. Omitto non videri Auctorem intelligere quid sit obedientia implicita, cum hæc sit maximè inuisibilis. Obedientiam cæcam in religiosis maximè commendant sancti Patres: Basilius constitut. monastic. cap. 23. Gregorius l. 2. c. 4. in 1. Regum: Bernardus lib. de præcepto & dispensat. colum. 6. Cassianus de instit. renuntiantium lib. 4. c. 41. & c. Vnde non est irridenda.

Similiter illud de potestate emendi & vendendi, nullum colorem habet. Si enim non posse emere aut vendere, nihil est aliud quàm contractum posse rescindi, eò quòd hæreticis fides non sit seruanda, parui sanè est momenti, parumque afflictionis adfert. Quotusquisque enim est hæreticorum, qui metu rescissionis non ausit emere necessaria à Catholicis, aut quosuis cum illis inire contractus? Quot contractus eo nomine à Catholicis, cum detrimento hæreticorum sunt rescissi? Aut quomodo hæc rescissio in quotidianis rerum necessariarum emptio-  
nibus & venditionibus mandari posset executioni? Denique quis vnquam docuit Catho-  
tholi-

tholicorum, hæreticis in emptione & venditione fidem non esse seruandam? Neque verum est Catholicos Doctores ita generatim & absolutè docere, hæreticis fidem non esse seruandam, vt hæretici falsò imponunt. Loquuntur enim de fœderibus iniquis, & in damnum religionis vergentibus, ad quæ hæretici per vim Catholicos compulerunt; modò tamen antè legitima auctoritate à iureiurando soluantur, & constet maiora mala ex rescissione non impendere. Idem docent hæretici nostri temporis, de fide data Catholicis, & longè ampliùs: vt in alia Disputatione ostendemus.

- 33 Quod autem de æquiuatione hîc *παρέρως* assuitur: Nemo Catholicorum DD. docet fas esse ea vti, cùm quis legitimè à suo Iudice interrogatur; sed cùm à Iudice non suo, vel iniquè cōtra ordinem Iuris: vt cùm in Anglia à Iudicibus sècularibus & hæreticis interrogantur Sacerdotes quorum confessiones ipsi exceperint; in quorum ædibus sacrificium obtulerint; quæ peccata in confessione audiuerint; quænam ipsi peccata Sacerdoti sint confessi; quam pœnitentiam Sacerdos eis iniunxerit; quibus icunculas benedictas distribuerint; & similia, quæ in Anglicanis Iudiciis inquiri à Sacerdotibus, multi Auctores Angli scribunt. In his Ca-

tholici docent, non teneri reum ad mentem Iudicis respondere, sed posse verborum artificio, absque tamen mendacio, se discrimini eripere. Cur enim tenear gladium occultum porrigere, vel ostendere volenti me iniquè iugulare? Cur hæretici hoc in Catholicis calumniantur, cum ipsi in huiusmodi discrimine, etiam fidei suæ externam abnegationem, & professionem alienæ permittant? exemplo sint Puritani in Anglia, qui contra Religionis suæ dogma iurant in Primatum spiritalem Regis: & eorum Apostolus Caluinus, qui Argentinæ subscripsit sententiæ Lutheranorum, de reali præsentia Corporis Christi in Eucharistia, ad eorum gratiam demerendam.

*Decima D'EMONSTRATIO, ex  
miraculis Antichristi.*

**A**NTICHRISTVS faciet varia miracula, speciem quidem externam operis miraculosi & supernaturalis habentia, re ipsa tamen inania & falsa, ut quæ præstigiis & ope diaboli constabunt. Habebit quoque varios ministros, & primarium quemdam pseudopphetam, qui similia patrabit; & hæc omnia eo fine, ut omnes Antichristum pro Messia & vero Deo agno-



agnoscant, & adorent tum ipsum, tum imaginem eius. At nihil horum competit in Pontifices. ergo hi non sunt Antichristus.

Maiores patet. Primò, ex Scripturis. 2. ad Thess. 2. *Cuius est aduentus secundum operationem Satanae, in omni virtute, & signis & prodigiis mendacibus.* id est, aderit instructus tota diaboli potestate. hoc enim significat illud, *in omni virtute*, Græcè ἐν πάσῃ δυνάμει, ad patranda signa & prodigia mendacia. *Mendacia* vocat, quia non erunt vera signa supernaturalia: sed vel erunt præstigiæ & illusiones oculorum, vt cum vnum ex capitibus Antichristi videbitur mori, & excitari ab Antichristo; vel si aliquid solidi habebunt, non excedent vim naturalem causarum creaturarum. quale est ignem descendere de cælo; hoc enim diabolus fecit, cum greges Iob perderet: & imaginem bestiarum loqui, diabolo intus loquente, &c. Apocal. 13. *Dedit illi (bestiæ, Antichristo) draco virtutem suam & potestatem magnam; & vidi vnum de capitibus suis* (videtur signari vnus de septem Principibus, qui se illi spontè submittent, cum tres alios prælio vicerit, Danielis 7.) *quasi occisum in mortem: & plaga mortis eius curata est,* nempe à bestia, *& admirata est vniuersa terra post bestiam. & adorauerunt draco-*

MIRACV-  
LA ANTI-  
CHRISTI.

*nem* (diabolum qui operabatur in Antichristo, & quem putabant esse numen diuinum) *qui dedit potestatem bestie: & adorauerunt bestiam*. Dicit enim Antichristus se esse Deum & hominem, & naturam humanam esse assumptam à Diuinitate in vnionem hypostaticam. Itaque vtrumque adorabunt. Et infrà de alia bestia, quæ erit primarius ipsius psetidopropheta, dicitur *fecisse magna signa coram hominibus, vt adorarent bestiam & imaginem eius: & inter cetera, fecisse ignem è cælo descendere, & imaginem bestię loqui*.

Idem docent omnes Patres, & omnes Interpretes. Omnes enim hæc signa propriè, & non metaphoricè explicant, sicut hæretici. Omnes enim docent Antichristum maximum fore magum, & ope diaboli plurima signa & prodigia editurum; idq; eo fine, vt ipse ab omnibus Messias & Deus habeatur, & honore diuino colatur, vt suprà ostensum est.

Minor, nempe in Summos Pontifices nihil horum congruere, est manifesta. Pauci enim miracula à mille annis fecere: nemo illorum hominem, qui mortem simularit, visus est excitare; nemo ignem è cælo in terram deuocare; nemo vocem imagini tribuere; quæ tria hîc speciatim recensentur:

tur:

tur: & primum Antichristo, reliqua duo eius pseudoprophetae tribuuntur. Deinde Pontifices non habent aliquem primum pseudoprophetae, qui homines ad eius vel imaginis ipsius adorationem sub poena mortis compellat, aut eo fine signa aliqua faciat.

35 Ad hæc respondet Auctor Præfationis tria. Primò, De signis Antichristi in genere pag. 59. signa & prodigia mendacia Antichristi, esse miracula quæ fiunt in Ecclesia Catholica. *Iam, inquit, quæ tandem Ecclesia iacet innumerabilia miracula, quæ tamen maximam partem aduersantur suæ ipsorum doctrina, nemo melius Bellarmino dixerit, cum iumeto suo famelico, quod pabuli oblitum, Sacramentum genibus curuatis adorabat.*

RESPON-  
SIO AVCT.  
PRAEFAT.  
DE SIGNIS  
IN GENE-  
RE.

Sed contrà. Si miracula quæ fiunt in Ecclesia Catholica sunt signa mendacia Antichristi; ergo non solum à mille annis venit Antichristus, sed à temporibus Apostolorum. Singulis enim centuriis annorum plurima miracula facta sunt, ut constat ex Historia Ecclesiastica Eusebij, Socratis, Sozomeni, Ruffini; & ex vita Gregorij Thaumaturgi descripta à Gregorio Nysseno, Antonij ab Athanasio, Hilarionis ab Hieronymo, Martini à Sulpitio, Simeonis Stylitæ à Theodoretò. Plurima alia commemorantur à S. Augustino lib. 22. de Ciuitate cap. 8.

REFUTATVR.

facta

facta in Africa ipsi notissima. Falsum ergo est Antichristum primum post annum Domini 600. venisse. Secundò, Si illa miracula sunt Antichristi, ergo omnes illi Sancti fuerunt ministri Antichristi: ergo Franciscus, Dominicus, Bernardus, Malachias, Bonifacius, Adalbertus, Augustinus, VVilibrordus, & omnes prouinciarum Septentrionalium Apostoli, & reliqui iam còmemorati fuerunt pseudoprophetae Antichristi, eiusque instrumenta ad hominum seductionem. Ergo Sancti in cælo regnantes, & in primis beatissima Virgo, ad quorum inuocationem longè maxima pars miraculorum perficitur, quibus Ecclesia gloriatur, Antichristo seruiunt ad humani generis perniciem! Quæ omnia quàm sint blasphemata, quis non videt? Ait quidam de Diuis loquens, Ἀκέρδεια λέλογχε θάμνα κακὰ γόεος, *Damnum crebrò corripit maledicos:* quanto magis blasphemus: Estque hæc non vulgaris blasphemia, sed in Spiritum sanctum; qua opera virtute Spiritus sancti ad veritatis confirmationem, & mentium illustrationem patrata, referuntur in diabolicam operationem. de qua blasphemia dictum Dominò Matthæi 12. & Marci 3. *eam neque in hoc saculo, neque in futuro remittendam.* Tertiò, Miracula Antichristi

Pindarus  
Olymp.  
Ode 1.

sti eo fine efficientur, vt homines illum pro Deo agnoscant & adorent. At miracula quæ fiunt in Ecclesia, non fiunt vt Pontifex Deus habeatur, aut honore diuino colatur: ergo non pertinent ad miracula Antichristi.

Sed cur obsecro miracula Ecclesiæ aduersantur ipsius doctrinæ? *Quia*, inquit Auctor, *inter miracula Ecclesiæ ponitur iumentum externo gestu Eucharistiam adorans, cum tamen hoc Sacramentum non sit institutum, vt illud oues & boues & pecora campi adorarent.* At certè hoc iumentum, vel potius Deus per illud, impietatem Calvinistarum, qui realem ibi Domini præsentiam nolunt agnoscere, egregiè confutat. sicut olim per asinam, Prophetæ insipientiam redarguit. Neque ideò consequens est, vt Eucharistia sit instituta, vt à iumentis adoretur: imò ideò miraculum est, quia ad hoc instituta non est. Cum enim hic actus longe superet naturæ brutalis captum, signum est eum provenire ex diuino impulsu, ad præsentiam Creatoris, cui omnia subduntur, testandam: vt S. Antonius de Padua huius miraculi patrator dicebat.

36 Secundò, De deicensu ignis & imaginis adoratione respondet pag. 97. *Ignem esse fulmen excommunicationis; cuius*, inquit,

\*RESPON-  
SIO AUCT.  
PRAEFAT.  
DE DE-  
SCENSU  
IGNIS, ET  
IMAGINE  
BESTIAE.

tanta

*tanta est vis, ut thronis exturbare Principes valeat, adeò ut omnes pro hæreticis occidendi sint & exurendi, qui bestie nolunt imaginem adorare, hoc est, summam eius potestatem nullis limitibus circumscriptam. Itaque facere ignem descendere de celo, hoc Interprete, est fulmen excommunicationis vibrare: Adorare bestiam, est agnoscere eius supremam potestatem. Imago bestie, est summa & illimitata eius potestas.*

REFUTA-  
TVR.

Verùm quis ista à iudicio tranquillo, non ab animo intemperis agitato, proficisci dixerit? Nam Primò, Scriptura commemorat illud tamquam rem stupendam, exoticam, & mortalium oculis insolentem. *Fecit, inquit, signa magna, ita ut etiam ignem faceret de celo descendere in terram in conspectu hominum.* At fulmen excommunicationis est res quotidiana in Ecclesia, & quotannis cum summa solemnitate in multos vibratur, & nemo obstupefcit. Quia et si sit res valdè terribilis, neq. solùm possit hominem throno deiicere, sed etiam Sata-næ tradere: tamen hæc vis est inuisibilis. Vnde plerisque parum terret, & hæretici illud *fulmen brutū* vocant. Secundò, Plurimi Pontifices sanctissimi ante annum Domini 600. & ipse S. Paulus, hoc fulmen iaculati sunt in contumaces: ergo vel ipsi sunt  
Anti-

Antichristi ; vel saltem fecerunt signa & prodigia mendacia, & Antichristiana: quorum vtrumque absurdum est & blasphemum ; ac proinde etiam hæc interpretatio, ex qua id sequitur. Tertiò, Non ipse Antichristus, sed eius pseudopropheta ignem cælo deuocauit. At excommunicationes, præsertim in Principes, à Summo Pontifice feruntur, non ab inferioribus. ergo Summus Pontifex non est Antichristus, sed quærendus est alius qui sit Antichristus, cui Pontifex subseruiat ; si fulmen excommunicationis ad miracula Antichristi pertinet.

- 37 Iam quod ad *imaginem bestie* attinet; I M A G O  
BESTIAE.  
quomodo suprema & illimitata potestas est imago Antichristi? Imago enim debet esse extra rem cuius est imago, & ab ea distincta: hæc autem potestas est ipsi intrinseca. Deinde res est prior sua imagine, & absque ea esse potest. At Antichristus non potest esse sine hac potestate; imò per hanc tamquam per formam (Auctoris & aliorum hæreticorum iudicio) constituitur. Ideò enim dicunt Pontificem esse Antichristum, quia hanc illimitatam *potestatem* sibi arrogat; vt suprà Demonstr. 7. dictum est. Idem ergo erit forma constituens esse rei, & imago extrinseca eiusdem rei. Prætereà, quomodo *potestas* illa potest cerni oculis, & proponi populo,

populo, ut ab illo adoretur? quomodo populus potest hanc *potestatem* fabricare, & domi suæ adorandam collocare? Ait enim Scriptura, Pseudopropheta dixisse *habitantibus in terra, ut faciant imaginem bestiae, quæ habet plagam gladij, & vixit.* Quomodo huic *potestati* datus est spiritus & loquela: Nam ut Scriptura dicit: *Datum est illi ut daret spiritum imagini bestiae: & ut loquatur imago bestiae.* Ex quibus videat Lector qualibus commentis potestas Pontificia oppugnetur.

*Undecima DEMONSTRATIO,  
ex consideratione nominis.*

SCRIPTURA Apocalypsis 13. dicit An- 38  
tichristum habiturum nomen, cuius numerus sit 666. Hunc autem numerum Spiritus sanctus eo fine reuelavit, ut cum Antichristus venerit, & cœperit omnia sibi subiicere, ex nomine possit à sapientioribus Ecclesiæ certò deprehendi, deprehensus caueri, & alij possint præmoneri ut caueant. Si enim nomen habuerit, cuius litteræ hunc numerum adæquatè expleant, id certum signum fore hunc esse ipsum Antichristum. Ita Irenæus lib. 5. cap. 30. & passim Interpretes huius loci. Atqui hætenus hæretici in nullius



nullius Pontificis nomine hunc numerum ostendere potuerunt : ergo nullus eorum Antichristus habendus.

Hic se mirè torquent , vt vel in speciem videantur hunc numerum deprehendisse. Itaque plerique confugiunt ad nomen *λατῆνός*, cuius litteræ summiā illam conficiunt. Quam sententiam approbat quoque Auctor noster pag. 80. etsi firmiter ei non adhæreat. Sed est omnino improbabilis. Agitur enim de nomine proprio , non de communissimo, ex quo nihil certi de singulari persona colligi potest. Deinde Romani Pontifices numquam appellati sunt *λατῆνοι* vel *λατῆνός*, sed *λατῆνοι*. quod nomen non explet illum numerum. Secundò, Communis Patrum sententia est Antichristum fore Iudæum , vt suprà ostensum est, non Latinum; & Iudæorum regnum suscitaturum, vt ipsi toto orbe dominari videantur cum suo Messia. Itaque non gloriabitur illo nomine *λατῆνός*, sed alio augustiore, quo significet se esse Messiam in Lege promissum. Tertiò, Nomen Romanorū longè fuit semper augustius quàm Latinorum: vnde etiam Græci vocabant se Romanos; & suos exercitus, exercitus Romanorum; ergo potius deberet vocari *Romanus* quàm Latinus.

RESPON-  
SIO HÆ-  
RETIC.

*λατῆνός.*

E

Nec

Nec obstat quòd Irenæus lib. 5. cap. 30. inter cetera hoc etiam nomen ponat tamquam probabile: quia accipit hoc nomen tâquam proprium; non vt commune, sicut hæretici. Spectata autem potentia Romanorum, quæ erat ipsius ætate, non erat improbabile fore aliquando, vt illa tandem sub finem sæculi deueniret ad aliquẽ Principem, cui nomen esset *λατῆνος*, qui totis viribus Ecclesiam persequeretur, & repræsentaret Antichristum. Deinde Irenæus probabilius censet nomen Antichristi non fore *λατῆνος*, sed *τετάν*. hoc enim est magnificentius, vt pote ipsi Soli congruens, & tyrannicuū quiddam & minax præ se ferens, Antichristi potentia & moribus accommodate.

REIVTA-  
TVR ALIA  
RESPON-  
SIO.

Alij cum vident se hîc non posse euol- 39  
uere, confugiunt ad numerum annorum,  
qui fluxerint vsque ad Antichristi regnum,  
vel mortem: sed eorum iuitium variè sta-  
tuunt. Quidam dicunt hos annos nume-  
randos à tempore quo Pompeius spoliavit  
templum Iudæorum: alij à Domini natali:  
alij à Domini ascensu in cælum: alij a tem-  
pore quo Ioannes Apocalypsim istam ha-  
buit, qui fuit annus 97. Christi, vt ex Euse-  
bio colligitur. Auctor Præfationis cūm Bo-  
nilacium III. faciat primum Antichristum,  
com-

computat à natiuitate Christi. Verùm cùm ab eo tempore vsque ad Bonifacium solùm reperiantur anni 606. defunt ad numerum requisitum 60. Vnde sequitur manifestè ab Auctore perperàm Bonifacium statui primum, cùm Antichristus 60. annis post Bonifacium venire debuerit. Additis autem 60. annis incidimus in Vitalianum, sub quo nihil noui Ecclesiæ Romanæ collatum, sed solùm priuilegia eius confirmata; ne videlicet Constantinopolitanus Patriarcha ea sibi vsurparet. Maximas autem calamitates totis illis 60. annis Ecclesia perpeffa; pestem, famem, inundationem, terræ motus, Persarum incursiones, quibus 90. millia Christianorum vno tempore occisa, seditiones Orientales, hæresim Monothelitarum, S. Martini captiuitatem & exilium, ærarij sacri multis sæculis congesti expilationem. Denique sub Vitaliano vrbs omnibus suis ornamentis à Græco Imperatore spoliata. Hocine est regnum Papæ confirmari?

- 40 Sed inquit, *Confirmatus est titulus Vniuersalis Episcopi sub Vitaliano.* Verùm quid iuuat tituli confirmatio, cùm res semper fuerit & vigerit? Itaque cùm Auctor videret hæc esse parum firma, alium adhibuit computum: nimirum, vt numerus ille an-

ALIASSEN-  
TENTIA  
AUCTORIS  
PRAEFAT.  
REFUTATVR.

norum ineatur à direptione templi Iudaici per Pompeium. Ab hoc enim tempore vsq. ad Bonifacium III. sunt anni 666. Sed contrà Primò, Cur à direptione tēpli ille numerus cēsendus, potius quàm à vastatione, quæ multò fuit illustrior, aut à Domini natiuitate? Certè nulla est ratio, nisi quia magis seruire videbatur Auctoris proposito. Quis enim diuinare queat ab illa direptione sumendum initium huius numeri, præsertim cū nulla vsitata computandi ratio inde sumatur? deinde ab eo tempore vsque ad Bonifacium. Tertiū sunt plures anni quàm 666. nempe 669. vel 670. itaque numerus non exacte respondet. at debet exactissimè congruere; alioquin daret occasionem errandi; & potius dici debebat numerum eius esse 670. quàm 666. Tertiò, Scriptura loquitur de numero nominis, non de numero annorum. Hæc autem duo multū distinguuntur. Nemo enim numerum nominis sana mente vocauerit numerum annorum à natiuitate Domini, &c. alioquin de singulis Imperatoribus & Regibus dici poterit, numerum nominis eius esse talem numerum. v.g. numerum nominis Caroli V. esse 1520. numerum nominis Ferdinandi esse 1558. numerum nominis Maximiliani II. esse 1564. & similia. Quartò, Anti-chri-

christus tradet numerum nominis sui populis in signum, ut possint emere & vendere; ut apertè habetur cap. 13. Apocalypsis. At quis mentis compos credat illum accepturum numerum annorum qui effluxit à natiuitate vel ascensione Christi, cuius memoriam totis viribus conabitur abolere; aut à visione Ioannis, vel à templi direptione; & hunc numerum populis traditurum, tamquam suum characterem, quo profiteantur se eius esse cultores? ex quibus cõstat quàm inconsideratè & nullo iudicio hæc in chartam sint illita.

*Duodecima DEMONSTRATIO, ex loco, & Sede Antichristi.*

41 **S**EDES Antichristi non erit Romæ, sed Ierosolymis: At sedes Pontificum est Romæ, non Ierosolymis: Ergo Pontifices non sunt Antichristus.

DE SEDE  
ANTI-  
CHRISTI  
SYLLO-  
GISMVS.

Maior probatur: Primò, Quia Antichristus erit Iudæus, & se Iudæis venditabit pro Messia in Lege promisso, & ab eis pro tali recipietur; ut supra n. 19. & 20. ex Scriptura, & omnium Patrum sententia ostensum est: ergo sedem suam constituet in Iudæa, nimirum in terra diuinitus promissa, & in vrbe sancta Ierusalem, de cuius gloria,

PRIMA  
PROBA-  
TIO MA-  
IORIS.

& magnificentia futura, multa dicuntur in Scripturis; quæ omnia Iudæi ad terrenam Ierusalem, qualis erit sub Messia, referunt. Si Romæ sedem figeret, non ostenderet se Messiam promissum: quia sedem David non videretur occupare, nec implere ea, quæ de gloria & imperio illius vrbis, & Templi instauratione, à Prophetis prædicta putant. Accedit quòd Romam censeant profanam, & contaminatissimam tum idololatria veterum, tum cultu Christi, eamque habeant maximè exosam: quia à Romanis ipsoꝝ Principatus, oppida, Templum & Sacerdotium sunt deleta, maioribus eorum seruituti subiectis, vel variis claudibus interemptis. Itaque nullo modo credibile est sedem Antichristi Romæ fore.

SECUNDA  
PROBA-  
TIO MA-  
IORIS.

Secundò, Idem apertè conuincitur ex cap. 11. Apocal. vbi dicitur Antichristum facturum bellum aduersus duos illos Prophetas, & illos occisurum. *Et corpora eorum, inquit, iacebunt in plateis ciuitatis magnæ, quæ vocatur spiritualiter Sodoma & Aegyptus: vbi & Dominus eorum crucifixus est.* At non Romæ, sed Ierosolymis crucifixus est Dominus.

RESPON-  
SIO AVCT.  
PRAEFAT.

Hæretici hîc confugiant ad tropos, more consueto, cùm verborum proprietas illis aduersatur, & dicunt hîc signari *Romam*,  
*quia*

*quia ibi Dominus magis quàm vsquam alibi per peccata crucifigitur. Ita Auctor pag. 61. Et confirmatur, quia cap. 18. v. 24. de Roma dicitur: In ea sanguis Prophetarum & Sanctorum inuentus est, & omnium qui interfecti sunt in terra.*

Sed contrà. Primò, Quia est regula generalis, Non esse recedendum à verborum REFVTA-  
TVR. proprietate in exponendis Scripturis, nisi aliquid ad hoc cogat; alioquin nihil erit certi. quam regulam etiam Lutherus seruandam præscribit, ita scribens in captiuitate Babyl. cap. de Sacramento panis: *Verbis diuinis non est vlla vis facienda, neque per hominem neque per Angelum, sed quantum fieri potest in simplicissima significatione seruanda sunt; & nisi manifesta circumstantia cogat, extra grammaticam & propriam accipienda non sunt, ne detur aduersariis occasio vniuersam Scripturam eludēdi. quo consilio rectè Origenes olim repudiatus est, quòd ligna, & omnia quæ de paradiso scribuntur, contempta grammatica locutione, in allegorias vertit.* Itaque cum hîc nihil cogat, non possumus à proprietate recedere. Deinde Scriptura voluit clarè insinuare vbinam illi essent occidēdi. vnde cum dixisset, *quæ vocatur spiritualiter Sodoma & Aegyptus*; quia hoc obscurum vide-

batur, ne erraremus quæ illa ciuitas esset, addidit signum notissimum; *vbi Dominus eorum crucifixus est*. Nemo enim potest ignorare, vbi id factum sit. Si locutus fuisset de crucifixione per peccata, res fuisset obscurissima. Cui enim nisi hæreticis est manifestum, Christum magis crucifigi Romæ per peccata sub Pontificibus, quàm in multis aliis oppidis? Sanè Catholicis manifestum est, illum multò ampliùs crucifigi Londini, & in aliis magnis hæreticorum vrbus, quàm Romæ. Itaque frustra illud additum fuisset, vtpote magis obscurum. Ter-  
 tiò, Roma à Ioanne sæpius vocatur *Babylon*: vt patet cap. 17. & 18. quia *Babylon* fuit figura Romæ; vt inquit D. Augustinus lib. 18. de Ciuit. cap. 22. nimirum magnitudine imperij, potentia, afflictione Iudæorum, excidio vrbs & templi, deletionem populi, captiuitate eorum & seruitute. Eodem modo vocatur à D. Petro Epist. 1. in fine. Nec erat ratio cur hanc appellationem mutaret in aliam minùs congruentem. At Ierusalem rectè vocatur *Sodoma*, allusione ad locum Isaia cap. 1. *Audite principes Sodomorum*, &c. idque ob impuritatem, superbiam, & violentiam, quæ ibi tempore Antichristi regnabunt; & Ægyptus, ob cæcitatem cordis & omnem impietatem. fuit olim ciuitas magna,

BABYLON  
 FIGVRA  
 ROMÆ.



gna, & rursus magna erit illo tempore Iudæis ex toto mundo eò confluentibus, eamque in Sedem Regni instaurantibus.

Ad confirmationem. Solùm significatur illis verbis Romam sustinere culpam sanguinis Prophetarum & Sanctorum, vbiq̃ue effusi: quia per suos præfides & ministros toto orbe persequabatur Christianos, & innumerabilem eorum multitudinem occidit. Loquitur autem de Prophetis noui Testamenti, quales multi fuere in primitiua Ecclesia. Ridiculè interpretantur ista hæretici de Summo Pontifice; quia variis locis aliquot Lutherani & Calvinistæ per Inquisitores traditi sunt brachio sæculari puniendi. Hi videlicet sunt illi Prophetæ & Sancti. Sed de hoc suprà n. 29.

Tertiò probatur: Tempore Antichristi Roma erit deleta, vt apertè colligitur Apocal. 13. vbi dicitur decem illos Reges, qui breui tempore regna potentur, odio habituros fornicariam, eamque igni combusturos & tradituros regnum suum bestię, seu Antichristo. Deinde explicans quanam illa mulier sit, *Mulier*, inquit, *quam vidisti, est ciuitas magna, quæ habet regnum super reges terræ.* Quibus verbis apertè designat Romam, qualis erat tempore S. Ioannis, & qualis futura est sub finem mundi, vt optime

TERTIA  
PROBATIO  
MAIORIS.

mè ostendit Ribera in hunc locum, & in cap. 14. Apocal. n. 51. & sequentibus. Neque alicui videri debet incredibile Romam aliquando rursus imperiū obtenturam. Quid enim si Turca Italiam, impiis quibusdam Christianis eum accersentibus vel iuuantibus, aliquando obtineat, & sedem regni Romæ constituat? Quo facto mirum non esset, si vicina regna hæreticorum factionibus debilitata & disiecta, in eius quoque potestatem venirent; præsertim cum hæretici Turcam regnare malint quàm Pontificem, aut Regem probe Catholicum. Hoc euentu, an non omnia quæ olim Romano imperio paruerunt, rursus Romæ subessent, & ipsa rursus orbi sicut olim dominaretur? Rursus facile fieri potest, ut tam vastum imperium scindatur, & in decem Reges diuidatur; à quibus deinde ipsa Roma, quæ illos afflixerat, excindatur. Magna paucis sæculis potest fieri rerum conuersio. Verùm quomodo ista futura sint, Deo permittamus. Hoc tamen constat, Romam ab illis Regibus ante regnum Antichristi, vel sub initium illius, esse euertendam: ac proinde eius sedem Imperij esse non posse.

QUARTA  
PROBA-  
TIO MA-  
IORIS.

Quartò, Danielis 11. *Figet tabernaculum suum in Apadno, inter duo maria, super montem inclytum & sanctum; & veniet ad sum-*

*summitatem eius, & nemo auxiliabitur ei.* Hic sermo est de Antichristo; vt patet ex antecedentibus & sequentibus. Non enim illa in Antiochum conuenire possunt, vt benè ostendit Hieronymus contra Porphyrium; sed in Antichristum, cuius figuram gerebat Antiochus. Significatur autem Antichristum post victorias suas fixurum sedem in Iudæa, & periturum in monte sancto; vt Hieronymus, Theodoretus, & alij interpretantur. *Apadno est in Iudæa, ubi montana incipiunt iuxta Nicopolim; quæ olim Emaus dicta, teste Hieronymo.* His consentiunt ea quæ habentur Zachariæ 5. cùm dicitur: *Et leuauerunt amphoram* (in qua erat impietas) *inter calum & terram. Et dixi ad Angelum qui loquebatur in me: Quò ista deferunt amphoram? Et dixit ad me: Vt ædificetur ei domus in terra Sennaar, & stabiliatur, & ponatur ibi super basim suam.* Quibus verbis insinuat impietatem & excacationem Iudaicam duraturam vsque ad illud tempus, quo ædificabitur ei domus, seu regnum in terra Sennaar. quod fiet quando Antichristus regnare incipiet, & à Iudæis in Messiam recipietur. Tunc impietas dominabitur, & erit supra basim suam (Antichristum) locata. Itaque inchoabit regnum suum in regione Babylonis,

lonis , vbi plurimi Iudæi habitant ( pauci enim ex captiuitate redierunt ) postea tamen transferet sedem regni in Iudæam , vt dictum est.

EX PA-  
TRIBVS  
IDEM PRO  
BATVR.

Idem probatur ex communi Patrum 43  
sententia. Irenæus l. 5. c. 30. de Antichristo loquens: *Sedebit, inquit, in templo Ierosolymis.* Hippolytus Martyr de consummat. sæculi: *Templum construet Ierosolymis, quod confestim extructum, tradet Iudæis.* Ibidem dicit suscipiendum à Iudæis pro Messia. Cyrillus catechesi 15. *Antichristus in templo Dei sedet. quale autem hoc templum dicit? in templo quod reliquum est Iudæorum.* Et infra: *Si enim tamquam Christus ad Iudæos veniet, à Iudæis sanè adorari volet. studiosissimum se ostendet illius templi, vt ipse de progenie David esse videatur, &c.* Lactantius l. 7. Diuinarum institut. c. 16. dicit, ipsum nomen Imperij Romani mutaturum, & sedem translaturum in Asiam. Hilarius can. 25. in Matth. *A Iudæis susceptus loco sanctificationis insistet*, id est, in templo Ierosolymitano. Hieronymus in cap. 11. Danielis: *Nostri, inquit, & melius interpretantur & rectius, quod in fine mundi hæc facturus sit Antichristus, qui cōsurgere habet de modica gente, id est, de populo Iudæorum: & tam humilis erit atq. despectus,*

vt

*ut ei non donetur honor regius, & per insidias & fraudulentiam obtineat principatum, & brachia pugnantis populi Romani expugnentur ab eo, & conterantur: & Hoc faciet, quia simulabit se ducem esse fœderis, hoc est legis & testamenti Dei, &c. Quomodo sedem suam statuet Romæ, si simulabit se ducem fœderis, qui impleat promissiones veteris Testamenti Iudæis factas? Idem in fine cap. 11. dicit *Antichristum interficiendum in monte sancto*: idque probat ex Isaia.*

Nec obstat quod Hieronymus q. 11. ad Algasiam ait quod sedebit *in templo Dei, vel Ierosolymis, ut quidam, inquit, putant; vel in Ecclesia, ut veriùs arbitramur*. Quia credibile est illū etiam in Ecclesiis Christianorum se ostentaturum, in loco eminenti, ut ab omnibus tamquam Deus adoretur. Denique omnes veteres docent illum fore Iudæum, & à Iudæis pro Messia recipiendum. Itaque non est dubitandum quin sedem regni in Iudæa sit constituturus, ut divinas promissiones de futura illius terræ & populi felicitate, & imperio in totum orbem, implere videatur.

44 Auctor Præfationis totis viribus contendit sedem Antichristi esse urbem Romanam. Primò, Quia Apostolus 2. ad Thes-  
falo-

OBJECTIONES AVCT.  
PRAEFAT.

salonicens. 2. de Antichristo ita dicit: *Vt in templo Dei sedeat. Id est* (inquit Auctor pag. 57.) *in sinu & penetralibus Ecclesiæ. Iam ubi sit Apostolica illa Sedes, cui libet relinquere diuinandum: sed & quis in ea sedens pro Deo se gerat peccata condonans, animas redimens, fidei articulos definiens, omnium hominum censor & Iudex, ipse à nemine iudicandus.*

Respondeo: Si templum Dei accipiamus pro templis Christianorum, non solum Romæ est templum Dei, sed aliis locis innumeris. Nihil ergo nos ad Romam astringit. Sed Romæ sunt, inquit, *penetralia Ecclesiæ*. Ita est, si metaphoricè Sedem Apostolicam vocemus *penetralia Ecclesiæ*. Sed probandum est illi hæc penetralia per *templum Dei* intelligi. Sanè Patres passim *templum Dei* accipiunt propriè, nimirum pro templo materiali & visibili, ut ostensum est. Numquam enim à propria significatione ad tropos confugiendum, quando ex illa nihil absurdum sequitur. Nec refert, quòd aliqui per *templum Dei* intelligant corda Fidelium; quia mysticè exponunt, nec litteralem sensum negant. Deinde quis umquam Sedem Apostolicam (hoc est auctoritatem Pontificiam) vocet *templum Dei*? aut occupare sedem Apostolicam, dicat esse *sedere in*  
tem-

*templo Dei?* Semper ergo Pontifices in templo Dei sedent, etiam dum foris deambulant: quia semper auctoritatem suam retinent. Illos autem actus, quos Auctor hic commemorat, non sufficere *ut sedeat in templo gerens se tamquam sit Deus*, supra n. 24. demonstratum est.

- 45 Secundum Argumentum pag. 60. *Ioannes*, inquit, *fusiùs licet* αὐτὸς ὡς ἐστὶν *describit hunc Antichristum, quem sub figura prodigiosae cuiusdam bestiae, cui septem erant capita, cornua decem, XIII. cap. proponit, deinde XVII. interpretatur. Vbi illam appellat meretricem, quae sederet super aquas multas, & prodigiosae bestiae insideret. Deinde sic concludit illud caput, ut mulierem hanc magnam illam ciuitatem, quae Regibus terra dominatur, appellet: & tam illo capite quàm* Cap. 18.  
*initio proximi ciuitatem magnam Babylo-* v. 2.  
*nem vocet. Itaque Romam esse aut fore sedem illius Antichristi, locus iste perspicuè, & sine ulla contradictione declarat.*

Argumentum igitur in forma est tale. Antichristus est prodigiosa illa bestia quae describitur Apocal. 13. v. 1. Haec autem bestia est meretrix illa, quae sedet super aquas multas, Apocal. 17. v. 1. Haec meretrix est ciuitas magna quae regibus dominatur cap. 17. v. 18. Haec ciuitas magna est Babylon  
mysti-

myſtica : Babylon myſtica eſt Roma : ergo ſedes Antichriſti erit Roma.

Videri poſſit Auſtor *σκοποδωία* laboraſſe in tam longo Sorite. Inferēdum enim erat: *Ergo Antichriſtus eſt ciuitas Romana*, vt cuius mentem parumper aduertenti planum eſt. Multum intereſt inter Antichriſtum & ſedem regni eius; inter hominem & ciuitatem : quæ tamen Auſtor pro iisdem habere videtur. Expreſſè enim hīc dicit *Antichriſtum eſſe illam meretricem cap. 17. v. 1. & hāc meretricem eſſe Babylonem ſeu Romam.* & pag. 104. dicit *hanc mulierem eſſe caput adulterinæ eccleſiæ*, eīque tribuit omnia illa horrenda quæ Scriptura ibi commemorat. & infrā eadem pag. dicit : *Ipsa ſe caput viſibile indigetat , quatenus diſpenſatrix eſſe vult , & ſola myſteriorum Dei interpres. Denique magnus hic in terra Deus & Auſtor fidei, myſtes eſt profeſſione, id eſt, ſacerdos, &c.* Et tamen ibidem dicit *hanc mulierem eſſe Babylonem illam magnam , matrem fornicationum & abominationum terræ.* Et pag. 107. ſic ait: *Deinde vno verbo explicat mulierem, quæ ſuper illam (beſtiam) ſedebat, ſeu Monarcham quæ regebat eam , non eſſe aliud quàm magnam illam ciuitatem quæ dominabatur Regibus terræ , ſedem imperij designans .* Itaque iuxta hunc Auſtorem

Anti-



Antichristus est *Sacerdos*, est *Babylon magna*, est *Roma*, est *Monarcha Roma insidens*, est *Rex & sedes regni*. Nimirum ista est solida & clara huius loci explicatio, omnibus Patrum explicationibus præferenda.

Sed quis non videat ista esse manifestè ἀσύνετα, & turbati cerebri phantasmata? Quomodo idem potest esse Monarcha & ciuitas, Rex & regni sedes, Babylon & homo? Quis mentis compos Antichristum vocet Babylonem, Romam, ciuitatem? Quare mulier illa insidens bestię cap. 17. non est Antichristus, sed Roma; vt ipsa Scriptura explicat in fine cap. cū ait: *Mulier, quam vidisti, est ciuitas magna, qua habet regnum super Reges terra*. Vbi significatur Roma impia, qualis fuit tempore Ioannis, & futura est sub finem sæculi. Hęc dicitur *Babylon* mystica, quia illi similis, & per eam præsignatur, vt suprà n. 42. ostensum. Accedit quòd illa mulier sit cōburenda à decem Regibus, qui eam odio habebunt; vt expresse Scriptura docet cap. 17. At non comburent Antichristum: quia ei suam potestatem tradent, eiq̃ue seruiant, vt ibidem habetur.

Omitto quæ scribit Auctor pag. 104. de nomine *mysterij*, vt ostendat illud Pontifici conuenire. Non enim mulieris illius nomen est *mysterium* (vt Auctor supponit) sed

*Babylon*. Per vocem *mysterium* insinuat S. Ioannes Babylonem & fornicationes mysticè accipienda, non propriè. Frustrà ergo in mysterio quæritur mysterium, ad struendam Pontifici calumniam.

Tertium Argumentum est pag. 60. *Deinde*, inquit, *hanc mulierem esse illum Antichristum liquet ex tempore quo vim suam atque operationem exercet; quod crit quadraginta duum mensium, prout cap. 13. habetur, prorsusq; consentit cum illo triennio & sex mensibus; quod temporis spatium omnes Pōtificij regno Antichristi tribuunt.*

Respondeo: Cap. 13. non dicitur de muliere quòd operationem suam exercebit mēsibus quadraginta duobus, sed de bestia, quam initio illius capitis describit. Fatemur autem hanc bestiam esse Antichristum. Verum dicimus hanc bestiam multum distinguì ab illa muliere, quam Ioannes vidit cap. 17. quam constat esse Romam, non Antichristum. Auctor verò supponit eam mulierem esse Antichristum, quod erat probandum; & ita petit principium.

Quartum Argumentum, ibidem: *Bestia cum septem illis capitibus & decem cornibus, quorum vnum caput vulneratum est, rursusq; sanatum, 13. & 17. capitibus iuxta describitur: quam in priore capite, ex tempo-*

*tempore quo regnum obtinebit , Antichristum esse constat: in posteriore Romam significari nomine Babylonis, Pontificiorum ipsorum confessione euincitur . Ita iam liquidò probatum est Romam esse sedem Antichristi.*

Respondeo dupliciter. Primò, non esse eandem bestiam quæ describitur cap. 13. & cap. 17. Quæ enim describitur cap. 13. est Antichristus, vt Auctor fatetur: quæ autem cap. 17. nõ potest esse Antichristus. Primò, Quia illa bestia antecedit decem illos reges, quos Scriptura dicit venturos, & regnũ nondum accepisse: sed Antichristus non antecedit illos decem reges, sed sequetur, vt aperte colligitur ex cap. 7. Danielis, & c. 17. Apoc. v. 17. Illis enim regnãtibus orietur Antichristus, cui ipsi potestatem suam tradent Roma deleta. Secundò, Quia mulier illi bestiæ insidens est Roma impia, considerata secundum totum illud tempus quo dominata est orbi, & persecuta Martyres Iesu, eorum sanguine se inebrians, vt antiqui Patres exponunt. Sic enim conueniunt illi omnia, quæ ibi ei tribuuntur. Atqui tunc nondum erat Antichristus. Vnde Antichristus non potest esse bestia, cui Roma tunc insidebat. Idem cogitur fateri Auctor. Nam ipsius sententia, mulier insidens bestiæ est Antichristus: ergo bestia cui insidet non potest esse Anti-

BESTIAM  
DE QVA  
CAP. XVII.  
APOCAL.  
NON ESSE  
ANTI-  
CHRISTUM.

christus: nisi fortè idem sibi ipse infideat, sitque idem sessor & vector, equus & eques; sicut antea idem ipsi erat homo & ciuitas, Monarcha & sedes Monarchæ, &c. Quid ergo illa bestia, cui mulier infidet, designat? Quidam monarchiam Romanam, quam Roma administrabat, signari volunt, quæ sub forma portentosæ bestiae Danielis 7. describitur. Sed hæc opinio non videtur vera: tum quia illa bestia Danielis 7. longè alia forma describitur: tum quia ea, quæ hîc dicit S. Ioannes de hac bestia, nõ possunt Imperio Romano accommodari. Non enim de Imperio Romano tẽpore S. Ioannis dici poterat, *Fuit & non est*, cùm tũc maximè floreret. Deinde non potest explicari qui sint illi septem Reges Imperij Romani, è quibus quinque eo tẽpore ceciderunt, sextus regnabat, & septimus nondum venerat, qui paruo tempore erat regnaturus. Nam plurimi post illum qui tunc erat, nèpe post Domitianum, impiissimi sunt secuti. Denique quomodo ipsum Imperium est octauus Rex, & tamen vnus ex septem? Imperium enim non potest numerari tamquam vnum ex Regibus Imperij, cùm omnes illos Reges complectatur.

Itaque verius est quod alij docent, bestiam istam nõ esse Imperium Romanum, sed diabolum consideratum vt regnantem

in mundo, quem Dominus *Principem huius mundi* vocat. Huic sunt *septem capita*, nimirum Reges impij septem ætatum mundi, per quos populum Dei singulis ætatibus persequitur. *Ex his quinque*, cùm illa visio ostenderetur, *cecidérant*; nimirum qui ad quinque ætates mundi ante Christi aduentum transactas pertinebant: *sextus iam erat*; nimirum persecutor sextæ ætatis, quæ à Christi aduentu extenditur vsque ad Antichristum: *septimus venturus erat*; nimirum Antichristus, *sed modico tempore regnum obtenturus*. *Bestia dicitur esse oëtauus*, quia diabolus etiã per seipsum quantum potest: & rursus dicitur esse ex septem; quia in suis capitibus viget & persequitur, maximè in Antichristo, in quo tota vis Satanæ residebit, & affliget populum Dei. Dicitur illa bestia *fuisse, & modò non esse*; quia ante Christi aduentum obtinebat mundi Imperium, sed per Christi mortem illud amisit: estq̃ue *ligata ad mille annos*, hoc est vsque ad tempora Antichristi. Tunc *modico tempore soluetur*, & dominabitur, sed mox rursus deturbabitur Imperio, & æterno exitio vnà cum Antichristo & pseudo-propheta addicetur. Qui plura hac de re volet, consulat Riberam nostrum in cap. 17. Apocalypsis. Nobis satis est non esse eam-

dem bestiam quæ cap. 13. & cap. 17. describitur, vt volebat Auctor.

Respondeo Secundò, argumentum Auctoris non cohæreere. quæ enim est ista syllogis: *Bestia cap. 13. est Antichristus : at Roma significatur nomine Babylonis cap. 17. Ergo liquidò constat Romam esse sedem Antichristi*? Omittitur quod erat præcipuum & probandum, bestię illius sedem esse Babylona; quod iam sæpius ostensum est esse falsum.

Non censui hic omittendam pulchram expositionem bestię & septē capitum eius, quam habet Auctor pag. 87. Vbi cum *scortum Babylonicum* insidens bestię Apocalyp. 17. dixisset esse *Antichristum*, & *sedem Imperij* ipsius, ac *ciuitatem Romanam*; pari subtilitate interpretatur bestiam cui mulier insidebat, & capita illius: *Bestia*, inquit, *ipse est Antichristus. septem eius capita, sunt septem imperij formæ, illi sedi propriæ; quarum quinque iam ceciderant. Reges enim primò fuerunt; deinde exactis Regibus, Consules, Dictatores, Decemviri, Tribuni militum. Sexta erat, quo tempore Ioannes conscripsit hunc librum, Cesarum Imperium. Septima quæ nondum venerat, & exiguo spatio erat duratura, Ecclesiastica est Episcoporum; quæ translationem Imperij Roma Constantinopolim cōsecuta est. Octaua, quæ est*

*est Bestia, ipse est Antichristus* (Romanus Pontifex) *qui quidem censetur octauus propter illius summum & absolutum Imperium: simul tamen septimus, quia visus est successisse Episcopis in Ecclesiastica quadam ratione imperandi, &c.*

Videri hæc possint alicui deliria, nec immerito. Vt enim omittam apertam ἀντίρρῳν, cum mulier illa dicitur esse Antichristus, & ciuitas Romana; quomodo illa bestia cui insidet mulier potest esse Antichristus, si ipsa mulier est Antichristus? An fortè sibi ipse insidet, estque simul sessor & vector? Deinde quomodo isti septem reges sunt septem Imperij formæ, cum Imperium Romanum nunquam gubernatum fuit per Tribunos militum? hoc enim munus pertinebat solùm ad militiam, eratque idem ferè quod modò apud nos munus illius quem vocant *Maestro del campo*, & *Mareschal du camp*, vt inquit Budæus. Deinde Tribunatus iste non excludebat ordinariam administrationem Imperij, quæ fiebat per Consules, vel Imperatores, sed simul cum ea consistebat. Si de Tribunis plebis intelligat, malè hos Tribunos militum vocat, qui multum ab illis differunt. deinde Tribuni plebis non vltra quindecim annos Rēpub. administrare; Decemviri vix biennium. Dictatura

quoque non erat aliqua ordinaria potestas, sed extraordinaria ad breue tempus, nempe non vltra sex menses, ob aliquam grauem necessitatem vrgente periculo alicui commissa: vnde non potest censerì forma distincta. Deinde spectabat potissimùm militiam, & media ad illam necessaria. vide de his l. 2. π. De orig. Iuris. Potestas Episcoporum Romanorum, à tempore Constantini vsque ad tempora Bonifacij, non potest etiam censerì inter formas illas; quia hi numquam Imperium rexerunt. nam toto illo tempore fuere Imperatores Romani, qui Imperium Occidentale gubernarunt; quorum multi ipsum Pontificem non parum afflixerunt. Similiter post Bonifacium Tertium numquam Pontifices Imperium Romanum in temporalibus administrarunt. nam semper Imperatores fuere. Illam autem potestatem absolutam, qua in omnes Christianos post Bonifacium vsi sunt, etiam ante illum habuere, eaque vsi sunt, quantum ratio temporum permittebat, & rerum conditio postulabat. Prætereà quomodo ratio gubernandi Episcoporum, quam vult designari per septimum Regem, breui tempore mansit, cùm māsērit 276. annos, vt ipse fatetur? Nec valet quod ait, mansisse breui tempore facta comparatione ad tempus, quo postea  
Ponti-



Pōtīfices absoluta potestate dominati sunt, quod est plusquam mille annorum: quia Scriptura loquitur absolutè, non comparatione temporis longissimi: vel certè loquitur comparatione reliquarum formiarum; quarum respectu 276. anni nō possunt cēseri breue tempus, cū gubernatio Regum, Tribunorum & Decemuirorum simul iuncta tanto tempore non durauerit.

Denique vt alia multa omittam, si ista bestia est Summus Pontifex, quomodo illæ septem formę Imperij sunt eius capita, cum prius extiterint, quàm ipse cœperit esse Antichristus? nam vt Auctor fatetur, cœpit esse Antichristus circa annum 606. at tunc illæ formæ præcesserant. Imò tempore D. Ioannis iam quinque ceciderant. Itaque capita bestię sunt priora quàm ipsa bestia; & quando capita aliquot sæculis periere, tūc tandem oritur ipsa bestia. Erit ergo ἀκίφαλος, non septiceps. Quis dicat ista à sobrio scripta?

48 Quintum Argumētum, pag. 63. *S. Ioannes cap. 17. dicit, septem capita illius bestię quam descripsit cap. 13. esse septem Reges, quorum quinque cecidisse, vnum esse, septimum nondum venisse; sed cū venerit, exiguo spatio remansurum: bestiam autem quę fuit & non est, octauum esse, & vnum tamen è septem, quę designat Antichristum,*

*qui nondum venerat temporibus Apostolorum, sed postea erat venturus. Vnde manifestum est Babylonem, quæ eadem est Roma, fore sedem Antichristi.*

Respondeo: Et hoc Argumentum est simile ceteris. In antecedente sunt tres propositiones, ex quibus duæ sunt manifestè falsæ: & consequens nullam habet connexionem cum antecedente. Falsum enim est septem capita bestię cap. 13. esse septem illos Reges de quibus cap. 17. quia bestię illæ sũnt planè diuersæ: vt iam ostensum est. Nā *bestia*, de qua cap. 13. denotat *Antichristum: bestia* verò de qua cap. 17. est diabolus, vt Regnum huius mundi obtinens. Secundo, Sententiā Auctoris *mulier insidens bestię* cap. 17. est Antichristus: ergo falsum est hanc bestiam cap. 17. esse Antichristum. debet enim sessor esse distinctus à vectore. Tertiò, Illa visio cap. 17. extenditur ad tria tempora, nimirum ad tempus quod præcesserat illam visionem, & ad tempus illius visionis, & ad futurum post illam; & ad illa tria tempora pertinet illa bestia. Nam vt Angelus exponens hanc visionem ait, quinque ex capitibus illius bestię, seu regibus sub bestia dominantibus, iam ceciderant, cùm visio illa ostenderetur. Sextum iam regnabat, & septimum nondum venerat; & cùm  
vene-

venerit, modico tempore erat mansurum. Itaque illa bestia non denotabat Antichristum. Hic enim non fuit ante tempora S. Ioannis; nec eius capita, seu principes illi seruiantes. Verum Antichristus signatur per septimum Regem, qui est septimum caput bestię, qui modico tempore dicitur mansurus.

Consecutio etiam nulla est: quia etiamsi illa bestia esset Antichristus, probandum tamen esset sedē illius bestię esse Romam: at hoc nondum pręstitum est. Ex quibus videat Lector quales nugas heretici pro perspicuis demonstrationibus venditent.

*Decimatertia DEMONSTRATIO,  
ex consideratione temporis quo regnabit  
persequens Ecclesiam.*

49 **A**NTICHRISTI regnum erit breue; TRES AN-  
NOS CVM  
MEDIO  
PERSE-  
QUETVR  
ECCLE-  
SIAM.  
solum enim tres annos cum medio illud plenē obtinebit: etsi enim credibile sit plures annos insumpturum vt crescat, & omnia sibi subiiciat; tamen certum est non regnaturum nisi tres annos cum medio, postquam omnia obtinuerit, & cœperit Ecclesiam generatim persequi. At Pontifices iam multis sæculis regnarunt, vt aduersarij fatentur: ergo illi non sunt Antichristus.

Maior

Maior probatur clarè ex Scripturis & Patribus. Ex Scripturis, Daniel 7. *Tradentur*, inquit, *in manus eius usque ad tempus & tempora, & dimidium temporis*. Quo in loco manifestum est illum loqui de Antichristo; neque id hæretici negant: & significat illum persecuturum Sanctos *ad tempus*, hoc est ad annum, *& tempora*, hoc est duos annos (in Hebræo est  $\text{שנה}$ , quod in duali legi potest mutatis punctis  $\text{שנים}$ , quo modo haud dubiè legit Hieronymus) *& dimidium temporis*, hoc est medium annum: itaque ad tres annos cum medio. Et cap. 12. cum Daniel petiisset ab Angelo: *Usquequò finis horum mirabilium*, quæ ipse in superiore visione vidisset, nimirum regni & persecutionis Antichristi? iuravit Angelus: *Quia in tempus, & tempora, & dimidium temporis*: significans illa tribus annis & medio finienda. Et paulò post: *A tempore cum ablatum fuerit iuge sacrificium, & posita fuerit abominatio in desolationem* (id est Antichristi regnum fuerit erectum ad vastandam Ecclesiam) *dies mille ducenti nonaginta*; qui efficiunt tres annos cum medio & dies duodecim.

Idem probatur ex Apocalypsi Ioannis. 50  
nam cap. 11. dicit: *Calcabunt gentes civitatem sanctam per menses quadraginta duos*:

id

id est, tres annos cum medio oppriment impij Ecclesiam, nimirum sub Antichristo. Et cap. 12. *Mulier* (Ecclesia Christi) *quam persequitur Draco* (per Antichristum) *fugit in solitudinem, ubi habet locum paratum à Deo, ut ibi pascat eam diebus mille ducentis sexaginta*: nimirum usque prope finem persecutionis. Idem significatur paulò infrà: *Data sunt, inquit, mulieri alæ duæ aquilæ magnæ, ut volaret in desertum in locum suum, ubi alatur per tempus, & tempora, & dimidium temporis*. Eadem itaq. sunt 1260. dies, & tempus, & tempora, & dimidium temporis. Nec refert quòd tres anni cum dimidio sint 1277. dies: tum quia defectus paucorum dierum non impedit quo minùs possint dici tres anni cum dimidio: tum quia vox Hebræa יָמִים non significat præcisè medietatem, sed partem. Et cap. 13. *Data est illi* (Antichristo) *potestas facere & gerere bellum cum Sanctis, & vincere eos per menses quadraginta duos*. Huic consentaneum est illud quod Dominus ait Matth. 24. dies persecutionis extremæ, nimirum quæ erit sub Antichristo, *propter electos fore breuiandos*, id est fore paucos; tempus fore breve. Et cap. 20. Apocalyp. Expletis mille annis solvendus est satanas *modico tempore*. solutus autem erit toto tempore regni Antichristi-

tichristi: erit ergo hoc tempus modicum, non aliquot sæculorum.

SENTEN-  
TIA PA-  
TRVM.

Idem docent omnes Patres. Irenæus l. 5. § 1 c. 3. *Cum vastauerit Antichristus hic omnia in hoc mundo, regnans annis tribus & mensibus sex, & sederit in templo Ierosolymis, tunc veniet Dominus, &c.* Hippolytus Martyr Orat. de consummat. sæculi: *Dimidium hebdomadæ predicabunt Prophetae (Enoch & Elias) dimidium hebdomadæ, hoc est tres annos cum dimidio, regnabit Antichristus super terram: post auferetur regnum eius & gloria.* Lactantius l. 7. Diuinarum institut. cap. 17. *Dabitur ei desolare orbem terrarum mensibus quadraginta duobus.*

Hieronymus in cap. 7. Danielis explicans illum vers. *usque ad tempus, &c.* Tempus annum significat: tempora iuxta Hebraici sermonis proprietatem, qui & ipsi dualem numerum habent, duos annos præfigurant: dimidium autem temporis sex menses, quibus sancti potestati Antichristi permittendi sunt, ut condemnentur Iudæi, qui non credentes veritati susceperunt mēdacium, &c. Et in cap. 11. *Tribus cum medio annis, hoc est mille ducentis nonaginta diebus, sanctos persecuturus est, & postea corruiturus in monte inclyto & sancto.*

Auctor operis imperfecti Homil. 49. in Matth.

Matth. *Quod autem tribus annis & sex mensibus protendendum sit Antichristi regnum, multa Scriptura significant.*

Augustinus l. 20. de Ciuit. c. 23. explicans illum locum Danielis 7. *Et tradentur in manus eius usque ad tempus, &c. Antichristi aduersus Ecclesiam sauisimum regnum, licet exiguo temporis spatio sustinendum, donec Dei ultimo iudicio sancti regnum accipiant sempiternum, qui vel dormitās hac legit, dubitare non sinitur.* Itaque iudicio Augustini nemo ratione vtens dubitare ea de re potest. Theodoretus in cap. 7. Danielis dicit hanc phrasim: *per tempus & tempora, &c.* explicari in fine cap. 12. per dies 1290. Denique idem sentiunt reliqui omnes posteriores.

Respondet Auctor Præfationis pag. 64. illum numerum certum poni pro incerto: & significari Antichristum regnaturum per mediam hebdomadam. Hebdomadam autem esse totum tempus quod est inter primum & secundum Christi aduentum. mediam hebdomadam esse dimidium illius spatij: *Sanè, inquit, cui vel paulum modo notus est stilus, & loquēdi modus S. Ioannis in Apocalypsi sua, facile animaduertet illum numerum certum pro incerto ponere consueuisse.* Probat à simili, ex numero duodecim

RESPON-  
SIO AVCT.  
PRAEFAT.  
NUMERVM  
CERTVM  
ACCIPI  
PRO IN-  
CERTO.

OMNES  
PATRES  
CONDEM-  
NATIM-  
PERITIAE  
EXTRE-  
MAE.

*decim millium signatorum* è quavis tribu, de quibus c. 7. & ex numero *exercitus ducentum millium* (inquit) qui missi ad delendam tertiam hominum partem cap. 9. Quibus verbis condemnat hîc Auctor omnes Patres & Doctores Ecclesiæ extremæ imperitiæ. Nullus enim eorum est (eius iudicio) *cui vel paulum modò notus sit stilus & loquendi modus S. Ioannis.* non Irenæus, non Hippolytus, non Cyrillus Ierosolymitanus, non Hieronymus, non Augustinus, non Prosper, non Theodoretus, nec quisquam posteriorum. Omnes enim litteraliter exponunt de tribus annis & medio; nec vinquam vel per somnium illis in mentem venit, quod Auctori hîc perspicuum, & cuius tenuiter in phrasi S. Ioannis versato obuium videtur. Sed hic est mos scribendi hæreticorum, vt vbi aliquod paradoxum toti antiquitati repugnans statuere volunt, contemptis omnibus Patribus, dicant id esse certissimum & perspicuum; vt alibi latius ostendemus.

REFUTA-  
TUR.

Verùm hoc figmentum facilè refutari potest. Primò, Quia tot sæculis nemini vel dubitando in mentem venit; quod est signum ab omni specie probabilitatis abesse. Secundò, Quia D. Augustinus suprâ citatus dicit illud de tribus annis & dimidiato regni

Anti-



Antichristi adeò esse perspicuum, ut qui vel dormitans verba Danielis legit, dubitare non possit. Tertiò, Quia Scriptura ipsa duobus aliis modis, nimirum per numerum mensium, & per numerum dierum explicat quid per illam locutionem velit intelligi. significari enim menses 42. dies 1290. nam menses 42. sunt tres anni cum dimidio: similiter dies 1290. Quo ergo colore defendi potest ibi non significari tres annos & dimidium, sed multas annorum centurias? Quartò, Quomodo tot annorum centuriæ possunt dici adæquatè menses quadraginta duo, aut dies mille ducenti nonaginta? Si enim *tempus, & tempora, & dimidium temporis* apud Danielelem & Ioannem sunt decem vel duodecim annorum cēturiæ: oportet ut etiam menses 42. & dies 1290. qui spatio illi æquantur, sint decem vel duodecim annorum centuriæ. At quis sanus id dixerit?

Quintò, Antiochus erat figura Antichristi; tempus autem maximæ persecutionis Antiochi, qua auferendum erat iuge sacrificium, & conculcandum sanctuarium, clarè explicuit Daniel cap. 8. v. 14. per dies cum ait: *Vsq̃ue ad vesperam & manè duo millia trecenti*; qui numerus dierum efficit sex annos, tres menses, & viginti dies, quod tempus consentit cum euentu, ut ex historia Ma-

chabæorum constat. Ergo similiter hîc numerum dierum accipere debemus. Dimidia ferè parte breuior erit Antichristi persecutio; quia longè sæuior. Vnde Dominus propter electos non permittet illam esse diuturnam, vt Matth. 24. dicitur.

Sextò, Quando Scriptura exprimit tempus per hebdomadas, semper intelligit tempus certum: nimirum hebdomadam annorum, vt Danielis 9. *Septuaginta hebdomades abbreviatae sunt super populum tuum*, &c. vel dierum, vt Leuitici 23. nam *hebdomas* idem est quod septenarius; vnde est indifferens ad dies, & annos, &c. Quare etiamsi Daniel expresse dixisset Antichristum regnaturum dimidiam hebdomadam, quærendum fuisset certum tempus, nempe septem annorum, vel septem dierum, cuius dimidium tribueretur eius regno. Sicut cum Danielis 9. dicitur, *Cōfirmabit pactum multis hebdomada vna, & in medio hebdomadis deficiet hostia*, &c. intelligitur hebdomas annorum; & *in medio illius*, hoc est, exactis tribus annis cum dimidio illius hebdomadis, defectura significatur hostia, &c. Itaque omni ratione caret quod Auctor ait, *per hebdomadam signari totum tempus, quod est à primo aduentu vsque ad secundum*. Quis vmquam ita locutus est? & quare

quare hoc potius dicatur hebdomas, quàm decas vel chalias? præsertim cùm aliquoties hoc tempus per mille annos explicetur?

- 54 Nec refert quòd aliquando numerus QUANDO  
NUMERVS  
CERTVS  
PRO IN-  
CERTO. certus pro incerto vsurpetur: id enim solùm locum habet in numeris integris (vt sunt mille, centum, & apud Latinos sexcenta, apud Græcos *μύρια*, apud alias nationes alij) idque vel ad designandum in confuso numerum ingentem; vt cùm satanas dicitur ligandus per mille annos, quo denotatur totum tempus quod est à morte Christi vsque ad Antichristum, vt communiter Patres exponunt. Item Psal. 104. dicitur; *Verbi quod mandauit in mille generationes.* id est, in omnes generationes vsque ad finem sæculi, etiamsi essent mille vel plures: etsi certum sit esse longè pauciores. Vel cùm veluti exempli causâ certus numerus ponitur, eò quòd nihil ad propositum referat, vtrum ille vel alius sumatur. Sic Isaia 4. *Apprehendent septem mulieres virum vnum, &c.* Numquam autem id fit in fractis. Quis vmquam de re quæ durauit mille annis, dicat illam rem durasse tribus annis cum dimidio, aut dimidiam hebdomadam annorum, aut per tempus, & tempora, & dimidium temporis? Quæ aures ferant istam orationis insolentiam, ne dicam fatuitatem?

tem? *Tempus* enim annum designare apud Danielem cōstat ex dictis, & ex cap. 4. v. 13. & 22. vbi *septem tempora* sunt septem anni.

Quod ad numerum *duodecim millium* signatorum ex quavis tribu attinet, is numerus est integer. Deinde non defunt boni interpretes, qui putent non accipi pro incerto: quod & mihi valdè probabile videtur, ob multas causas. Idem dico de numero exercitus cap. 9. qui non est ducentū millium (vt Auctor scribit) sed ducentorum millionum, vt more vulgi loquar; siue vt Scriptura dicit, *vicies millies dena millia*, hoc est, vicies mille myriades. Sed parum refert vtrū numerus certus pro incerto in istis exemplis ponatur: quia sunt numeri integri, & maximam multitudinem in confuso designare possunt. Alia est ratio in numero trium annorum cum dimidio. Ex his clarissimè patet regnum Antichristi, quo persequetur Ecclesiam, solum fore trium annorum cum dimidio: ac proinde regnum spiritale Pontificis, quod iam tot seculis stetit, non esse regnum Antichristi.

OBJECTIO  
AVCTORIS  
PRAEFAT.

Obiicit Auctor pag. 65. Si tempus regni Antichristi erit ad amussim trium annorum & sex mensium: ergo *certò poterit praesciri dies Iudicij, quod planè toti nouo Testamento repugnat. Nam illud tempus*

ex

*ex sententia Pontificiorum incidit in dies nouissimos, exceptis 45. diebus.* Hanc obiectionem iam pridem multi fecere Catholicorum, ad quam dupliciter responderi potest. Primò, Negando consecutionem. Nam etsi multi Catholici Doctores, inter quos Hieronymus & Theodoretus ea verba Danielis 12.v.12. *Beatus qui expectat & peruenit ad dies mille trecentos triginta quinque* (qui numerus continet 45. dies post occisum Antichristum) explicant de aduentu Domini ad Iudicium; tamen hæc sententia non est certa, sed solum probabilis. Itaque solum probabilis coniectura ex ea capi poterit: qualem etiam ex multis aliis sapientiores Ecclesiæ viri capient; ut ex signis quæ fient in sole, luna, stellis, mari, &c. Non enim desunt DD. (inter quos Ribera in cap. 20. Apocal. n. 73.) qui ea verba aliter intelligant, nimirum de magna tranquillitate tunc secutura in Ecclesiæ; qui putant mundum ut minimùm adhuc septem annos tunc duraturum. Quod etiam ex c. 39. Ezechielis videtur confirmari; ubi dicitur exercitu Gog & Magog diuinitus deleto cadauera per septem menses continuos sepelienda, & arma per septem annos comburenda.

RESPON-  
SIO.  
AN PO-  
TERIT  
PRAESCI-  
RI DIES  
IUDICII.

Secundò, Nullo modo Scripturæ repu-

gnare, si dicamus Antichristi tempore, & eo occiso, posse à sapientibus Ecclesiæ illud tempus præsciri: imò idcirco Dominum Matth. 24. nobis tot indicia dedisse, vt ex illis cognoscamus illum diem appropinquare: *Cum*, inquit, *videritis hæc omnia, scitote quia propè est in iannuis.* Quod autem Matthæi 24. & Marci 13. ait, *De die illo nemo scit*, &c. intelligendum esse de iis, qui Antichristi aduentum, & nouissima illa tempora antecedunt. Quando autem ad illa peruentum erit, facile tunc sciri posse. Neque enim vis facienda in voce *die*, quasi solum de die propriè dicto sit sermo; sed *dies* more Hebræo accipitur pro tempore, etiam si vnum mensem, vel etiam annum complectatur. Apostoli enim de tempore quærebant, quo vicinitas vel distantia illius aduentus cognosci posset. Simili modo dicere potuisset neminem scire tempus aduentus Antichristi, aut signorum cælestium, quæ Iudicium antecedent. Plerique tamen è vulgo ignorabunt hoc tempus instare, nec volent credere: & ita, *cùm dixerint, Pax & securitas; repentinus eis superueniet interitus*, vt ait Apostolus 1. ad Thessal. 5. sicut accidit tempore Noë, cui exitium impendens annuntianti nolebant fidem adhibere.

*Deci-*

*Decimaquarta DEMONSTRATIO,  
ex consideratione potentiae, & praelio-  
rum eius.*

56 **A**NTICHRISTVS habebit maxi-  
mum imperium & potentiam politi-  
cam per totum pænè orbem, & omnes  
Principes eius ditioni temporali subiicien-  
tur. Maxima etiam geret in Oriente bella,  
quibus tres Reges sibi subiiciet, nimirum  
Regem Ægypti, Libyæ, & Æthiopiæ; qui-  
bus subactis, alij sponte se illi submittent,  
eique seruient. At nihil horum habet lo-  
cum in Summis Pontificibus: ergo, &c.  
Maior probatur, Primò ex Scripturis; Apo-  
cal. 13. v. 7. *Data est ei potestas in omnem tri-  
bun, & populum, & linguam, & gentem, &  
adorauerunt eam omnes qui inhabitant ter-  
ram.* Loquitur autem de potestate regia,  
qua vbique liberrimè & pro arbitrio do-  
minabitur, & omnia plenissimè habebit in  
sua potestate; ita vt possit leges præscribere  
quas volet; vetare contractus omnes iis qui  
characterem ipsius nō habuerint, & interfici-  
cere omnes qui ipsum noluerint adorare, vt  
ex decursu istius capitis constat. Cap. 20.  
describitur exercitus eius collectus ex qua-  
tuor mundi partibus, cuius numerus erit in-

PROBA-  
TUR AN-  
TICHRIS-  
TI PO-  
TENTIA  
EX SCRIP-  
TURIS.

star arenæ maris. Erit ergo Princeps potentissimus.

ROMA-  
NUM IM-  
PERIUM  
DIVIDEN-  
DUM IN  
DECEN-  
REGES IN-  
SINUAT  
SCRIPTU-  
RA MVL-  
TIS LOCIS.

Præterea Scriptura variis locis indicat 57  
Imperium Romanum sub finem sæculi di-  
uidendum in decem Reges, & eo tempore  
oriturum Antichristum. Hunc, etsi initio  
sit obscurus, ita tamen repente auctum iri,  
ut tres ex illis decem Regibus prælio victu-  
rus sit, eorumque regna occupaturus. quo  
facto reliquos se & sua regna illi submissu-  
ros, eiusque fore veluti ministros: & sic ob-  
tinebit omnia regna illorum decem Re-  
gum, atque adeò quidquid olim tenuere  
Romani.

Insinuat hoc Scriptura multis locis. Pri-  
mò, Danielis 7. in visione bestiarum quartæ ha-  
bentis cornua decem, inter quæ ortum est  
cornu paruulum, à quo tria cornua ex de-  
cem euulsa sunt. Bestia illa quarta designat  
quartum regnum, nempe Monarchiam  
Romanorum, quæ olim fuit potentissima,  
omnia conterens & sibi subiiciens. decem  
cornua sunt decem Reges, ut ibidem dici-  
tur, nempe in quos tandem ista Monarchia  
desinet, & diuidetur. Cornu enim poten-  
tiam, & Principem potentem designat, me-  
taphora Hebræis usitata, ut ex multis locis  
est perspicuum. Cornu paruulum, quod illis  
regnantibus orietur, est Antichristus; ut ex  
factis



factis quæ illi tribuuntur apertè conuincitur. Nam eadem omnino tribuit illi Ioannes cap. 13. quæ Daniel hoc loco. hoc cornu tres Reges humiliabit eos vincendo. Quinam autem hi futuri sint, indicatur Danielis 11.v.43. nempe Ægypti, Libyæ, & Æthiopiæ.

Secundò, Insinuatur idem Apocalyp. 13. cùm describit Ioannes Antichristum per bestiam habentem capita septem, & cornua decem. septem capita designant septem Reges, qui victis tribus se illi submittent. Hi erunt principes & capita regnorum, & exercituum sub ipso. decem cornua sunt regna decem Regum, in quæ orbis tunc erit diuisus. Ipse enim erit supremus illorum Rex. Vnde in cornibus habet decem diademata. Ad regna enim septem Regum qui se illi submittent, addenda regna trium quos ipse antea vincet, & occidet; sicq. erunt decem.

Tertiò, Insinuatur c. 17. Apocalyp. v. 12. vbi decem cornua bestię illius mulierem portantis ( hoc est diaboli impia regna sustentantis ) sunt decem postremi Reges, in quos imperium diaboli diuidetur, qui vna hora potestatem post bestiam accipient; quia breui tempore sub diabolo regnabunt; & potestatem suam bestię tradent, nimirum Antichristo, quia se illi vel victi, vel sponte

submittent, & ad eius imperium amplificandum se conferent.

Quartò, His consentanea est visio statuæ Danielis 2. cuius tibiæ ferreæ designât monarchiam Romanam; quæ sicut tibiæ geminæ sunt, ita multis sæculis gemina fuit, Orientalis & Occidentalis. Desinunt hæ tibiæ in pedes partim ferreos, partim fictiles: quia posterioribus sæculis Monarchia ista futura erat ex parte solida, ex parte infirma. Nam aliquot sæculis pars Orientalis fuit solida, pars Occidentalis infirma: deinde aliis aliquot sæculis contrà se res habuit. Nam Occidentalis potens fuit, Orientalis infirma. Nunc verò hæreticorum factionibus rursus Occidentalis infirma est; & Orientalis sub Turca, qui se Imperatorem Orientis scribit, valdè potens. Denique hi pedes desinunt in decem digitos, partim ferreos, partim fictiles: quia vltimò desinet totum Imperium istud in decem Reges: qui potentissimi quidem erunt; sed breui tempore regnabunt, Antichristo omnia illorum regna occupante. Tunc lapis percutiet statuam in pedibus, quia Christus delebit extrema istius Monarchiæ iam ad Antichristum translata, & deinde subsequetur Christi regnū æternum.

Denique his consentit illud Apostoli 2. ad Thessal. 2. vbi dicit non venturum diem

Domi-

Domini, *nisi venerit discessio primùm* ( generalis defectio à Romano imperio ) & *reuelatus fuerit homo peccati*, &c. Et infra: *Et nunc quid detineat scitis, ut reueletur in suo tempore*: quid moretur Antichristi aduentum, qui diuina ordinatione venire non debet, nisi Imperio sublato. Quòd autem venire debeat, probat: *Nam mysterium iam operatur iniquitatis*, &c. id est, ipsius prodromi & præcursores, qui sunt illius iniqui typus, iam vim suã exercere incipiunt, Christum in membris suis persequendo. Itaque ut ipse veniat nihil superest, quàm ut qui nunc rerum potiuntur Romani Principes regnēt, donec eorum monarchia è medio tollatur. Tunc enim reuelabitur ille iniquus. Ita ferè explicant hunc locum SS. Patres, & pleriq. Interpretes. Tolleitur autem è medio per generalem defectionem, seu apostasiam, ut Apostolus loquitur, diuiso Imperio in decem Reges, quibus deinde Antichristus eorum regnis occupatis succedet; ut dictũ est.

Auctor in Præfat. pag. 56. per *discessionem* intelligit *discessionem generalem à fide*, & dicit *omnes Pontificios constanter affirmare eam tantum fore temporibus Antichristi*: alioquin, inquit, *eorum Ecclesia esset quotidie erroribus obnoxia, quod omnino ipsorum doctrina repugnat.*

Sed

1. ad Ti-  
moth. 3.  
Math. 16.

Sed manifestè falsum est id omnes Pontificios affirmare: imò (si vnum ex recentioribus excipias, cui per imprudentiam tale quid excidit) nemo id docet; tantum abest, vt omnes constanter id affirmant. Dicunt quidem multi DD. fore vt plurimi tunc à fide discedant, nemo tamen dicit hanc defectionem fore generalem, ita vt Ecclesia deficiat, & erroribus tunc sit obnoxia, vt Auctor hic insinuat. Norunt enim Catholici DD. *Ecclesiam esse columnam & firmamentum veritatis: esse domum Dei edificatam supra petram: portas inferi aduersus eam non prauallituras; esse regnum Christi, quod æternum stabit, nec vmquam concidere poterit.* Deinde si tempore Antichristi vel paulò antè futura est generalis discessio à fide, ita vt Ecclesia concidat, ergo non erit tunc amplius *civitas dilecta*, nec erunt *castra sanctorum*, quæ ab impiis oppugnentur, nec erunt *electi*, qui in errorem non possint induci: quorum vtrumque repugnat Scripturæ Apocal. 20. & Matth. 24. Denique Ecclesia quæ Christo protegente & opitulante in totalis persecutionibus & præliis aduersus portas inferorum persistit inuicta, non potest succumbere in vltima. Sicut enim tunc acrius oppugnabitur, ita quoque fortius defendetur: ne diabolus solus

lutus præualuisse Christo, cuiusque regnum in nihilum redegisſe, videri poſſit. Itaque non loquitur Apoſtolus de generali diſceſſione à fide, ſed à Romano Imperio, cui tamen plurimorum à fide & Apoſtolica Sede diſceſſio erit coniuncta.

58 Idem probatur ex Patribus. Irenæus l. 5. PROBANT  
PATRES.  
cap. 25. *Daniel nouiſſimi regni finem reſpiciens, id eſt, nouiſſimos decem Reges, in quo diuidetur regnum illorum ſuper quos filius perditionis veniet, &c.* Et infra: *Post eos (decem Reges) exurget alius, qui ſuperabit alios omnes, qui ante eum fuerunt, & tres Reges deminorabit.* Et infra: *Manifestum eſt itaque quoniam ex his (decem) tres interficiet ille qui venturus eſt, & reliqui ſubſcientur ei; & vaſtabunt Babylonem, &c.* Romam indicans. Et paulò poſt dicit regnum (Romanorum) in decem diuidi debere; idque ſignari decem digitis pedum ſtatue illius myſticæ, quam vidit Nabuchodonofor.

D. Hippolytus Orat. de conſummat. ſæculi: *Decem digitis pedum imaginis ſignificauit decem Reges, inde (ex monarchia Romana) exortos.* Et infra: *Tria cornua, que ab eo (Antichriſto) radicitus euellentur, tres Reges indicant Aegypti, Libyæ, Aethiopum, quos deleturus eſt acie bellica, quibus omni-*  
*bus*

*bus potitus, iam tyrannus formidabilis Sanctos affliget.*

Tertullianus lib. De resurr. carnis, explicans locum illum 2. ad Thessal. 2. ait: *Nisi veniat abscessio primò utique huius regni, & reueletur delinquentiæ homo, id est Antichristus.* Et infra: *Donec de medio fiat, quis? nisi Romanus status, cuius abscessio in decem Reges dispersa Antichristum superducet.*

Lactantius l. 7. Diuinarum institut. c. 15. loquens de sæculi termino: *Tunc, ait, peragrabit clades orbem, metens omnia, & tamquam messem cuncta prosternens: cuius vastitatis & confusionis hæc erit causa, quòd Romanum nomen, quo nunc regitur orbis (horret animus dicere, sed dicam quia futurum est) tolletur de terra, & Imperium in Asiam reuertetur: ac rursus Oriens dominabitur, & Occidens seruiet.* Et cap. 16. *Nulla requies bellis exitiis erit, donec Reges decem pariter existent, qui orbem terra non ad regendum, sed ad consumendum pariantur. Hi exercitibus in immensum coactis, disperdent omnia. Tum repente aduersus eos hostis potentissimus ab extremis finibus plaga Septemtrionalis orietur, qui tribus ex eo numero deletis, qui tunc Asiam obtinebunt, Princeps omnium constituetur, &c. Antichristum intelligit.*

Ambro-

Ambrosius in cap. 2. Epist. 2. ad Thessal.  
*Non prius veniet Dominus, quàm Romani  
regni defectio fiat, & appareat Antichri-  
stus, qui interficiet sanctos, reddita Romanis  
libertate, sub suo tamen nomine: nimirum  
quia nomen Romani Imperij erit dele-  
tum, omnibus in potestatem Antichristi  
translatis.*

Hieronymus in cap. 7. Danielis refutata  
Porphyrij expositione ait: *Ergo dicamus,  
quod omnes scriptores Ecclesiastici tradide-  
runt, in consummatione mundi, quando re-  
gnum destruendum est Romanorum, decem  
futuros Reges, qui orbem Romanum inter se  
diuidant, & undecimum surrecturum esse  
Regem paruulum, qui tres Reges de decem  
Regibus superaturus sit, id est, Aegyptiorum  
Regem, & Africa, & Aethiopia, sicut in con-  
sequentibus manifestius dicemus; quibus in-  
terfectis, etiam septem alij Reges, victori  
colla submittent, &c. Vbi nota, teste Hie-  
ronymo, hanc esse omnium Patrum anti-  
quorum sententiam.*

Chrysostomus Homil. 4. in 2. ad Thes-  
sal. 2. *Quando Romanorum imperium de me-  
dio sublatum fuerit, tunc ille Antichristus  
veniet. Et infra dicit illum occupaturum  
regnum Romanorum, hoc est, ditiones quæ  
aliquando fuere sub Imperio Romano.*

Idem

Idem habent Theophylactus & Occumenius in eundem locum

Auctor tractatus de Antichristo apud Augustinum tom. 9. Dicit *Apostolus Paulus Antichristum non antea in mundum venturum, nisi venerit primùm discessio, hoc est, nisi omnia regna discesserint à Romano imperio, quæ prius subdita erant. hoc autem tempus nondum aduenit: quia licet videamus Romanum imperium ex maxima parte destructum, tamen quamdiu Reges Francorum durauerint, qui Romanum imperium tenere debet, Romani dignitas ex toto non peribit, quia in Regibus suis stabit.*

Prosper in dimidio hebdom. cap. 9. Notandum sanè post bestiam hæc omnia esse ventura: id est, sublato regno in quo mulier sedet ebria Sanctorum sanguine; id est, sublato imperio Romano.

Theodoretus Orat. 7. in Daniele: *Perpicuum igitur ita prædicere fore ut decem (Reges) circa finem mundi simul exurgant; & postremus Antichristus oriatur, regnumq; obtinere contendat: quem cum ipsis bellaturum, ac tres ex ipsis euersurum asserit.*

Constat ergo hanc esse communem & receptam antiquorum sententiam. Quibus positis, perspicuè conuincitur Romanum Pôtificem non esse Antichristum. Primò,

Quia



Quia numquam ipse monarchiam Romanam ut Rex tenuit, angusta ditione contentus. Secundò, Quia numquam exercitus in Oriente duxit. Neque umquam Regem Ægypti, Africæ, & Æthiopix prælio vicit & occidit. Tertiò, Quia nondum apparuit monarchiam Romanam in decem Reges diuisam; ex quibus, deuictis tribus iam nominatis, ceteri regna sua illi tamquam suo Regi submiserint, & potestatem suam illi tradiderint.

59 Ad hoc vltimum respondet Auctor, RESPON-  
SIO AVCT.  
PRAEFAT. pag. 106. Distinguiam orationem confusam in suas partes, ut sigillatim refutari possit. Primò igitur dicit *Scripturam cum de decem Regibus agit, ponere numerum certum pro incerto: similiter cum agit de septem capitibus, & decem cornibus draconis, seu diabolici: nec posse aliter intelligi. Secundò, Hos decem Reges esse omnes in commune Reges Christianos, & liberos Principes ac Respublicas: quia horum potestas eodem tempore cæpit cum bestia (illustriora enim orbis Christiani regna, non nisi ruente Ethnico Imperio Romano libertatem suam vindicarunt) atque indidem (à tempore ruentis Imperij) Antichristum suum regnū auspicatum esse. Tertiò, Omnes Principes Christianos hætenus in adoranda bestia (Antichristo, Ro-*

H *mano*

*mano Pontifice) perseuerasse, in eius obsequium catholicè & vniuersim consentiendo, omnem ei potestatem & auctoritatem suam concedendo, pedes eius exosculando, cum ea simul calicem Idololatriæ hauriendo, bellum cum Agno in persecutione sanctorum eius, iubete ea, gerendo. Quartò, Tempore opportuno, quod Deus præstituit, Principes Catholicos ab Agno superandos, hoc est conuertendos ad veram fidem (Caluinisticam) & tunc eos meretricem (Sedem Apostolicam) odio habituros, eius carnem comesturos, & ipsam igne crematuros. Et hunc, inquit, in modum via Regum Orientis erit patefacta.*

REFUTA-  
TUR.

NUMERVM  
CERTVM  
NON PO-  
NI PRO  
INCERTO.

Sed hæc facilè conuinci possunt vanitatis. Nam quod ad primum attinet; si *denarius*, accipitur pro numero incerto, cur toties variis locis repetitur? Cur bestia semper dicitur habere cornua decem, & Scriptura interpretatur Reges decem? Cur non aliquando istum numerum mutat, vt solet fieri cùm incertum numerum designare volumus? Præterea cur toties illum numerum diuidit in tres & septem, & dicit tres Reges ab Antichristo victos; insinuans septem reliquos se illi adiunxisse? Similiter tria cornua ex decem euulsa? Ineptissimè de numero incerto ita loqueremur: quia nulla est

ratio

ratio cur sic diuidatur , aut cur potiùs tria cornua ex decem dicantur euulsa , aut tres Reges victi , quàm quinque : aut cur potiùs dicantur septem capita,quàm centum. Pari modo si septem capita bestiæ illius quæ describitur cap. 17. sunt numero incerto; quomodo dicitur ibidem septem capita esse septem Reges, ex quibus quinque ceciderunt, sextus iam sit , & septimus sit venturus, &c. quis vmquam ita numerum incertum in certas portiones distribuit ? Denique communis Patrum sententia est numerum certum , nimirum decem Reges , non plures, aut pauciores designari ; vt ex supradictis constat.

- 60 Ex quibus refutatur etiam quod 2. & 3. loco Auctor dicit , Omnes Principes Catholicos his decem Regibus designari, &c. PER DECEM REGES NON DESIGNARI REGES CATHOLICOS.  
 Primò, Quia certus numerus designatur, non incertus, vt ostensum est. Deinde, cum plus quàm mille Principes Christiani ab eo tempore, quo cœpit Imperium deficere, extiterint, si omnes illos designare volebat, potiùs millenario, quo significamus ingentem aliquàm multitudinem, quàm denario, quem exempli causa, & ad mediocrem numerum indicandum adhibemus, vt debuisset. Tertiò , Illi decem Reges simul extabunt & regnabunt ; vt ex Theodoreto , & aliis Patri-

Apocalyp.  
17.v.12.

bus est ostensum : & Scriptura insinuat in statua illa mystica, cuius tibiæ in decem digitos terminantur : & cùm tradit tres Reges ex illis decem, vno veluti impetu , ab Antichristo vincendos. At Christiani Principes non simul extant , sed multis sæculis sunt diuulsi. Quartò, Quia illi decem exiguo tempore regnabunt : *Potestatem* , inquit, *tamquam Reges una hora accipient post bestiam* (sub diabolo.) At Principes Christiani plurimis sæculis regnarunt. Quintò, Isti Reges tradent regnum suum bestię ( Antichristo) *donec cõsummentur verba Dei*, hoc est, donec impleantur quę Deus per Danielem prædixit de regno Antichristi, eiusque persecutione duratura per tres annos cum medio. Loquitur autem de traditione, quæ omnia ipsius subiiciant potestati, agnoscen-tes illum pro suo Rege. At non ita subiecerunt omnes Principes sua regnâ Pontifici; quamuis semper agnouerint illum pro suo capite, & legitimo superiore in spiritalibus, & indirecte in temporalibus, nempe quatenus id ad gubernationem spiritalem est necessarium.

Sextò, Si omnes Catholici Principes designantur per illos decem Reges: ergo quot-  
quot sunt, & fuerūt iam à mille annis Principes Catholici, sunt impiissimi, & sceleratissimi- 61

tissimi, utpote capita, cornua, & primaria instrumenta Antichristi. Constat enim ex Scripturis, & Patribus, decem illos Reges, in quos Imperium Romanum diuidetur, qui Antichristo potestatem suam tradent, eiq. se submittent, fore impiissimos & crudelissimos. Nam per eos concitabit & exequetur immanissimam illam persecutionem aduersus Ecclesiam, & coget omnes ad se adorandum. Itaque erunt non minus impij & flagitiosi, quàm fuerit olim Nero, Caligula, Domitianus, Heliogabalus, Decius, Diocletianus, Iulianus Apostata, & similes. Et sanè si Antichristus omnium mortalium qui umquam extiterunt, erit impiissimus & sceleratissimus, ut omnes docent (sicut enim in Christo fuit tota vis & plenitudo Spiritus sancti, ita in Antichristo tota virtus Satanæ iam soluti & laxati se exeret, ut Patres tradunt) quis dubitet ipsius capita, per quæ omnia animi sui decreta exequetur, & cornua quibus omnem Dei cultum euertet, proximum impietatis & scelerum gradum obtentura?

Impiissimi ergo & sceleratissimi iam à mille annis omnes Imperatores Summo Pontifici adhærentes, omnes Reges Christianissimi Galliæ, omnes Reges Catholici Hispaniæ, Angliæ, Scotiæ, Hiberniæ, Daniæ,

niæ, Poloniæ, Hungariæ, & ceteri Principes supremi, & Respublicæ absolutæ, Sedis Apostolicæ auctoritatem agnoscetes. *Omnes enim sunt capita, & cornua bestię, & primaria organa Antichristi, persecutores Sanctorum, hostes Agni: omnes in obsequium bestię catholicę & uniuersim consenserunt; omnes sua regna, suamq. potentiam omnem bestię tradiderunt, & ad eius imperium amplificandum contulerunt: omnes bestiam adorarunt; omnes cum ea simul calicem Idololatria hauserunt, & bellum cum Agno in persecutione Sanctorum gesserunt: & hæcenus in his omnibus perseverant.*

Rursus quò quis ex istis ampliùs fuit ad dictus Sedi Apostolicæ, necesse est eò fuisse magis impium. Maximè ergo impius Carolus Magnus, qui tot ditionibus potentiam illius auxit. Maximè impij S. Henricus & S. Otho Imperatores; S. Sigismundus Rex Burgundiæ; sancti, Edmundus, Richardus, Osuualdus, Reges Angliæ; S. Eduardus Rex Britaniæ; S. Edilbertus Rex Cantiorum in Anglia; S. Stephanus Rex Hungariæ; S. Olaus Rex Noruegiæ; S. Canutus Rex Daniæ; S. Ludouicus Rex Franciæ. Hi enim omnes Sedis Apostolicæ fuisse studiosissimi, eiusque Imperium summo conatu præ ceteris amplificare conati sunt,  
insti-

instituta & mandata illius diligentissimè sunt executi.

Nunc relinquo cuilibet considerandum quàm sint ista atrocia & contumeliosa in omnes Principes Catholicos, & blasphema in Sanctos. Quid atrocius potest dici in Principem Catholicum, quàm ipsum esse vnum ex capitibus & cornibus bestiae, seu Antichristi, cultorem Idolorum, persecutorem Sanctorum, hostem Agni? Non opus est ista refutare, sed expendere, & suis librare momentis. hoc sufficit ad omnem refutationem.

- 62 Quod ad quartum attinet, vbi prædicit Reges Catholicos, qui nunc Antichristi sunt capita, *tempore diuinitus præfinito conuertendos* (nempe à fide Catholica ad Calvinismum) & tunc Sedem Apostolicam euersuros, & Romam combusturos; spero prædictionem falsam fore, & contrarium potius euenturum, vt Principes hæretici, ab huius æui Pseudoprophetis seducti, redeant ad unicam illam Ecclesiam Christi, extra quam salus nõ est, sed certissima damnatio. Mirificè autem *victriam Agni aduersus illos Reges*, interpretatur illorum Regum conuersionem. Constat enim ex Scriptura illos non conuertendos, sed igne cælesti vnà cum suis exercitibus absumendos, vt apertè

indicatur cap. 20. Apocalyp. & cap. 39. Ezechielis, de quo plura infra n. 86. *Vincet eos Agnus, quia Dominus dominorum est, & Rex regum*, ait Scriptura cap. 17. Apocal. hoc est, quia omnibus Regibus est potentior, omnium Dominus & Iudex. At non opus est magna potētia vt homines ad Calvinismum trahantur; satis eò impellit natura corrupta, satis allicit carnis libertas, licentia vitæ, & fides illa specialis, per quam nulla scelera saluti possunt officere.

*Decimaquinta DEMONSTRATIO,  
ex consideratione duorum Prophetarum  
Enoch & Elie.*

**R**EGNANTE Antichristo, comparebunt 63  
duo magni Prophetæ, qui se illius doctrinæ opponent; de quibus Scriptura Apocal. 11. tradit ista: Primò, *Prophetabunt diebus mille ducentis sexaginta amicti saccis*. hoc est, toto tempore persecutionis Antichristi, paucis diebus exceptis. quod indicant verba præcedentia: *Ciuitatem sanctam (Ecclesiam) calcabunt (gentes) mensibus 42.* Dies enim 1260. efficiunt menses 42. seu annos tres cum medio; vt suprà dictum est. Secundò, *Si quis voluerit eis nocere, ignis exiet de ore eorum* (ad eorum imperium, vt olim



olim ad imperium Eliæ) & deuorabit inimicos eorum. Tertiò, Habebunt potestatem claudendi calum, ne pluat diebus prophetie ipsorum, & potestatem super aquas conuertendi eas in sanguinem, & percutere terram omni plaga quoties voluerint. Quartò, Cùm finierint testimonium suum, Antichristus occidet eos. Quintò, Eorum corpora iacebunt in plateis ciuitatis magnæ, &c. ubi & Dominus eorum crucifixus est, hoc est, in Ierusalem. Sextò, Iacebunt ibi per tres dies cum dimidio, toto mundo inspectante, & mirum in modum gaudente. Septimò, Post tres dies & dimidium resurgent, & omnibus inspectantibus ascendent in calū. Octauò, Eadem hora fiet magnus terra motus, & decima pars ciuitatis corruet oppressis septem millibus hominum: ceteri dabunt gloriam Deo cali. At nihil horum regnante tot sæculis Summo Pontifice hætenus visum est, vel auditum. Ergo Summi Pontificis regnum, non est regnum Antichristi, nec ipse Antichristus.

Hic hæretici non habent quò se vertant nisi ad tropos & metaphoras, consuetum obstinatæ mentis refugium.

64 Itaque Auctor Præfat. duobus modis respōdet. \*Primò pag. 78. per duos istos testes intelligi vetus ac nouū Testamentum. Nam,

\*RESPON-  
SIO AVCT.  
PRAEFAT.  
NOVVM ET  
VETVS TE-  
STAMEN-  
TVM ESSE  
DVOS PRO-  
PHETAS  
ILLOS.

inquit, *ut Antichristus non potest non inimicus esse verbo Dei, illudq; supra omnia odisse: sic nihil intentatum relinquet, quo illud dedecoret, corrumpat, supprimat, & quibus possit artibus, destruat.* Deinde explicat quomodo liber noui & veteris Testamenti vim passus sit à Babylonica monarchia. Primò, *Quia ad minuendam, inquit, eius auctoritatem vtuntur variis dietheriis; eiusmodi sunt, nasus cereus, mortua littera, Lesbia regula, sexcēta alia probri & ignominie plena.* Secundò, *Quia traditiones hominum, atque auctoritatem Ecclesie his testibus praferunt; idq; ex ipsorum doctrina apparet.* Confirmat ex libello Cardinalis Peron, scitam hanc inscriptionem praeferente, *De insufficientia Scripturae sanctae.* Tertiò, *Quia complures veteris versionis locos etiam corruptissimos corrigi minimè patiuntur: cuiusmodi sunt; Euertere domum, pro Euerrere, ad inueniendum denarium. Et illud de Ioanne dictum; Sic eum volo manere donec veniam, pro Si: tametsi non solum mendi, sed etiam mendacij manifestum sit, ut sequentia textus verba declarant.* Quartò, *Quia vulgatam editionem archetypis originibus Hebraeorum & Graecorum anteponunt.* Quintò, *Quia maximam partem apocryphorum exaequant Scripturis canonicis;*

LUCA 15.  
v. 8.

IOAN. 22.  
v. 22.

cis, contra Patrum & Conciliorum decreta. Sextò, Illa autem quàm sacrilega corruptio, Dominam pro Domino ponere in toto Psalterio? Sic enim Domina nostræ Psalterium à Bonauentura Doctore Seraphico editum, non ita pridem denuò Parisiis excusum. nonne hoc est Christi, matrisq; personam ac dignitatem confundere? Septimò, Quia hi testes multis seculis suppressi, & ad silentium damnati fuere; ut pro hæretico combureretur, qui in manus sumere auderet; & sic absconditi in ignota lingua iacuerunt, ut pauci possent adire: quorum in locum Legendæ subierunt, & portentosa mendacia, quibus omnia suggesta & templa resonabāt.

Verùm hæc nihil aliud sunt quàm mera REFUTA-  
TVR. figmenta, & iratę mentis ἐκράσµατα, omni colore veri destituta. Nam Primò, ut omit- tam illud ἀνεγν & insolens, quo duo libri vocantur duo Prophetæ à Deo missi, ut opponant se Antichristo; Isti duo testes, quos Deus mittet, erunt testes viui, qui possint se explicare, disputare, refutare aduersarios, ostendere istum hominem esse Antichristum, eius signa esse mendacia, soluere obiectiones, edere miracula; denique qui possint occidi & mori, ut ex verbis Scripturæ patet. Idem apertè conuincunt reliqui omnes actus, qui eis à Scriptura tribuuntur. At  
duo

duo isti libri sunt testes mortui, nec possunt certamen inire cum aduersariis, aut se explicare, & obiecta soluere, neque occidi.

Secundò, Isti duo testes prædicabunt solum per dies 1260. amicti saccis, illisque expletis finietur tempus prædicationis illorum. At isti duo libri iam prædicarunt per quindecim sæcula, & nondum finitum est tempus eorum, nec prædicant amicti saccis, seu ciliciis.

Respondet Auctor *tempus prædicationis eorum esse priorem partem dimidiæ hebdomadæ spiritualis, siue primos sexcentos annos à Christi ortu: eo tempore prædicasse amictos saccis, quia prædicarunt pænitentiam; eo tẽpore expleto peremptos ab Antichristo.*

Sed contrà. Primò, Ista hebdomas spiritualis planè fictitia est, & omnis rationis expers, vt suprà n. 53. ostensum. Deinde Scriptura exprimit tempus prædicationis eorum per dies 1260. non per dimidium hebdomadæ spiritualis. Ostendatur ergo quomodo illo dierum numero impleatur tempus prædicationis librorum noui & veteris Testamenti. Præterea tempore prædicationis testium clausum erit cælum ne pluat, & terra multis cladibus ab eis afficietur: ergo si illud tempus sunt sex illa prima Ecclesiæ sæcula, sequitur toto illo tempore non pluuisse,

& terram omni plaga ab eis fuisse percussam, & inimicos eorum igne cælesti deuoratos. At nullus auctor tale quid scribit. Præterea, tempus prædicationis istorum testium debet concurrere cum tempore persecutionis Antichristi. Ideo enim mittentur, ut ipsi resistant, & in hunc finem eis potestas miraculorum conferetur. At iuxta Auctoris sententiam, prædicationis duorum istorum testium (noui & veteris Testamenti) antecessit tempus persecutionis Antichristi; nam statim veniente Antichristo conticuerunt, & oppressi sunt, ut ipse docet. Vbi aduertendum quàm aptè scilicet hæc Auctoris interpretatio congruat textui Scripturæ. Nam iuxta Scripturam isti duo Prophetæ non inchoabunt suam prædicationem ante aduentum Antichristi, sed post, & continuabunt eam toto tempore persecutionis Antichristi, paucis diebus exceptis. Iuxta Auctorem inchoarunt illam sexcentis annis ante aduentum Antichristi, & statim post ipsius aduentum conticuerunt. nimirum cum minùs esset necessarium, tunc sedulò prædicarunt; cum maxime necessarium, a prædicando cessarunt.

Ad hæc isti testes etiam post annum sexcētesimum assidue in omnibus templis per totum orbem prædicarunt poenitentiam.

Nam

Nam sacra Scriptura in liturgia Missæ, & precibus canonicis semper ab eo tempore lecta fuit, maximè ea pars, quæ ad pœnitentiam excitat. Eadem in concionibus per annum, & maximè per Aduentum, & Quadragesimam semper fuit populo explicata; vt ex Homiliographis est notissimum. Lepidum verò quod addit, ideò istos testes dici *amictos cilicis* prædicasse, quia *prædicarunt pœnitentiam*. Nempe si minister aliquis comptulus instar proci, vt sunt plurimi, prædicaret pœnitentiam Caluinisucam, diceretur ille prædicare amictus cilicio.

Tertiò, Illi duo Prophetæ habebunt potestatem claudendi cælum ne pluat toto tempore prophetiæ ipsorum; & igne cælesti feriendi suos aduersarios, & terram omni plaga percutiendi: & ita nemo audebit eis nocere. At quomodo hæc possunt competere in volumen veteris & noui Testamenti? Quis sanus dixerit isti volumini datam potestatem claudendi cælum, faciendi miracula, & fetuendi aduersus inimicos?

QUOMODO  
S. S C R I -  
P T V R A E  
L I B R I  
I N T E R F I -  
C I A N T V R  
I V T A A V -  
C T O R E M .

Quartò, Quomodo isti libri pugnabunt 65  
aduersus Antichristum, aut quomodo ipse  
illos occidet, & eorum corpora iacebunt in  
plateis tres dies & dimidium? Respondet  
Auctor *interficiendos*, quia *mucrone cense-*  
*rio iugulabuntur. Quam, inquit, ad rem pro-*  
*diit*

*diit censura generalis Venetijs excusa anno 1562. ut censorio mucrone iugulentur.*  
 O crudelem mortem istorum Prophetarum! Deinde probat quod dixit: *Quid enim aliud agit quàm iugulat, cum omnes alias translationes præter suam Auctor comburi mandat? &c.*

Quamuis hæc ut febrientium deliria contemni possint; tamen quia multi hoc æuo ex hæresis febris delirant, breuiter refello. Primò, Si isti duo testes tandem interficiuntur, & iugulantur mucrone censorio illius censuræ generalis, editæ anno 1562. quomodo eorum corpora iacuerunt iam in plateis per mille annos & ampliùs, seu *per dimidium alterum hebdomadæ spiritualis*, ut ipse ait; quod continet totum tempus à Bonifacio III. usque ad finem mundi? An fortè ibi iacuerunt, priusquam essent occisi?

Deinde iuxta Auctoris sententiam, postquam tot sæculis iacuiissent corpora istorum Prophetarum in plateis, resuscitati sunt ad vitam, & in pedes erecti, ac in cælum eleuati, nempe per Lutherum & Calvinum; & terræ motus factus est magnus, conuersis tot millibus (ut ipse interpretatur pag. 84.) ad Calvinismum? Quare si tandem interfecti sunt anno 1562. per censorium mucronem illius censuræ generalis; ergo multis annis  
 antè

antè resuscitati sunt, & in cælum ascenderunt quàm interfecti; & vita illis restituta, priusquam illam amiserunt. quis dicat Auctorem intelligere quid scribat?

Præterea corpora Prophetarum iacebunt in plateis vrbis Romæ, vt vult Auctor, *omnibus gentibus, & populis, & linguis inspectantibus, & plaudentibus, & sibi mutuo missis muneribus, mirè gratulantibus, quia hi Prophetæ cruciauerunt eos*, vt ait Scriptura, cap. 11. v. 19. At nec ante iugulationem illam per censuram generalem, nec post, vitâ est publicè proiecta Scriptura in plateis Romanis, nec ea de re fuit vlla Romæ aut alibi populorum gratulatio; nec vlli populi Romanæ Ecclesiæ adherentes, communiter conquesti sunt se à Scripturæ libris cruciari.

QUOMODO  
IN HÆ-  
RETICOS  
CONGRV-  
ANT, QUAE  
CATHOLI-  
CIS DE  
SCRIPTV-  
RA IVGV-  
LATA OB-  
IICIUNT.

Optimè hæc omnia conueniunt in hæreticos interfectores veritatis ( vt eos vocat Tertullianus ) qui mirè sibi gratulati sunt, quando sacra Scripturæ vitam & animam, qua tot sæculis feliciter & gloriose vixerat, in legitimo sensu consistentem, violentis modis extorserunt, quæ antea eorum spiritum mirè cruciauerat. Denique ridiculum est dicere Scripturam iugulari, interfici, cum vetantur hæreticorum translationes, & illa sola, qua iam Ecclesia plusquam 1200. an-

nis



nis vſa eſt , omnibus præfertur . An hoc eſt abolere Scripturam , & non potiùs eam ſar- tam teſtam à deprauationibus & nouitati- bus tueri ? Quàm ſit vitanda omnis nouitas etiam in tranſlationibus, declarat vel cucur- bita Ionæ à D. Hieronymo verſa in hede- ram; vt alias rationes grauiffimas omittam.

Quintò, Si illi teſtes ſunt duo libri Teſta- menti , quomodo miniſtri Antichriſti cor- pora eorum iacentia in plateis non ſinent poni in monumento ? quomodo poſt tres dies & dimidium reddita eſt illis vita ? Si enim illi tres dies cum dimidio continent reliquum dimidium hebdomadæ ſpiritalis, vt ait Auſtor , hoc eſt totum tempus , quod eſt ab anno ſexcenteſimo, vſque ad finem mundi : ergo iſti teſtes primùm ſuſcitabun- tur ad vitam in fine ſæculi. Falfum ergo eſt, eſſe reſuſcitatos à Luthero & Caluino.

Sextò, Quomodo illi duo teſtes ſteterunt in pedes omnibus videntibus & timore per- culſis ? Quomodo facta eſt vox magna de cælo, omnibus audientibus, dicēs eis, *Aſcen- dite huc* ? Quomodo in nube aſcenderunt in cælum videntibus inimicis eorum ? De- nique quomodo eadem hora pars vrbiſ de- cima terræ motu corruit , & ſeptem homi- num millia ſunt interfecta ? Ludant meta- phoriſ & tropiſ quantum volunt , num-  
I quam

quam aliquid poterunt adferre, quod aliquem colorem habeat.

AD RA-  
TIONES  
AVCTORIS  
N. LXIV.  
ALLATAS.

CVRA SYM-  
MI PON-  
TIFICIS  
CIRCA  
SCRIPTV-  
RAM.

His confutatis breuiter respondeo ad ra- 66  
tiones (quę nihil sunt aliud quàm hæretico-  
rum calumniæ) quibus probat duos istos  
Prophetas suos (vetus & nouum Testamen-  
tum) fuisse vim passos à Pontifice multis sæ-  
culis. Ac primum absque omni specie veri  
dicitur, *Summum Pontificem supra omnia  
odisse verbum Dei, & nihil intentatum re-  
linquere, quo illud dedecoret, corrumpat &  
supprimat*. Contrarium ostendit summa  
cura ac prouidentia quàm adhibet, vt nihil  
in eo innouetur, nihil mutetur: & si quid  
tot sæculis per scriptores vel typographos  
mendi irreplit, ad antiquissimorum exem-  
plarium fidem emēdetur. Denique vt Græ-  
cè, Hebraicè, Chaldaicè, Syriacè quàm ele-  
gantissimis typis excusum extet: vt Biblia  
Complutenſia, & Regia satis testantur. Ve-  
rissime de hæreticis id dici poterat; quia  
ipsam vitam & animam sacre Scripturæ,  
quę in vero sensu consistit, pessimè oderunt:  
corpus quidem amant; sed vt ei nouam ani-  
mam tribuant, & ex verbo Dei verbum  
suum, vel potius diaboli, efficiant.

QVO MO-  
DO SCRIP-  
TVRA  
NASVS CE-  
REVS, &c.

Ad Primam, Scriptura sacra dicitur à Ca-  
tholicis, *Nasus cereus, regula Lesbica*, &c.  
non animata, sed inanima, hoc est, si nuda

spe-

- \* spectentur verba, remoto Ecclesiæ sensu, & sanctorum Patrum interpretatione : quo modo accipitur ab hæreticis. quod ipsa experientia clarè conuincitur. Nam videmus omnes hæreticorum sectas, etsi dogmatibus maximè repugnantes, sacram Scripturam suis placitis tanquam regulam accommodare; & profiteri se illa sola niti, per illam sua omnia perspicuè probari, &c. An non regula illis *Lesbia*, quam omnibus suis imaginationibus quantumuis absurdis accommodant, & seruire faciunt? Qui per Antichristum designari volunt non vnum hominem, sed plurimorum seriem; per tres annos cum medio, multas annorū centurias; per duos Prophetas, libros noui & veteris Testamenti plurimos, vel prædicantium aliquot centurias; per miracula Antichristi fallacia, miracula Ecclesiæ Catholicæ; per ignem de cælo descendentem, fulmen excommunicationis; per imaginem bestię, potestatem illimitatam Summi Pontificis; per tres ranas, Ordinem totum Iesuitarum; & alia huiusmodi deliria. Apud Catholicos non est *regula Lesbia*, quia est animata, vero nimirum sensu; qui contrariis placitis aptari nequit.

\*TRADI-  
TIONES  
HUMANÆ  
NON  
PRÆFER-  
RUNTUR  
SCRIPTU-  
RIS.

Ad Secundam, \* Nullus Pontifex, nullus Ecclesiæ Doctor præfert traditiones homi-

num, & Ecclesiæ auctoritatem, nouo & veteri Testamento: neque id ex eorum doctrina apparet, sed planè contrarium; alioqui nomen auctoris & locus proferatur. Scripturam nudam esse insufficientem ad omnium controuerſiarum diremptionem, clarissimum est: quia sunt multæ controuerſiæ inter sectas nostri temporis, quæ non possunt dirimi ex Scripturis, præsertim ut ipsi eas accipiunt, nimirum ut sunt destitutæ Patrum & Ecclesiæ interpretatione. Similiter cùm de singulis libris aut sententiis quaeritur, an sint verbum Dei, an nulla sit in illis adulteratio, nulla impostura; non potest id ex nuda Scriptura decidi: denique cùm de sententia alicuius loci est quaestio. Sed quænam est ista ἀλογισία: Catholici dicunt Scripturam sacram per se insufficientem ad omnes controuerſias dirimendas: ergo præferunt traditiones hominum, & Ecclesiæ auctoritatem, verbo Dei?

Ad Tertiam, Quòd locos corruptos non patiamur corrigi, falsum esse ostendunt Biblia Sixtina, & iam ante passim in plerisque exemplaribus vel correctum erat illud ὁρθογραφίας σφαλμάτων, vel in margine indicatum, ut ex Plantinianis editionibus constat. Quamuis hic error *euertere*, pro *euertere*, sit parui momenti, cùm sententiæ substantiam

tiam non mutet. Vulgò dicimur in quærendo euertere domum, cum sedes, scamna, mensas, lectos, & similia mouemus. Nec minus falsum est lectionem illam, *sic cum volo manere*, mendacij manifestam esse. Multi sancti Patres ita legerunt, & sensus eodem recidit, vt multi Doctores, Toletus, Maldonatus, & alij ostenderunt.

Ad Quartam, Iure præfertur antiqua editio Hebræis & Græcis exemplaribus; quia fidelius & diligentius à mendis præferuata. Facilius Hebræa quàm Latina corrumpi potuere, partim litterarum quarundam similitudine, partim punctorum appositione; cuius rei exempla plurima adferri possent. Est etiam apud eos varia lectio in locis 848. vt scribit Hugo Broughton Angelus in quadam oratiuncula de molitione versionis è sacrorum codicum fontibus in riuulos Britannicos. In Græca etiam non tantum veteris sed & noui Testamēti, multa errata irrepere.

Ad Quintam, Probandum erat, libros aliquos quos Ecclesia pro Canonicis recipit, apocryphos esse. Satis ea criminatio à multis Catholicis depulsa.

Ad Sextam, Si verba nonnulla, hēnistichia, aut versiculos Psalmorum accommodare Beatissimæ Virgini, & pro Domino po-

ANTIQUA  
SCRIPTV-  
RAE EDI-  
TIO PRÆ-  
FERENDA.

POSSUNT  
VERBA  
SCRIPTV-  
RAE SAN-  
CTIS AP-  
TARI.

nere *Dominam*, est sacrilega corruptio; ergo S. Bonaventura doctrina & sanctitate illustrissimus, est sacrilegus corruptor sacrae Scripturae, qui Psalterium B. Virginis contextuit. Fatetur Auctor, quia in margine illum expressit. Sacrilegus quoque est S. Bernardus, & multi alij sanctissimi viri, qui sæpè verba Scripturae hoc modo Sanctis accommodant. Sed eos sua sanctitas & sapientia, qua orbi sunt notissimi, satis aduersus hæreticorum criminationes tuetur.

Sacrilegum est S. Scripturae verbis uti ad facetias, ad pasquillos, detractiones; non ad laudes Sanctorum, cum sano sensu ad eas possint aptari. Neq. hoc est Christi & Matris personam & dignitatem confundere; sed ea quæ per excellentiam tribuuntur Filio, inferiore modo transferre ad Matrem. Sic Apostoli vocati sunt à Domino *lux mundi, sal terræ*; sic *fundamenta Ecclesiæ* nuncupati.

Ad Septimam, Totum quod ibi dicitur, merum est commentum. Numquam Scriptura à Summo Pontifice fuit suppressa, numquam ad silentium damnata: numquam ideò aliquis hæreticus habitus & combustus, quòd sacram Scripturam legere, nedum in manus sumere auderet. Translationes in linguam vulgarem meritò non  
passim

passim permissæ: tum quia difficillimum semper fuit aptas habere (cuius signum est, quòd ea qua modò Protestantes in Anglia vtuntur, & plebi legendam tradunt, myriadas erratorum habeat, vt Hugo Broughton testatur) tum quia non expedit eam plebi passim sine delectu ac iudicio Parochorum permitti. Nam vt docet experientia, cùm plebs mysteria Scripturæ non intelligat, se tamen probè intelligere putet; fit vt quisque sibi priuatim fidem suam fabricet. Hinc passim dicunt se non curare quid Lutherus dixerit, quid Calvinus, quid Menno, primi Apostoli nouorum Euangeliorum huius æui, quid iste vel iste minister; acquiescere se in solo Dei verbo, quod errare non possit: & ita singuli priuatum iudicium & priuatum spiritum sibi regulam credendi statuunt. En fructum istius indiscretæ permissionis. Semper in Ecclesia Scripturæ, quæ ad populi fidem instruendam & mores formandos pertinent, diligentissimè fuerunt expositæ; vt ex Homiliis & concionibus variorum Doctorum constat, quæ Scripturis sunt refertissimæ.

Quod ad Legendas Sanctorum attinet, quas Auctor sugillat; probandum ei est, eas quæ à sanctis Patribus & aliis Auctoribus grauissimis conscriptæ sunt, mendaces esse.

ALIA RE-  
SPONSIO  
AUCTORIS  
DVOS TE-  
STES ESSE  
PRAEDI-  
CATORES  
VERBI.

REFUTA-  
TUR.

Satis ostensum est sententiam priorem nostri Auctoris de duobus testibus nullam veri speciem præferre. Itaque subiicit alteram pag. 85. *vt duo testes sint prædicatores verbi* (Euangelij noui) quam ait esse *magis receptam, & magis accedere ad cõtextum litteræ.* Sed & hoc figmentum pari facilitate refutatur. Primò, Isti Prophetæ de quibus loquitur Scriptura prædicabunt solum per dies 1260. & eo tempore completo occidentur, vt habetur cap. 11. At ministri Caluinistarum & Lutheranorum iam per 60. vel 80. annos prædicarunt. Secundò, Illi prædicabunt toto tempore quo durabit persecutio Antichristi. colligitur apertè ex capite 11. v. 2. 3. 7. At ministri Caluinistici & Lutherani non prædicarunt toto illo tempore, quo Antichristi persecutio durauit. Nam iuxta sententiam Auctoris hæc durauit per dimidium spiritalis hebdomadæ; nempe à tempore Bonifacij III. vsque ad hoc tēpus, quod est plus quàm mille annorum. At prædicatio Caluinistarū & Lutheranorum non durauit, nisi 60. vel 80. annos.

Dicet fortè (vt quidam alij hæretici dicunt) ad hos duos testes pertinere etiam ministros sectarum quæ superioribus sæculis viguerunt, nempe Hussitarum, VViclefistarum, Lollardorum, Begardorum, Fratricellorum,



lorum, Albigenfium, Bogomilum, VValdenfium, Catharorum, Apostolicorum, Berengarianorum, Iconomachorum, Monothelitarum. Hæ enim funt præcipuæ, quæ à tempore Bonifacij exortæ. Hæ omnes à Babylone exierunt, & Antichrifto refifterunt, iuxta fententiam Auctoris.

Sed contrà. Ifti Prophetæ, quos Deus mittere aduerfus Antichriftum, habebunt fanam doctrinam, eruntque inter fe in doctrina fidei concordēs. At hæ fectæ funt admodum difcordes, tum inter fe, tum à Calviniftis & Lutheranis; & multa habent quæ fanæ doctrinæ, etiam Calviniftarum iudicio, repugnant. vt interim omittam iftarum fectarum prædicantes ducentis & amplius annis conticuiſſe, nimirum ab anno 800. uſque ad 1050. quia non legimur eo tempore aliquam fectam viguiſſe. Deinde Auctores illarum fectarum (excepto fortè vno vel altero) non habuerunt Papam pro Antichrifto. At Prophetæ quos mittet Deus, cognofcent Antichriftum, & monebunt omnes vt eum pro tali habeant. Tertiò, Ifti Prophetæ erunt ſolùm duo numero. *Dabo*, inquit, *duobus teſtibus meis. Hæ funt duæ olive*, &c. At prædicantes Lutherani, Calviniftæ, &c. funt maximo numero. Reſpondet Auctor; *duali numero deſcriptos eſſe*,

QVOMODODI-  
CANTVR  
DVO IUX-  
TA AV-  
CTOREM.

*quia initio pauci erant, & in ore duorum  
vel trium testium stabit omne verbum.*

Contrà. Quinam erant illi pauci, Lutherusne, Zwinglius, Menno, Melanchthon, Calvinus, Bucerus, &c. At cur hi omnes dicuntur potius duo quàm decem, qui est numerus perfectus? Deinde, etsi initio erant pauci, postea tamen creuerunt in maximum numerum: cur ergo tam exiguo numero designantur? An quia duo testes sufficiunt, is qui mille testes producit, non dicetur nisi duos produxisse? Sed neq. verum est duos testes sufficere ad cõdemnandum, quando totidem vel plures adferuntur in contrarium. At in hac causa multa millia testium pro Summo Pontifice proferre possumus, qui suo sanguine parati sunt suum testimonium obsignare. Quomodo ergo duo testes sufficiunt, vt teneamur illum condemnare, & pro Antichristo habere? Itaque insulsè ratio istius numeri sic explicatur. vt omittam omnes numeros certos huic Auctori poni pro incertis, vt eos suo proposito accommodet: nimirum decem cornua, decem Reges, decem diademata; septem cornua, tria cornua, tres immundi spiritus; 42. menses, dies 1260. duo Prophetæ, tres anni cū medio, omnes hæ numerorum species maximos numeros sed incertos denotant.

tant. quis Oedipus, quæ sphynx ista diuinet?

Quartò, Si duo isti Prophetæ sunt prædicantes noui Euangelij, peto cuius sectæ: Si dicas, Caluini: repugnabunt Lutherani, & Anabaptistæ. Hi enim non minùs suos ministros dicent ad hunc dualem numerum pertinere, quàm Caluinistarum. Si velis è secta Lutheri, opponent se Caluinistæ, & alij. singulæ enim sectæ eos sibi vindicabunt. Si ex omnibus sectis huius æui seligas, vt omnibus fiat satis; quàm hoc est absurdum & ridiculum, cùm tanta inter illas sit discordia, tanta animorum & dogmatum dissensio, tanta in se inuicem maledicentia, alià aliam hæreseos condemnante?

Quintò, Isti duo Prophetæ habebunt potestatem igne cælesti & *νεκρωία μέσση* inimicos suos, qui eis nocere tentauerint, feriendi, & cælum claudendi ne pluat, & terram omni plaga percutiendi, &c. At nihil horum vñquam visum in prædicantibus Lutheranis vel Caluinistis. Denique nec reliqua illis applicari possunt. non enim occisi omnes isti prædicantes, sed paucissimi, minusque celebres. Neque occisorum corpora iacuerunt per tres dies & medium in plateis ciuitatis magnæ, *quæ vocatur spiritualiter Sodoma & Aegyptus, ubi Dominus crucifixus est*, omnibus gentibus inspectantibus

tibus & plaudentibus. Neque visi resurgere & ascendere in cælum corruente decima ciuitatis parte, obrutis ruina septem hominum millibus. Ex quibus instar somni euanesceat hoc ludibrium.

Supereſt vt tãdem explicemus,quinam il- 68  
li duo teſtes ſint futuri. Communis Docto-  
rum ſententia eſt, alterum fore Eliam The-  
ſbiten, quod etiam clarè cõuincitur ex Scri-  
pturis: Malachiæ 4. *Ecce ego mitto vobis*  
*Eliam Prophetam, antequam veniat dies*  
*Domini magnus, & horribilis: & conuertet*  
*cor patrum ad filios, & cor filiorum ad pa-*  
*tres eorum.* Eccleſiaſtici 48. *Qui receptus eſ*  
*in turbine ignis, in turbine equorum igneo-*  
*rum: qui inſcriptus eſ in iudiciis temporum*  
*lenire iracundiã Domini, conuertere cor*  
*patris ad filium, & reſtituere tribus Iacob.*  
Matth. 17. *Elias quidem venturus eſt, & re-*  
*ſtituet omnia.* Nec obſtat quod ſubiungit:  
*Dico autem vobis, quia Elias iam venit, &*  
*non cognouerunt eum.* quia non loquitur de  
eodem Elia, ſed de alio, nempe Ioanne Ba-  
ptiſta, qui ſolùm officij ſimilitudine Elias  
dicitur; vt omnes Patres explicant; de quo  
plura inferiùs. Ob hæc Scripturæ loca om-  
nes Catholici pro certo tenent Eliam eſſe  
alterum ex illis teſtibus ſeu Prophetis, quos  
Dominus ſub finem mundi mittet, de qui-  
bus

QVINAM  
SINT ISTI  
DVO PRO-  
PHETAE.

bus Ioannes cap. 11. Apocalyp. Vnde sine graui errore negari non potest.

- 69 De altero quis futurus sit, non est aded QVIDAM  
PUTANT  
MOYSEN  
FORE AL-  
TERVM. certum apud omnes. Non enim desunt Doctores, qui putent fore Moysen: tum quia Moyses cum Elia apparuit in Domini transfiguratione: tum quia ipse est qui conuertit aquam in sanguinem, & habuit potestatem percutiendi terram omni plaga: tum quia totum quod gessit Moyses in Ægypto, figura fuit eorum quæ gerenda sunt sub finem sæculi. Ægyptus enim designat mundum: Pharaon cum suis Ægyptiis, Antichristum cum omnibus impiis ipsi adhærentibus: plagæ Ægypti, plagas quibus tunc ferietur orbis: eductio filiorum Israël per mare Rubrum in terram promissionis, liberationem populi Dei, per sanguinem Christi, ab impiis, in regnum caeleste: submersio Pharaonis & exercitus eius, submersionem impiorum in abyssum inferorum. Sicut ergo Moyses cum Aarone præfuit in typo; ita cum Elia ad futurum in signato.

Sed communis sententia Patrum est, al- ALTER  
ERIT  
ENOCH. terum fore Enoch, qui ante diluuium translatus est. Colligitur ex cap. 44. Ecclesiastici: *Enoch placuit Deo, & translatus est in paradysum, ut det gentibus penitentiam.* q. d. Vt ibi vsq. ad nouissima tempora seruatus, tunc

tunc veniat ad conuertendas gentes. Cur enim tot sæculis seruetur in vita, nisi vt aliquando ad nos redeat, & peracto suo munere, mortalitatis debitum persoluat, & sic mercedem iustitiæ percipiat?

Ex his constat duos istos Prophetas fore Enoch & Eliam, qui idcirco rapti sunt ab hominum consuetudine, & conseruantur in vita, vt nouissimis temporibus comparantes, Antichristo se opponant, & Iudæos atque gentes ad pœnitentiam adducant.

Quod probatur ex Patribus. Ireneus l. 5. 70 c. 5. *Dicunt presbyteri qui sunt Apostolorum discipuli, eos qui translati sunt, illuc (in paradysum) translatos esse.* Et paucis parenthesi interiectis addit: *Et ibi manere eos qui translati sunt, vsque ad consummationem, conspicientes incorruptelam.* Loquitur de Enoch & Elia; & dicit eos manere in paradiso, in quo primus homo positus fuerat, vt ex verficulo præcedente constat; ibique seruari incorruptos vsque ad consummationem, hoc est, nouissima tempora, quibus mundus est finiendus. Vbi tacite insinuat eos tunc mortem appetituros; alioquin non restrinxisset eorum incorruptelam ad tempus consummationis. Atqui nulla est ratio cur ibi seruentur incorrupti vsque ad finem sæculi, nisi vt aliquando ad

ad commercium humanum remittantur.

Methodius de rebus quæ ab initio mundi contigerunt, &c. sub finem: *Continuò mittet suos famulos sincerissimos & charissimos Enoch & Eliam ad redarguendum eum, &c.*

Tertullianus l. De anima, c. 50. *Translatus est Enoch & Elias, nec mors eorum reperta est, dilata scilicet. Ceterum morituri reseruantur, ut Antichristum sanguine suo extinguant.*

Origenes in cap. 17. Matth. tractatu 3. *Ad hoc (nempe ad interrogationem discipulorum) respondit Iesus non reprobans quidem, quæ à Scribis tradita fuerant de Elia; sed alium Elie aduentum ante se indicans factum, &c.*

Lactantius l. 7. Diuinarum institutionum, c. 17. *Imminente iam temporum conclusione Propheta magnus mittetur à Deo, qui conuertat homines ad Dei cognitionem, & accipiat potestatem mirabilia faciendi, &c.* Apertè satis Eliam hunc fore indicat.

Hilarius can. 17. in Matthæum: *Quibus respondit Eliam esse venturum, & restituere vniuersa, id est, reliquum quod deprehenderit ex Israël ad cognitionem Dei reuocaturum. sed in virtute & spiritu Elie Ioannem venisse significat, &c.*

Ephrem

Ephrem de Antichristo versus finem: *Ceterum priusquam cuncta ista fient, mittet misericors Deus Eliam Thesbiten & Enoch, qui palam populo predicent, ne illi credant, &c.*

Chrysostomus Homilia 58. in Matthæum: *Prophete utriusque aduentus mentionem faciunt, & secundi cui præcursores Eliam asserunt futurum. Primi enim Ioannes fuit præcursor, quem etiam Eliam Christus appellabat; non quia Elias esset, sed quia ministerium Eliæ faciebat. Sicut enim ille secundi aduentus præcursor erit, sic primi fuit Ioannes.*

Commentarius Ambrosij in illud cap. 4. prioris ad Corinth. *Puto enim Deus nos Apostolos nouissimos ostendit. Hoc ideo persona sua deputat, quia semper in necessitate fuit: persecutiones & pressuras ultra ceteros passus, sicut passuri sunt Enoch & Elias, qui ultimo tempore futuri sunt Apostoli.*

Hieronymus in cap. 17. Matth. *Traditio Phariseorum est iuxta Malachiam Prophetam, quod Elias veniat ante aduentum Salvatoris, & restituat omnia in antiquum statum. Aestimant ergo discipuli transformationem gloriae hanc esse quam in monte viderant, & dicunt, Si iam venisti in gloria, quomodo præcursor tuus non apparet?*  
quando



quando adiiciunt, *Scribe dicunt quod Eliam oporteat primum venire: primum dicendo, ostendunt quod nisi Elias venerit, non sit secundum Scripturas Saluatoris aduentus. At ille respondens ait: Elias quidem venturus est, & restituet omnia. Ipse qui venturus est in secundo aduentu Saluatoris iuxta corporis fidem, nunc per Ioannem venit in virtute & spiritu, &c.* Idem in cap. 4. Malachiae aperte indicat Eliam venturum, & in illo chorum Prophetarum; ut qui olim ad eos fuere missi, rursus mittantur in fine saeculi in Elia.

D. Augustinus lib. 20. de Ciuit. Dei cap. ultimo: *In illo iudicio vel circa illud iudicium has res didicimus esse futuras, Eliam Thesbiten, fidem Iudaeorum, Antichristum persecutorem, &c.* Deinde subdit: *Quae omnia quidem ventura esse credendum est; sed quibus modis, & quo ordine veniant, magis experientia docebit, &c.* Itaque iuxta D. Augustinum certa fide tenendum, ut reliqua quae ibi commemorat. & cap. 29. exponens locum illum Malachiae 4. *Per hunc Eliam, inquit, magnum mirabilemque Prophetam, exposita sibi lege ultimo tempore ante iudicium, Iudaeos in Christum nostrum esse credituros celeberrimum est in sermonibus cordibusque fidelium, &c.* Ecce communem Ecclesiae sensum.

Prosper in dimidio temporis, tribus capitibus ex professo docet hos duos Prophetas fore Enoch & Eliam. Cap. 13. locum Malachiæ 4. exponit de missione Eliæ ante diem iudicij futura. Et infra: *Ecce & hinc tripartita testium diuisio. Contra Pharaonem duo testes Dei missi sunt, Moyses & Aaron; & duo magi Pharaonis Iannes & Mambres resistentes Moysi, qui simul cum suo Rege perierunt. contra Neronem duo, Petrus & Paulus Apostoli: at è contrario Simon Magus, qui & se perdidit, & Neronem decepit. & contra Antichristum duo, Enoch & Elias Propheta, aduersus quos tres pseudo-propheta Antichristi exurgent, &c.* Cap. 15. agit de eorum passione sub Antichristo: & cap. 16. de eorum post tres dies & dimidium resurrectione.

Eucherius Lugdunensis Dominica 2. Aduentus: *Præliabitur contra Sanctos (Antichristus) quia veniet Enoch & Elias tunc, quos quia ratione superare non poterit, gladiis interim faciet.*

Theodoretus in illum locum Malach. 4. *Diem secundi aduentus dixit, docetq; item quæ magnus Elias facturus est cum venerit: & causam quare prior veniet, ostendit.*

Gregorius lib. 9. Moralium c. 4. *Hinc est quod duo illi predicatorum eximij dilata morte*

morte subtraēti sunt, ut ad prädicationis usum in fine reuocētur, de quibus per Ioannem dicitur: Hi sunt duæ oliuæ, & duo candelabra in conspectu Domini terræ astantes; quorum unum in Euangelio per semetipsum Veritas pollicetur dicens: Elias venturus est & restituet omnia, &c. Idem habet lib. 20. cap. 26. & lib. 35. cap. 15. & Homilia 7. in Euangelia sic ait: *Qui* (Ioannes) *idcirco in spiritu & virtute Eliæ venturus dicitur; quia sicut Elias secundum Domini aduentum præueniet, ita Ioannes præuenit primum. Sicut ille præcursor venturus est iudicis; ita iste præcursor factus est redemptoris. Ioannes igitur in spiritu Elias erat, in persona Elias non erat.*

Beda in Samuelem cap. 11. *Neque aliud vetat duas has vaccas, quæ arcam Domini referentes Israëlitis, holocaustum sunt Domino, super Enoch & Elia interpretari, qui tunc (tempore Antichristi) Iudæis fidei gratiam aperturi: nec mora ab Antichristo mortem creduntur esse suscepturi.*

Alcuinus lib. 3. de Trinit. c. 19. *Eliam & Enoch maximos Prophetas venturos esse Ecclesiæ fides habet; per quorū doctrinam populus Israëliticus conuertetur ad fidem, &c.*

Theophylactus in cap. 17. Matth. *Decipientes Scribæ populum dicebant ipsum non*

*esse Christum: nam si esset Christus, Elias iam venisset; ignorantes quòd duo sint Christi aduentus; quorum primi præcursor Ioannes, secundi autem Elias. Sic enim & Christus interpretatur Discipulis. Et infra: Dicendo quidem quòd Elias veniet, ostendit quòd nondum venit: in secundo autem aduëtu veniens, restitutus sit ad fidem Christi omnes Hebræos, quos persuasibiles inueniet. Cùm autem dicit, Elias iam venit, præcursorem illum Ioannem dicit, &c. Et paulò pòst: Tunc igitur Discipuli facti perspicaciores intellexerunt quòd Ioannem Eliam vocarit, quòd ipse primi aduentus præcursor fuerit, sicuti ille secundi futurus est præcursor. Omitto posteriores qui idem tradūt.*

Ex quibus patet omnibus sæculis à temporibus Apostolorum hanc fuisse communem fidelium, & sanctorum Patrum sententiam. Hæc paulò fusiùs ob hæreticorum impudentiam, qui istam doctrinam de Enoch & Elia tamquam futilem & anilem fabulam reiiciunt; & Eliam de quo Malachias loquitur, Ioannem Baptistam fuisse contendunt, nullumque alium Eliam expectandum.

RESPON-  
SIO AV-  
CTORIS.

Auctor in Præfat. pag. 77. *Nimis, inquit, 71  
anxiè hanc futilem & anilem fabulam re-  
futavi: cui tantum abest ut credam, ut con-*

*irà*

*trà isto tamerudito seculo, hoc qui credat, Deum testor, non modò pro magni nominis Theologo, sed ne pro Christiano quidem habeam; quin potiùs Scribis & Phariseis accenscam, qui sic insaniebant, ut quamvis Christus contrarium docuisset, semper tamen venturum Eliam somniarent.*

Si ob Christi contrarium asserentis doctrinam, non est pro Christiano habendus, &c. qui credit Eliam venturum: nullus ergo ferè sanctorum Patrum Christianus habendus, sed omnes Scribis & Phariseis accensendi; omnes in anili & Iudaica fabula insaniunt. Nam omnes docent Eliam Thesbiten venturum ante secundum Domini aduentum. neque putant id impletum per Ioannem Baptistam. At quid dici potest absurdus, aut in sanctos Patres iniuriosus? *Sed, inquit, veteres excusandi, si scpiùs hîc errent, & minùs rectè multa Apocalypsis mysteria intelligant: quia liber ille eorum temporibus adhuc obligatus erat, & homo ille peccati nondum reuelatus.*

Sed contrà. Primò, Hîc non est quæstio de intelligentia mysteriorum Apocalypsis, sed de explicatione cap. 4. Malachie, & verborum Domini Matth. 11. v. 14. & 17. v. 12. vbi agitur de aduentu Eliæ, & Ioannis Baptistæ. Itaque si ista loca intelligenda de

aduentu solius Ioannis, ita ut alius Elias non sit expectandus; iam à tempore Christi impleta fuit illa prophetia, ac proinde Patribus debuit esse manifesta: neque excusatio illa ex obscuritate nondum impletæ prophetiæ in ipsis locum habebit. Quare nullus eorum in Christianis erit censendus.

Dicet fortè, rem non fuisse adeò manifestam, donec impleta est prophetia Apocalypsis de aduentu Antichristi, & reuelatus est homo peccati: postquam autem ille mundo apparuit, nullo alio Elia comparente, perspicuum fuit per Eliam non esse alium intelligendum quam Ioannem Baptistam. Verùm etsi hoc ineptè dicatur, sit ita: ergo saltem nullus eorum qui iam à mille annis (ex quo tempore vult Auctor cum suis Antichristum mundo reuelatum) extiterit, Christianus est habendus: non D. Thomas, non D. Bonauentura, non S. Franciscus, Dominicus, Bernardus, Anselmus, Norbertus, non Richardus & Hugo Victorini, non Rabanus, Bonifacius, Alcuinus, Beda, & alij innumeri sanctitate, doctrina, miraculis clari. Hi enim omnes Patribus antiquissimis adhærentes, crediderunt Eliam Thesbiten venturum.

Deinde, Si prophetiæ Apocalypsis de Antichristo iam sunt impletæ, & ideo non amplius

plius obscuræ, sed adeò perspicuæ, vt etiam Scripturas illas, quæ de aduentu Eliæ agunt, planè illustrent; quomodo Auctor pag. 56. dicit *definitionem Antichristi esse rem obscuram & inuolutam*? Quomodo pag. 78. & 86. suas expositiones de duobus testibus, *coniecturas probabiles* appellat? Itaque immemor sui se ipse manifestè confutat. Rursus, quomodo tam diuersæ sunt aduersariorum hac de re sententiæ. In rebus apertis & ipsa experientia notis non est locus coniecturis, & sententiarum diuersitati. Quomodo per nouem sæcula omnes adeò cæci & stupidi fuere, vt nemo has prophetias impletas aduerterit, nemo vel suspicatus fuerit; donec tandem odium exitiale & furor in Pontificem Luthero oculos aperuit, eiq; hoc mirabile mysterium ostendit?

Denique cùm hæretici dicunt Patres in istis errasse, eò quòd Antichristus eorum tempore nondum erat reuelatus; nunc autem reuelatum esse, & ideò melius ostendunt Scripturas intelligi, manifestè principium in disputando petunt. Hoc enim est quod in quæstionem vocatur. Quæritur enim an Papa sit Antichristus. Probamus non esse: quia Elias Antichristi tempore venire debet, vt ex Scripturis, iuxta Patrum interpretationem, perspicuum est.

Respondet illas Scripturas aliter exponendas, Patres in earum expositione errasse, sed esse dignos venia, quia Antichristus eorum tempore nondum erat reuelatus, nunc autem reuelatum esse; & ideo tam docto sæculo, cuius luce istud mysterium est patefactum, non esse venia dignos, qui Patrum sententiam sequuntur. Quis non videat hinc apertè principium peti, & assumi tamquam perspicuum quod pars aduersa negat, de quo est tota quæstio.

Addo mirum esse nunc Auctori tam paruum rem (nimirum *credere Eliam venturum tempore Antichristi*) efficere nõ Christianum, cum tam multa & graua, in quibus Lutherani à Calvinistis dissentiant, reputet inter apices, & omnes eorum Synagogas velit vnā Ecclesiam verè Christianam constituere: vt patet pag. 138.

Nunc videamus quibus Argumentis hoc 72 eruditum sæculum, vt vult Auctor, adeò perspicuè probet Eliam non venturum, vt sine iactura fidei Christianæ contrarium tenere non possimus. Digeram ordine, quæ ex Auctore exsculpere potui.

ARGV-  
MENTA  
HAERETI-  
CORVM  
VT PRO-  
BENT E-  
LIAM NON  
VENTV-  
RVM.

Primum, Quia locus Malachiæ 4. quo maximè nituntur Catholici, non est intelligendus de Elia Thesbite, sed de Ioanne Baptista, qui fuit præcursor primæ aduentus.

Quod



Quod confirmatur, *Quia*, inquit Auctor pag. 68. *Christus bis apud Matthæum, apud Marcum semel, certiores facit tam ipsam multitudinem, quàm Discipulos suos, Ioan-*  
*nem Baptistam illum esse Eliam repromis-*  
*sum.* Deinde post acrem inuectiuam in Cardinalem Bellarminum, quasi non bona fide verba Christi tractasset (nempe quia ex Patrum potius sententia quàm ex hæreticorum figmētis ea exponere maluit) addit: *Idem improbiſſimè cauillatur super verbo Venturus. Christus enim vititur quidem illo verbo, sed repetens vulgarem opinionem: interpretatur autem iam eum in Ioanne venisse: ac si diceret, Vera est quidem prophetia, Eliam esse venturum; sed ego dico vobis, Elias iam venit, de Ioāne Baptista sentiens.*

Hæretici duo ferè in omnibus contro-  
 uerſis quæſtionibus à Catholicis postulant. RESPON-  
SIO.  
 Primò, vt omnes ſeponant Patres, & omnem veterum auctoritatem, vt qui tamquam homines errauerint. Secundò, vt clauſis oculis nouas ipſorum interpretationes pro puro puto verbo Dei acceptent; etiamſi omni penitus probabilitate careāt, quales plurimas in hæc Diſputatione reſtaui-  
 mus. Sed iniquum poſtulant.

Itaque ad hoc Argumentum reſpondeo, locum illum Malachiæ neceſſariò de per-

LOCVS  
MALA-  
CHIAE  
IIII. DE  
ELIA VE-  
RO.

sona Eliæ intelligēdum, nec posse vlla ratione de Ioanne exponi. Primò, Quia cōmunis & recepta omniū Patrum, & Doctorum qui singulis sēculis extitere, expositio obstat; vt ostēsum est. Secundò, Quia Iesus Siracides manifestè ad hūc locum Malach. respicit, vt Auctor fatetur, eumq. intelligit non de Ioanne Baptista, vt ipse contendit, sed de persona Eliæ, vt nemo dubitare potest, qui antecedentia & cōsequentia vel obiter legit. Suscepit enim ibi laudādum Eliam, eiusque facta cōmemorat: de quo cū dixisset; *Qui receptus es in turbine*; statim addit: *Qui inscriptus es in iudiciis temporum lenire iracundiam Dei*, &c. Eadem ergo est persona, quæ in turbine recepta est, & quæ inscripta, id est, de qua scriptum est debere venīre in iudiciis temporum (cū Deus orbem est iudicaturus) lenire iracūdiam Dei, &c. Græca paulò aliter habet, ὁ καὶ ἀγαρεὶς ἐν ἐλεγμοῖς εἰς κήρυξ καὶ πάσαις ὁργάνων τοῦ θυμοῦ, id est, *qui descriptus est (in Malachia) lenire iracundiam ante furorem* (ante sententiam condemnationis, respicit enim ad illud Malach. *Ne forte veniam & percutiam terrā anathemate*) *iis temporibus quibus Deus orbē redarguet, seu castigabit*. Noster interpretes optimè sensum expressit. Tertiò, Malachias apertè distinguit duplicem aduētum Domini: nimirum priorem,

rem, de quo c. 3. & huius præcursorem facit Ioannem Baptistam: *Ecce ego mitto Angelum meum, & præparabit viam ante faciem meam; & statim veniet ad templum suum dominator, quem vos queritis.* Hunc Angelum præcursorem constat esse Ioannem Baptistam, ipso Domino interprete Matth. 11. 10. Luc. 7. 27. &c. Et posteriorem, de quo c. 4. *Ecce dies veniet succensa quasi caminus, & erunt omnes superbi, & omnes facientes iniquitatem stipula.* Huius præcursorem facit Eliam: *Ecce ego mitto vobis Eliam Prophetam* (vel ut Græca habent, *Thesbitem*) *antequam veniat dies Domini magnus, & horribilis.*

- 73 Auctor per diem Domini magnam & horribilem intelligit diem passionis Christi, cum sol omnino obscuratus est ad tres horas, terra contremuit, petrae scissæ sunt, monumēta aperta sunt, mortui resurrexerunt: si, inquit, ille dies non fuit magnus atque horribilis, quid horribile sit non video. Sed id facit contra perpetuum Scripturæ usum, quæ semper per diem Domini, denotat diem iudicii extremi, ut patet plurimis Scripturæ locis: ut 1. ad Thessal. 5. 2. 2. Cor. 1. 14. ad Philip. 1. 6. 10. 2. Thess. 2. 2. Pet. 3. 10. Et in veteri Testamēto, Isaia c. 2. 12. c. 13. 6. 9. c. 34. 8. Ioëlis c. 2. 2. 11. 31. Sophoniæ c. 1. 7. 14. & alibi. Et quamvis interdum extendatur ad significandum diem

DIES DO-  
MINI MA-  
GNVS QVIS  
DICATVR.

diem maximæ ultionis, vt excidij Iudeorum; tamen semper habetur respectus ad diem iudicij, cuius illud excidium erat typus. At dies passionis non erat dies ultionis & vindictæ, sed misericordiæ & salutis: tunc enim *delebatur peccatum*, & *iustitia sempiterna adducebatur*. Et quamuis illa commotio naturæ ad breue tempus durans sua specie esset horribilis, nihil tamen mali peccatoribus intulit. Non enim erat ad puniendum, sed ad testimonium Christo perhibendum. Imò tantum abest, vt ille dies possit dici *dies Domini magnus & horribilis*, vt dicatur *dies mundi, dies hominum, & potestas tenebrarum*. De illo enim dictum est à Domino: *Hæc est hora vestra, & potestas tenebrarum*. Et, *Mundus gaudebit, vos verò contristabimini*, &c. Denique quis non videat Malachiam loqui de illo die Domini magno & horribili, quem toto illo capite descripserat, quem constat esse diem iudicij? Idem patet ex verbis proximè sequentibus: *Ne fortè veniam, & percutiam terram anathemate*, vel interneccione, (nam vox Hebræa אחרת hoc etiam significat) vel vt Septuaginta, ἀπολω, omnino, funditus. Atqui Christus tunc non venit ad percutiendam terrā anathemate, etsi esset impiissima, sed ad eam benedicendam. Vnde quod Auctor ait,

ait, quòd *iste dies haud dubiè omnes sine exceptione Iudeos iusto anathemate perdidisset, nisi Ioannes præcursor Domini permultos prius conuertisset doctrina pænitentiae atque baptismo*; non solùm fundamento caret, sed etiam Scripturæ repugnat. Illorum merita & sanctitas (quæ fortè tunc exigua vel nulla erant, si paucos excipias) non auerterunt excidium, sed ipsa temporis conditio diuinitus disposita; quia erat tempus patien-  
di, non vlciscendi; & multi adhuc ex Iudæis erant conuertendi. quam ob causam ultio in quadraginta annos fuit extracta. Adde Ioannis doctrinam & baptismum non potuisse delere peccata, aut perfectè homines conuertere, sed solùm fuisse dispositionem ad doctrinam & baptismum Christi. Vnde ipse ad Christum remittebat: imò pauci occasione Ioannis ante Christi mortem perfectè in illum videntur credidisse.

Quartò, Ipse Ioannes Baptista rogatus à Pharisæis, *an esset Elias*, negauit se esse Eliam: Ioannis 1. 21. Non est autem dubitandum quin Pharisei rogauerint de illo de quo loquitur Malachias cap. 4. Nimirum an esset Elias, quem Malachias prædixit venturum ante aduentum Domini: sicut cùm rogant; *Propheta es tu?* loquuntur, de illo Propheta, de quo Moyses Deuteron. 18.

Ergo

Ergo cùm negat se esse Eliam, negat se esse illum de quo Malachias: sicut cùm negat se Prophetam, negat se non quemlibet Prophetam, sed illum de quo ibi Moyfes. Debebat enim respondere ad mentem Scripturæ, ad quam Pharisei, & qui eos miserant, respiciebant.

Quintò, Ipse Dominus apertè Matth. 17. dicit: *Elias quidem venturus est, & restituet omnia.* idque dixit multò post mortem Ioannis. Non ergo ibi loquitur de Ioanne. Iam enim hic venerat, & cursum suum absoluerat: & tantum abest, vt restituerit omnia, vt paucissimi ab ipso videantur conuersi. hoc autem propriè dicitur de Elia; quia in fine mundi, cùm plenitudo gentium intrauerit, multa millia ipsius opera conuertentur, & sic *omnis Israël saluus fiet* iuxta Apostolum ad Rom. 11. hoc est *omnia restituere*, vt sancti Patres explicant.

Nec obstat quod Dominus subdit: *Dico autem vobis quia Elias iam venit, & non cognouerunt eum.* Quia loquitur de alio Elia, quem ob similitudinem officij sic vocat: vt omnes Patres explicant. Vnde verum non est Christum his verbis interpretari illa verba priora; *Elias quidem venturus est*, &c. vt vult Auctor: sed vult ostendere non solum ante secundum aduentum venturum

Eliam;

Eliam; sed etiam ante primum venisse, non in persona sua, sed in spiritu & similitudine officij. Idem confirmatur ex cap. 11. Matth. ubi cū dixisset; *Omnes Prophetae prophetauerunt vsque ad Ioannem; & si vultis recipere, ipse est Elias:* addit; *Qui habet aures audiendi, audiat.* Quasi dicat: Quia vos putatis Messiam non venturum, nisi primum veniat Elias, cogitate Ioannem esse Eliam; hoc tamen non ita crasse, sed figuratè accipere debetis: quia non est Elias persona, sed similitudine officij. Itaq. scire debetis Messiam iam esse præsentem. Sentiebant enim Messiam non venturum, nisi præcurrente Elia: & quia Eliam nondum videbant, colligebant Dominum non esse Messiam. Dominus ostendit quo modo illorum sententia sit vera, duplicem distinguens personam præcursoris, sicut duplex est Messiae aduentus; quarum prior sit Elias spiritu, quæ iam venerit: altera Elias persona, quæ ventura sit ante secundum aduentum. Et hoc modo soluit eorum rationem, & indicat Messiam iam venisse. Simile esset si quis ita diceret: Antichristus venturus est, & Ecclesiam vastaturus; sed verè dico vobis, Antichristus iam venit, & Ecclesiam vastare cœpit, intelligens Lutherum cum tota sobole, &c.

Denique ita explicant omnes Patres. Vnde

de inter alios Chrysoft. Homilia 58. in Matth. vbi & hunc locum fusè explicat; & probat Malachiam non esse intelligendum de Ioanne, sed de persona Eliæ: & Augustinum tract. 4. in Ioannem; vbi luculentissimè explicat duos aduentus, & duplicem Eliam præcursores.

Secundum Argumentum. Fieri nequit 74

DE COR-  
PORIBVS  
ENOCH ET  
ELIÆ.

vt corpora glorificata mortem patiantur: *atqui illorum corpora sunt glorificata. Nam haud dubiè (inquit Auctor) sunt in calo, quò nihil corruptibile potest penetrare: ergo, &c.*

Respondeo: Hæc ratio duo assumit in minore manifestè absurda, & contra Scripturas. Alterum, corpora Enoch & Eliæ fuisse subiecta in cælum, quò nihil corruptibile potest penetrare, hoc est in cælum supremum beatorum. Alterum, corpora eorum esse ab eo tempore incorruptibilia & glorificata.

Si enim subiecta sunt in cælum: ergo ante Christum aliqui in cælum ascenderunt. quod est primò contra communem Christianorum sensum. qui est, cælum vsque ad mortem Christi fuisse clausum, & Christum sua morte aditum patefecisse. Secundò est contra sententiam Domini, Ioan. 3. *Nemo ascendit in calum, nisi qui descendit*

de



*de celo, Filius hominis qui est in celo.* Quibus verbis significat nullum hominem usque ad illud tempus conscendisse in cælum, & cælestia lustrasse præter se solum. Tertiò, est contra Apostolum ad Hebr. 6. ubi Christum vocat *ἀρτίστομον*, seu præcursores *in interiora velaminis*, seu *sancta sanctorum*: quia primus cælum introiuit. Cui congruit illud Ioan. 14. ubi Dominus Apostolis suis ait: *Vado parare vobis locum*. Ergo ante Christi mortem locus non erat paratus. Quartò, est contra Apostolum ad Hebr. 9. ubi cum dixisset, neminem potuisse ingredi sancta sanctorum præter summum Pontificem, qui semel in anno, non sine sanguine intrabat; addit: *Hoc significante Spiritu sancto nondum propalatam esse Sanctorum viam* (aditum in cælum) *adhuc priore tabernaculo habente statum*, &c. quia nimirum pretium nondum erat solutum, nondum illud erat exhibitum quo peccatum solueretur. Confirmatur, quia ingressus in cælum est hereditas quæ datur credentibus ex Christi testamento: atque ubi est testamentum, non potest dari hereditas nisi interueniat mors testatoris. ergo nemo poterat cælum ingredi ante mortem Christi. Ita ratiocinatur Apostolus eodem capite.

Rursus, si corpora eorum fuere glorificata,

L                      ergo

ergo & animæ suam gloriam, quæ in visione & fruitione Dei consistit, sunt consecutæ. Gloria enim corporis ex gloria animæ sequitur, & quodammodò dimanat, ut per se notum est. Fuerunt ergo & corpore & anima beati ante Christi mortem; quod repugnat Apostolo ad Hebræos 9. ut ostensum est. repugnat etiam iis quæ idem Apostolus scribit cap. 11. ubi de Sanctis veteris Testamenti loquens ait: *Et hi omnes testimonio fidei probati, non acceperunt re-promissionem* (promissam gloriam, regnum cæleste) *Deo pro nobis aliquid melius providente, ut non sine nobis consummarentur.* Hi omnes, inquit, nimirum quos ante commemorauerat, inter quos etiam Enoch & Eliam recensuit, ut constat v. 5. *Fide Enoch translatus est ne videret mortem, &c. & v. 37. Circulerunt in melotis, in pellibus caprinis,* Eliam indicans. Quod si Enoch & Elias conscenderunt in cælum, & adepti sunt gloriam corporis & animæ, adepti sunt tot sæculis ante Christi mortem repromissiones, & sine nobis (ante tempus noui Testamenti) consummati; quod aperte hîc negat Apostolus. Item, falsum erit, *Christum esse primogenitum in multis fratribus; & in omnibus primatum tenere*: nimirum non solum in genesi quoad Diuinitatē, sed etiam

in palingenesia, quoad humanitatem: quod est contra Apostolum ad Rom. 8. ad Coloss. 1. &c. Denique si illi assecuti sunt incorruptionem & gloriam, numquam morientur; quod aperte Auctor concedit: sed Scripturæ non satis conforme est, ut aliqui qui peccato subiecti fuere numquam gustent mortem. Nam sicut peccatum in omnes peruasit, ita per peccatum mors, ut Apostolus docet ad Rom. 5. Hinc ad Hebræos 9. idem Apostolus ait: *Statutum hominibus semel mori, & post hoc iudicium.* Vnde D. Augustinus l. 9. De Genesi cap. 6. *Nam si, inquit, Enoch & Elias in Adam mortui, mortisq; propaginem in carne gestantes: quod debitum ut soluant, creduntur etiam redituri ad hanc vitam; &, quod tam diu dilatatum est, morituri.*

Neque verum est quod ait Auctor Irenæum & Tertullianum planè negare illos morituros. Irenæus enim (ut supra n. 40. ostensum est) solùm dicit *eos manere in paradiso usque ad consummationem conspicientes incorruptionem.* cum quo benè consistit, eos tunc occidi. Consummationem enim vocat nouissima tempora, cum nimirum incipiet consummatio & mundi interitus. Et sanè si numquam morituri, cur eorum incorruptionem extendit solùm ad

tempus cōsuminationis? Tertullianus aperte docet eos morituros, & *suo sanguine Antichristum extincturos*, vt suprà n. 70. diximus. Nec obstat quòd libro contra Iudæos cap. 2. dicat Enoch esse *candidatum eternitatis*: quia eo ipso aperte indicat nondum esse consecutum immortalitatem. *Candidatus* enim dicitur, qui nondum est assecutus dignitatem quam ambit, sed est in expectatione: vbi assecutus fuerit, non amplius dicitur *candidatus*. Nihil ergo obstat, quin *candidatus eternitatis* possit mori. Nec ideò hoc *ius illi malè firmatum est*, quia per breuem mortem, quæ instar somni est, non eliditur. Idem indicat aperte Tertullianus, cùm ait: *Enoch necdum mortem gustavit, vt eternitatis candidatus*. Cur dicit *necdum*, nisi quia postea gustabit? Dicuntur *candidati eternitatis*; quia tam longa vita & immunitas incorruptionis est certum signum & documētum integritatis seu immortalitatis futuræ: vt idem Tertullianus libro De resurrectione carnis ait: vbi apertissimè significat illos necdū esse immortales.

Ex his patet quam parum consideratè dicat Auctor certum esse istorum corpora esse glorificata in cælo: cùm certum sit neque in cælo, neque glorificata esse. Dicimus ergo eorum corpora non esse in cælo, sed

sed in paradiso: nec esse gloriosa, sed diuinitus seruari incorrupta (quod Deo facillimum est) ibique in magna carnis & spiritus tranquillitate degere. Vbi autem sit paradysus ille, non est opus nos scire. Credibile est eundem esse, in quo fuit Adam, qui fortè magnam Asiæ partem complectebatur. Multa sunt ibi loca ab hominum commercio dissiata, Sed hîc aduerte miram hæretici spiritus indolem. Qui in quæstione de paradiso sequitur antiquorum Patrum sententiam, is non sapit ipsi *ad sobrietatem & mera deliria profert*, vt pag. 75. & 76. insinuatur. at qui contra omnes Patres, contra omnes Scripturas quas adduximus, contra omnium fidelium sensum ponit Eliam & Enoch euectos in cælum, assecutos gloriam, corporum immortalitatem, hîc sobriè sapit, & dogmata certissima tradit. Eiusdem generis est & illud: *Blasphemum*, inquit, *est credere vllum ex Adami posteris, eò (in paradysum) postmodum (post Adami expulsionem) peruenisse*. Quare id blasphemum? *Quia omnis Adami progenies maledicta est in ipso, & de terrestri paradiso eliminata, nec non ipsa terra vniuersim ac paradysus separatim propter ipsum maledicta sunt*. Sed in primis verum non est progeniem Adami fuisse maledictam à

Deo, aut paradifum fpeciatiim. Maledixit enim terræ & ferpenti, non Adamo vel Eux, fed ærumnis tantum & neceffitati moriendi fubiecit. Deinde vt de veritate omittam, quænam eft illa connexio: Progenies Adami fuit maledicta in paradifo & expulfa, & ipfe paradifus maledictus fuit: ergo blafphemum eft dicere aliquem ex Adami pofteris ibi fingulari aliquo Dei priuilegio collocatum? Nõne locus terreftis & maledictus, homini terrenum corpus geftanti & maledicto congruẽtior erat, quàm cæleftis patria, in quam nihil maledictum intrare poteft; præfertim cum maledictio peccati nondum tunc effer per Chrifti fanguinem abfterfa? Denique blafphemi erunt difcipuli Apoftolorum, Irenæus & tot alij Patres antiqui, qui docent Enoch in paradifum Adami translatus. Imò & ipfe Lutherus magnus Prophetæ, & parens omnium huius temporis fectarum blafphemus erit; quia idem docet in cap. 5. Genefis. Numquam finis fit, fi omnia refutare velim.

Tertium Argumentum: Illi Prophetæ prædicabunt induti cilicio. At corpora, quæ tam diu fuerunt exempta à peccato, non egent ifta maceratione.

Refpondeo: Etiam S. Ioannes Baptifta non egebat ifta victus & cultus afperitate, fed

sed eam diuina inspiratione suscepit, vt Iudas ad pœnitentiam prouocaret. Idem facient Enoch & Elias.

75 Quartum Argumentum: *Enoch translatus est, vt det gentibus pœnitentiam, non sua prædicatione, sed exemplo: nimirum, vt exemplo, inquit, gentibus esset, & hic tantus honos illi habitus gētes impelleret ad agendam pœnitentiam, sanctisq; eius vestigijs inharendum. Quid enim potuit efficacius adigere nationes ad pœnitentiam, quàm vt ipsis inspectantibus diuinus ille vir viuus in cælum pro mercede integritatis sue sustolleretur, ceteri omnes in corruptionem abirent?*

TRANSLATIO  
ENOECH.

Respondeo: Primò, Vnde constat illum publicè nationibus inspectantibus translatum; cùm Scriptura potius contrarium insinuet, cùm ait Gen. 5. *Ambulauit Enoch cum Deo* (sanctissimè vixit) *& non apparuit, quia tulit illum Deus?* Quod etiam in eum locū tradit Lutherus; & fauet phrasî Hebræa, *וַיֵּלֶךְ עֵנוֹכַּח אִתָּהּ* & non ipse. Si in omnium conspectu id factum fuisset, Scriptura non tacuisset. Imò nec Elias publicè translatus est, sed solo Elizæo spectante, cū tamen plurimi tunc essent Prophetæ: 4. Regum 2. 12. Deinde etiamsi publicè sublatus esset, parum id fuisset ad pœnitentiam ab homini-

bus pessimis, quales tunc erant, extorquendam. Sicut si modò sanctus aliquis Monachus vel Iesuita publicè in cælum raperetur, parum idcirco heretici ad pœnitentiam commouerentur, sed potiùs arti magicæ tribuerent; cùm similia vi dæmonis facillimè fieri possint. Si enim miraculis maximis omnem diaboli vim superantibus, qualia plurima creberrimè fiunt in Ecclesia, non mouentur, quis credat illos motum iri ista in sublime subuectione, quæ diabolo est facillima, & magis strigibusque vsitatissima?

Denique communis Patrum intelligentia obstat, vt ostensum est. Omitto quòd ait cælum dari pro mercede integritatis. Merentur ergo bona opera vitam æternam; libèter hoc accipimus: sed cum placitis Caluini non benè congruit. Tanta est vis illius veritatis, & tantopere cum ratione naturali consentit, vt eius confessio interdum hæreticis excidat non aduertentibus.

*Decimasexta DEMONSTRATIO,*  
*ex consideratione finis Antichristi.*

**E**XERCITVS Antichristi, & Reges ductores igne cælesti delebuntur: ipse verò Antichristus & eius pseudopropheta viui mittentur in stagnum ignis & sulphuris. At  
nihil



nihil tale hætenus visum in Pontificibus, aut Regibus & exercitibus illis parentibus. ergo, &c.

Maiores probatur. De exercitu enim & Regibus habemus Apocalyp. 20. ubi dicitur: *Expletis mille annis*, hoc est, toto tempore quod est ab aduentu Christi usque ad Antichristum, *soluendum satanam, qui solutus seducet gentes quæ sunt super quatuor angulos terræ* (toto orbe) & inter alios *Gog & Magog: & congregabit eos in prælium*, nimirum in obsequium Antichristi ad persequendos fideles: *quorum numerus est sicut arena maris. & circumierunt castra sanctorum, & ciuitatem dilectam. & descendit ignis de celo à Deo, & deuorauit eos.* Non est dubitandum quin hic exercitus sit Antichristi, ductoribus Regibus qui se illi tunc submiserint, inter quos Gog & Magog videntur esse præcipui. Colligitur id, Primò partim ex tempore quo hæc fient, nimirum expletis mille annis, & soluto satana; quod erit tempore Antichristi, ut passim Patres exponunt: partim ex loco, quia non ex vna aliqua regione, sed ex *quatuor angulis terræ congregabitur*: Antichristus autem tunc omnia obtinebit: partim ex fine, quia cogetur ad persequendos fideles, & ad cogendos omnes ut Antichristum agnoscant pro Messia.

EXERCITVS ANTE-CHRISTI QVOMODO DELEBITVR.

Secundò, Idem colligitur ex cap. 17. vbi de decem Regibus dicitur, qui breuissimo tempore regnabunt: *Hi vnum consilium habent, & virtutem & potestatem suam bestie* (Antichristo) *tradent: hi cum Agno pugnabunt, & Agnus vincet eos, quia Dominus dominorum est, & Rex regum. Pugnabunt cum Agno*, ipsius Ecclesiam persequendo, & gloriam conando delere. *Vincet eos*, igne cælesti feriendo. Tertiò, Colligitur ex c. 19. vbi sub alia visione hæc eadem res Ioanni est ostensa, & vterque, exercitus ac duces describuntur, & conuocantur omnes aues cæli, vt manducent carnes Regum & Tribunorum, &c. vt indicetur maximam stragem futuram. *Et vidi*, inquit, *bestiam* (Antichristum) *& Reges terræ*, qui se bestie submiserunt, *& exercitus eorum congregatos ad faciendum prælium cum illo qui sedebat in equo*: nimirum ad Ecclesiam & Christi gloriam extinguendam. perspicuum est esse hunc eundem exercitum, de quo cap. 20. qui persequens dilectam ciuitatem, igne cælitus immisso deletus est. Sæpè eadem res Ioanni diuersis visionibus ostensa est. Nec obstat quòd hic exercitus dicatur *occisus gladio sedentis super equum, qui procedit de ore ipsius*: quia illa forma loquendi apertè iudicat non esse gladio materiali occisum; sed

sed ultione diuina iussu Christi immissa. hoc enim phrasis illa significat. Itaque hic gladius nihil est aliud quam ignis cælestis Christi imperio & virtute immissus. Quarto, Idem apertè colligitur ex cap. 39. Ezechielis, vbi Dominus de hoc exercitu loquens, & prædicens totum delendum, addit: *Et immittam ignem in Magog, &c.* aperte significans igne delendum. Conferat Lector quatuor ista loca iam citata inter se, & nullo modo dubitare poterit, hunc exercitum esse Antichristi, & regum ipsi subditorum, & igne diuinitus occidendum. Instante enim iudicio incipiet sensim iustitiæ suæ gladium aduersus impios exerere, idque partim vt ceteri terreantur, & ad poenitentiam festinent; partim ne fideles tantis persecutionibus diutiùs continuatis vincantur.

- 77 De morte Antichristi Apostolus 2. ad Thessal. 2. ait: *Quem Dominus Iesus interficiet spiritu oris sui, & destruet illustratione aduentus sui. Spiritu oris sui*, hoc est efficaci & potenti imperio suo, quo omnis creatura illi seruit ad vindictam impiorum; vt passim Doctores exponunt. Hieronymus q. 11. ad Algasiam; Chrysost. Theophylact. D. Thomas, & alij in locum illum Apostoli. Theodoretus in cap. 11. Danielis, &c. Quomodo autem id futurum sit, expressius habetur

MORS AN-  
TICHRIS-  
TI.

betur cap. 19. Apocalypsis, vbi dicitur: *Et apprehensa est bestia, & cum ea pseudopropheta: qui fecit signa coram ipso, quibus seduxit eos, qui acceperunt characterem bestia, & qui adorauerunt imaginem eius. viui missi sunt hi duo in stagnum ignis & sulphuris. Apprehensi sunt, nempe iussu Domini à daemonibus diuinæ iustitiæ in damnatos ministris. Et missi viui, terra nimirum dehiscente. Non tamen est necesse vt viui perueniant vsque ad ipsum stagnum; sufficit vt viui illuc rapiantur, sicut Dathan & Abiron Num. 16. dicuntur *viui descendisse in infernum*: quos tamen in tam immenso præcipitio antè mortuos quàm terminum attingerent, non videtur dubitandum, præsertim hiatu terræ statim se claudente.*

RESPON-  
SIO AV-  
CTORIS.

Respondet Auctor pag. 59. *Spiritum oris 87 Domini non esse aliud quàm verbum Dei, & verbi predicationem (Caluinistarum) qua potentia illius hominis peccati (Summi Pontificis) paulatim minuitur atque consumitur.*

REFUTA-  
TIO.

Sed contrà, Primò, quia illud ὁ ὅς κρείττων ἀναλώσει, non significat sensim ipsius potentiam minuendam & consumendam, sed ipsius personam interficiendam, & prorsus delendam cum omni sua potentia: vt omnes

nes interpretantur. Plus enim est ἀναλώσει, *consumere*, delere, & quasi in nihilum redigere, quàm Ἀποκτεῖναι, occidere.

Deinde, si *spiritu oris Domini absumi* nihil est aliud, quàm potentiam Summi Pontificis, vel potius obedientiam populorum erga illum sensim minui, non est magnum malum, nec grandis punitio ipsius Summi Pontificis; sed potius est malum Ecclesiæ, & in primis eorum qui se ab illius obedientia subducunt. Sicut cùm Dathan & Abiron cum suis ab obedientia Moysis se subtraxerent, non nocuerunt Moyse, sed sibi. Potentia illa Summi Pontificis non tam est bonum ipsius, quàm subditorum. Non enim propter honorem vel commodum ipsius, sed propter utilitatem subditorum instituta. Itaque si ipsius personam spectes, onus est graue minimè expetendum, sed potius omni ratione recusandum. Vnde plurimi ex Summis Pontificibus illud fugerunt, & impositum gementes tulerunt, præoptantes vitam priuatam, in qua libere rebus diuinis possent intendere. Coniunctio cum iis quæ sunt supra mentem, perficit mentem, non cum iis quæ infra; vt rectè Plato dixit. Quò plures ab obedientia Pastoris recedunt, eò minorem de perditione eorum redditurus est rationem Deo. Verùm qui summum  
bonum

bonum constituunt in magnitudine Imperij, sicut multi faciunt hoc tempore, qui omnia ad fastum & gloriam suam referunt, iis ingens malum, & mortis instar videtur Imperij imminutio.

Tertiò, Etsi hæretici multas regiones in Europa ab obedientia Summi Pontificis abduxerint; tamen in India, China, Iaponia, & nouo orbe non pauciores ad eius imperium accessere: ita ut non videatur imminutum, sed potius auctum, ex quo illi prædicatores verbi illud oppugnare cœperunt. Quartò, Antichristus cum delebitur virtute Christi, erit in summo gradu gloriæ & potentiae: id enim fiet postquam omnia sibi subiecerit, & nulla vis humana illi amplius poterit resistere; ita Ecclesiam opprimet, ut persecutio non sit amplius tolerabilis, ut apertè ex Scripturis conuincitur, Danielis 7. & 11. Apocal. 19. & 20. Matth. 24. & docent omnes Patres. Commentitium ergo est quod hæretici dicunt, illius potentiam sensim consumendam prædicatione verbi, donec funditus tollatur. Si enim sensim deberet consumi, in fine esset debilissimus, & facilè humanis viribus posset extinguì. Quintò, Antichristus interficiet illos duos Prophetas, qui se illi opponent, quos Auctor interpretatur concionatores verbi:

verbi: quomodo ergo ab illis interficietur?  
 An fortè ubi surrexerint, interficiēt suum  
 interfectorem, mortem suam vlciscentes?  
 an mutuis concident vulneribus? vnde ap-  
 paret huius figmenti insulitas. Fingentem  
 oportet esse memorem, ne se ipse confutet  
 & euertat; vt sæpè nostris hæreticis accidit.  
 Sextò denique, Mundus quo longius pro-  
 cedit, fiet semper deterior, & impietas cre-  
 scet vsque ad finem, vt suprà n. 26. ostensum  
 est. Ergo Antichristi regnum, quod est re-  
 gnum impietatis, & omnium scelerum, de-  
 bet etiam crescere vsque ad finem sæculi.  
 At iuxta sententiam Auctoris, debet sem-  
 per minui per efficaciam verbi Dei, & om-  
 nes qui illi parent debent illius obedi-  
 tiam deferere, & conuerti: ac proinde mun-  
 dus vsque ad finem crescet in omni virtute,  
 & vera pietate, eritque tunc optimus illius  
 status. Ita plane sentiant, qui malum dicunt  
 bonum, qui tenebras lucem, qui impieta-  
 tem religionem, qui Antichristum Chri-  
 stum. Hæc de Antichristo sufficiant.

Ex his quæ hac Disputatione dicta sunt, QUANTVM  
SIT PEC-  
CATVM IN  
ILLA IN  
PONTIFI-  
CEM CON-  
TVMELIA.  
Matth. 5.  
 duo nobis sunt perspicua: Alterū est, quàm  
 ab omni specie veri aliena, indigna & grauis  
 sit illa hæreticorum in Summum Pontifi-  
 cem calumnia. Si enim *qui dixerit fratri*  
*suo, fatue, reus est gehennæ ignis*: quæ tor-  
 menta,

menta, quos ignes non meretur, qui Patrem omnium Christianorum, qui Ecclesiæ Catholicæ Pastorem, sacrorum Principem, successorem Petri, Vicarium Christi, Antichristum vocat? neque solum vocat ex ira per conuitium, sed ex odio quodam amaro & inueterato; & toti mûdo tamquam dogma fidei vult esse persuasum? Quid enim tetrius vel detestabilius dici potest? Qui probæ famæ virum vocat furem, adulterum, homicidam, latronem, sodomitam, grauem iniuriam irrogat: sed nihil ad istam nominis Antichristi contumeliã. hoc enim verbo omnium atrocissimorum scelerum continetur colluies. Itaque maior contumelia excogitari non potest. Et fit hæc non alicui de vulgo, sed supremo Sacrorum Principi, Christi in terris locum tenenti. Vnde & in ipsum Christum redundat, vt hæc ratione etiam grauis blasphemia censi debeat. Rursus, si crimen est læsæ maiestatis, cum quis e subditis excitat ceteros vt desciscant à suo Principe, vt correptis armis illum veluti Tyrannum eiiciant: cur non sit crimen læsæ maiestatis concitare Principes Christianos, vt desciscant ab obedientia Sedis Apostolicæ, eamque infestissimi hostis loco habeant & exterminent? Omnes enim quæ Christiani, huic Sedi sunt subiecti, eamque

*L. 1. c. ad  
L. Iuliam  
maiestatis.  
C. L. Quis  
quis. C. co-  
dem tit.*



eamque ut principali auctoritate, in iis quæ salutem concernunt, eminentem, omnes Catholici venerantur, omnibusque sæculis sunt venerati. Si Dathan & Abiron viri primarij Leuitici generis, ob seditionem aduersus Moysen & Aaron concitatam, terra dehiscente cum suis tabernaculis absorpti sunt, & viui in infernum descenderunt operi humo, ut Numerorum 16. narratur: quæ vindicta manet eos, qui omnes ad rebellandum Sedi Apostolicæ, & ad eam euertendam ac exterminandam sollicitant? Cuius dignitas & auctoritas tanto est præstantior dignitate & auctoritate Moysis ac Aaronis; quanto præstantius Euangelium Lege, spiritus litteræ, veritas umbræ, noui Testamenti administratio & sacerdotium sacerdotio Legis veteris. Si recte refellendus qui Regi-næ Angliæ memoriam conuitiis onerat, ut vult Auctor Præfationis pag. 12. quo supplicio plectendus, qui Principem sacrorum, & omnium Christianorum Patrem tam contumeliosè tractat?

Alterum est, quàm indignis modis diuina Scriptura ab hæreticis tractetur, dum contra omnium veterum sensum & consensum, contra apertam verborum significationem, contra omnem usum & rationem, per tropos & metaphoras torquetur

M ad

ad quidlibet , quod eorum proposito vel passionibus seruire queat.

Hæc dixerim non in Regem ipsum, aliorum fraude iam inde ab infantia circumuentum , quem spero diuina bonitas aliquando respiciet : sed in eos qui tanti sceleris Auctores extiterunt , & nomine Regio, ad oppugnandam veritatem, & licentius in Religionem Catholicam debacchandam, abutuntur. Infinitam Dei clementiam precor eos illuminet , vt quàm horrenda maneant eos tormenta , in stagno ignis & sulphuris, videant , & mature resipiscant.



DE  
ANTICHRISTI  
PRÆCURSORIBVS  
DISPVATIO.

*Vtrum hæretici huius sæculi, præsertim  
Lutherus, Calvinus, Menno, & alij hæ-  
reseos Doctores, Ministri & promotores,  
sint præcursores Antichristi.*

PRÆFATIO.



EMO suspicetur conui-  
tiandi causa me hæc scri-  
bere. Deum testor qui me  
iudicaturus est, longè id  
esse à mente mea & con-  
suetudine. Rationibus vrgere consue-  
ui, non conuitiis; idque plano & scho-  
lastico stylo, absque Rhetoricis digres-  
sionibus, quibus hæreticorum libri  
plerumque sunt conferti. Dogma tra-  
ctamus in sacris Scripturis fundatum,

M 2 non

non conuitia ingerimus; cuius tractationis aduersarij nobis dant occasionem, & pænè ad eam nos compellunt. Cùm enim ipsi nos Antichristi volunt esse ministros, Summum verò Pontificem Antichristum, idque toti mundo persuadere conantur: cogunt nos veritatem patefacere, & ostendere quis & qualis futurus sit magnus ille Antichristus in Scripturis prædictus: qui & quales eius præcursores ac ministri, quorū in iisdem Scripturis sæpè mentio. Itaque non est quòd nobis indigentur huius rei causa; neque conuitium putent si quid asperius dicatur. Rem enim nudè absque amplificationibus proponemus, nihilq; quod non sit certum & perspicuum, vel iusta ratione suffultum, adferemus. Cùm aliquid asperum vel probrosum alicui ingeritur, eo tantum fine vt hoc ipsum mordeat, & animum eius dolore vulneret, ad conuitium pertinet: cùm verò non eo fine, sed vt veritas pateat,

vt hypocrisis detegatur, vt venena latentia ostendantur; non est conui-  
tium, sed salutaris monitio & doctri-  
na. Hæc præfati rem aggrediamur.

*Prima DEMONSTRATIO, ex  
generali ratione hæreseos.*

I **H**ÆRETICI cùm statuunt Sum-  
mum Pontificem esse ipsum An-  
tichristum, consequenter affir-  
mant Episcopos omnes, Docto-  
res Ecclesiæ Catholicæ, Principes Catholi-  
cos Pontifici adhærentes, & quicumque  
Religionem Catholicam promouent, esse  
Antichristi seruos, & instrumenta; vt patet  
ex iis quæ Auctor scribit pag. 59. 97. 98. 106.  
107. At Catholici non tam desperatè de il-  
lis sentiunt: omnes tamen in eo consen-  
tiunt, & firmiter tenent ipsos esse Antichri-  
sti prodromos seu præcursores, eius aduen-  
tui viam sternentes. Quod intelligo in pri-  
mis de ipsis hæresiarchis, Luthero, Calui-  
no, Mennone, Zvvinglio, Melanchthone,  
& ceteris primariis huius sæculi hæresium  
auctoribus: deinde de omnibus Ministris  
& Doctoribus: denique de omnibus qui  
hæresim defendunt ac promouent, & Ec-  
clesiam

clesiam Catholicam oppugnant, siue sæculares illi sint, siue Ecclesiastici.

Hanc sententiam esse verissimam, ac plane ex mente diuinarum Scripturarum, facile conuinci potest; idque duplici demonstratione, generali & speciali. Generalis est hæc: Omnes hæretici, præsertim doctores & promotores hæreseos, sunt præcursores Antichristi. Atqui Lutherus, Calvinus, & alij supradicti sunt hæretici, inò doctores & promotores hæreseos. Ergo sunt veri præcursores Antichristi.

OMNES  
HAERETI-  
CISUNT  
PRÆCUR-  
SORES AN-  
TICHRIS-  
TI.

Maiores est manifesta, & conceditur à Lutheranis, Calvinistis, & reliquis sectis. Docent enim hæreticos qui antecesserunt aduentum Antichristi, esse ipsius præcursores: eos verò qui post eius aduentum emergunt, esse ipsius ministros & satellites. Vnde de hac propositione non est inter nos & illos controuersia, sed solùm quæstio est de Minore, nempe, quinam verè sint hæretici.

Eadem veritas colligitur ex Scripturis: 2. ad Thessal. 2. *Nam, inquit, mysterium iam operatur iniquitatis.* Quem locum plerique Patres (vt Theodoretus, Sedulius, & alij multi in hunc locum, & D. Augustinus lib. 20. de Ciuit. c. 19.) interpretantur de hæreticis, quos vocant *mysterium iniquitatis*, *μυστήριον τῆς ἀνομίας*: quia sunt figura Anti-chri-

christi, qui more Hebræo dicitur *iniquitas*, sicut Christus *iustitia*: quia plenus erit *iniquitate*, & mundum ad *iniquitatem* impellet. Alij per *mysterium iniquitatis* intelligunt Neronem, & similes Ecclesię persecutores. Verum non est dubitandum quin etiam comprehendantur hæretici. Loquitur enim de omnibus Ecclesię persecutoribus. Hi omnes sunt *mysterium iniquitatis*, & figura Antichristi: incipiunt enim quod ipse perficiet. Posset etiam illud ἐνεργηται, *operatur*, accipi passiuè, & per *mysterium iniquitatis* intelligi persecutio Ecclesię ab hæreticis & tyrannis; quæ persecutio est figura persecutionis Antichristi, & veluti dispositio ad illam, & eodem sensus recidit. Placet tamen prior expositio, cui congruit illud Epist. 1. Ioannis cap. 2. *Filioli, nouissima hora est: & sicut audiistis, quia Antichristus venit* (ἐρχεται, venire debet) *nunc Antichristi multi facti sunt; unde scimus quia nouissima hora est.* Quasi dicat, Magni illius Antichristi, qui nouissimo tempore debet venire; præcursores iam adfunt: ergo nunc est nouissima ætas, qua ipse debet subsequi. Simili modo colligit Apostolus: *Mysterium iniquitatis iam operatur*, iam adest & viget: ergo iniquus ille suo tempore, impedimento sublato, reuelabitur. Ita duo ista

loca intelligit D. Augustinus lib. 20. de Ciuit. cap. 19. & alij Doctores. Vtrobique ergo significantur hæretici, qui ex eadem causa dicuntur Antichristi, & mysterium iniquitatis: nimirum, quia Antichristi præcursores & typi.

AD HÆ-  
RENTES  
ECCLESIAE  
NON ESSE  
HÆRE-  
TICOS.

Nunc probanda Minor. Ac primùm eos <sup>3</sup> qui Ecclesiæ Catholicæ adhærent hæreticos non esse, vt Lutherani & Caluinistę volunt, ipsum nomen *Catholici* apertè declarat. Hi enim semper omnibus sæculis *Catholici* habiti & vocati sunt: ceteri verò qui se ab ea Ecclesia segregarunt, hæretici vel schismatici. Deinde hæretici dicuntur qui desciscunt ab Ecclesia Catholica, & noua dogmata pro suo arbitrio sibi deligunt, iudicio Ecclesiæ Catholicæ nolentes acquiescere. At non potest ostendi fuisse aliquam Ecclesiam priorem, quæ Catholica dicta fuerit, à qua Romana Ecclesia desciiuerit.

RESPON-  
SIO HÆ-  
RETICO-  
RVM.

REFVTA-  
TIO.

Respondēt Lutherani & Caluinistę eam desciiuisse ab Ecclesia Apostolica. Sed quando id factum? quo anno, quo loco, quo auctore, in quibus dogmatibus? Quinā manserunt in Ecclesia Apostolica, qui Ecclesiæ Romanæ segreganti se ab ea restiterint, & se illi opposuerint; quorum monitis ipsa noluerit acquiescere? nihil horum ostendere possunt. At numquam est facta aliqua  
nota-



notabilis discessio ab Ecclesia per hæreses, de qua non possumus ostendere, quo tempore, quo loco, quo auctore, in quibus dogmatibus facta sit: quinam se opposuerint: qui dogmata illa nouitia condemnarint: quinam in Ecclesia, à qua illi nouorum dogmatum sectatores auulsi sunt, permanferint. Vnde patet illud responsum nullum colorem habere.

Dicent fortasse Ecclesiam Romanam non ita recessisse ab Apostolica, vt hæc permanferit in suo statu, vt Ecclesiam Romanam errantem posset corrigere; sed totam Ecclesiam Apostolicam sensim esse corruptam, & mutatam in eam formam fidei & religionis in qua modò est Ecclesia Romana. Aiunt enim statim post tempora Apostolorum cœpisse errores irrepere, & singulis sæculis magnam esse factâ accessionem.

ALIA RESPON-  
SIO.

Sed quis non videat hoc absurdissimè dici? Si enim ita est; ergo parum stetit regnum Dei, sed simul atque à Christo constitutum est, mox concidit, & portæ inferorum aduersus illud præualere cœperunt: nec est ædificatum supra petram, sed super arenam: nec est columna & firmamentum veritatis, sed arundo mobilis, & schola mendacij. Deinde si Ecclesia Apostolica ita defecit; ergo nullus postea censendus fuit hæ-

REFUTATIO.

reticus, nullus schismaticus : quia nulla fuit Ecclesia, cuius iudicio stare teneretur; quam si audire nollit, habendus sit velut Ethnicus & Publicanus.

At verò Lutheranos, Calvinistas, Anabaptistas, &c. hæreticos esse, facile demonstrari potest. Primò, Quia doctrina, quam profitentur, hæreseos damnata est ab omnibus Academiis omnium regnorum orbis Christiani; ab Imperatoribus, à Regibus & Principibus Christianis, ab omnibus Ecclesiarum Rectoribus & Episcopis, ab omnibus Synodis prouincialibus, à Synodo Oecumenica Tridentina, à Summis Pontificibus: denique etiam ab Ecclesia Græcorum.

Itaque iudicium orbis terrarum est, illos hæreticos esse. Quis tantæ auctoritati non credat? quis maius aut grauius iudicium requirat? quis plures aut aptiores Iudices postulet?

Nec refert quòd aliqui Reges & Principes illam doctrinam postea sint complexi: quia id factum, non quòd ratione conuicti eam veram iudicarint; sed quòd eam vel rebus suis stabiliendis & augendis, vel doloribus vlciscendis, vel ad voluptates & licentiam vitæ, censuerint commodiorem.

Neque solum hoc sæculo, sed etiam nouem vel decem sæculis superioribus, omnium

nium istorum iudiciis, atque adeò à toto orbe ista doctrina damnata est: quod etiam ipsi satis apertè fatentur. Omnes enim Summi Pontifices, omnia Concilia Oecumenica, omnes Episcopi & Ecclesiarum Rectores, non solum in Ecclesia Latina, sed etiam in Græca, omnes Academiae, omnes viri sanctitate vel doctrina illustres, omnes Imperatores, omnes Reges, omnia Regna orbis Christiani, istam doctrinam, quam Lutherani, Calvinistæ, & Anabaptistæ modò tradūt, iam à decem sæculis hereticam censuerunt. Quod vel ex eo manifestè constat, quòd omnes toto illo tempore pro fidei dogmatibus tenuerunt: Primò, hominem esse liberi arbitrij. Secundò, Deum non impellere ad peccatum. Tertiò, mandata diuina homini iustificato esse possibilia. Quartò, dari multa opera bona, in quibus homo non peccet. Quintò, Christi corpus esse verè realiter, & substantialiter præsens in sanctissimo Eucharistiæ Sacramento. Sextò, substantiam panis & vini mutari in corpus & sanguinem Christi. Septimò, in Ecclesia offerri verum & propitiatorium sacrificium pro viuis & defunctis. Octauò, esse purgatorium. Nonò, Sanctos esse inuocandos. Decimò, eorum imagines & reliquias esse honorandas. Vndecimò, vota

mona.

monastica laudabiliter suscipi, nec posse absque scelere violari. Duodecimò, Baptismum esse necessarium ad salutem. Decimotertiò, Esse in Ecclesia Sacramentum Pœnitentiæ, Ordinis, &c. conferens gratiam. Decimoquartò, Suscepto sacerdotio fas non esse uxorem ducere. Decimoquintò, Fidem non sufficere ad salutem. Et alia multa, quæ ab istis negantur. Si illa tenebant tamquam fidei dogmata: ergo contraria quæ ab istis sèctis traduntur, censèbant esse hæretica. Denique etiam iudiciis priorum sæculorum, quæ proximè post Apostolorum ætatem fuere, illam doctrinam constat esse damnatam. Nam dogmata supradicta semper in Ecclesia viguere; ut ex scriptoribus antiquissimis facile ostendi potest. Et quamvis de aliquibus litem nobis moveant nostri novatores; de multis tamen fatentur, sed dicunt cœpisse mox secundo & tertio sæculo superstitiones in Ecclesiam irrepere, & libertati humanæ, bonisq; operibus nimium tribui.

Ex quibus luce meridiana clarius est, Lutheranos, Calvinistas, & Anabaptistas hæreticos esse cèsendos; cùm ea dogmata pertinaci teneant assensu, quæ omnibus sæculis ab omnibus Catholicis Doctoribus, Episcopis, Summis Pontificibus, Synodis, atque  
ad cò

adeò ab omnibus iis ad quos aliquo modo pertinet de dogmatibus fidei censere, consentientibus Principibus & populis orbis Christiani, hæretica iudicata fuere. Neque solùm ab omnibus omnium ætatum Catholicis, sed etiam singulæ sectæ mutuis damnatæ sunt censuris. Nam Lutherani hæreseos damnant quæ Calvinistarum sunt propria: & Calvinistæ ea quæ Lutheranorum: & utrique ea quæ Anabaptistarum: & hi utrosque vicissim. Itaque Calvinistæ hæretici sunt non solùm omnium Catholicorum, qui omnibus sæculis extitere, sed etiam Lutheranorum & Anabaptistarum iudicio. Idem dixerim de Lutheranis & Anabaptistis. Quæ maior potest esse damnatio, quàm ea, in quam à tot sæculis consentit orbis Christianus? quæ ita approbatur ab omnibus, ut nullus amplius supersit qui contradicat, præter ipsum reum? à qua non potest fieri appellatio, nisi ipse reus Iudex omnium constituatur? At quis unquam reum à toto orbe condemnatum, Iudicem suæ causæ & omnium Iudicum constituat? aut illi contra omnium iudicia, se iure fecisse quod fecit affirmanti, credendum putet?

- 5 Dicent se ad tribunal & iudicium Scripturæ appellare; eoque se à labe hæreseos absolui. qua in re perinde faciunt, ac si quispian

SINGULÆ  
SECTÆ  
DAMNATÆ  
A SE  
INVICEM.

piam in omnibus Regni tribunalibus perduellionis condemnatus appellaret ad Codicem Iustiniani, ut ex eo probet se non crimen perduellionis, sed iustum in Patriam officium præstitisse, sed hunc Codicem vellet intelligi non ut ab omnibus Iurisperitis & Iudicibus intelligitur, sed iuxta suam imaginationem. Cui appellationi si deferendum sit, nullus unquam reus condemnari, nulla causa iure decidi poterit aut terminari. Simili modo illi in omnibus legitimis fidei & Religionis Tribunalibus hæreseos condemnati, prouocant ad sacram Scripturam, non iuxta receptum Doctorum & Ecclesiæ Catholicæ sensum, sed iuxta propriam phantasiā explicandam. Quæ appellatio si esset admittenda, iam nulli pænè essent hæretici; non Arriani, non Sabelliani, non Macedoniani, non Donatistæ, non Pelagiani, non Monothelitæ, & similes sectæ. Omnes enim ad Scripturam Iudicem prouocant; & eam à se stare constanter affirmant. imò si quis benè aduertat, singuli se ipsos Iudices totius causæ constituunt, dum sibi Scripturæ interpretationem reseruant. tota enim vis est in sensu. nullum autem sensum admittunt, nisi qui ipsorum errori fauere videatur. Itaque dum appellant ad Scripturam, ad suum tribunal prouocant, se-

seipſos totius controuerſiæ Iudices conſtituunt; ſicque facilè ſeipſos abſoluunt, & reliquos omnes condemnant. Verùm ſicut omnes aliæ ſectæ (non obſtante hac prouocatione) propter Eccleſiæ iudicium, quo hæreſeos ſunt condemnatæ, omnibus ſæculis à toto mundo hæreticę ſunt habitæ: ita Lutherana, Caluinistica, Anabaptistica, & aliæ huius æui ſectæ, ob ſimilem Eccleſiæ condemnationem, certiffimè ſunt hæreticæ iudicandæ.

Idem confirmatur hac ratione: Hæretici ſunt qui ab Eccleſia Catholica recedentes, propria ſibi dogmata ſub profeſſione Chriſtiani nominis deligunt, iudicio Eccleſiæ nolentes acquieſcere. Hi enim omnibus ſæculis pro hæreticis habiti fuere. Ob hanc cauſam hæretici iudicati Arriani, Sabelliani, Macedoniani, Neſtoriani, Eutychiani, Pelagiani, &c. Atqui Lutherani, Caluiſtæ, Anabaptiſtæ receſſerunt ab Eccleſia Catholica, & propria ſibi dogmata ſub profeſſione nominis Chriſtiani delegerunt, iudicio Eccleſiæ acquieſcere recuſantes: perſpicuum ergo eſt, eos veriffimè & propriiffimè hæreticos eſſe: ac proinde Antichriſti præcurſores.

Nec refert quòd multi eorum Catholici numquam fuerint, ac proinde non videantur

tur ab Ecclesia Catholica recessisse. Satis enim est maiores eorum quorum sequuntur errores, Lutherum, inquam, Calvinum, Mennonem, & similes, ab Ecclesia Catholica recessisse. Sic enim illi in suis maioribus ab Ecclesia recesserunt.

*Ad Gal. 5.* Deinde susceptio Baptismi est implicita quædam totius fidei Catholicæ professio, & constituit hominem membrum Ecclesiæ, sicut circumcisio iuxta Apostolum erat professio legis Iudaicæ, & faciebat membrum Synagogæ: ergo si quis postea profiteatur hæresim, is verè deserit Ecclesiam, & fidem Catholicam, quam in Baptismo suscepit & professus est; vereque desertor Ecclesiæ, fidei & religionis dicendus est.

*Secunda DEMONSTRATIO,  
ex decem comparisonibus.*

**S**EQVITVR altera Demonstratio, ex 6  
consideratione doctrinæ & operum Antichristi, ex quibus manifestè eius præcursores esse conuincuntur. Præcursor enim est, qui viam munit; & animos hominum disponit ad suscipiendum eum, cuius præcursor dicitur, inchoando quodammodo quod ille completurus est. Hoc modo Prophetæ, & in primis Ioannes Baptista, dicuntur

PRAECUR  
SOR QVIS  
DICATVR.



tur præcursores primi aduentus Domini: quia animos hominum ab impietate aliisq; flagitiis auocarunt, & in eis cognitionem ac timorem diuinum, pietatis & iustitiæ studium inchoarunt; per quæ idonei redderentur ad Dominum recipiendum, quæque ipse Dominus sua præsentia ad perfectam sanctitatis formam perduceret. Atqui Lutherani & alij sectarij disponunt animos hominum ad Antichristum facilius acceptandum, inchoando strenuè quod ille perfecturus est. Cur ergo non sunt verè & propriè eius præcursores iuxta mentem Scripturarum?

Sola Minor probanda: nam cetera sunt manifesta. Hanc ex collatione operum ostendere possumus.

*Prima COMPARATIO, in  
studio abducendi à fide.*

7 PRIMò, Antichristus abducet homines à fide Christi: Lutherani, Calvinistæ, &c. abducunt homines à fide Ecclesiæ Christi. Ille dicet non esse credendum Christo nostro, sed sibi utpote vero Christo: hi dicunt non esse credendum Ecclesiæ Catholicæ, veræ inquam Christi Ecclesiæ, sed nouis magistris, & nouarum Ecclesiarum architectis.

ctis. Atqui non credere Ecclesiæ Christi, magnus est gradus ad non credendum Christo; ac proinde ad recipiendum Antichristum. Quia sublata Ecclesiæ auctoritate, nihil omnino certi de Christo relinquitur, in quo indubitanter possumus acquiescere; cum etiam de ipsis Scripturis absque illa incerti simus. Nam ut ait D. Augustinus contra Epist. fundamenti cap. 5. *Ego etiam Evangelio non crederem, nisi me Ecclesiæ commoueret auctoritas.* quod etiam quotidiana experientia confirmat. Multi enim cum ab Ecclesia recesserunt, extra illam nihil solidi, quod animo accuratè omnia expendenti satisfacere queat, reperiunt, à secta una in aliam, & tandem ad Arrianismum vel Turcismum, vel quod crebrius est ad Atheismum deuoluuntur; ut multis exemplis ostendi potest. Imò tota secta nouorum Arrianorum & Nestorianorum, quæ in Hungaria, Transilvania, Polonia, & locis vicinis grassatur, ex Lutheranis & Calvinistis originem ducit.

Addo eos qui Ecclesiā Catholicam reijciunt, eo ipso conuinci non credere Christo. Ecclesia enim est interpret Christi, ac *ὑποφῆτις*, & veluti os ipsius per quod ipse nobis loquitur, & omnem suam doctrinam proponit. ergo qui illi non credit, hoc ipso  
non

non credit Christo, qui per illam loquitur: sicut Iudæi hoc ipso quo volebant credere Prophetis quos Deus ad illos mittebat, censebantur nolle credere Deo qui per illos loquebatur. quod cōfirmat Dominus Luc. 10. cū ait: *Qui vos audit, me audit; qui vos spernit, me spernit: qui autem me spernit, spernit eum qui me misit.* Et Matth. 18. *Sic Ecclesiam non audierit, sit tibi sicut Ethnicus & Publicanus.* Ex quibus perspicuum est, eos qui ab Ecclesia recedunt, verè non credere Christo, sed suæ phantasiæ, vel spiritui priuato, ac proinde comparatos esse ad credendum Antichristo.

*Secunda COMPARATIO, in neglectu bonorum operum & licentia vitæ.*

9 SECVNDÒ, Antichristus abducet homines à studio bonorum operum, & faciet illis omnē scelerum licentiam. Vnde 2. cap. Epist. 2. ad Thessal. vocatur ab Apostolo *homo peccati*: nimirum quia ipse non solum erit maximus peccator, sed alios adducet ad peccandum, latissimam ad omnia flagitia portam aperiens. Quidquid enim Christus adstrinxit, hoc Antichristus laxabit; & nihil aliud requiret, quàm vt in ipsum credant: se omnes qui ipsum receperint,

rint, felices & beatos effecturum . Colligitur ex cap. illo 2. & ex aliis quæ priori de Antichristo Disputatione dicta sunt.

*Lutherus*  
*art. 31. &*  
*a. 36.*  
*Calvinus*  
*lib. 3. Institut. c. 12.*  
*§ 4. & cap.*  
*14. § 9.*

Eadem egregiè præstant Lutherani & Calvinistæ, adeò vt hac in parte vix cedant Antichristo. A studio enim bonorum operum abducunt: quia docent homines per ea non fieri sanctiores, nec quidquam mereri apud Deum, nihilque mercedis pro illis accepturos: sed solam fidem apud Deum æstimari. Denique omnia hominum opera, quæ videntur bona, occulta peccati labe inquinata esse, & iustam opprobrij mercedem apud Deum mereri. Itaque subtrahunt totum illud, quod homines ad bona opera posset allicere, nimirum spem fructus & mercedis; & insuper apponunt aliquid quod eos ab illis deterreat, labem & turpitudinem peccati.

*Lutherus*  
*in assert. ar.*  
*1. & lib. de*  
*libertate*  
*Christiana.*  
*Calvinus*  
*lib. 3. c. 4. §.*  
*28. & lib. 2.*  
*c. 8. §. 58.*

Licentiam omnium scelerum faciunt, dum docent nullum crimen posse credentibus officere: nam propter fidem Christi nullum peccatum ad culpam vel pœnam imputari. qua doctrina posita tollitur omnis timor vindictæ, & tam lata ad omne flagitium, quàm per Atheismum, porta aperitur; vt in Consultatione de Religione fusius ostendimus. Id enim quod homines retinet & cohibet à peccatis, est timor vindictæ

dictæ à Deo irrogandæ ; vt passim Scriptura docet , & experientia quotidiana demonstrat . Semoto hoc timore , nullum est amplius retinaculum , nullum frænum ; itaque liberè toto impetu absque vlla formidine in omnes libidines , in omnes fraudes , in maleficij & veneficij genus omne ruere possunt , modò id clam magistratibus faciant , aut ab illis per leges humanas nulla castigatio impendeat . Quare cùm isti sua doctrina omnem vindictæ timorem penitus tollant , perspicuum est eos omnium vitiorum facere potestatem , atque adedò omnium scelerum præbere causam . Sicut enim qui subducit fulcra quibus ruina domus impediabatur , est causa ruinæ domus : ita qui tollit timorèm diuinæ ultionis , quo genus humanum sustentabatur ne liberè in omne flagitium rueret , est causa ruinæ in illa flagitia . Quatenus ergo tollunt spem mercedis , extinguunt studium bonorum operum ; quatenus tollunt timorem vindictæ , faciunt copiam & licentiam omnium scelerum . Nescio qua ratione Antichristus efficacius ista facere queat ; nisi fortè bonis operibus supplicium , prauis præmium constituat . quamuis ne sic quidem nostri hæretici hac in re omnino ab ipso vincerentur . Nam & ipsi bonis operibus , si quis ea

animo promerendæ mercedis præstet, supplicium constituunt; cùm ea superstitiosa esse, & in Christi iniuriam cedere, ac proinde ignem æternum mereri dicant. Unde cùm omnia bona opera Catholicorum etiam mercedis intentione fiant, (iuxta illud Psal. 118. *Inclinaui cor meum ad faciendas iustificationes tuas, propter retributionem*: aliasque plurimas Scripturæ sententias) eadem lege illa cõdemnant. Denique sicut Antichristus à suis asseclis non exigit Decalogi obseruationem, sed tantùm fidem, qua in ipsum credant, & vt Messiani recipiant; ita ipsi solam fidem ad iustitiam exigunt.

*Tertia COMPARATIO, in  
tollendo Sacrificio.*

**T**ERTIÒ Antichristus auferet *iuge sacrificium*, vt constat ex cap. 12. Danielis; auferet, inquam, quoad publicum vsum, grauissimè puniens & occidens eos, quos cognouerit illud vel publicè vel priuatim obtulisse. Dicit enim esse idololatriam, & propterea tollendum. Ob eandem causam tollet cultum imaginum Christi & Sanctorum. Utetur enim in suis factis rationabili aliquo prætextu, & specie quadam rationis ac pietatis, vt homines decipiat.

Eodem

Eodem modo faciunt hæretici huius temporis, præsertim Calvinistæ. Tollunt enim ubique, vbi rerum potiuntur, iuge sacrificium, & Liturgiam Ecclesiæ, idololatriæ obtentu, imò nullam Ethnicorum idololatriam adeò execrantur. Vnde euertunt altaria, cōfringunt calices, & omne sacrum instrumentum ad hoc sacrificium comparatum vastant & profanant, inde sibi caligas, indusia, thoraces concinnantes. Tollunt etiam eodem prætextu venerationem crucis, & imaginum Christi & Sanctorum, & illas tamquam Idola cum mille probris deturbant, confringunt, exurunt. Porro hunc cultum adeò exagitant, vt nulla Ethnicorū Idololatria videatur illi posse comparari. Nam quidquid ferè in Apocalypsi aduersus veram Idololatriam dicitur, hoc totum ad hunc cultum detorquent, quasi præcipuus Spiritus sancti scopus illis fuerit locis, cultum sanctissimæ Eucharistiæ, & venerationem Imaginum & Reliquiarum traducere, & damnare. Denique grauissimas pœnas in eos qui sacrificium Missæ obtulerint, vel eidem interfuerint, constituunt. Ah hoc non est parare viam Antichristo, eiusque se prodromum ostendere?

*Quarta COMPARATIO, in tollendis  
Ecclesiæ Sacramentis & cærimoniis.*

**Q**UARTO, Antichristus tollet omnia 11  
Ecclesiæ Sacramenta, omnia officia  
diuina, omnia festa, & ieiunia. Quidquid  
enim à Christo institutum est, vel aliquo  
modo ad ipsius cultum ac honorem perti-  
net, abrogabit; utpote Christi iuratus hostis,  
eiq. ex diametro repugnans. Vnde D. Hip-  
polytus Oratione de Antichristo: *Tunc lu-  
gebunt Ecclesiæ luctum magnum, quia nec  
oblatio, nec suffitus fiet, nec cultus Deo gra-  
tus: sed Ecclesiarum ades tugurij instar erunt,  
pretiosumq. corpus & sanguis Christi non  
extabit in diebus illis. Liturgia extingue-  
tur, Psalmorum decantatio cessabit, Scri-  
pturarumq. recitatio non audietur.*

Nostri heretici sustulerunt omnia Sacra-  
menta præter Baptismum; & huius etiam  
tollendi posuere fundamentum. Docent  
enim Caluinistæ infantibus fidelium non  
esse necessarium ad salutem: nam eos hoc  
ipso quo nascuntur è parentibus Christia-  
nis, sanctos esse ex vi illius promissionis di-  
uinæ factæ Abrahamo Gen. 17. *Ero Deus  
tuus, & Deus seminis tui post te.* Si necessa-  
rius non est, leui occasione abrogari poterit;

præ-

*Ex senten-  
tia Caluini  
lib. 4. In-  
stit. c. 16.  
n. 6.*



præsertim cùm ex sententia illorum nihil sit nisi nudum symbolum, quo Deus conscientias nostras suas promissiones obsignat, ut ait Calvinus lib. 4. c. 14. n. 3. hoc est, quo ipse testatur conscientias nostras, ut credamus ipsum nobis esse propitium; quod testimonium inutile prorsus est infantibus, cùm ipsi nec illud percipere, nec credere possint. Libèter diabolus Baptismum quoque sustulisset: sed quia id Deo, ne tot millia infantium perirent, nondum permittere placuit; rem ita disposuit, ut facili negotio, cùm opportunum fuerit, & crescentibus hominum peccatis Deus non ampliùs illum impediuerit, è medio tollere possit.

Sustulere quoque officia diuina, nimis Liturgicam actionem, ut dictum est, psalmodiam, & laudes diuinas, quæ diu noctuque in Ecclesiis & monasteriis celebrari & decantari solent. hæc omnia perpetuo apud eos silètio damnata. Denique sustulere omnia pænè festa & ieiunia Ecclesiæ, & quidquid carni molestum, partim ut superstitiola, partim ut Euangelicæ libertati repugnantia. Retinent tamen diem Dominicum, nec immeritò. Nam & hunc quodam modo retinebit Antichristus, iubens eum diem in suum honorem & cultum seruari; ut quodam loco S. Gregorius

*Lib. 11.  
epist. 3.*

tradit, cùm ait: *Quia enim mori se & resurgere simulat (Antichristus) haberi in veneratione vult diem Dominicum.*

*Quinta COMPARATIO, in mutilandis & peruertendis Scripturis.*

**Q**UINTÒ, Antichristus eas sacræ Scri- 12  
pturæ partes, quæ ipsius instituto clariùs videbuntur aduersari, vt nouum Testamentum, & quasdam partes veteris, tollet è medio, tamquam adulterinas, supposititias, & confictas: & eas quas admittet, interpretabitur non ex sententia Patrum, sed pro suo commodo, declinando ad sensus Iudæicos & Rabbinorum, de externa gloria Messix. Nam conabitur persuadere Iudæis se esse Messiam in Scripturis promissum, vt superiore Disput. de Antichristo Demonstrat. 6. & 7. ostensum est. Sicut enim Christus se verum Messiam miraculis & Scripturarum testimoniis probauit: ita & ipse conabitur se Messiam probare miraculis mendacibus, & adulteratis Scripturæ sententiis, vt passim docent Patres.

QVOS S.  
SCRIPTV-  
RAE LI-  
BROS HÆ-  
RETICI  
REIICI-  
ANT.

Etiam hac in re præclaram ipsi operam nauant nostri hæretici. Nam omnes aliquot S. Scripturæ libros vt apocryphos vnà cum Iudæis reiiciunt; nimirum librum Tobix, Judith,

Iudith, Sapientiæ, Ecclesiastici, & Machabæorum; & alias quasdam particulas, vt Hymnum trium puerorum Danielis; Historiam Sufannę, & Belis. His accenset<sup>a</sup> Caluinus librum Baruch. <sup>b</sup> Lutherus etiam librum Iob, & Ecclesiasten contemnit. *Illum ait instar fabulæ ad exemplum patientiæ cōcinnatum: hunc videri sibi ocreis & calcari- bus destitutum equitare in soccis, vt ipse so- leret cū adhuc degeret in cænobio.* E nouo Testamento <sup>c</sup> Lutherus sustulit Epistolam ad Hebręos, tamquam nonnulla contra doctrinam Euangelicam & Apostolicam continentem: Epistolam Iacobi & Epistolam Iudæ omnino contemnit. De secunda & tertia Ioannis dubitat. Apocalypsin absolute reiecit. Denique idem Lutherus cū non auderet aperte reiicere Euangelia, tria tamen recte exauctorauit. Sic enim scribit in Prologo noui Testamenti: *Abolenda est falsa illa opinio, quod sint quatuor Euangelia. Nam Euangelium Ioannis est unicum, pulchrum, verum ac principale, aliisq; tribus longè & longè anteponendum.* Et infra: *Pauli Epistolæ ac Petri longè precedunt tria Euangelia Matthæi, Marci, Lucæ; Iacobi autem Epistola præ illis straminea est.* Abolitis tribus Euangelis tamquam non veris, nec diuino Spiritu scriptis, parum supererit diffi-

<sup>a</sup> Lib. 3.

c. 20. n. 8.

<sup>b</sup> In consi- uialibus serm. tit. de libris veteris & noui Testamenti.<sup>c</sup> In Prologo in epist. ad Hebræos.

difficultatis Antichristo in abolendo Ioanne, & ceteris quæ supersunt.

Deinde ea quæ recipiunt interpretantur 13

QVOMODO  
SENTEN-  
TIAM PER  
VERTANT.

DAMNUM  
DVPLEX  
ECCLE-  
SIAE IN-  
FERVNT.

ex suo sensu, reiecto sensu Patrum & totius Ecclesiæ; & passim magis Rabbiorum placitis, quam sanctorum Patrum interpretationibus fauent. Qua in re duo grauissima mala, quantum in ipsis est, Ecclesiæ inferunt. Alterum est, quòd S. Scripturæ vitam, quæ in vero sensu sita est, adimant. Hic enim sensus ab Ecclesia, & Patrum consensu, petendus. Vnde hoc ipso quo Ecclesiæ & Patrum auctoritatē contemnunt, S. Scripturæ spiritum elidunt, solumq; eius, vt ita dixerim, cadauer nobis relinquunt. Itaque non minus damni inferunt, quàm si cum Suencfeldianis vniuersam absolutè è medio tollerent. Ipsa enim S. Scripturæ verba legitimo sensu, certaqué intelligendi norma destituta, longè plus damni quàm utilitatis adferunt, mentibus hominum in pestiferos errores illorum occasione impingentibus. Sic enim omnes panè hæreses ortæ. Vnde satius esset nullas extare Scripturas, quàm eas extare sine certa & infallibili explicandi regula. Nullus enim esset finis nouitatum & errorum, nullus controuersiarum & contentionum, nullus schismatum & sectarum; vt illi qui ab Ecclesia Catholica

reces-

recesserunt , suo exemplo abundè ostendunt. Cùm enim Lutherus iudicium Ecclesiæ , & sanctorum Patrum consensum , circa S. Scripturæ interpretationē reiecisset ; mox discipuli eius in tres abiire sectas : quæ singulæ rursus in multas alias sunt diuisæ.

Alterum est, quòd sublato legitimo Scripturæ sensu ac spiritu à iudicio Ecclesiæ & Patribus petèdo, alium ex iudicio cuiusque priuato pendentem verbis Scripturæ aptauerint; eamque, vt huic sensui subest, eoque veluti animatur, infallibilem credendi normam statuerint: qua re nihil potest fieri absurdius aut pestilentius. Hoc enim nihil est aliud quàm aperire ianuam latissimam omnibus hæresibus ; & omnes pænè antiquas sectas , quantumuis inter se contrarias , approbare , earumque dogmata tamquam hî dei articulos tueri.

- 14 Quòd autem Scripturam , vt priuato iudicio cuiusque subest , credendi normam statuam, manifestum est. Nam Auctor pag. 139. sic ait : *In primis vt velitis Scripturas peruolutare , ex his credendi normam petere , neque super aliorum incertis opinionibus , sed super vestra ipsorum certa scientia fidei fundamenta collocare , quando iustus fide sua viuet , & unusquisque sit propria fide saluus .* Hortatur Principes vt reiectis
- QVAM RE-  
 GVLAM  
 CREDEN-  
 DI STA-  
 TVANT.
- Eccle-

Ecclesiæ Catholicæ, & Conciliorum Oecumenicorum, & sanctorum Patrum explanationibus & definitionibus tamquam incertis, ipsi per se Scripturas peruoluant, & suo iudicio inde sibi credendi normam conficiant, sicque super iudicium proprium, non super alienum, fundamentum fidei collocent: quia quisque fide sua uiuit & saluatur, hoc est, super proprio iudicio & propria sententia, non super aliena auctoritate fundata. Idem antea docuit Caluinus. Nam lib. I. Instit. c. 7. §. 1. 2. 4. docet non esse Ecclesiæ iudicare, qui libri sint diuinæ auctoritatis, sed hoc ad arcanum spiritus testimonium pertinere. Si ad testimonium arcanum spiritus priuati pertinet censura singulorum librorum, etiam pertinet censura singularum sententiarum: eiusdem enim est iudicare de toto & de partibus, cum totum nihil sit præter partes. Rursus si ad testimonium spiritus interni pertinet iudicium de Scriptura; ergo & de sensu Scripturæ: nam Scriptura non est verbum Dei nisi ratione legitimi sensus. Idem clarissime docet lib. De libero arbitrio contra Pighium, pag. 242.

SENTEN-  
TIA CAL-  
VINI.

NOTA.

*Sacrilegam, inquit, illam vocem suam ruet at Pighius; Nullius Scripturæ auctoritate, quãlibet clare nostro quidem priuato iudicio, & euidentis, aduersus claram consonantemq;*

*Ortho-*

*Orthodoxorum Patrum sententiam, aduersus communem Ecclesiæ definitionem aliquid credere cuiquam licere: fieri enim posse ut in Scripturæ intelligentia erret unusquisque nostrum: ut autem erret Ecclesia in iis quæ ad fidei veritatem pertinent, fieri non posse; quia sit columna & firmamentum veritatis. Hæc ille. Quibus verbis docet cum aliquis Scripturæ locus alicui priuato iudicio videtur clarus, priuatum iudicium anteponendum esse concordi iudicio omnium Patrum & omnium Conciliorum, totiusque Ecclesiæ definitioni: imò sacrilegum esse id non facere. Idem ante Caluinum docuit Lutherus multis locis. art. 115. Capite, inquit, hoc Euangelium, quia neque Papa, neque Conciliis, neque ulli hominum commissum est ut constituat & concludat quid sit fides; quia dicit, Cauete à falsis prophetis. Oportet igitur Euangelium mentiatum, aut Papa simul cum Conciliis. Ideò debeo dicere: Papa tu conclusisti cum Conciliis; nunc habeo ego iudicium an acceptare queam nec ne. Quare? quia non stabis pro me & respondabis, quando debeo mori: & falsam doctrinam nemo iudicare potest nisi spiritalis homo. Ideò est res insana quòd Concilia concludere & statuere volunt quid sit credendum; cum sæpè nullus vir sit ibi, qui diuinum*

*num spiritum vel modicum olfecerit, &c.* Hic totum iudicium, totamque auctoritatem statuendi quid sit credendum, quid non, refert ad spiritum priuatum cuiusque, idque fundamento simili illi, quo Auctor noster in Præfatione; nimirum quia in iudicio Dei quisque pro se respondere debebit. Similia habet tom. 2. fol. 404. vbi inter cetera dicit *omnes Christianos habere ius & auctoritatem iudicandi de omni doctrina, & non esse expectandum ut Concilia definiant, quid credere & sequi debeamus.*

Denique, hæc ferè est communis hæreticorum nostri temporis doctrina. qua posita, nulla iam ampliùs est hæresis. Nihil enim est adeò absurdum & paradoxum, quod priuato iudicio alicuius clarè non significetur in aliquo Scripturæ loco. Non erit hæresis, *Deum esse propriè auctorem omnium malorum: nullam esse arbitrij libertatem: omnia de necessitate absoluta cuenire:* quia Lutheri, Caluini, & multorum aliorum iudicio hæc clarè in Scripturis traduntur. Non erit hæresis, *Filium esse Patre minorem, & esse creaturam: Spiritum sanctum esse creaturam, & Filio minorem: unicam esse personam in natura diuina: naturam humanam non esse assumptam à Verbo in unionem hypostaticam, sed solùm ut organum, ut vestimen-*



*stimentum, ut templum & domicilium; diuinitatem esse conuersam in carnem, & similia: quia hæc omnia iudicio priuato non vnius, sed plurimorum, nimirum Arrianorum, Macedonianorum, Sabellianorum, Nestorianorum, Eutychianorū, clarè continentur in Scripturis. Omnes isti in hisce dogmatibus sequuntur normam credendi, quam Calvinistæ & Lutherani præscribunt, & quam iudicio Caluini sequi debent, nisi sacrilegi esse velint. Cùm enim priuato iudicio perspicuum ipsis sit, ista in Scripturis significari, tenentur sub pœna sacrilegij vel infidelitatis, contra omnium Conciliorum definitionem, & Orthodoxorum Patrum consensum, ita credere. Quid hac doctrina potest esse funestius? aut qua tandem ratione aptior via ad omnem errorem, & ad Antichristum pro Christo recipiendum, sterni queat? Si enim priuato iudicio perspicuum tibi fuerit, librum aliquem S. Scripturæ non esse genuinum, aut esse supposititium (quomodo perspicuum est Lutheranis de Epistola ad Hebræos, de Epist. Iacobi & Iudæ, de Apocalypsi: quomodo item Lutheranis simul & Calvinistis perspicuum est de Iudith, Tobia, Sapientia, Ecclesiastico, & libris Machabæorum) credere debes ita esse, & illum à Canone reiicere. Si idem tibi clarum*

fuerit de toto nouo Testamento, eodem iure teneris illud repudiare. Si cum Iudæis, loca veteris Testamenti, quæ de gloria Messiae tractant, intelligenda putaueris de externa eius gloria in primo aduentu, idque iudicio tuo sit manifestum; debes ita credere, & Antichristum pro Christo recipere.

Hæc si quis secum perpendat, & simul consideret quomodo Scripturas corrumpant, & suis affectibus seruire faciant; non facile inducet in animum ut credat illos Scripturam venerari, & magni æstimare, quantumuis eam iactent, ut auctoritatem sibi apud plebem concilient: sed potius ludibrio habere & ipsam, & auctorem eius Deum. Quæ enim potest esse maior irreuerentia in Scripturam sacram & in Deum Scripturæ auctorem, quàm si eam cuiuslibet priuati hominis interpretationi & iudicio subiicias; ut quod illius spiritui visum fuerit, hoc sententia Scripturæ, hoc verbi diuini nucleus iudicetur? Quod potest esse maius ludibrium, quàm Scripturas ita interpretari, ut eas tuis affectibus & phantasiis contra totius antiquitatis sensum & consensum seruire facias; ut quidquid bilis vel odium suggerit, quidquid ad maledicendum & mordendum videtur opportunum, mox verbum diuinum, & Spiritus sancti dictatum habeatur?

tur? Declarabo id paucis exemplis. Scriptura docet quòd *Antichristus se extollet super omne id quod dicitur Deus, aut quod colitur.* hoc ipsi, vt possint Summum Pontificem facere Antichristum, nihil aliud volunt significare, quàm quòd Antichristus se præferet omnibus Regibus, & Iudicibus humanis. Scriptura docet Antichristum regnaturum *per tempus, & tempora, & dimidium temporis*, hoc est tres annos cum medio, seu 42. menses, seu dies 1260. vt ipsa Scriptura exponit. hoc vt possit quadrare in Summum Pontificem, per quasdam deductiones ita torquent, vt ex tribus annis cum medio fiant plusquam mille anni: aliàs non poterat seruire calumniæ. Scriptura docet Antichristum habiturum *pseudoprophetam, qui signis & prodigiis fallacibus seducat homines.* illi quia hominem aliquem, qui Pontifici ad hoc seruiret, inuenire non poterant, fingunt hunc *pseudoprophetam esse Ecclesiam Catholicam* toto orbe diffusam; & miracula ac signa illa fallacia, esse miracula Sanctorum quæ in Ecclesia fiunt. Scriptura docet Deum tempore Antichristi missurum duos Prophetas, qui illi resistent, miracula faciant, & homines conuertant: illi hos duos Prophetas dicunt nihil aliud esse, quàm nouum & vetus Testamentum, vel

2. ad Thes.  
sal. 2.

Daniel. 7.

25.

Apocalyp.

11. 2. &

cap. 13. 7.

2. ad Thes.

sal. 2.

Apocal. 13.

Apocal. 11.

4.

Apocal.  
16.13.

prædicantes suarum sectarum. Ioannes dicit se *ex ore draconis, bestiae, & pseudoprophetae* vidisse exire tres spiritus immundos in modum ranarum. Illi per tres illos spiritus immundos dicunt intelligi Ordinem Iesuitarum: quem dicunt numero ternario designari ob duas causas. Prior est, quia à tribus principiis procedit; nimirum à dracone seu diabolo, cuius spiritu animatur; à bestia seu Summo Pontifice, cuius auctoritate est confirmatus; & à pseudopropheta, hoc est Ecclesia Catholica, cuius doctrina instruitur. Altera est, quia pugnat pro suo Monarcha, qui triplici corona insignitur. Scriptura docet, pseudopropheta Antichristi effecturum *ut ignis descendat de caelo, & ut homines adorent imaginem Antichristi*, &c. illi descensum ignis, interpretantur *excommunicationem*; *imaginem Antichristi*, eius *illimitatam potestatem*; *adorare imaginem Antichristi*, nihil esse aliud quàm eius *illimitatam potestatem agnoscere*. & similia plena vanitatis & ἀλογίας.

Omitto alia huius generis innumera. Ut enim faciant Scripturam dicere quod ipsi volunt, fingunt quidlibet, sine ullo colore, sine auctore, sine pudore, sine conscientia, sine artificio, sine connexionione, non curantes an cum aliis rectè cohæreat, an verbis Scripturæ

pturæ congruat, an aliquis ex antiquitate suffragetur, an ulli umquam veterum in mentem venerit. Hinc fit ut sibi ipsis foedissimè contradicant, & sæpè ita implicent, ut nesciant quid dicant: ut cùm eandem bestiam nunc interpretatur Antichristum, nunc urbem Romanam, nunc sedem regni, nunc eum qui sedem occupat, &c. Incredibile est eos ita omni luce rationis esse destitutos, quin facilè videant hanc Scripturæ mentem non esse; & se hæc omnia ex odio, quo Summum Pontificem & doctrinam Catholicam prosequuntur, cõfinxisse. Quis ergo non existimet eos Scripturas ludibrio habere, quas tam irreuerenter tractant, & suis passionibus accommodant? quis non dicat Deum ab ipsis irrideri, quem suarum blasphemiarum auctorem tam impudenter faciunt? Sanè qui vel minimum habet timoris diuini, horret huiusmodi sacrilegas verbi Dei profanationes.

*Sexta COMPARATIO, in tollendo mysterio Trinitatis.*

15 **S**EXTÒ, Antichristus tollet mysterium Sanctissimæ Trinitatis, distinctione personarum abrogata, ut multi Patres tradunt: & colligitur ex verbis Domini Ioannis 5.

*Ego*, inquit, *veni in nomine Patris mei*, & *non accepistis me*: *si alius venerit in nomine suo*, *illum accipietis*. Vbi notanda antithelis inter venire *in nomine Patris*, & *in nomine suo*: quæ apertè insinuat illum non venturum tamquam missum ab aliqua persona diuina, sicut Christus venit missus à Patre, sed sola sua auctoritate tamquam Deum à nullo procedentem. Estque id etiam conforme perfidiæ Iudaicæ, cui ipse se accommodabit. Negant enim Iudæi Trinitatem personarum. quia putant per illam tres deos introduci: vnde & Christianos vocant Tritheistas. Idem ergo ipse faciet Antichristus, ut etiam hac ratione nostram Religionem calumnietur, & traducat.

TOLLUNT  
MYSTE-  
RIUM TRI-  
NITATIS.

At huic operi Lutherus & Calvinus, Lutherani & Calvinistæ, eorumque progenies noui Arriani, & Sabelliani, egregiè viam complanant. Lutherus contra Latomum: *Nec est quod mihi homousion obiectes aduersus Arrianos receptum. Non fuit receptum à multis iisq; præclarissimis; quod & Hieronymus optauit aboleri, ideoq; non effugerunt periculum hoc inuento vocabulo, ut Hieronymus queratur nescire quid veneni lateat in litteris & syllabis.* Et infra: *Quod si anima mea odit vocem homousion, & no-*  
lim

*lim ea uti, non ero hæreticus, &c.* At cur oderat nisi propter significationem: quia expressè significat personas diuinas esse eiusdem substantiæ. Ob hanc enim solam causam oderant illud Arriani, & decem conciliabulis totaq; Imperij potentia conati sunt illud è medio tollere. Videbant enim per illud apertissimè suam hæresim iugulari. Mentitur autem splendidè Lutherus, cum ait Hieronymum optasse illud aboleri: & rursum cum ait Hieronymum illud habuisse suspectum, quasi venenum in eo lateret. Sed huiusmodi sunt apud Lutherum alia sexcenta.

Similiter displicebat ei nomen *Trinitas*. *Vocula*, inquit, *hæc Trinitas nusquam in Scriptura reperitur, humanitus tantummodo inuenta est. Vnde omnino etiam frigide sonat, & multò præstabilius foret, si Deus potius quàm Trinitas diceretur.* Vnde hanc formulam precandi, *Sancta Trinitas unus Deus miserere nobis*, è precibus Germanicis sustulit. Nimirum res signata displicebat, quæ aptius, breuius, & significantius exprimi non poterat.

- 16 Calvinus omnia penè Scripturæ loca quæ à Patribus ad probandum Trinitatis mysterium aduersus Sabellianos, Arrianos, & Macedonianos adferri solent, conatur

ostendere esse inualida, & in alium sensum interpretatur. Adeò vt etiam locum illum clarissimum Ioan. 12. *Ego & Pater vnum sumus*: dicat non esse intelligendum de vni-  
tate essentiae, sed de concordia & consensu voluntatis. Vnde Ægidius Hunnius Lutheranus anno 1593. emisit librum in lucem hoc titulo, *Calvinus Iudaizans, hoc est, Iudaica glossæ & corruptelæ, quibus Ioannes Calvinus illustrissima Scriptura sacra loca & testimonia de gloriosa Trinitate, deitate Christi, & Spiritus sancti, detestandum in modum corrumpere non exhorruit*. Idem Hunnius postquam multa loca à Caluino deprauata excussisset, pag. 59. concludit: *Quis ergo non videat diabolum per acutum hoc suum instrumentum data opera tales voluisse procudere strophas illusorias, quibus Antitrinitarij propugnacula Christianorum non solum hostiliter attentare, sed etiam diruere valeant?* Et infra pag. 60. dicit, à Caluino longissimam & latissimam viam stratam ad Arrianam heresim plenis catarractis atque imbribus in orbem terrarum effundendam & ingurgitandam.

Prætereà Calvinus multis locis insinuat Filium secundum Diuinitatem esse Patre minorem: quod quid est aliud quàm illi adimere veram diuinitatem? Libro contra Valen-



Valentinum Gentilem dicit, *Nomen Dei* In refut. decima pro- thescos.  
*καὶ ὁμοεχὴν soli Patri tribui.* Si solus Pater  
 per excellentiam est Deus, perspicuum est  
 eius diuinitatem esse maiorem & excellen-  
 tiorem diuinitate Filij. Eodem libro dicit  
 hanc propositionem Gentilis esse veram:  
*Deus habuit vim generandi Filium, & pro-*  
*pagandi Spiritum sanctum, quia voluit.*  
 Si hæc potestas pendet à voluntate Dei; po-  
 tuit ergo non esse: ac proinde (& multò qui-  
 dem magis) potuit non esse quod per hanc  
 producitur, nempe Filius, & Spiritus san-  
 ctus. Eodem libro ait: *Filium personæ re-*  
*spectu non nisi improprie creatorem celi &*  
*terra nominari, Patrem proprie.* Non ergo  
 Filius est proprie Deus, sed creatura, & in-  
 strumentum Dei, vt Arriani dicebant. Ibi-  
 dem dicit, *Filium esse Patri subiectum etiam*  
*secundum diuinitatem.* Item impropriam  
 & duram esse locutionem symboli Nicæ-  
 ni, *Deum de Deo, lumen de lumine.* Epist. 2.  
 ad Polonos asserit, *Christum secundum na-*  
*turam etiam diuinam Patre minorem esse.*  
 Alia Epistola ad Polonos scripta anno 1563.  
*Precatio vulgò trita est, Sancta Trinitas*  
*vnus Deus miserere nostri, mihi non placet,*  
*& omnino barbariem sapit, &c.* Omitto  
 alia plurima.

Denique ex Lutheri & Caluini schola

prodierunt illi qui in Hungaria, Polonia, Transilvania Sabellianismū, Arrianismum, Tritheismum, & Ebionismum instaurarunt: vt Michaël Seruetus, & huius sectatores Georgius Blandrata, Paulus Alciatus, Lælius Sozinus, Franciscus Dauid, Bernardinus Ochinus, & alij qui distinctionem personarum è medio tollunt, & Christum cum Ebione & Nestorio purum hominem statuunt, vel eius carnem ex diuina substantia conceptam & formatam cum Eutychete affirmāt. Item Valentinus Gentilis cum suis collegis, Matthæo Gribaldo, Francisco Lismanino, Gregorio Paulo, & aliis qui Tritheismum introducunt; & sicut tres hypostases, ita tres naturas in diuinitate statuunt. Qui tamen hoc cum Arrio commune habent, quòd Patrem ante Filium velint extitisse, & solum Patrem propriè verum Deum esse. Ex quibus patet quàm præclare Lutherus & Calvinus cum familiis suis Antichristo venturo viam sternant.

*Septima COMPARATIO, in  
variis blasphemis.*

SEPTIMÒ, Antichristus Deum & Sanctos blasphemabit, & mire se ipsum iactabit, omnibus præ se contemptis. Danie-  
lis

lis 7. *Sermones contra Excelsum loquetur.*  
 Apocal. 13. *Datum est ei os loquens magna*  
*& blasphemias.*

Idem egregiè faciunt nostri hæretici. Nam quod ad blasphemias attinet, non solum eas per modum cõuitij ex ira in Deum effundunt, vt interdum impij homines solent; sed quod longè est deterius, plurimas vt articulos fidei statuunt. è quibus aliquot recensebo. Itaque prima sit: *Deum omnium peccatorum esse auctorem.* hæc Lutherò & Caluino communis. Lutherus libro De seruo arbitrio contra Erasimum: *Nulli, inquit, in manu sua est cogitare quidquam mali aut boni, sed Deus in nobis omnia bona & mala operatur.* Et in assert. a. 36. *Quomodo potest homo se ad bonum preparare, cum nec in potestate eius sit suas vltas malas facere? Nam & mala opera in impiis Deus operatur.* Potestne aliquid dici clarius? poterátne Deus apertiùs auctor omnium scelerum affirmari? At non sistit in simplici assertione, sed vult esse præcipuum & clarissimum fidei articulum. Nam eadem assertione, hunc articulum: *Liberum arbitrium est figmentum in rebus, seu titulus sine re, quia nulli est in manu sua quippiam cogitare mali aut boni, sed omnia de necessitate absoluta cueniunt; nimirum quia Deus omnia bona & mala in*  
*nobis*

PRIMA  
 BLASPHE-  
 MIA.

*nobis operatur: facit primarium, & summam totius suæ doctrinæ. In ceteris, inquit, articulis, de Papatu, Conciliis, Indulgentiis, aliisq; non necessariis nugis, ferenda est leuitas & stultitia Papæ, & suorum: sed in hoc articulo, qui omnium optimus, & rerum nostrarum summa est, dolendum ac flendum est miseros sic insanire. At quæ maior blasphemia cogitari potest, quàm nullam esse arbitrij libertatem, eò quòd Deus omnia bona & mala operetur in nobis? Sic enim Deus non optimus, sed pessimus omnium esset. Longe satius foret totam diuinitatem & prouidentiam negare, quàm talem Deum ponere. Et tamen hic articulus adeò teter & blasphemus est basis doctrinæ Lutheri & Caluini; quem Lutherus vult ita esse perspicuum, vt dicat omnes qui illum non recipiunt esse miseros, insanos, desolendos. Eadem ex professo & luculentè tradit Caluinus, & plurimis Scripturæ sententiis confirmat: quod quia vel per impudentiam, vel per ignorantiam, à quibusdam illius sectæ ministris negatur, breuiter ostendam. Igitur lib. 1. Instit. cap. 18. §. 1. ita scribit: *Absurdum videtur (sensui carnis) volente ac iubente Deo excacari hominem, qui mox cecitatis suæ daturus est pœnas. Tergiuersando itaque effugiunt Dei tantum permissu non etiam volun-**

CALVINI  
SENTEN-  
TIA, DEVS  
OMNIUM  
SCELERVM  
AUCTOR  
PRIMA-  
RIVS.

*voluntate hoc fieri: ipse verò palàm se facere pronūtiāns effugium illud repudiāt. Hīc apertè docet Deum non solūm permittere, sed etiam velle, & iubere, & facere vt homo excācetur; etsi id sensui carnis absurdum videatur. Sequitur: Quod autem nihil efficiant homines nisi arcāno Dei nutu, nec quidquam deliberando agitent, nisi quod ipse iam apud se decreuerit, & arcana sua directione constituit, innumeris & clāris testimoniis probatur. Hīc omnia hominum opera tam mala quā bona asserit effici arcāno Dei nutu, decreto, & directione. Itaq. omnia hominum scelera iam ab aeterno à Deo sunt decreta, vt sic fierent: & homines nutu diuino ad illa excitantur, & diriguntur. Et paulò pōst: Vult Deus p̄sīdum Regem Achab decipi: operam suam offert diabolus ad eam rem: mittitur cum certo mandato vt sit spiritus mendax in ore omnium Prophetarum. Hīc docet Deum velle & p̄cipere vt diabolus mentiatur, & decipiat hominem; & reiicit sententiam de permissione. Et infrā: Absalon incesto coitu patris thorum polluens, detestabile scelus perpetrāt: Deus tamen hoc opus suum esse pronūtiāt. Clamat Deus, suo sibilo, tuba suae clangore, imperio & iussu excitari impios ad bellum. Ibidem docet, quidquid Satan operatus*

ratus est contra Iob, quidquid Iudæi contra Christum, quidquid Chaldæi contra Iudæos, quidquid Semei contra Dauid; id totum fuisse opus Dei: nec solum permissu, sed decreto, nutu, directione, iussu & imperio Dei factum. His enim vocibus ad mentem suam meliùs explicandam utitur. At qua ratione potest Deus clariùs, aut magis propriè statui omnium scelerum auctor?

§. 2. *Quantum ad arcanos motus spectat, quod de corde Regis predicat Salomon, flecti huc atque illuc prout Deo visum est; ad totum certè humanum genus extenditur, tantumdemq; valet, ac si dixisset, Quidquid animis concipimus, arcana Dei inspiratione ad suum finem dirigi.* Si omnes interni motus ex inspiratione & impulsu Dei concipiuntur, & in fines suos tendunt: Deus non minùs est auctor proditionis Iudæ, quàm conuersionis Pauli: non minùs odij in Christum, quàm amoris, &c. Et infrà: *Sed nihil potest clarius desiderari, quàm ubi toties pronuntiat se excacare hominum mentes, ac vertigine percutere, spiritu soporis inebriare, incutere amentiam, obdurare corda. Hac enim ad permissionem multi reiciunt, ac si deferendo reprobos, à satana excacari sineret. Sed quum disertè exprimat spiritus iusto Dei iudicio infligi cecitatem, & amentiam,*

*tiam, nimis friuola est illa solutio. Itaque Deus iuxta Calvinum propriè est auctor primarius cecitatis, infidelitatis, amentiae, & obdurationis seu obstinationis animi in malo. Ipse hæc omnia directè vult, decernit, infligit, & operatur in homine. Idem paulò post dicit Deum præcipere impiis ut faciant quæ facturi sunt, non quòd eos docere velit ad sponte parendum; sed quia eos flectit ad exequenda sua iudicia, perinde ac si iussa eius animis insculpta gestarent. Vnde, inquit, apparet certa destinatione Dei fuisse impulsos. Itaque impij ad omnia quæ agunt, flectuntur à Deo, & certa destinatione Dei impelluntur. Addit: Fateor quidem interposita satanæ opera sæpè Deum agere in reprobis, sed ut eius impulsu satan ipse suas partes agat, & perficiat quantum datum est. Ecce quidquid facit satan, facit impulsu Dei. Dicitur satan excacare infidelium mentes; sed unde hoc, nisi quòd à Deo ipso manat efficacia erroris, ut mendaciis credant, qui rennuunt parere veritati. q. d. Satan quidem interius & exterius proponit errores, sed hoc totum non sufficit ad excacandas hominum mentes, nisi Deus eas flectat, & efficaciter moueat, ut illis fidem adhibeant. Deus dicitur homines dare in reprobum sensum, & proicere in fædas cupid-*

*piditates : quia iusta vindicta suæ precipuus est auctor, Satan verò solum minister. Denique ita concludit: Summa hæc sit, cum Dei voluntas dicitur omnium rerum esse causa, providentiam eius statui moderatricem in cunctis hominum consiliis & operibus, ut non tantum vim suam exerat in electis, qui Spiritu sancto reguntur; sed etiam reprobos in obsequium cogat. Vbi Dei voluntatem non permissiue tantum, sed propriè & efficaciter statuit in impiis causam omnium consiliorum & operum, ipsosque impios diuino nutu & impulsu cogi ut agant omnia quæ agunt.*

*Lib. 3. cap. 23. §. 1. dicit non esse consentaneum præparationem ad interitum aliò transferre, quàm in arcanum Dei cõsiliū. Vbi ostendit non minùs reprobos à Deo præparari ad interitum, quàm electos ad regnum. Et §. 4. Fateor sanè, in hanc qua nunc illigati sunt miseriam, Dei voluntate decidisse vniuersos filios Adam. atque id est quod principio dicebam, redeundum semper esse ad solum diuinæ voluntatis arbitrium, cuius causa in ipso sit abscondita. Vbi lapsum Adam & totius posteritatis refert in solum diuinæ voluntatis arbitrium. Itaque lapsus est Adam, quia Deus ita voluit, ita prædestinavit. §. 6. Ecce quum rerum om-*  
*nium*



nium dispositio in manu Dei sit, quum penes ipsum resideat salutis ac mortis arbitrium, consilio nutuq<sup>ue</sup> suo ita ordinat, ut inter homines nascentur ab utero certa morti denoti, qui suo exitio ipsius nomen glorificent. Ibidem docet Dei ordinationem adferre necessitatem peccandi & pereundi: Quum, inquit, non alia ratione quæ futura sunt prævideat, nisi quia ita ut fierent, decreuit: frustra de præscientia lis mouetur, ubi constat ordinatione potius & nutu omnia euenire.

§. 7. Ridet eos qui dicunt hominem esse liberi arbitrij, & Deum propter præuisa peccata destinasse illum ad interitum: Vnde factum est, inquit, ut tot gentes unà cum liberis eorum infantibus æternæ morti inuolueret lapsus Adæ absque remedio, nisi quia Deo ita visum est? Nec absurdum videri debet quod dico, Deum non modò primi hominis casum, & in eo posterorum ruinam præuidisse; sed arbitrio quoque suo dispensasse.

§. 8. Non dubitabo igitur cum Augustino simpliciter fateri, voluntatem Dei esse rerum necessitatem; atque id necessario futurum esse, quod ille voluerit. Denique nulum ferè dogma tam diligenter ab eo inculcatur, utpote in quo sit summa Caluianæ religionis.

Ex his quæ dicta sunt manifestè colliguntur istæ propositiones:

Primò, Voluntas Dei non solum permissiue, sed etiam propriè & efficienter est causa omnium operum in impiis.

Secundò, Nihil agunt impij nisi ex arcano nutu, decreto, & directione Dei.

Tertiò, Deus præcipit satanæ vt mentiat, & decipiat homines.

Quartò, Impij imperio & iussu Dei excitantur ad bellum, & ad omnia quæ faciunt aduersus cultores Dei.

Quintò, Deus certa destinatione impellit impios & satanam ad omnia quæ agunt.

Sextò, Omnia opera satanæ & impiorum sunt propriè opera ipsius Dei, cum Deus sit auctor primarius ad ea excitans, impellens & dirigens: satan verò & impij solum se habent vt ministri & instrumenta.

Septimò, Deus sua voluntate & prouidentia excitat & cogit impios ad ea quæ impiè agunt.

Octauò, Deus ab æterno voluit, decreuit, & prædestinavit ruinam humani generis; quia ipsi ita visum est.

Nonò, Voluntas Dei est rerum omnium necessitas, & idcirco omnia impiorum opera necessariò fiunt, quia Deus voluit & decreuit vt fierent.

Ex his luce meridiana clarius est, Deum omnium scelerum à Caluino statui auctorem, & quidem primarium ac magis principalem, quàm sit satan vel ipse homo: idque propter quatuor causas. Primò, Quia ipse est prima omnium origo & radix. Nam ipse ex se pro suo beneplacito decreuit, ut homo omnia ista faceret: ex cuius vi decreti suis temporibus omnia eius opera proueniunt. Secundò, Quia non externo præcepto aut consilio tantum inducit (quod tamen satis est ut quis propriè sceleris sit auctor) sed interiùs excitat, impellit, flectit, & dirigit in opus; ita ut initium, medium, & finis operis ab ipso sit. Tertiò, Quia non ita impellit, ut relinquat homini facultatem resistendi, sicut satan facit, sed cogit & necessitat. Quartò, Quia ipse in omni opere habet se ut auctor principalis; satan verò & homo impius solum ut ministri & instrumenta, sicut securis in manu artificis, ut ipse ait.

Sed, inquiunt, Caluinus aliis locis, præfertim libello contra Libertinos, acerrimè hanc sententiam, Deum esse omnium scelerum auctorem, tamquam maximè impiam infectatur, satius esse affirmans nulum esse Deum quàm talem. Fateor ita esse. Verùm quis nesciat hæreticorum inconstantem docendi modum, eosque sua om-

DEVS EST  
MAGIS  
AUCTOR  
SCELERIS  
IUXTA  
CALVINVM  
QVAM SATAN  
VEL  
HOMO.

EXCVSA-  
TIO QVO-  
RVMDAM  
MINI-  
STRORVM.

nia loco & tempori accommodare? Ratio huius inconstantiae est multiplex. Prima, Studium fallendi lectores, nimirum ut venenum doctrinae suae hoc artificio contegant, & quod maxime agunt & docent, minime docere videantur. Cum enim alibi aperte negant ac detestantur quod aliis verbis alibi luculentè tradunt, simpliciores quorum maxima turba est, non aduertentes contradictionem, subesse putant mysterium: quo fit ut & Doctoribus salua sit sua existimatio, & discipuli maximis erroribus inuoluantur nescij. Si aperte dixisset Deum esse auctorem omnium scelerum, nimis id durum visum fuisset, nec facile homines in suam traxisset sententiam. Itaq. visum fuit id sub istis terminis fortiter negare: idem tamen alibi specie commendationis diuinæ providentiæ & efficacis operationis luculentè & efficacissimè tradere.

Secunda, Sapè disputatio aliqua vel negotium exortum cogit prioribus dogmatibus contraria proferre. Sic cum occasione prioris doctrinae Lutheri maxima in plebe facta esset morum dissolutio, coactus fuit Lutherus pleraque sua non solum mitigare, sed etiam dissimulanter reuocare, & mutare, ut ex lib. quem inscripsit, *Visitatio Saxonica*, constat.

Ter-

Tertia, est spiritus vertiginis, quo Deus finit illos agitari, & huc illuc tamquã ebrios impelli. quo fit vt ipsi propriam doctrinam clarissimè destruunt, & quod vno loco ex verbo diuino firmissimum affirmant, alibi tamquam hæresim ac blasphemiam condemnent; nimirum vt sint inexcusabiles qui huiusmodi Vertumnis fidem adhibent. Fecit hoc Lutherus in plerisque suis dogmatibus, adeò vt non minùs ipse sibi quàm Ecclesię Catholicę aduersetur; vt Cochleus clarè ostendit. Fecit Philippus Melancthon & Auctores confessionis Augustanę, sapissimè dogmata sua mutant. Fecit & Calvinus, tum in aliis multis, tum maximè in hoc dogmate: ita tamen callidè, vt quod sub vna verborum forma negabat, sub alia firmiter asserere. rem tamen ipsam semper tenuit.

Hęc de sententia Caluini. Eamdem blasphemiam docuerunt Zvvinglius & Philippus Melancthon, vt infra ostendemus; & Petrus Martyr noui Euangelij in Anglia. Apostolus in commentar. cap. 9. ad Romanos; & Beza integris libris. Hęc paulò fusiùs, propter eos qui Calvinum libenter eximerent.

- 18 Secunda blasphemia, Deum maximam hominum partem, ex solo suo arbitrio præ-

SECUNDA  
BLASPHE-  
MIA.

destinasse, & creasse ad aeternum exitium; & illud exitium reipsa inferre immerentibus absque vlla illorum culpa: qua sanè crudelitate nulla maior cogitari potest. Docet hoc Lutherus lib. De seruo arbitrio contra Erasmus: *Deus, inquit ille, vt merita non respicit in saluandis, ita neque in damnandis: illic indignos coronat, hic indignos punit, & immeritos damnat. Quòd si tibi placet Deus indignos coronans, nec debet displicere immeritos damnans. Illic gratiam & misericordiam spargit in indignos, hic iram & seueritatem spargit in immeritos.*

Idem apertè sequitur ex doctrina Caluini. Si enim Deus omnes qui pereunt prædestinat ad exitium, quia illi sic placuit, & prædestinauit in illis causam exitij; vt paulò antè ex ipsius verbis ostensum est; quomodo non damnat immeritos? non enim meriti erant vt Deus eos ad exitium prædestinaret, neque etiam vt mala illorum opera prædestinaret, & in ipsis suo efficaci impulsu operaretur; vt in Angelis & Adamo est manifestum. Horum enim omnium causa iuxta Caluinum, est ipsius voluntas: quæ omnium rerum est ratio prima & necessitas; vt ipse ait. Quomodo non damnat immeritos, cum non potuerint ipsius impulsui, quo illos in malum impulit, resistere;

nec

nec ullam omnino in suis operibus libertatem, qua se in hanc vel illam partem flectere possent, habuerint; ut ipse Calvinus multis locis docet? Tollit enim ipse libertatem propter duas causas. Prima, Propter efficaciam diuinæ voluntatis, qua omnia sunt absolute prædefinita, per quam voluntas humana ad omnes suos motus & actus impellitur. De hac potissimum agit lib. 1. Institut. c. 18. & lib. 3. c. 22. & 23. Secunda, Propter malitiam humanæ voluntatis ex peccato originali contractam, per quam fit, ut non possit nisi peccare. De hac agit lib. 2. cap. 3. Nemini ad culpam vel pœnam imputari potest, ad quod tanta necessitate impellitur, quod nullo modo vitare aut declinare potest.

- 19 Ob hos potissimum duos articulos Castellion refert se à Caluino, cui diu amicissimè conuixerat, recessisse; & librum aduersus ipsum scripsisse, in quo ostendit Calvinum, *bonum Deum à sua sede deturbasse, & loco eius satanam omnium scelerum auctorem collocasse. Hunc modò esse Caluini & Calvinistarum Deum; & idcirco Calvinistas esse superbos, immites, inuidos, sanguinarios, calumniatores, hypocritas, malitiosos, seditiosos, ambitiosos, denique omnibus prauis & inhonestis affectibus plenos, quia ta-*

*Libro De  
predestina-  
tione.*

*lem Deum qui tales gignit filios sibi constituere.* Hæc ille.

Eosdem articulos clarissimè docet Huldéricus Zvvinglius Caluini præceptor, tomo 1. in explicat. art. 20. *Fortissimum Dei verbum stat à nobis, nempe Deum omnia operari in nobis, nos nihil aliud quàm instrumenta esse, per quæ operatur Deus, sicut per malleum faber.* Addit, quòd sicut faber sibi tribuit opus quod per malleum facit, non malleo, ita opera nostra omnia Deo magis quàm nobis tribuenda. Et lib. De prouidentia Dei fol. 365. *Quia lex homini data est, semper homo peccat quando contra legem facit, quantumvis nec sit, nec viuat, nec operetur nisi in Deo, ex Deo, & per Deum. Sed quod Deus operatur per hominem, homini vitio vertitur, non Deo. Et quando tamen facimus adulterium, vel homicidium, Dei opus est motoris, auctoris atque impulsoris. Latro Deo impulsore occidit; & sepe numero cogitur ad peccandum.* Eadem fusissimè prosequitur & confirmat.

Eadem docuit Melanchthon in locis communibus anni 1521. tit. de libero arbitrio. Vbi Primò, doctrinam Patrum de libero arbitrio dicit esse impiam, à diuinis litteris & iudicio spiritus alienissimam. Deinde proponit suam: *Quandoquidem, inquit, om-*

*nia*



*nia quæ eueniunt, necessariò iuxta diuinam prædestinationem eueniunt, nulla est arbitrij nostri libertas. Et infra: Voluntati nostre libertatem per prædestinationis necessitatem adimit Scriptura, &c. Et in annotat. in Epist. ad Rom. c. 8. Nos verò docemus non solum permittere Deum creaturis ut operentur, sed ipsum omnia propriè agere. Et sicut fatentur proprium Dei opus fuisse, Pauli vocationem; ita fatemur opera Dei propria esse, Davidis adulterium, Manlÿ seueritatem, &c. Constat enim ex cap. 1. ad Rom. Deum omnia facere non permissiue, sed potenter; id est, ut sit eius propria Indæ proditio, sicut Pauli vocatio, &c. Hæc fusiùs, ut intelligatur, quale istorum primariorum Apostolorum, qui mundi tenebras dispulerunt, & religionem reformarunt, sit dogma principale. Si enim principale dogma, & fundamentum religionum nouarum adeò tetrum est & blasphemum, quid de eorum religione reformata statuendum?*

- 20 Tertia blasphemia est, *Diuinam naturam in Christo esse passam, crucifixam, mortuam, unà cum natura humana; alioquin passionem & mortem nature humane in Christo nihil nobis profuturam. Hoc docuit fusè Lutherus in libello de Patribus & Conciliis p. 2. vbi etiam Zvinglium &*

TERTIA  
BLASPHE-  
MIA.

*Zvvinglianos damnat hæreseos, quòd diuinitatem pati potuisse, pertinaciter negarent. Et in libello qui inscribitur Confessio Martini Lutheri de Sacramēto cœnæ Domini, acerrimè hoc tuetur. contra quem Zvvinglius tom. 2. in responsione ad Confessionem Lutheri: Quid, inquit, dici potest blasphemius? Num Deus quoque pati potest? num eundem etiam mortuum esse fatebimur? hîc quò se vertere poterit Lutherus, si Pontificij dictum hoc arripientes, eum in diuinitatem quoq. blasphemum esse dixerint, ut qui illam quoque mortuam esse pronuntiat? Lutherum secutus est Brentius, qui hoc ita propugnauit, ut inde Brentianorum secta emerferit; qui, nisi diuinitas quoque in Christo passa sit & mortua, clamant *Filium Dei ab opere redemptionis flagitiosa impietate segregari*. His mordicus adhæret Islebius, Musculus, Smidelinus, Gerlachius, & alij plurimi. At dicere diuinitatem esse mortuam, quid est aliud quàm tollere diuinitatem funditus, & mundum efficere atheum?*

QUARTA  
BLASPHE-  
MIA.

Quarta blasphemia est, *Filium esse Patri* 21  
*subiectum etiam secundum diuinitatem.* de qua suprà n. 16. cui similis est ista, *Filium esse mediatorem, & sacerdotem etiam secundum naturam diuinam.* Quam docet Cal-  
uinus

uinus libro De Christo mediatore contra Stancarum: Beza in opusculo pro defensione Caluini, & alij. Idem docēt plurimi Lutherani, vt Melanchthon in locis anni 1558. tit. de Filio. vbi dicit *Deitatem Filij fuisse Patri obedientem*. Denique tota turba Lutheranorum, quæ subscripsit libro concordia. Vnde manifestè sequitur Filium non esse verè Deum, nec habere veram diuinitatem.

- 22 Quinta blasphemia est in sanctissimam Trinitatem, eaque multiplex: vt cū Trinitatem personarum eiūdem essentia *no-uum Idolū, Turrim Babel, Deum fictitiū ac sophisticū, stratagemā Satanae, Cerberum tricipitem, Tricorporeū Gerionem* impietate plusquam satanica appellant: quarum duæ postremæ sunt Michaëlis Serueti, reliquæ Valentini Gentilis, qui primarij fuerē Apostoli nouarum religionum in Hungaria, Polonia, Transiluania. His fauent Lutherus & Calvinus illorum magistri, quatenus nomen Trinitatis reiciunt, vt supra dictū est.

QVINTA  
BLASPHE-  
MIA.

Cardinalis  
Bellarmi-  
nus in sua  
Præfatione  
in contro-  
uer. de  
Christo.

- 23 Sexta est, *Christum secundū corpus & naturam humanam non esse certo loco circumscriptum, sed ubique inuisibiliter diffusum, sicut natura diuina ubique est*. Ita docuit Lutherus sermone de Sacramēto cœ-

SEXTA  
BLASPHE-  
MIA.

næ

næ Domini, qui id probat; quia Christus secundum humanitatem est in dextra Patris: dextra autem Patris est ubique: ergo & Christi humanitas est ubique. Hanc doctrinam amplexi sunt Brentius cum suis, qui idcirco *Ubiquiste* dicti sunt; inter quos Illyricus, Musculus, Kemnitius, Smidelinus, & alij. Eamdem tempore Lutheri tenuere omnes Lutherani in Saxonia; mortuo Luthero cœperunt cum Melanchthone oppugnare ubiquitatem: adeo ut in amplissima sua Synodo anno 1571. Dresdæ celebrata omnibus Superintendentibus & Ministris consentientibus definiuerint, *ubiquitatem corporis Christi esse horribilem profanationem omnium articulorum Symboli, & renouationem omnium hæreseon*. At vix decem anni elapsi erant, cum damnata Synodo sua tamquam impia, eadem ubiquitatem tamquam articulum fidei recipiunt: ut patet ex libro concordie edito anno 1580. art. 7. & 8. cui octo millia Lutheranorum subscribere. Nimirum hæc est constantia doctrinæ, & firmitas Synodorum apud hæreticos. Hæc doctrina simul inuoluit blasphemiam Nestorij & Eutychetis. Nestorij, quia vnionem hypostaticam constituit in eo tantum quod diuinitas comunicet humanitati suas proprietates, idque per accidens. itaque manent

duæ

Card. Bel-  
larm. l. 3.  
de Chron.  
cap. 1.

Card. Bel-  
larm. su-  
pra.

duæ personæ. Eutychetis, quia veram carnis naturam abolet, eamque cum diuina confundit.

- 24 Septima est, *Christum in cruce dubitasse de sua salute, luctatum fuisse cum desperationis impulsu, damnatorum pœnas in anima sustinuisse, & desperationis vocem emis- sisse.* Ita docet Caluinus Instit. lib. 2. c. 16. & in cap. 27. Matthæi. Sequuntur passim Caluinistæ: hoc modo explicant illum articulum Symboli, *Descendit ad inferos*. Nulli enim apud Caluinistas sunt veri inferi, nulla subterranea loca, in quibus impij torqueantur. Sed eis nihil est aliud descendere ad inferos, quàm apprehendere Deum sibi iratum, & inde terrore & anxietate affici. hanc volunt esse omnem damnatorum pœnam, quæ figuratè per ignem designetur. Verum hîc multæ sunt blasphemix. Prima, Cum Christo, in quo omnes thesauri sapientiæ & scientiæ absconditi, tribuunt ignorantiam sui status, & affectus paterni erga se. Secunda, Cum tribuunt illi metum horribilem damnationis, & impulsûm vehementissimum ad desperationem. Tertia, Cum tribuunt illi eam animi afflictionem, quam patiuntur damnati. Quarta, Cum tribuunt illi vocem desperantis, quasi ex impulsu desperationis in verba illa, *Deus meus, Deus meus,*

SEPTIMA  
BLASPHE-  
MIA.

*meus, ut quid dereliquisti me?* proruperit. Vnde necesse est etiam illi graue peccatum imponant; quia in verba desperationis prorumpere graue peccatū est; præsertim cum illa etiam blasphemiam continerent. Blasphemum enim erat dicere, Patrem æternis pœnis velle addicere Filium. Neque dicere possunt Christum per inconsiderationem & deliberationis inopiam excusari, cum etiam primi motus apud eos peccata sint mortifera: & impiè nostra illi mentis imbecillitas & virium ataxia, & veluti quædam paralyssis illi tribuatur. Mira profectò impietas istius sectæ. Nam ex eius doctrina omnes fratres huius sectæ habentes fidem specialem, quam Calvinus statuit, sunt certi de sua salute, de sua prædestinatione, & eterno Dei in ipsos fauore, & sciunt se nullis peccatis posse à salute excidere; vnde nec metuunt damnari. Hic enim est vnus ex primariis articulis doctrinæ Calvinisticæ. At Christus Dominus, omnium salus & vita, fuit horum omnium incertus & dubius, & nesciuit quid Pater de se statuisset: vnde & vehementissimè metuit damnari, & diros in anima cruciatus damnati ac perdit hominis pertulit, & in vocem desperationis erupit. Itaque in notitia salutis & fauore diuino se Christo longè præferunt.

Octaua

Calvinus  
lib. 3. In-  
stit. c. 24.  
per totum  
Beza in  
Colloquio  
Mompé-  
gar. p. 453.  
Confessio  
Ecclesiæ  
Geneuen.  
sis, c. 4. §. 20

- 25 Octava est, cum dicunt, *sine tolerantia* OCTAVA  
BLASPHE-  
MIA.  
*pœnæ damnatorum totam Christi passionem*  
*& mortem fuisse inutilem.* Nihil, inquit  
Calvinus, *actum erat, si corporea tantum* Calvinus  
lib. 2. In-  
stit. c. 16.  
§. 10.  
*morte defunctus fuisset Christus: sed opera*  
*simul pretium fuit, ut diuinæ ultionis seue-*  
*ritatem sentiret, &c.* Vnde etiam eum oportuit  
cum inferorum copiis, æternæq; mortis  
horrore, quasi consertis manibus luctari, &  
eam mortem perferre, quæ sceleratis ab ira-  
to Deo infligitur, & diros in anima crucia-  
tus damnati ac perditæ hominis sustinere.  
Similia habet in cap. 27. Matthæi. Vnde se-  
quitur Primò, Nos non esse redemptos pre-  
tio sanguinis Christi, aut sacrificio crucis, si-  
ue passionem & morte illius; sed tolerantia  
pœnarum inferni. Secundò, Cum ad illam  
tolerantiam necessaria fuerit ignoratia, du-  
bitatio, falsa apprehensio, tentatio despera-  
tionis, & peccatum; sequitur hæc etiam ne-  
cessaria fuisse ad nostram redemptionem,  
neque Christum potuisse sine istis imperfe-  
ctionibus animæ nos redimere: quæ omnia  
apertissimis Scripturis repugnant. An hoc  
non est totum redemptionis nostræ myste-  
rium euertere; & rem futilem, falsam, im-  
possibilem & blasphemam pro illo nobis  
obtrudere: nimirum ut fiduciam non col-  
locemus in Christi sacrificio crucis, in pre-  
tio

tio sanguinis, in morte & passione corporis; sed in falsa tolerantia poenarum inferni, & spiritus damnati; in dubitatione & desperatione salutis Christi.

NONA  
BLASPHE-  
MIA.

Nona, Cùm dicunt, *sanguinem Christi* 26  
*iam pridem computruisse, dissipatum esse,*  
*euanuisse, & nusquam extare: unde per il-*  
*lum non posse nos saluari.* Ita plurimi Cal-  
uinistæ docent, quorum nomina & verba  
refert Conradus in Theologia Calvinisti-  
ca lib. 1. art. 20. quæ sententia valdè consen-  
tanea est doctrinæ Caluini, proximè expli-  
cata; & illi Calvinistarum sententiæ qua  
statuunt *Christi meritum iudicio Dei oppo-*  
*ni non posse: illudq; non ex dignitate perso-*  
*nae, sed ex gratuito Dei favore suam digni-*  
*tatem & robur habere:* quo modo etiam  
cuiusvis puri hominis meritum robur ha-  
bere potest. de qua Conradus suprâ. Hæc  
blasphemia tollit Christi meritum, & cor-  
porum resurrectionem. De Christi merito  
est manifestum. De resurrectione sic probat  
Conradus: *Si enim*, inquit, *sanguis Christi*  
*in eius passione effusus computruit, & tertio*  
*die non rursus cum corpore eius unitus glo-*  
*riose resurrexit, & iam in æternum vivit;*  
*tum certè nulla spes affulget, vel sanctorum*  
*martyrum sanguinem effusum, vel aliorum*  
*piorum defunctorum sanguinem in extre-*

Lib. I. a. 6.



mo die denuò resurrecturum esse, ita ut rursum cum corporibus eorum uniatur. Atque hinc apparet Calvinistas, licet ore & scriptis affirmant, tamen corde suo non credere resurrectionem corporum. Qui enim non credit Christi filij Dei sanguinem effusum, cum corpore à Deo Patre resuscitatum esse, is profectò numquam credet mortuos in cinerem redactos, resurrecturos esse. Hæc ille. Certè Farellus vnus ex primis Apostolis huius nouæ doctrinæ & intimus Caluini collega, qui teste Beza Genuenses, Laufanenſes, & Neocomenſes Christo lucrificet, aperte resurrectionem corporum negauit: sed quia fortè nimis citò illud noui Evangelij arcanum reuelare cœpit, à Caluino per epistolam monitus & correptus fuit.

Beza in  
Iconibus.

- 27 Decima, Cùm dicunt *Christum non esse mortuum pro omnibus, sed pro solis prædestinatis*, eò quòd ceteri omnes iam ex Dei beneplacito essent deuoti exitio. Deinde ita explicant prædestinationem, ut soli Calvinistæ (nimirum qui habent fidem illam specialem à Caluino descriptam, quæ sola iustificat, & semel habita numquam amitti potest) ad numerum prædestinatorum pertineant. Itaque Christus mortuus est pro solis Calvinistis (non pro Catholicis, vel Lutheranis, vel Anabaptistis, vel Turcis, &c.)

DECIMA  
BLASPHE-  
MIA.  
Caluinus  
cōtra Hes-  
husium,  
pag. 39.  
Beza in col-  
loq. Mom-  
pelgard.  
pag. 512.  
Bucerus in  
Ioannem,  
pag. 34.  
Vide Theol.  
Caluinist.  
fol. 25. 26.  
42.

Q

nimi-

nimirum ut illis daretur illa fides inamissibilis propria prædestinatorum, per quam absque ullo salutis periculo in omni flagitiorum genere vivere possent. Hanc esse doctrinam Caluini, Bezae, & aliorum Calvinistarum, satis notum est vel mediocriter in scriptis eorum versato. Hinc tot opuscula polemica Lutheranorum & Calvinistarum, quibus hac de re digladiantur. Nam Lutherani in utroque à Calvinistis capitaliter dissentiunt.

Calvinus  
Instit. lib. 4  
cap. 1. §. 1.  
2. &c. Et  
lib. 3. cap. 2.  
§. 11.  
Beza: in co-  
fess. fidei,  
cap. 4 §. 20

VNDECI-  
MA BLA-  
SPHEMIA.

Vndecima, Cùm sanctissimam Euchari- 28  
stiam, horrendà sane blasphemiâ, vocant  
*Idolum, Deum panaceum, magnũ Baal, &c.*

DVODECI-  
MA BLA-  
SPHEMIA.

Duodecima, Cùm Vicarium Christi vo-  
cant *Antichristum*; & Ecclesiam Catholi-  
cam Christi sponsam vocant *synagogam*  
*Antichristi, & meretricem Babylonicam.*  
Hac enim contumelia in ipsum Christum  
redundat: sicut contumelia quæ fit sponsæ,  
transit in sponsum; & quæ Regis Vicario,  
aut Concilio regio, in ipsum Regem. Sicut  
enim qui honorat Vicarium Christi pro-  
pter dignitatem vicariam, Christum ipsum  
honorat: ita qui contumelia illum afficit,  
Christum contumelia afficit.

DECIMA-  
TERTIA  
BLASPHE-  
MIA.

Præterea in hac contumelia continetur  
alia, quæ in omnes Sanctos, qui iam à mil-  
le annis in Ecclesia Catholica floruerunt,

refun-

refunditur. Hi enim omnes condemnantur, ut superstitiosi, impij, Idololatæ, & ut Antichristi affectæ, ac propugnatores. Vnde non desunt Calvinistæ qui expressè ausint dicere Sanctum Franciscum, Dominicum, Bernardum, Brunonem & similes fuisse hypocritas, superstitiosos, & à diabolò fascinos; ac proinde in æternum damnatos. Multa alia blasphemix plena prætereo: nec enim mei instituti est, omnia persequi. Ex his satis constat, illos etiam hac in re Antichristi esse præcursores.

- 29 Nec minùs in superbia & contemptu HAERETI-  
CORVM  
SUPERBIA. sanctorum Patrum. Sicut enim Antichristus supra omnes Sanctos, & supra Christum ipsum se efferet: ita illi se effèrunt supra omnes sanctos Patres, supra omnes Ecclesiæ Doctores, supra omnia Concilia Oecumenica, & supra ipsum Christi Vicarium: nec solùm his se præferunt, sed etiam horum omnium se iudices constituunt: suam tamen doctrinam à nemine iudicari volunt. An hoc non est proximum Antichristi superbiæ gradum tenere? Lutherus parens ceterorum in libro aduersus Regem Angliæ inter cetera sic ait: *Ego verò aduersus dicta Patrum, hominum, Angelorum, demonum, pono non antiquum usum, non multitudinem hominum, sed vnius Maiestatis æternæ*

Q 2

verbum

*verbum Euangelion, quod ipsimet coguntur probare. Hic sto, hic sedeo, hic maneo, hic glorior, hic triumpho; hic insulto Papistis, Thomistis, Henricistis, Sophistis, & omnibus portis inferi, nedum dictis hominum quantumlibet sanctorum, aut consuetudini fallaci. Diuina Maestas mecum facit, ut nihil curem si mille Augustini, mille Cypriani, mille Ecclesie Henricianæ contra me starent. Possem hic alia plurima commemorare, quæ ad hanc rem pertinent, sed abstinco ne lectori molestiam adferam.*

*OCTAUA COMPARATIO, in  
hypocrisi & fraudibus.*

**A**NTICHRISTVS magnus erit hypocrisita, & specie quadam religionis homines decipiet, variisq; mendaciis & fraudibus auctoritatem & potentiam sibi conciliabit: Danielis 11. 2. ad Thessal. 2. D. Hieronymus in cap. 11. Danielis: *Per insidias & fraudulentiam obtinebit principatum, quia simulabit se ducem fæderis, hoc est legis & testamenti Dei, &c.* Idem docet Hippolytus, Theodoretus, & alij.

Similia cernuntur in nostris hæreticis.

HYPOCRISIS  
VERA.

Nam quod ad hypocrisim attinet, quænam maior aut nocentior hypocrisis esse possit, quam

quàm exterius nihil nisi purum putum verbum Dei præferre, & sub hoc velo obtrudere phantasmata proprii iudicii, & tamquam aureo poculo venena animorum propinare? magnificè apud plebem meritum & satisfactionem Christi extollere, & interim ea ponere fundamenta, ex quibus meritum Christi penitus euertatur vel eneruetur? denique specie promouendæ pietatis & gloriæ diuinæ, abolendæ superstitionis ac humanarum traditionum, tollere è medio omnia prænè Sacramenta, omnes legitimos ministros, augustissimum sacrificium Eucharistiæ, veram Scripturarum expositionem, studium bonorum operum, timorem diuinæ vindiçtæ; & quidquid ad bonum incitare, vel à malo cohibere mortales solet? hac hypocrisi innumeros ad suas partes traxere, & sectas suas mirificè amplificarunt.

31 De aliis mendaciis & fraudibus quid dicam? Infinitum esset omnia persequi; nonnulla dumtaxat generatim complectar. In primis studium illis est infamare doctrinam Catholicorum, variis erroribus illis affictis. Passim enim docent & scribunt Papistas contemnere sacram Scripturam; illi præponere humanas traditiones: nullam apud eos esse mentionem fidei, & meritum Christi: eos suis & Sanctorum bonis operibus,

FRAVDES.

ribus, non Christi meritis confidere: eos ad Sanctos, non ad Christum, assidue confugere: Sanctorum imagines ab illis adorari, sicut Idola ab Ethnicis: eos à lapidibus & lignis auxilium petere: Missas priuatas, Purgatorium, Indulgentias esse inuentiones humanas multis post Apostolica tempora sæculis ad quæstum excogitatas: denique Papisticam Ecclesiam plenam esse abusi- bus, superstitionibus, & cultu idololatræ, Huiusmodi calumniis plurimos ita fascina- runt, vt Ecclesiam Catholicam instar syna- gogæ Antichristi detestentur, & ad quamli- bet potiùs sectam se conferant, quàm ad eam redeant.

Neque solùm doctrinam, sed etiam vi- 32  
tam Catholicorum, præsertim eorum qui fidem Catholicam tuentur, & hæreses op- pugnant, infamare conantur, vt eos in con- temptum & odium adducant. Itaque im- ponunt eis varias proditiones, & machina- tiones contra quietem publicam, & vitam Principum; & quidquid vsquam aduersi ac- cidit, hoc illorum consiliis assignant. Stu- dium reducendi errantes ad fidem Catho- licam, & reconciliandi Ecclesiæ, interpre- tantur proditionem patriæ; coronas preca- rias, agnos cereos, icunculas benedictas, & similia pietatis Christianæ symbola, tesseras coniu-

coniurationum . Imponunt etiam illis varias libidines, & alia scelera, sparsis in vulgus libellis infamatoriis: qui etsi parum apud eos qui innocentiam illorum perspectam habent obfint; apud alios tamen qui procul absunt, & res illorum minimè norunt, vel simplicitate quadam statim credunt quidquid typis euulgatum vident, multum mali efficiunt . Denique quidquid ab ipsis, vel ipsorum Apostolis, vñquam proditorie, seditiosè, perfidiosè, libidinosè actum vel designatum fuit; huius sceleris infamiam in propugnatores fidei Catholicæ transferre conantur . Notum est quatuor primarios istarum sectarum auctores libidinibus infames fuisse; Lutherum sacrilega, Caluinum & Bezam præpostera, Mennonem promiscua: hinc eorum posterì tantopere laborant, vt suos aduersarios similibus criminibus infames reddant.

- 33 Genus quoque scribendi contra Catholicos est fraudulentissimum . Nam Primò, GENVS  
SCRIBEN-  
DI FRAV-  
DULEN-  
TVM. omnia mendaciis, calumniis, & conuitiis sunt plenissima; quibus subtractis, ingentia volumina ad paucos redigas quaterniones. Scribit Ioannes Cochläus in actis Lutheri anni 23. à quodam notata ex vno Lutheri libello mendacia quinquaginta . Eundem Lutherum à D. Ioanne Dietenbergio in

duabus dumtaxat confutationibus conuictum fuisse de mendaciis octingētis septuaginta quatuor. Idem scribit Surius ad initium anni 1523. Si tot mendacia in libris usque ad illud tempus editis, quid censendum de ceteris, quos usque ad annum XLVI. scripsit? Plurima quoque & apertissima in scriptis Caluini, Bezæ, & aliorum reperias; quæ de re breui fortè aliquid in lucem à quodam viro docto multæque lectionis prodibit, ne videamur falsa imponere.

Deinde, cùm aliquod paradoxum statuere volunt, contemptis omnibus qui contrarium docent, clamant id esse certissimum, clarissimum, puero decenni obuium; mirantur stuporem & cæcitatem Papistarum, qui id non videant; illos à diabolo fasciandos, & alia huiusmodi. Sic Lutherus in assert. art. 36. dicit *esse insaniam deslendam, credere hominem esse liberi arbitrij*. Caluinus l. 4. Instit. c. 18. n. 18. *Quid superest nisi ut cæci videant, surdi audiant, pueri ipsi intelligant hanc Missæ abominationem? quæ in calice aureo propinata, omnes Reges terræ & populos à summo usque ad nouissimum sic inebriauit, sic percussit sopore ac vertigine, ut brutis ipsis stupidiores proram & puppim suæ salutis in hac una exitiali voragine statuerint?* Idem in cap. 2. Epist. 2. ad Thes-



Theſſal. Papam eſſe Antichriſtum, vult adeò eſſe manifeſtum ex Scripturis, *ut puer decennis id facile poſſit aduertere*. Beza cùm vertiſſet illum locum Act. 2. v. 27. *ἐκ ἐγκαταλείψεις τὴν ψυχὴν ὡς εἰς ἄδην*, hoc modo; *non relinques corpus meum in ſepulchro*: in deſenſione huius verſionis contra Caſtalionem; *Hic*, inquit, *agi de corpore & de ſepulchro nemo dubitare poteſt, niſi qui in meridie cæcutire velit*. Nimirum qui negat animam eſſe corpus, & orcum eſſe idem quod ſepulchrum, cæcutit in meridie. Huiusmodi auxesibus & hyperbolis ſcripta eorum ſcatent.

- 34 Tertiò, Quo Catholicorum argumenta ſunt validiora, & magis premunt, eo magis ipſi illa contemnunt, & contumeliis exagitant, tamquam nullius ponderis: mirantur ſtuporem & ſtultitiam: exclamant; *Quis te, Bellarmine, furor inuaſit? quæ intemperia exagitant? Iam te ipſum ſtultitia ſuperasti: iam magis deliras quàm umquam antea; peſſima fide cum Chriſto agis; impudentiſſimè iſtud diſſimulas*, &c. Ita ſcribunt indocti rabulæ in virum doctiſſimum & modeſtiſſimum, quo nemo noſtro ſæculo vel ſolidiùs, vel moderatiùs hæreticorum errores confutauit. Nimirum vident ſe nullo modo reſpondere poſſe; & idcirco tamquam in ra-

Qs

biem

biem acti in huiusmodi furiosas voces erumpunt, ut quod ratione non possunt, clamoribus & conuitiis euincant. Denique passim ita scribunt, ut mordacius & aculeatius non possint, conquisitis vndique contumeliosissimis & spurcissimis dictis, ut suos aduersarios exagitent, & à scribendo deterreant: qua in re imitantur parentes suos Lutherum & Calvinum. Lutherus in opusculo cui titulus, Contra sicarium Dresdæ, inter cetera sic scribit: *Nihil curo quod queritur in libro meo ferè non nisi maledicta & diabolos nominari. hoc debet esse mea gloriatio, meusq; honor. Sic & haberi volo, ut deinceps dicatur de me quod plenus sim maledicentia, criminationisq; & execrationis in Papistas. Volo & de cetero me aduersus nebulones istos exercitare execrationibus ac maledictis, vsque ad sepulturam meam; nec ullum verbum bonum ex me amplius audient. Ego meis tonitruis ac fulminationibus sic eos ad sepulturam compulsabo, &c.* Non minùs contumeliosi, mordaces & maledici sunt Calvinus & Beza; nimirum ut spiritum huius noui apostolatus agnoscamus, qui tam acriter in Catholicos, quia antiquam doctrinam non deserunt, & nouitates eorum non admittunt, exardescit. sed malunt Catholici audire ab illis contumelias

lias quàm laudes, memores sententiæ Domini : *Beati cùm maledixerint vobis homines & exprobrauerint, & dixerint omne malum aduersum vos, mentientes propter me: gaudete & exultate quoniam merces vestra copiosa est in calis.*

Quartò, Cùm aliquod caput oppugnandum sumunt, ordinem disputationis inuertunt; & nunc ex fine, nunc e medio, nunc ex initio vnum vel alterum resectū frustillum calūniantur: nunc ex vna propositione duas vel tres peruerso sensu efficiunt, nunc plures in vnam conflant: testimonia & probationes suis locis auulsas ad aliena transferunt; & quæ ad hanc rem confirmandam adducuntur, tamquam ad aliam producta commemorant. Denique rem totam in syllogismum insulsißimum contra mentem auctoris colligunt: quo deinde refutato, tamquam parva victoria, ineptissimè gloriantur, triumphant, insultant: *Hic te constrictum teneo; quò te nunc vertes? per quam rimam elabèris? quibus artibus te nunc eripies?* & alia huiusmodi thrasonica: quæ et si apud doctos sint ridicula, tamen apud imperitos, qui rem non penetrant, sunt gloriosa & certa victoriæ indicia.

Quintò, Scripturas ad suum commodum, reiectis veterum sententiis, exponunt; easque

easque expositiones à Catholicis vt verbi diuini medullam admitti postulant: ingeminant id esse clarissimum; cæcum esse qui id non videat, stolidum, stupidum, asinum qui non intelligat, &c. Obscuriora loca veterum, quæ ipsis aliqua ratione fauere videntur, studiosissimè congerunt, apertissimis dissimulatis, vel impudenter tamquam dictis hominum repudiatis. Denique quàm mala fide in toto hoc negotio cum Catholicis agant, vel ex eo constare potest, quòd nullū Iudicem præter Scripturam suo ipsorum iudicio expositam, hoc est præter se ipsos, suamque phantasiam admittant. Itaque totum negotium Religionis apud eos solis fraudibus & mendaciis constat.

*Surius, Genebrardus, Sanderus, Guilielmus Reginaldus, Philopator, Didymus Veridicus, Ars mentiendi Calvinistica. &c.*

De fraudibus, periuriis, & mendaciis eorum in negotiis politicis plenæ sunt historiarum: & passim satis notum est, quibus artibus in Gallia, Anglia, Scotia, Belgica, Germania, Hungaria, Transilvania ad gubernacula rerum adspirauerint. Itaque in hoc capite præclare Antichristū ducem suum referunt.

*Nona COMPARATIO, in persecutione contra Ecclesiam.*

**A**NTICHRISTVS grauiissimam persecutionem mouebit aduersus Ecclesiam, 35

fiam, & variis suppliciis ad suam religionem homines compellet: vt ex multis S. Scripturæ locis constat; Daniel. 7. & 11. Matth. 24. Apocalyp. 13. & 17.

Similia faciunt hæretici huius temporis, Lutheristæ, Caluinistæ, Anabaptistæ, &c. Nam acerrimè Ecclesiam hætenus sunt persecuti, & etiamnum persequuntur, euer-  
 sis & direptis tot Ecclesiarum myriadibus,  
 dirutis & expilatis tot monasteriorum mil-  
 libus, occisis Religiosis & Sacerdotibus,  
 aliisque Catholicis, odio Religionis, innu-  
 meris. Denique per omnia pæne Europæ  
 regna & prouincias sparsæ cernuntur rui-  
 næ, & calamitatum, quas illi intulerunt, ve-  
 stigia. Vbi verò iam rerum potiuntur, gra-  
 ues multas & pœnas in eos cōstituunt, qui  
 vel sacrificio Missæ interfunt, vel Sacerdo-  
 tem hospitio excipiunt, vel imagines sa-  
 cras, calculos benedictos, agnoscereos, &  
 similia Catholicæ religionis symbola reti-  
 nent. Scribunt leges, quibus illos qui sacris  
 initiantur reos læsæ Maiestatis peragant.  
 Est enim id apud eos præsumptio Iuris, &  
 de iure (vt Iurisperiti loquuntur) cōiura-  
 tionis initæ cum Summo Pontifice aduer-  
 sus salutem regni: quasi hominem Anglum  
 suscipere Ordinem sacrum, & conspirare  
 contra salutem Angliæ, sint inseparabilia;

MULTI-  
 PLEX PER-  
 SECUTIO.  
 I.

II.

*Hæc fuit  
 persecuti-  
 tur Alanus  
 Card. Resp.  
 ad persecut.  
 Anglos,  
 Philopator,  
 Guil. Regi-  
 naldus, &  
 alij.*

III.

ita

ita vt nulla in contrarium admittenda sit probatio.

I V.

Simili modo rei læsæ Maiestatis declarantur omnes qui dissuadent alicui, vel dissuaderi procurant, eam Religionem quæ à Principe in regno est stabilita; si id ea intentione faciant, vt ille ad Catholicam redeat. Nescio an Antichristus maioris odij in Catholicam Ecclesiam & Religionem argumenta dare poterit. Manifeste enim ostendūt, se Ecclesiam Catholicam præ omnibus hæreticorum conuentibus, & Religionem Catholicam præ omnibus sectis, Lutheranismō, Anabaptismo, Arrianismo, Libertinismo, Turcismo & Atheismo odisse, & quidem in summo odij & detestationis gradu. Si enim ad quamuis aliam sectam coneris aliquem perducere, nullis id legibus vindicatur; nulla pœna tibi pertimescenda. Omnibus enim ibi conceditur impunitas, Anabaptistis, Familianis, Libertinis, Atheistis: omnes tutè degunt, & se propagant vel legum permissu, vel Magistratuum cōiuentia. Si autem ad Catholicam, quæ tot sæculis vbique terrarum floruit, statim est crimen, & quidem maximum, læsæ nimirum Maiestatis, pœna proditoribus constituta mox vindicandum. Si diabolus huiusmodi leges ferret, nihil esset mirandum; quia susceptio

ceptio sacrorum ordinum, & studium conuertendi homines ad Catholicam fidem directe tendit ad euersionem ipsius regni & imperij: vnde meritò illa censeret crimina læsæ Maiestatis, cum per ea Maiestati & imperio ipsius damnum comparetur. At qua ratione illa possint cenferi crimina perduellionis in statum politicum, intelligi nequit, nisi status ille in impietate fundatus sit: adeò vt stante impietate, & vigente quauis secta consistere possit; ruente autem illa, & in eius locum pietate antiquæ Religionis restituta, necesse sit illum ruere. Infelicem plane statum, qui cum omni secta & nouitate consistere potest, cum antiqua Patrum religione non potest!

- 36 Ad persecutionem quoque pertinet, quòd etsi Catholicos, præsertim Sacerdotes, multis modis solius causa Religionis affligant, & acerbissimis suppliciis conficiant; exteris tamen persuasum esse velint, neminem causa Religionis interimi, sed omnes illos, qui hactenus plexi sunt, causa proditionis plexos esse. Quem in finem interdum acta iudicialia, & edicta principalia mendacissima euulgant: nulla habita ratione aut conscientia suæ apud Deum, aut famæ apud homines, aut honoris sui Principis, cui miserè imponunt: adeò cacum est illorum hominum

v.

*Philopator.  
Didymus.  
Resp. ad Iu-  
stic. Brit-  
annicam.*

num in Catholicos odium. Verùm ea fraus Martyribus obesse non potest; sed eorum coronam potiùs illustriorem reddit: vt quæ non solùm ex corporalium tormentorum tolerantia; sed etiam ex infamiæ & calumniarum perpeffione splendescat. Notum enim est Deo & Angelis odio Religionis ista irrogari: notum etiam est prudentioribus quibusque qui morem hæreticorum norunt; & è vulgo plurimis. Nec Historici ipsorum id possunt dissimulare, sed interdum apertè fatentur.

v i. Eamdem persecutionem non parum exasperat, quòd falsi sæpenuerò testes subornentur: quòd delatoribus tertiã pars deferatur bonorum: quòd adulatoribus fiat potestas inquirendi Catholicos, cõcessis eorum bonis: quòd Aduocato fiscali tantum temporis ad accusandum & ad exaggerandum crimen fictitium, reumque exagitandum, concedatur, quantum ipse desiderat; reo verò ad se purgandum & accusationis vanitatem demonstrandam, breuissimum; sed mox clamoribus, iurgiis, & conuitiis, tamquam manifestè conuictus interpelletur.

v ii. Denique grauib; multis vel suppliciis propositis coguntur Catholici frequentare preces & conciones hæreticas, sumere cœnam Caluinisticam, offerre proles ministris hære-



hæreticis baptizandas, vti Ministrorum opera in contractu matrimonij, iuramenta doctrinæ Catholicæ repugnantia suscipere, liberos hæreticis instituendos committere, & alia multa huiusmodi contra conscientiam & suam Religionem subire. At quid potest esse magis durum & ab omni equitate alienum? Si compelleretur aliquis ad Religionem antiquam, quæ plurimis sæculis viguit, & sanctitate vitæ, miraculis plurimis, & eximia multorum eruditione est confirmata & stabilita (qualis est Religio Catholica) res esset tolerabilis, & aliqua ratione nixa videretur: & tamen Ecclesia neminem compellit, nisi qui Religionem Catholicam aliquando suscepit. At verò compellere homines deferere Religionem antiquam, tot sæculorum consensu & usu receptam, tam multis modis contestatam; & cogere ad capeffendam nouam, ab hominibus turbulentis & infamibus introductam, quam illi numquam acceptarunt, numquam probarunt; cui nihil debent, nulloque modo sunt obstricti; id verò omnem immanitatem superare videtur. Quid enim hoc aliud est, quàm non solum corpus & bona temporalia subditorum, sed etiam animas, & æternam eorum salutem rapere, pessumdare, perdere?

*Decima COMPARATIO, in  
falsis miraculis.*

**A**NTICHRISTVS falsis miraculis & 37  
prodigiis homines ad suam Religio-  
nem pertrahet; vt constat ex Apostolo 2. ad  
Thessal. 2. & ex verbis Domini Matth. 24.  
Tunc enim diabolus erit solutus, & vim  
suam exerere permittetur ad hominum, qui  
charitatem veritatis non receperunt, sedu-  
ctionem.

Nostri hæretici tentarunt quidem ali-  
quando miracula patrare, sed irritò conatu;  
Deo id minimè permittente, ne totus mun-  
dus ante tempus constitutum in hæreseos  
barathrum præcipitaret. Si enim diabolus  
illis sua ope, suisque præstigiis ita adesset,  
sicut aderit Antichristo, vt doctrinam suam  
miraculis confirmare viderentur, maiorem  
hominum partem breui ad se pellicerent;  
essetque ea tentatio multis infirmis insupe-  
rabilis. Itaque cum & veris & falsis miracu-  
lis sint destituti, instar omnium miraculo-  
rum esse volūt, quòd tanta hominum mul-  
tudo ad nouas istas religiones breui tem-  
pore confluxerit. Verùm huiusmodi mira-  
culum etiam in Arriana religione conspici-  
tur; & quidem multo illustrius. Illa enim  
breuissi-

breuissimo tempore longè ampliùs est diffusa & propagata, quàm omnes sectæ hæreticæ huius temporis simul iunctæ. Cernitur etiam in Mahometana, quæ maxima & potentissima Imperia continet. Sed quid miri si ad Lutherismum & Caluinismum multi confluant, cùm quidquid est asperum & molestum carni, è medio tollat, & omnem licentiam cuique iuxta suas cupiditates viuendi tribuat? cùm nihil nisi fidem requirat, & per hanc æternam vitam certissimè promittat? Quis non cupiat tam mollem, tam indulgentem, tam liberalem Religionem, à qua procul abest omnis pœnitentia, omnis vitæ austeritas, omnis ieiunij obligatio, omnis metus damnationis, & in qua est summa securitas & certitudo salutis? in qua quantumuis pecces, & omni te scelere inquines, nihil tamen tibi id potest obesse, si fidem retineas? Itaq. quòd multi ad istas sectas confluant, non plus est miraculi, quàm quòd multi ea quæ carni sunt commoda, quærant, & cum summa vitæ licentia certam postea salutem absque labore expectant. Si tamen consideremus paradoxa & absurda quæ istæ Religiones continent, & modum quo sunt introductæ; valdè mirum est homines ratione præditos potuisse in animum inducere, vt eas amplecterentur.

Et hoc meritò inter miracula, quibus Antichristum præcurrunt, numerari potest. Sicut enim sub Antichristo diabolus etiam exterius præstigiis homines seducet, ut amplectantur illum pro Christo: ita nunc interius præstigiis mentes hominum carnalium fascinat, & persuadet ut summos impostores pro Christi Prophetis, & teterrimas hæreses pro Christi doctrina & verbo Dei recipiant. Hic est spiritus quem illi omnes, etsi inter se maxime dissentiant, assidue iactant & allegant; à quo Scripturarum intelligentiam accipiunt; in cuius instinctum & interpretationem omnem quæstionem & controuersiam terminant: denique qui omnes illas nouas doctrinas, etsi inter se contrarias, reuelat & patefacit.

Hæc breuiter de præcursoribus Antichristi: ex quibus luce meridiana clarius est, Lutheranos, Calvinistas, Anabaptistas, & reliquos sectarios à Luthero prognatos, qui Summum Pontificem Antichristum faciunt, hæreticos esse, & magni Antichristi veros typos, veros præcursores & metatores.

Secundò, Patet quantum mundo mali inferant. Tollunt enim re ipsa Christi meritum & satisfactionem: tollunt S. Scripturæ vitam & spiritum, veram nimirum eius intelligentiam, ac pro ea suas substituunt phantasias:

tasias: tollunt omnia Sacramenta Ecclesiæ, Baptismo excepto, quem tamen suo etiam ornatu & effectu spoliant: tollunt sacrosanctum Missæ sacrificium: tollunt officia diuina, & omnes Ecclesiæ caerimonias, quibus Deo cultus exhibetur, & hominibus deuotio excitatur: tollunt venerationem & inuocationem Sanctorum: tollunt suffragia defunctorum: tollunt omnia Christi consilia, & opera Christianæ perfectionis: tollunt omnia bona opera, cum ea peccati labe infecta statuunt: tollunt omnem Dei timorem, omnem salutis sollicitudinem, per fidem suam specialem & prædestinationem omnibus sceleribus latissimam portam aperientes. Denique ipsum Deum auctorem omnium scelerum statuunt, & multis alijs blasphemias afficiunt. Itaque sunt iniurij in Ecclesiam vniuersam, in animas defunctorum, in Sanctos omnes cum Christo regnantes, in Christum, & in ipsam Diuinitatem.

RESPONSIO ad rationes, quibus Auctor Catholicum se probare contendit.

38 SVPER SVNT nunc excutiendæ aliquot AN AV-  
CTOR MO-  
NITIONIS  
SIT CA-  
THOLICVS.  
rationes quibus Auctor hæreseos notam  
à se auertere, & Catholicum probare con-  
tendit: id facit à pag. 35. vsque ad 55. Ratio-

R 3 nes

nes referam ipsius verbis quantum licebit, superuacaneis omissis.

Primò, *Ego*, inquit, *sum Catholico-Christianus, qui in tria fidei Symbola, Apostolicum, Nicænum, & Athanasij, libens iurem; quibus symbolis, quotquot sunt in Anglia Ministri, subscribunt cum ordinantur. Secundò, Prima quatuor Concilia tãquam Catholica & Orthodoxa veneror atq. recipio. Tertiò, Patribus, inquit, eam venerationem exhibeo; qua nec ipsi maiorem optarent, nec Iesuitæ parem umquam detulerunt. Quidquid enim quadringentis post Christum annis unanimes consensu Patres ad æternam salutem necessarium statuerunt, aut cum iis ita sentiam, aut modesto saltem silentio obmutescam, reprehendere certè non audebo.*

Quartò, *Scripturis quidem ipsis, nemo, inquit, opinor est, qui non eam à me fidem haberi, quæ illis à Christiano homine debetur, existimet, &c. Inter apocrypha tamen censet, quæ sunt secundi ordinis, de quibus nimirum aliquando ab aliquibus veterum fuit dubitatum: ut sunt Tobias, Iudith, Ecclesiasticus, Sapientia, Baruch, libri Machabæorum, & quædam fragmenta, ut Hymnus trium puerorum, historia Belis & Sufannæ, & posteriora capita libri Esther, eaq; non vult ad dogmata stabilienda valere.*

Post

Post hæc adfert suas quasdã sententias, ob quas ait se non esse censendum hæreticum.

Prima, *Non esse colendam Sanctorum memoriam, nisi eorũ quos Scriptura auctoritate in album Sanctorum relatos legimus.*

Secunda, *Beatam Virginem non esse inuocandam: quia ipsa se negotiis nostris non intermiscet: alioquin à gaudiis celestis beatitudinis auocaretur. In calis, inquit, in aeterno sanctarum animarum receptaculo, in aeternam est felicitatem collocata, numquam à tantis gaudiis vlla terrenarum rerum cura aut sollicitudine auocanda.*

Tertia, *Postulare suffragia Sanctorum esse contra illam sententiam Domini, Matthæi 11. v. 28. Venite ad me omnes qui laboratis, &c. Esse superstitionem quam reprehendit Apostolus ad Coloss. 2. ubi humilitatem & religionem Angelorum prohibet: esse recursum ad deos penates, siue tutelares.*

Quarta, *Ecclesiam Romanam procudere fidei articulos ante annum Domini quingentesimum inauditos, & inuisos. In his, inquit, priuatas Missas numero. In his Sacramenti mutilatio, qua laicis partem illius mediam subtraxere, transsubstantiatio, adorandi causa eleuatio, in supplicationibus Sacramenti circumgestatio, supererogationis opera, baptizatio campanarum, & mille*

*pratercà nuga, & super omnia veneratio illa statuis delata.*

*Quinta, Reliquias Sanctorum tumulis esse inferendas: eas seruare, nihil esse aliud quàm illas dedecorare.*

*Sexta, Reliquiarum & imazinum adorationem esse intolerabilem Idololatriam. Idem sentiendum de cruce Dominica, in qua Dominus pependit.*

*Septima, Purgatorium esse commentum, & multa ex eo friuola sequi.*

*Octaua, Petrum non fuisse caput Ecclesiæ & Primatem.*

Ob hæc & similia contendit se non esse 39 hæreticum, cum Scripturam, tria Symbola, & quatuor priora Concilia Oecumenica recipiat.

Verùm hæc non sufficiunt vt se ab hæresi vindicet, vel ipsomet iudice. Nam ipsius iudicio *Hæreticus & non Christianus censendus est*, quisquis adhuc credit *Eliam Thesbiten vëturum*. Ita enim expressè scribit pag. 77. addito iureiurando. atqui hoc credunt omnes Catholici seu Papistæ (vt ipsi nos vocant) & omnibus sæculis crediderunt; quos tamen constat recipere omnes Scripturas, & Symbola tria fidei, & quatuor illa Concilia Oecumenica: ergo Auctoris iudicio, vt quis sit Christianus habendus,  
non



non satis est, si recipiat sacram Scripturam, tria Symbola, & quatuor Concilia, sed amplius requiritur, nimirum ut alios errores non teneat. Potest ergo Auctor esse hæreticus ob alios errores, sicut ipsius iudicio omnes Papistæ sunt hæretici & Antichristi cultores, & Idololatæ; & tamen Scripturas, tria Symbola, & quatuor Concilia Oecumenica recipiunt.

Secundò, Pelagiani, Monothelitæ, & Græci in articulo de processione Spiritus sancti, sunt hæretici etiam iudicio Protestantium, è quorum numero est Auctor; & tamen Scripturam, Symbola, & quatuor Concilia recipiunt. Ratio est clarissima; quia multæ sunt hæreses perniciosissimæ (ut, *Non solo permissu, sed impulsu Dei omnia opera mala fieri: hominem non esse liberi arbitrij*, &c.) quæ non ita clarè damnantur in illis Symbolis, Conciliis, vel Scripturis, quin possit quis illarum damnationem negare: & ita poterit illas pertinaciter tenere, & ista simul admittere. Itaque cum Auctor pluri-

- 40 Præterea ut quis sit Christianus, non satis est quovis modo Symbolum fidei, sacram Scripturam, &c. recipere, sed oportet certo modo, & ex solido & infallibili fundamen-

QVOMODO  
S. SCRIP-  
TURÆ,  
SYMBOL-  
VM ET  
CONCILIA  
DEBEANT  
RECIP-  
ET EX QVO  
FUNDAMEN-  
TO

to recipere. Si enim recipias innixus fundamento fallaci, iam non fide certa & diuina (qualis ad Christianismum est necessaria, & sine speciali auxilio Dei nequit obtineri) recipies, sed humana, quæ errori obnoxia. At facile est ostendere Auctorem cum suis Protestantibus ea quæ recipit, non recipere ex infallibili fundamento, sed ex planè fallaci & erratico: quod perinde est, ac si non reciperent. Quæro enim qua ratione nixus credat hoc esse Symbolum Apostolorum? aut nihil falsi in eo contineri? An quia aliqui veteres Auctores id ab Apostolis confectum scribunt? At hoc fundamentum etiam ipsius iudicio est fallax: quia alia plurima veteres scribunt, quæ ipse non solum non credit, sed falsa esse non dubitat. An quia consentit cum Scripturis? At vnde id nouit, præsertim cum in Scripturis expressim non habeatur? Deinde quæram, vnde nouit Scripturas? &c. An quia consentit cum iudicio spiritus interno? At hoc fundamentum est occultum, & à quouis hæretico proferri potest: vnde est inutile ad suam fidem alteri probandam, seque ab hæresi vindicandum: præsertim cum omnes hæretici, etiam dum maximè dissentiunt, hoc fundamentum allegent. Itaque seposita Ecclesiæ auctoritate, qua nobis hoc Symbolum traditur ut

Apo-

Apostolicum & verissimum, nulla est ratio firma & infallibilis, qua illud recipiatur & credatur. Simili modo semota hac auctoritate, nulla est ratio solida, cur Symbolum Nicænum & Athanasij sit recipiendum. Vnde cum Auctor cum suis hanc auctoritatem infallibilem repudient; nullo solido fundamento, sed fallaci & erratico, illa recipiunt, solisq. humanis coniecturis nituntur.

Idem dixerim de quatuor illis Conciliis. DE CONCILIIS.  
 Qua enim ratione cōiuncti credunt illa quatuor Concilia esse recipienda, vt à Spiritu sancto directa; cetera minimè? Quid in istis fuit quod ea faceret esse legitima, quod posterioribus defuerit? In omnibus enim præsedet Summus Pontifex per se vel Legatos suos: in omnibus soli Præfules Ecclesiarum, & viri Ecclesiastica dignitate illustres, non autem laici, vel simplices presbyteri, sedere Iudices: omnibus tamen doctis ad examen & discussionem rerum patuit aditus; omnia à Summis Pontificibus confirmata. Itaque qui solida ratione motus recipit illa quatuor priora; ob eandem rationem necessario debet recipere etiam posteriora. Eadem enim est ratio vel omnia recipiendi, vel omnia repudiandi.

Idem constat de Scripturis. Vnde enim DE SCRIPTURIS.  
 norunt hūc librum esse Scripturam sacram,

&

& verbum Dei, non illum? Vnde sciunt illum ab hæreticis vel librariis non esse adulteratum, nihil detractum vel additum quod sententiam mutet? Cur Tobiam, Iudith, & alios suprà nominatos non recipiunt, ceteros autem recipiunt? An quia de illis aliquando ab aliquibus dubitatum, de his minime? Cur ergo Apocalypsin recipiunt, & Epistolam ad Hebræos? Nam & de his aliquando à Catholicis dubitatum esse constat. Sic enim scribit Hieronym. Epist. 129. quæ est ad Dardanum: *Quòd si eam (Epistolam ad Hebræos) Latinorum consuetudo non recipit inter Scripturas canonicas: nec Græcorum quidẽ Ecclesiæ Apocalypsin Ioannis eadem libertate suscipiunt: & tamen nos utraque suscipimus, &c.* Cur recipiunt Epistolam Iacobi, Iudæ, secundam Petri, secundam & tertiam Ioannis? cùm etiam de his olim aliqui dubitarint, an essent verè Apostolicæ: vt testatur Hieronymus lib. De viris illustribus, agens de his Apostolis; & Eusebius lib. 3. Histor. cap. 23. An quia Tobias, Iudith, &c. non reperiuntur in textu Hebræo? At vnde constat nihil veteris Testamenti esse Scripturam diuinam, nisi quod extat Hebraicè? Cur aliqua non potuerunt Græcè scribi, præsertim ad Historiam vel mores pertinentia, vt à pluribus possent legi;

vel

vel ex Hebræo in Græcum transferri, Hebræis postea intercidentibus? aliqua enim Hebræa periisse (vt visionem Ahie Silonitis, Addo Videntis, verba dierum Regum Israël, & multa Salomonis) ex ipsis Scripturis satis constat. Nulla igitur ex istis rationibus est solida, nulla secuta & erroris experta. Quod cum ipsos minimè lateat, recurrunt ad testimonium internum priuati spiritus. Sed hoc testimonium est omnium fallacissimum; vt ostensum est. Quæ enim spiritus Caluinistis testatur esse canonica; eadem Lutheranis testatur esse ambigua, apocrypha, straminea.

Ex quibus perspicuum est, eos nullum habere solidum *κρίτηριον*, quo verum à falso, canonicum ab apocrypho discernant: nullum infallibile fundamentum, quo nixi Scripturas, vel Symbola, vel Concilia, vel aliud quid pertinens ad fidem, recipiant: ac proinde non posse hinc ostendere se Christianos & non hereticos esse. At fundamentum quo Catholici nixi illa recipiunt, solidissimum est & falli nescium; nimirum testimonium Ecclesiæ, hoc est, magni Parliamenti (vt sic dicam) Regni Christi, quod à Spiritu sancto regi ex ipsis Scripturis cognoscimus. quod autem priuatus quisque spiritu Dei in iudicando de rebus fidei ducatur,

ex

*Matth. 24.*  
*1. ad Ti-*  
*moth. 4.*  
*2. ad Ti-*  
*moth. 3.*

ex Scripturis non habemus, sed cōtrarium: nimirum venturos nouissimis temporibus multos pseudopphetas, multos qui attendant spiritibus erroris, qui agantur spiritu vertiginis; multos errantes, & in errorem mittentes, & seducentes plurimos. Et sanè quis non videat longè credibilius esse magnum illud regni Christi comitium spiritu Dei regi, & errare non posse, quàm priuatum quemlibet?

SENSVS  
 SCRIPTV-  
 RAE RE-  
 CIPIENT-  
 DVS.

Rursus, vt quis sit Christianus non hæ- 41  
 reticus, non satis est verba Scripturæ, &c. re-  
 cipere; sed oportet in primis legitimum sen-  
 sum recipere. Non enim in externo verbo-  
 rum cortice, sed in sensu legitimo, sita est  
 Scripturæ & Symboli ratio, & Concilio-  
 rum definitio ac decreta. At certum est Pro-  
 testantes non recipere illa secundum legiti-  
 mum sensum, quo Ecclesia Catholica, &  
 tota antiquitas illa recipit. Scripturas enim  
 non explicant, nec admittunt iuxta com-  
 munem Patrum intelligentiam, & Ecclesiæ  
 sensum; sed iuxta sensum proprium, quem  
 illis priuatus spiritus suggerit, qui nulli vm-  
 quam veterum in mentem venit, sed omni-  
 bus aduersatur. Addo, si quis attentè pluri-  
 mas eorum expositiones perpendat, illi me-  
 ritò visum iri, eos non solum Scripturas ex  
 animo non recipere, sed etiam contemnere

HAERE-  
 TICI LV-  
 DIBRIO  
 SCRIPTV-  
 RAS HA-  
 BENT.

&

& ludibrio habere. Nam quidquid odium vel ira in Summum Pontificem, & Ecclesiæ ministros, suggerit; quidquid ad calumniandum vel maledicendum videtur opportunum, quidquid commodum ad doctrinam Catholicam traducendam, vel ad phantasias eorum defendendas, mox genuinam verbi Dei mentem, & ipsam Scripturæ sacræ medullam faciunt. At quod potest summæ in Scripturas sacras irreuerentiæ & ludibrij clarius esse signum? Sed de hoc plura diximus suprâ n. 14.

42 Pari modo se habent in Symbolis. In Symbolo Apostolico quatuor articulos sensu Ecclesiæ & omnium veterum non admittunt; sed suo dumtaxat & nouo. Primus est, *Descendit ad inferos*. hunc non intelligunt de descensu animæ Christi post mortem ad loca inferiora terræ receptacula animarum; sicut Ecclesia & omnes Patres semper intellexerunt; sed de perpessione tormentorum inferni, idque ante mortem in ipsa cruce, vt sensus sit: *Descendit ad inferos*: hoc est, perpessus est interorum, & hominis damnati tormenta: & hæc tormenta volunt consistere in anxietate quadam orta ex eo quod apprehendit Patrem sibi iratum; & dubitauerit de sua salute. Qua de re suprâ n. 24. aliquid diximus.

Secun-

Secundus est, *Credo sanctam Ecclesiam Catholicam*. Quo significatur nos credere non solum in genere esse aliquam Christi Ecclesiam, sed etiam in particulari, hanc Ecclesiam, eamque esse sanctam, ita ut extra eam nulla sit sanctitas: & Catholicam, ut quæ toto orbe sit diffusa, & omnibus sæculis post Christum extiterit. Maximè enim necessarium est, in particulari nosse quænam sit vera Christi Ecclesia, eamque firma fide tenere. In hac enim notitia & fide fundata est tota instructio & fides ceterorum articulorum, nostri respectu. Qui enim Ecclesiam ignorat, necesse est in omnibus aliis vacillet. Nescit enim quænam sint Scripturæ diuinæ: quæ sit earum mens & interpretatio: quid debeat credere, quid respondere, cui cœtui se adiungere, &c. At nostri Calvinistæ, & alij hæretici hunc articulum non intelligunt de vera Christi Ecclesia; sed singuli de suorum cœtu, qui nullo modo Ecclesia Catholica dici potest; cum & novitius sit, utpote nuper exortus, & angusto orbis angulo concludatur. Denique omnibus hæreticis commune est circa hunc articulum errare. Nisi enim Ecclesiam Catholicam negarent, hæretici esse non possent.

Tertius est, *Sanctorum communionem*: quo significatur nobis in hac vita Sancto-  
rum



rum cum Christo regnantium preces prodesse, & defunctos viuorum suffragiis iuari: denique aliorum preces & merita aliis auxilio & solatio esse. At Calvinistæ & alij passim hæretici negant Sanctos vllam nostri curam gerere, aut rebus nostris vlllo modo consulere, aut preces nostras percipere: negant suffragia nostra defunctis prodesse. Tollunt itaque illam supernaturalem Sanctorum communionem, & nullam ferè nisi politicam viuorum concedunt.

Quartus est, *Remissio peccatorum*. Non enim agnoscunt cum tota antiquitate veram peccatorum remissionem, quæ in absterfione sordium peccati, & mundatione cordis, interiorisque hominis renouatione consistit: sed solam dissimulationem, qua non imputet peccata ad vindictam, propter fidem specialem. Quod figmentum planè nouum est, & toti antiquitati inauditum.

- 43 Quod ad Symbolum Nicenum seu Constantinopolitanum attinet; Calvinus illud, *Deum de Deo, lumen de lumine, Deum verum de Deo vero*, vult dici improprie: ac proinde proprie non erit verum: proprie *Filius non erit Deus de Deo, lumen de lumine*. Deinde Calvinistæ ita faciunt Filium Patri consubstantialem, vt illum etiam secundum Diuinitatem statuunt mediatorem,

& sacerdotem, & Patri subiectum. Quod quidnam est aliud quàm tollere consubstantialitatem? Præterea non agnoscunt *vnam sanctam Catholicam, & Apostolicam Ecclesiam*: vt ostensum est. Denique *non confitentur vnum baptisma in remissionem peccatorum*: nam baptismo nullam vim gratiæ conferendæ & peccati delendi tribuunt, sed solum obsignandi conscientiis nostris diuinas promissiones: deinde quia adultos docent iustificari per fidem specialem; paruulos verò ex vi diuinæ promissionis factæ Abrahæ. Baptismus ergo illis non operatur peccatorum remissionem.

Calvinus  
l. 3. Instit.  
c. 11. §. 13.  
cap. 15. &  
cap. 19.

In Symbolo Athanasij, præter ea quæ de 44  
Christi & Patris æqualitate, & descensu ad inferos notata sunt; quomodo credunt *omnes homines de factis propriis rationem reddituros*, cum doceant solius fidei specialis in iustificatione rationem haberi: & omnes qui fidem illam habuerint, saluos fore; qui non habuerint, certissimè damnandos? Quid opus est factorum discussione, si bona opera nihil ad salutem conferant, & mala fidem habenti non obsint? Superflua est itaque illa factorum discussio, cum satis sit inspicere, an fidem habeat. Rursus, quomodo credunt eos qui bona egerunt, ituros in vitam æternam, cum opera bona nihil illis merean-

mereantur, nihil ad salutem profint, & omnia ex fide sint æstimanda? Quomodo qui bona opera egerunt, salutem consequentur, cum iuxta illos nulla sint opera bona, sed omnia peccati labe sint inquinata, ita ut nulum à Sanctis exeat opus, quod non iustam opprobrij mercedem mereatur? Rursus, quomodo *qui mala egerunt ibunt in ignem æternum*, si fidem habuerint? An fortè cum sua fide speciali propter opera mala damnari poterunt? Denique, quomodo *ibunt in ignem æternum*, cum iuxta vestrum Prophetam, nullus ibi sit verus ignis; sed solùm anxietas & terror ex apprehensione Numinis irati; qualem ignem etiam Christus in cruce sustinuerit?

*Calvinus  
lib. 3 c. 12.  
§. 4. & cap.  
14. §. 9. 11.*

- 45 Quòd etiam multa, quæ prioribus illis quatuor Conciliis continentur, non recipiant; neque ea à Spiritu sancto directa putent; multis rationibus ostendi posset. Et ut cetera omittam; omnibus illis præfedit Summus Pontifex per suos Legatos: at iuxta nostrum Auctorem & Protestantes, Imperator ut caput Ecclesiæ per totum Imperium præsidere debebat. In illis soli Præsules Ecclesiarum sedere Iudices, & ius definiendi habuere: at Protestantes volunt omnes eruditos etiam laicos esse Iudices, & ius suffragij decisiui habere.

In Nicæna Synodo hæresis Arrij damnata, & Filius Patri *ὁμύσιος* definitus, non ex nudis Scripturis, cum plurimæ & in speciem pugnantes utrimque adducerentur, sed ex traditione & doctrina non scripta; ut testatur Theodoretus lib. 1. Histor. cap. 8. At illi traditionem repudiant, & omnia ex nudis Scripturis decidi postulant.

De aliis, quæ Auctor nouitia dogmata, & post annum Domini quadringentesimum vel quingentesimum introducta putat, & idcirco ait se non recipere; quæia dicit esse cultum & inuocationem Sanctorum, eorumque intercessionem, Missæ sacrificium, Communionem sub vna specie, Transsubstantiationem, adorationem Eucharistiæ, opera supererogationis, Imaginum & Reliquiarum venerationem, Purgatorium, & Petri primatum; nimis longum esset singula persequi, neque ad præsens institutum necessarium. Abundè præter alios respondit doctissimus Cardinalis Bellarminus, tum in sua Apologia cap. 8. tum in opere Controuersiarum, ostendens ea esse antiquissima Ecclesiæ dogmata. Porro ex iis quæ diximus satis constat, etiamsi ob illa hæreticus non esset (quorum tamen singula ad hæreseos labem abundè sufficiunt) tamen ob alia multa quæ adduximus, ab hæresi

res excusari non posse: imò totius orbis & omnium sæculorum iudicio, ipsius doctrinam, & sectam cui mordicus inhæret, hæreseos esse damnatam. Item constat omnes hæreticos, & præsertim propagatores & defensores hæresum, verè & propriè iuxta mentem Scripturarum, magni Antichristi, qui suo tempore exurget, præcursores ac ministros esse.

### APPENDIX de Caluino.

46 **E**MISI abhinc biennium breuem formulam, qua dirigi & iuuari possint qui de Fide & Religione consultant, vel dubitant quenam ex tanta multitudine & varietate, quantam hoc sæculo videmus, sit amplectenda: quam idcirco hoc titulo inscripsi: *Quæ Fides & Religio capeffenda sit, Consultatio*. Huic quidam Ministri Calvinistæ apud simplices detrahere conati sunt, eo nomine quòd dicerent Auctorem duplici manifesta calumnia in Calvinum uti. Altera, cum ait *Calvinum statuere Deum esse auctorem omnium scelerum*. id enim Calvinum numquam docuisse. Altera, cum refert illum incurrisse infamiam Iuris, ratione sententia, qua Nouioduni criminis nefandi damnatus fuerit, & ferro cadenti

Sap. I.

Isaia 28.

DOCTRI-  
NA CAL-  
VINI.

*ustulatus*. Sed absit à me, vt alicui etiam heretico aliquid falsò sciens imponam, siue de doctrina agatur, siue de moribus. Ita mihi Christus inspector cordis mei, qui me iudicaturus est secundùm opera mea, propitius sit. Scio huiusmodi mendacium perniciosum esse, & de eo scriptum: *Os quod mentitur, occidit animam*. Non opus habent Catholici mendacij & calumniæ præsidio, vt hæreticorum doctrinam oppugnent. Hæc illorum arma sunt, quibus hactenus nisi, & in quibus spem suam omnem posuere, iuxta illud: *Posuimus mendacium spem nostram: mendacio protecti sumus*.

Verùm priorem accusationem de doctrina falsò imposita suprà satis retudimus: vbi ex verbis Caluini ostendimus, ipsum clarè docuisse, omnia scelera & opera nefaria omnium hominum & dæmonum, tam interna quàm externa, fuisse ab æterno à Deo prædestinata, decreta, ordinata, disposita, & in tempore dæmones & homines ad illa à Deo excitari, moueri, cogi, impelli; ita vt ipsi se habeant in modum instrumenti, Deus in modum causæ principalis. Idem antè ostensum à multis Doctoribus Catholicis, & Lutheranis, vt faxeæ frontis sit, qui ausit negare. Et vt alios multos omittam, fusè & clarissimè id demonstrarunt ex Catholicis

Car-

Cardinalis Bellarminus lib. 2. De Amiff. gratiæ, & ftatu peccati, c. 3. & 4. Guilielmus Reginaldus lib. 3. Caluino-turcismi, cap. 23. & Martinus Becanus in opusculo De auctore peccati. Ex Lutheranis, Conradus Schluffelburgius in fua Theologia Caluiniſtica; & Sebaſtianus Caſtalius De prædeſtinatione ad Caluinum. Neque ſolius Caluini, ſed etiam Lutheri, Melanchthonis, Zyvinglij, Bezæ, & aliorum noui Euangelij Apoſtolorum hæc doctrina fuit: vt ſuprà oſtenſum eſt. Sed miniſtros pudet hæc apud plebem fateri, & dicunt per calumniam imponi: quia verentur ne tam tetra doctrina ſemel detecta, ſimpliciores, quorum animi non ſunt planè corrupti, & aliquem adhuc pietatis ſenſum retinent, Magiſtrum & Apoſtolum deteſtentur.

48 Ad alteram accuſationem, de libidine præpoſtera falſò impoſita, modò reſpondere eſt animus. Non ex aëre iſta ſcripti, nec ex meo cerebro, ſed ex bonis auctoriſibus, & fama cõmuni, quæ 40. & ampliùs annis vigit, non ſolùm apud Catholicos, ſed etiam apud Lutheranos. Plurimi ſcriptores huius rei tamquam certæ & notoriæ mentionem fecere: ex quibus paucos adferam.

DE IMPV-  
RITATE  
CALVINI.

Primus ſit Hieronymus Boſſecus medicus, conſcius ſecretorum Caluini, vt ex Præ-

fatione apparet. Hic in eius vita, quam ante annos 34. descripsit, & dedicauit Primati Franciæ Archiepiscopo Lugdunensi, cap. 5. ita scribit: *Nihil iam de natiuitate dicam, quæ in annum 1509. incidit, quo Nouioduni Picardiæ in lucem editus est. Neque etiam commemorabo de patre eius Gerardo Cauuino aliud, nisi impium hominem fuisse, & in Deum maximè blasphemum: quod de illo testimonium præcipui aliquot ciues Nouiodunenses interrogati perhibuerunt, Notariûsque legalis in publicas tabulas retulit; quarum exemplum cuiusdam Bartelier Dominiij Senatusq; Geneuensis Secretario, Nouiodunum huiuscerei gratia, ut in vitam atque mores Caluini inquireret, & qualis adolescens fuisset exploraret, præcipuè misso, est impertitus. Quod ego testimonium publicum apud hunc vidi, & in ipsiusmet manibus inspexi: & idcirco ut rem verissimam commemorare possim. In quo quidem testimonio hoc quoq. erat adiectum: Caluinum, cum Curatum illic beneficium & aliud sacelli cuiusdam sacerdotium obtineret, sodomitici sceleris conuictum in vitæ discrimen venisse, ut igni, quæ huiusmodi sceleris ordinaria & legitima pœna est, cremaretur. Ceterum Episcopi urbis cōmiseratione pœnam moderatam, ut cauterio candens eius*  
*hume-*



humero lilium inureretur. quo probro confusus, neq. talem ignominiam ferēs, utrumque Ecclesiasticum beneficium in Pastorem Nouiodunensem trāstulit, & ab eo certa pecunia summa accepta, in Germaniam, deinde in Italiam profectus est, fortuna, si quam sibi propitiam inuenire posset, se permit- tens. Ceterum silentio præterire nolo, Nouioduno discedentem cognomine immutato Calvinum se pro Cauuino vocitasse, siue imprudentem siue consultò, quòd hoc nomen moribus eius conueniret, quibus malignum illum & vindictæ cupidissimum Calvinum expresseit, cui Iuuenalis, cùm ad eum Satyram 13. scriberet, hunc versum attribuit:

*At vindicta bonū quo non felicius ullum.  
Sed fuit etiam cū se Carolum de Happe  
oppidò appellaret, & in omnibus litteris  
subscriberet. Hæc ille.*

- 49 Si ista de crimine sodomitico & stigmate vera non erant, cur discipuli Caluini ea non refutarunt? Cur inspectionem actorum publicorum, & Magistratuum testimonia non petierunt? facile enim, si falsa erant, refutari tunc temporis potuissent. Primò, testimonio Magistratus Geneuensis, qui publico instrumento declarare potuisset, tale scriptum numquam ad se perlatum: se nihil umquam de huiusmodi Caluini crimine

inaudisse. Non enim dubitandum quin eo tempore, nimirum anno 1577. fuerint multi superstites, qui huius rei possent meminisse; & fortasse ipse Bartelier, in cuius manibus se hoc testimonium vidisse affirmat Bolsecus, adhuc supererat. Secundò, Testimonio Magistratus Nouiodunensis. Non enim est dubium quin ex actis Iudiciariis, quæ asservari diligenter solent, veritas cognosci posset: verum neutrum fecerunt fratres Evangelici. Quis credat, si solida aliqua ratione tanti sceleris infamiam à suo Apostolo amoliri potuissent, & aduersarium suæ Religionis Hieronymum Bolsecum calumniæ conuincere, & apud omnes hoc modo infamem reddere, eos id fuisse prætermisso-  
 ros? Sic enim effecissent, vt nec in ceteris, quæ Bolsecus de Caluini variis criminibus, & pessimis artibus, ac machinationibus scribit, ei fides adhiberetur. Itaque cum nihil fecerint eo tempore quo maximè oportebat (nimirum cum libellum suum Bolsecus euulgauit) vt ista solidè confutarent, nemini prudenter rem expendenti dubium esse potest, quin rationis inopia, & criminis conscientia id omiserint. alioquin iniuriæ in suum Apostolum, & sacrilegi in suam Religionem extitissent. Accedit, quòd Bolsecus non solum dicit se in manibus illius Secretarij

tarij hoc testimonium vidisse & inspexisse; sed etiam iureiurando affirmat: ita enim scribit in Epistola dedicatoria ad Archiepiscopum Lugdunensem: *Iam hoc quoq. eundem testor Deum, nihil me hoc tractatu complexum, quod contra meam conscientiam scriptum esse mihi conscius sim: sed quæ scribo omnia veritate niti, & vel ex tabulis & testimoniis manu ipsius Caluini descriptis ea me desumpsisse, vel referentibus maxima auctoritatis viris cognovisse, vel meis oculis conspexisse, manuque palpassse, &c.* Omitto signa & peristases varias quæ concurrunt: ut quòd nomen aliquoties mutarit, quòd beneficia sua per simoniam venderit, quòd patriam deseruerit, quòd in Germaniam se contulerit: quòd alia multa impuritatis indicia in eius vita apparuerint: ut Bolfecus, & alij scribunt.

- 50 Secundus sit Iulius Brigerus. Hic in Floribus Calvinistarum ita scribit: *Calvinus cum Nouioduni Curatum beneficium, & aliud sacelli cuiusdam sacerdotium obtineret, sodomitici sceleris convictus in vita discrimen venit, ut igni cremaretur. Ceterum Episcopi urbis commiseratione pœna moderata, cauterio candens eius humero lilium est inustum. Quam ignominiam haud ferens, vendidit beneficia sua, & in Germaniam*

*niam se cōtulit, mutato prius nomine. Nam pro Cauuino Caluinum se vocitabat, & aliquando Carolum de Heppe, aut Happe. Hæc ille ex Bolseco & aliis. Non sine numinis prouidentia videtur ea nominis mutatio facta. Caluinus enim per anagramma est Lucianus: nimirum vt Luciani in eo notetur impietas.*

Tertius sit Thomas Stapletonus, qui in 51  
 Promptuario Catholico Sabbato hebdomadae 3.  
 Quadraginta scribit: *Inspiciantur etiam adhuc hodie ciuitatis Nouiodunensis in Picardia scrinia, & rerum gestarum monumenta: in illis adhuc hodie legitur Ioannem hunc Caluinum sodomia conuictum, ex Episcopi & Magistratus indulgentia solo stigmate in tergo notatum, vrbe excessisse. Nec eius familie honestissimi viri adhuc superstites impetrare hætenus potuerunt, vt huius facti memoria, quæ toti familie notam aliquam inurit, è ciuicis illis monumentis ac scriniis eraderetur.* Hæc ille ante annos circiter 23. quia conscripsit illa aliquot annis ante euulgationem. Itaque tunc extabant adhuc acta publica, quibus id continebatur; quæ tamen iam dicuntur renouata & mutata, omissa infami illa de scelere & stigmate Caluini narratione. Facile id potuit Stapletonus cognoscere per Anglos qui assidue

fiduè illac transibant Duaco Rhemos, vel Rhemis Duacum commeantes.

- 52 Quartus sit præclarus Martyr Edmundus Campianus: quintus, Ioannes Duræus Scotus. Campianus enim ante annos 30. in sua fidei demonstratione Ratione 3. Caluinum *stigmaticum perfugam vocat*. Ad quod V Vittakerus in sua Resp. pag. 50. hoc tantum respondet: *Si stigmaticus fuit Caluinus, fuit etiam Paulus, fuerunt alij*. Vbi non obſcurè V Vittakerus videtur fateri, ſed aliorum exemplo excuſare. Ioannes Duræus hanc V Vittakeri reſponſionem refutat his verbis: *Quòd Caluini stigma humeris inuſtum, cum Pauli ſtigmatibus conferre non dubitas; facis id quidem pro tua modeſtia & ſummo in præceptorem amore humaniter: niſi quòd meminiffe debueras Chriſti ſtigmata in corpore ſuo Paulum portaffe; Caluinum verò ſtigmata liliorum, quibus non niſi nefarij homines ob immania crimina ad perpetuam inuri memoriam ſolent*. Ad hæc V Vittakerus nihil amplius quod reſponderet habuit. Vnde etſi in ſua Reſponſione contra Duræum ad cetera, quæ hoc loco Duræus adfert, reſpondere conetur; vt patet pag. 280. hoc tamen de ſtigmate proſus diſſimulat. Hæc ex libro Anglico cui titulus. *Apologia Proteſtantium pro Romana Eccleſia.*

*sia*. Quid causæ fuisse putabimus homini alioquin loquacissimo, & importunissimo, huius silentij; nisi quod fama publica, & conscientia propria conuictus, nullo colore rem tegere & honestare potuerit?

Sextus, Surius ad annum Domini 1538. 53  
ita de Caluino scribit: *Huic* (Argentoratensi nouæ Ecclesiæ) *aliquamdiu præfectus fuit Ioannes Calvinus ex Gallia profugus, qui postea Geneuensem in Allobrogibus Ecclesiam occupauit. Hunc Calvinum à patria sua ob vitæ improbitatem exulasse quidam scribit: eundemq; alius dicit inter dissolutos suæ urbis viros dissolutissimum, inter inconstantes & fædistragos inconstantissimum.* Hæc & alia Surius de Caluino ex publica fama: & libellus editus est ante annos 47.

Septimus sit Guilielmus Reginaldus in hæreticorum scriptis versatissimus, & tandem ab hæresi ad fidem Catholicam ductus. Hic lib. 2. Caluino-turcismi cap. 11. id probat ex scriptis Lutheranorum sub persona Michæ ita scribens: *Taceo Theodorum Bezam & Ioannem Calvinum (quales & quantos Apostolos!) non polygamia, non fornicationum, non adulteriorum, non stuprorum, sed sceleris longè horribilioris reos: qui tamen in Ecclesiis vestris tamquam clarissima sidera longè lateq; resplendent. Mitto*  
*quæ*

*qua Lutherani fratres obijciunt [de Caluini ἀσελγεία, variis flagitiis & sodomiticis libidinibus, ob quas stigma Caluini dorso impressum fuit à Magistrata sub quo vixit.] Et quamquam Theodorus Beza aliter de vita moribusq; Caluini scribat, tamen contra Theodorum Bezam isti arguunt hæc esse verissima, [nec umquam luculenter & solidè à Calvinistis refutata.] Nam quod ad Bezæ testimonium attinet, [cùm Theodorus Beza, inquit, eadem heresi & eodem fermè peccato nobilitatus sit, ut historia de Candida meretricula & Audeberto testatur, nemo ipsi hæc in parte fidem habere potest.]*

*Conradus  
Schluffel-  
burgius  
Caluinisti-  
ca Theol.  
l. 2. fol. 72.*

*Conradus  
ibidem.*

En septem testes, omnes ἀξιόμοιοι, omnes omni exceptione maiores: quibus accedat octauus Conradus ipse Schluffelburgius Lutheranus, cuius verba iam ex Reginaldo retulimus. Longè plures adferre possem; sed hi abundè sufficiunt, non solùm ad me vindicandum à nota calumniæ, sed etiam ad faciendam fidem cuilibet æquo lectori. Quis enim in re historica plura & grauiora testimonia requirat?

- 54 His accedunt multæ rationes, & indicia, quæ rem ostendunt esse valdè credibilem. Primùm, Quia historia de crimine illo cōsentanea est aliis Caluini gestis, quæ de ipso commemorantur. Scribit enim Bolsecus in

*VARIIS  
RATIONIBUS  
PROB-  
BATVR.*

vita Caluini cap. 11. *Cum puer Caluini minister quatuor Francorum millibus hero subtractis se in fugam dedisset, & amici vellent illum persequi, numquam Calvinum permittere voluisse: ne videlicet comprehensus puer arcana patefaceret. Quæ res ingentem suspicionem mouit, ipsum puero abusum esse.*

Aliud factum narrat Florimondus Præses Burdegalensis lib. 7. De ortu heresis, c. 9. *Fertur, inquit, & complures scriptis euulgarunt Rectorem Collegij de Boncourt accusasse Calvinum nefandi criminis; & ex puerorum depositionibus, cum non comparuisset, absentem fuisse condemnatum. Omitto alia impuritatis illius documenta, quæ à Scriptoribus referuntur.*

EST CON-  
FORME  
MORIBVS  
DISCIPV-  
LORVM.

Secundum, Quia historia illa est conformis vitæ & moribus discipulorum Caluini, qui se omni genere libidinis inquinarent. Notæ sunt libidines Bezae successoris Caluini, de quo scribit Conradus lib. 1. fol. 92. *Certò constat Theodorum Bezam à pueritia imbibisse Vatum impudicitiam & impudentiam, totamq; ætatem explendis suis libidinibus & cupiditatibus, ac describendis suis amoribus, & vlciscendis suis riuatibus exercuisse: atque in meretricem, lenam, & cinædum transformatū esse. De quo item constat & hoc, quod obscœnissimis verbis scripsit*  
ad



*ad Germanum Audebertum Aureliæ, & eundem tamquam Adonidem à Theodoro Beza factum esse.* Plurima in hanc sententiam referunt Bolsecus, Iulius Brigerus, Stapletonus, & alij. Nota est in Scotia impuritas Ioannis Knoxi Scotiæ Apostoli, & aliorum multorum quos memorat Iulius Brigerus in Floribus, & Guilielmus Reginaldus supra, & Villagagnon aduersus articulos Richeri, & alij.

Tertium, Quia est consentanea sex primariis capitibus doctrinæ Caluini, quorum primum est de prouidentia. Secundum, de electione. Tertiū, de libero arbitrio. Quartum, de fide iustificante. Quintum, de bonis operibus. Sextum, de præceptorum diuinorum impossibilitate.

56 Primum sic ostenditur. Caluini doctrina est, Deum ab æterno omnia opera scelerata hominum & dæmonum decreto suo statuisse ac præordinasse; & suis temporibus ad ea excitare, mouere, impellere: vt supra ostensum est. Si ita est, cur homo nitatur resistere? cur cum se ad huiusmodi nefanda sentit impelli, detrectet & renitatur? cur non sequatur impulsū diuinum? cur non obsecundet eius voluntati & decretis? Impiū enim est Deo velle resistere, eiusque impulsū conari cassum & irritū reddere.

EST CON-  
FORME  
DOCTRINÆ.

DOCTRINA CAL-  
VINI DE  
PROVIDENTIA.

T Secun-

DOCTRI-  
NA CAL-  
VINI DE  
ELECTIO-  
NE SEV  
PRÆDE-  
STINA-  
TIONE.

Secundum ostenditur. Caluini doctrina 57  
est, *Omnes Calvinistas esse electos ante om-*  
*nem operum præuisionem: neque solum esse*  
*electos, sed etiam hoc ipsum debere firmissi-*  
*me credere; adeò, ut si quis ea de re aliquo*  
*modo dubitet, horrendè sit sacrilegus, miser-*  
*rimè cecus, Spiritui sancto iniurius, & pri-*  
*ma pietatis tirocinia ignoret.* Ita docet  
lib. 3. Instit. c. 2. §. 38. *Abundè liquet fidei ni-*  
*hil esse magis aduersum, quàm vel coniectu-*  
*ram, vel aliud quippiam dubitationi affine.*  
Loquitur de fide electionis, & futuræ salu-  
tis. Et infra: *An igitur sani sunt isti, qui nul-*  
*lam esse gratiæ Dei certitudinem colligunt?*  
Per gratiam, intelligit fauorem quo prose-  
quitur electos. Et §. 39. *Quid aliud quàm*  
*Christi promissiones in dubium reuocamus,*  
*dum serui Dei sine ipsius spiritu haberi vo-*  
*lumus, quem super suos omnes effusurum se*  
*denuntiauit? Quid, quòd Spiritui sancto in-*  
*iuri sumus, qui fidem opus eius peculiare ab*  
*ipso separamus? hac cum prima sint pietatis*  
*tirocinia, miserrima est cecitatis, arrogan-*  
*tiae notari Christianos, qui Spiritus sancti*  
*præsentia gloriari ausint, sine qua gloria-*  
*tione Christianismus ipse nõ constat.* Idem  
docet §. 40. item c. 24. eiusdem libri cap. 6.  
7. 8. Cum ergo omnes Calvinistæ firmissi-  
mè credant se habere Spiritum sanctum,  
qui

qui testatur ipsos esse filios & electos Dei, quid mirum si liberè ausint quiduis patrare? Quidquid enim egerint, non possunt à salute excidere, nec Spiritum sanctum, vel internum electionis testimonium amittere.

58 Tertium ostenditur. Quia Caluini doctrina est, *Hominem nec in actionibus bonis, nec in malis, nec in adiaphoris esse liberi arbitrij*: eò quòd vis diuinæ prouidentiae in omnibus actionibus dominatur, & ad omnes inflectit, & impellit. Ita docet lib. 1. cap. 18. & lib. 2. cap. 2. §. 4. *Nimis philosophicè hac de re (de libero arbitrio) locuti sunt, qui se Christi iactabant esse discipulos. Nam quasi adhuc integer staret homo, semper apud Latinos liberi arbitrij nomen extitit. Græcos verò non puduit multò arrogantius usurpare vocabulum: siquidem ἀνθρώπων dixerunt, ac si potestas sui ipsius penes hominem esset. Vbi sugillat omnes Patres Latinos & Græcos libertatem arbitrij statuentes. Idem prosequitur cap. 3. 4. & 5. Si Caluinistæ non sunt liberi arbitrij, & vi prouidentiae ad omnia quæ agunt impelluntur, cur non liceat illis patrare quidlibet? cur illis culpæ vertatur, quod non libera electione, sed vi prouidentiae insuperabili admittunt?*

DE LIBE-  
RO ARBI-  
TRIO.

59 Quartum ostenditur. Quia doctrina Cal- DE FIDE.  
T 2 uini

uini est, *fidem Calvinistarum non posse amitti; eamq; efficere, ut nullum peccatum Calvinistis imputetur.* Priorem partem tradit lib. 3. Instit. cap. 2. §. 11. & 12. & cap. 21. §. 6. Alteram docet lib. 3. cap. 4. §. 28. Vbi cum reiecisset distinctionem peccati venialis & mortiferi, & docuisset omnia peccata secundum se esse morte digna, subdit: *Ceterum fidelium peccata venialia esse: non quia non mortem mereantur, sed quia Dei misericordia nulla est condemnatio iis, qui sunt in Christo Iesu, quia non imputantur, quia venia delentur.* Idem docet lib. 2. cap. 8. §. ultimo. Si nullum peccatum, quantumvis in se graue & enorme, fideli Calvinistæ imputatur; cur, qualecumque tandem sit, timeat illud admittere: cur sibi vim faciat, ut suis cupiditatibus resistat? cur voluptatibus, ad quas affectus inclinatur, se priuet? Nihil enim inde incommodi ipsi proueniet: sicut nihil commodi accipiet, si restiterit.

DE BONIS  
OPERTI-  
BUS.

Quintum ostenditur. Quia doctrina Cal- 60  
uini est, omnia illa quæ vocantur opera bona, etiam in fidelibus esse *sordes & inquinamenta, & iustam opprobrij mercedem mereri.* Ita docet lib. 3. Instit. cap. 12. §. 4. *Omnia hominum opera, nihil sunt nisi inquinamenta & sordes: & quæ iustitia vulgò habetur, ea apud Deum mera est iniquitas.* Et  
cap.

cap. 13. §. 9. *Habemus ne vnum à sanctis exire opus, quod si in se cōseatur, non mereatur iustam opprobrii mercedē.* . 11. *Duobus his fortiter insistendum, nullum umquam extitisse p̄i hominis opus, quod si seuerō Dei iudicio examinetur, non esset dānabile. Ad hæc, si tale aliquod detur (quod possibile homini non est) peccatis tamen, quibus laborare auctorem ipsum certum est, vitiatum ac inquinatum gratiam perdere.* Idem docet c. 15. §. 3. Si Calvinistæ firmiter credunt omnia quæ vocantur bona opera, esse *sordes & inquinamenta*, & *omnem operum iustitiam* esse apud Deum *meram iniquitatem*: cur de bonis operibus sint solliciti? cur illa omni studio non detestentur & vitent? Omnes enim tenentur detestari & fugere omne id, quod nihil est nisi mera iniquitas, meræ sordes & inquinamenta. Cur potius se dedant operibus bonis quàm prauis, elemosynæ quàm rapinis, fidelitati quàm perfidiæ, veritati quàm mendacio, castitati quàm libidini; cū omnia sint coram Deo praua, inquinata, iniqua, & mortem æternam mereantur? Quis non videat hoc vno articulo non solum omnem Religionem & pietatis cultum, sed etiam omnem honestatem & virtutem moralem funditus euerti?

61 Sextum ostenditur. Quia doctrina Cal-  
T 3
uini

DE PRÆ  
CEPTIS  
DIVINIS.

uini est, *Præcepta diuina esse homini impossibilia.* lib. 2. Instit. cap. 7. §. 5. *Quòd autem impossibile legis obseruationem diximus, id est paucis verbis explicandum simul & confirmandum. Solet enim vulgò absurdissima sententia videri, vt Hieronymus non dubitet anathema illi denuntiare. Quid visum sit Hieronymo, nihil moror, &c.* Deinde id fusè confirmat. Si Caluinistæ credunt legem diuinam esse impossibilem, non est quòd eam conentur seruare, aut tentationibus carnis resistere. Cur enim conentur ad impossibilia? Fides illis est instar omnis obseruationis, & impletæ legis: vt idem docet cap. illo 7. §. 4.

Ex his perspicuum est, historiam illam, & alias huiusmodi quantumuis exoticas, doctrinæ Caluini sex modis esse consentaneam; nihilque in genere libidinum & scelerum esse adeò mirabile, quod spectata tali doctrina non reddatur credibile. Retuli verba Caluini, ne dicatur me illi falsò imponere.

EST CON-  
FORME  
SCRIPTU-  
RAE.

*Ad Rom. I*

Postremò hæc historia congruit S. Scri- 62  
pturæ. Ex Scriptura enim habemus, Philosophos traditos in reprobum sensum, ita vt contumeliis nefandarum libidinum afficerent corpora sua, eò quòd veritatem Dei in iniustitia detinerent; hoc est, iuxta notitiam quam

quam de Deo habebant, non viuerent: cùm enim Deum cognouissent, non sicut Deum glorificauerunt, inquit Apostolus. Si Philosophi, quia iuxta veritatem cognitam non vixerunt, meritò in reprobum sensum sunt traditi: quanto iustius id accidit nostris hæresiarchis, & noui Euangelij Apostolis, qui non solum veritatem Dei in iniustitia detinent, sed eam planè peruertunt, & in mendacium ac blasphemiam commutant? Qui non solum volunt dici sapientes, sed *Apostoli & Prophete*, & *ἑορταστοί*, & *Ecclesiæ Reformatores, & Instauratores*. Iusto itaq. Dei iudicio traduntur in reprobum sensum; & permittitur diabolo, vt & mentem eorum excæcet, & carnem libidinum facibus accendat, & ad omnem impuritatem, immunditiam, ac libidinum contumeliam eos impellat: vt appareat mundo quàm sint viles & abominabiles; & nulla excusatio supersit iis, qui tam fœdis carnis mancipiis fidem adhibent.

Testatur de se ipse Lutherus, quòd sub initium sui Euangelij (antequam professam monialem sibi copulasset) *propter libidinis* In collo-  
quijs men-  
salibus *vehementiam, & amorem mulierum, ad in-* fol. 415. *saniam penè redactus fuerit.* Idè in cap. 31. Prouerb. hoc glossema apponit: *Nihil amabilius vel suauius est in terra, quàm amor*

De vita  
conjugali.  
Colloq. mē.  
sal f. 400.  
& 526.

*mulierum, si cui is potest contingere. Et alibi testatur se non magis à muliere potuisse abstinere quàm à cibo & potu; & opus coniugale esse opus diuinum, cæleste, spiritale. Quis vnquam leno vel adulter adeò fuit impurus, vt ita loqueretur?*

Habetur  
tom. I.  
fol. 115.

Vlricus Zvvinglius in litteris suo & aliorum Euāgelicæ doctrinæ Ministrorum nomine scriptis: *Apud Paulum non aliam matrimoniorum causam, quàm carnis ad libidinem aestum, reperire licet; quem in nobis feruere, negare non possumus, cùm huius opera nos coram Ecclesiis infames reddiderint. Ecce fatentur isti sua dedecora, & suam infamiam. Sequitur: Aestum verò libidinis eas carnis cupiditates & affectus intelligimus, quibus homo tantum non accensus, carnis libidinosæ studia animo suo versat, in his solis omnes cogitationes suas insumit, hæc meditatur, totusq; in hoc est, vt carnis furori satisfaciat. Idem habet alia supplicatione, quam nomine quorundam Tuguri Euangelistarum mittit ad Episcopum Constantiensem, cui præter Zvvinglium subscribere Leo Iudæ, Erasmus Fabricius, & Balthasar Tracselius: vbi fatentur isti Apostoli, se tam valdè arsisse, vt multa indecorè gesserint homines quadragenarij.*



De Caluino, Beza, iam dictum. De Anabaptistarum Apostolis nihil dicam, quia res notissima. Ex quibus perspicuum est, nouarum istarum religionum auctores, dum volunt videri Apostoli & Reformatores Ecclesiæ, fuisse miserrima carnis suæ mancipia: & iustissimè hoc probrum à Domino in illos permissum, vt omnibus scintillam prudentiæ habentibus sint contemptui; & nemo, nisi qui sponte se à veritate auertit, ab illis decipiatur. Contraria planè fuit Apostolorum Christi, & eorum qui veram Religionem initio in variis Prouinciis plantarunt, vita, mores, disciplina.

DOMINE MISERERE.

T ; INDEX

# INDEX RERVM PRÆCIPVARVM,

Quæ duabus hisce Disputationibus  
continentur.

- Æ** Quinocatione, quando ex Catholicorum  
Doctōrum sententia liceat uti. Pag. **55**
- Agni victoriam, mirificè contra Scriptu-  
ram interpretatur Auctor Præfationis.* **119**
- Anabaptista sunt heretici.* **186**
- Anabaptistarum doctrina ab omnibus damnata  
est.* **186**
- Antichristi nomē dupliciter sumitur in Scripturis.* **1**
- Antichristum unum fore hominem, qui in fine mū-  
di Ecclesiam persequetur, docent Hieronymus  
& Augustinus.* **11**
- Antichristus in nomine suo & non tamquam ab  
alio missus veniet.* **13. & 25**
- Antichristus se palàm geret pro adversario Chri-  
sti* **24.** *pro Messia & Deo.* **29**
- Antichristus recipietur à Judæis pro Messia.* **26**
- Antichristus extollet se supra Deum propriè di-  
ctum.* **33**
- Antichristus tollet publicum cultum aliorum idolo-  
rum, ut ipse solus publicè colatur.* **35**
- Antichristus non veniet, nisi sub finem mundi.* **38**
- Antichristus persequetur fideles omnes, ut eos à  
Christi cultu ad sui cultum traducat.* **44**
- Antichristus sibi adherentibus certum signum dabit,  
sine quo nemo possit emere vel vendere.* *ibidem*
- Anti-*

|  |       |
|--|-------|
| <i>Antichristus prosperabitur usque dum interima-</i><br><i>tur.</i>                                       | 47    |
| <i>Antichristi persecutio non diu durabit.</i>   | 51    |
| <i>Antichristus innumerabili exercitu persequetur</i><br><i>Ecclesiam.</i>                                 | 52    |
| <i>Antichristi nomen.</i>  | 64    |
| <i>Antichristus erit Indans, non Latinus.</i>  | 65    |
| <i>Antichristi sedes, non erit Roma sed Ierosolymis.</i>   | 69    |
| <i>Antichristus peribit in monte sancto.</i>   | 75    |
| <i>Antichristus inchoabit regnum suum in regione</i><br><i>Babylonis.</i>                                  | 76    |
| <i>Antichristus tres annos cum medio persequetur Ec-</i><br><i>clesiam.</i>                                | 91    |
| <i>Antichristi figura fuit Antiochus.</i>  | 97    |
| <i>Antichristus maximum habebit imperium per to-</i><br><i>tum panè orbem.</i>                             | 103   |
| <i>Antichristo se opponent duo Propheta.</i>   | 120   |
| <i>Antichristi exercitus igne delebitur.</i>   | 168   |
| <i>Antichristus ipse cum suo Pseudopropheta vivus</i><br><i>mittetur in stagnum ignis &amp; sulphuris.</i> | ibid. |
| <i>Antichristi mors.</i>   | 171   |
| <i>Antichristus abducet homines à studio bonorum</i><br><i>operum.</i>                                     | 195   |
| <i>Antichristus non exiget à suis Decalogi observatio-</i><br><i>nem, sed tantum fidem in se.</i>          | 198   |
| <i>Antichristus auferet iuge sacrificium.</i>  | 198   |
| <i>Antichristus tollet omnia Ecclesia Sacramenta, offi-</i><br><i>cia divina, festa, ieiunia.</i>          | 200   |
| <i>Antichristus quodam modo retinebit diem Domi-</i><br><i>nicum.</i>                                      | 201   |
| <i>Antichristus reijciet Scripturæ partes sibi manife-</i><br><i>stius adversas.</i>                       | 202   |
| <i>Antichristus, quas Scripturas admittet, eas ad tibi-</i><br><i>tum</i>                                  |       |

|  |     |
|--|-----|
| tum, contra mentem Patrum, explicabit.                 | 202 |
| Antichristus tollet mysterium sanctissima Trinitatis.  | 213 |
| Antichristus Deum & Sanctos blasphemabit.              | 218 |
| Antichristus erit insignis hypocrita.                  | 244 |
| Antichristus grauissime persequetur Ecclesiam.         | 252 |
| Antichristus falsis miraculis homines fallere nitetur. | 258 |

B.

|   |          |
|---|----------|
| <b>B</b> abylon fuit figura Romae gentilis.   | 72       |
| Bestia, per quam Antichristus significatur, unica est & singularis.   | 14       |
| Bestia, quae describitur cap. 13. Apocal. significat Antichristum.  | 83       |
| Bestia, de qua agitur cap. 17. Apocal. non potest significare Antichristum.   | ibid.    |
| Bestia, quae cap. 13. describitur, non est eadem cum illa quae cap. 17. describitur.  | ibidem.  |
| Bestia de qua agitur cap. 17. Apocal. est Diabolus, ut regnum huius mundi obtinens.   | 48. & 90 |
| Bestia quarta Danielis 7. designat quartum regnum; scilicet Monarchiam Romanorum.   | 104      |
| B. 2a asserit, Actor. 2. v. 27. tam certum esse per animam corpus, & per infernum sepulchrum, intelligi, ut nemo dubitare possit, nisi qui in meridie cecutire velit. | 249      |
| Blasphemia prima haereticorum nostri temporis.  | 219      |
| Blasphemia secunda eorundem.  | 219      |
| Blasphemia tertia.  | 233      |
| Blasphemia quarta.  | 234      |
| Blasphemia quinta.  | 235      |
| Blasphemia sexta.   | 235      |
| Blasphemia septima.   | 237      |
| Bla-  |          |

INDEX RERV M.

|   |     |
|---|-----|
| <i>Blasphemia octava.</i>                                 | 232 |
| <i>Blasphemia nona.</i>                                   | 240 |
| <i>Blasphemia decima.</i>                                 | 241 |
| <i>Blasphemia undecima.</i>                               | 242 |
| <i>Blasphemia duodecima.</i>                              | 242 |
| <i>Blasphemia decimatertia.</i>                           | 242 |
| <i>Blasphemias heretici vendunt pro dogmatibus fidei.</i> |     |

219

|  |    |
|--|----|
| <i>Bonifacius III. non fuit primus Antichristus.</i>                     | 19 |
| <i>Bonifacius III nil nomi iuris à Phoca Sedi Apostolica impetrauit.</i> | 21 |

C.

|  |              |
|--|--------------|
| <b>C</b> <i>Aluinus praeursor est Antichristi.</i>   | 181          |
| <i>Calvinus blasphemè docuit, Christum in cruce vocem desperationis emisisse.</i>  | 237          |
| <i>Calvinus blasphem docuit, quòd Christi mors inutilis planè fuisset, nisi ipse damnatorum etiam poenas sustinuisset.</i>                     | 239          |
| <i>Calvinus odio cecus, asserit ad id manifestum esse ex Scripturis, Papam esse Antichristum, ut puer decennis id facile possit advertere.</i> | 249          |
| <i>Calvinus viam stravit tollendo mysterio SS. Trinitatis.</i>   | 215          |
| <i>Calvinus Judaizans.</i>   | 216          |
| <i>Calvinus clarè docet Deum omnium scelerum auctorem primum.</i>  | 220          |
| <i>Calvinus docet Deum magis esse auctorem scelerum, quam vel hominem, vel diabolum.</i>   | 227          |
| <i>Calvinus sibi repugnat.</i>   | 228          |
| <i>Calvini sententia de regula credendi.</i>   | 206          |
| <i>Calvinum criminis Sodomitici condemnatum fuisse, probatur.</i>  | 280. & seqq. |
| <i>Calvini parens Gerardus Calvinus, homo impius,</i>  |              |

& in

# INDEX RERVM.

- & in Deum maximè blasphemus extitit.* 280  
*Calvinus, Simoniam, Ecclesiastica beneficia vendendo, commisit.* 281  
*Calvinus, Cauvinus antè dictus, nomen immutavit.* 281  
*Calvinus Calvinum vindicta cupidissimum apud Juvenal. Satyr. 13. pulchrè expressit.* 281  
*Calvinus, per anagramma est Lucianus.* 284  
*Calvini stigma, cum Pauli stigmatibus confert Wittakerus Calvinista.* 285  
*Calvinus, inter dissolutos sua urbis dissolutissimus; inter inconstantes inconstantissimus fuit.* 286  
*Calvinum in Sodomia crimen incidisse, consonat ipsius doctrina.* 289  
*Calvinum in Sodomia crimen incidisse, consonat moribus discipulorum eius.* 288  
*Calvinum in Sodomia crimen incidisse, consonat sacra Scriptura.* 294  
*Calvinum in Sodomia crimen incidisse, septem testes omni exceptione maiores asserunt.* 279  
*Calvinum in Sodomia crimen incidisse, frater ipsius in Christo Conradus Schlüsselburgius Lutheranus Evangelicus asserit.* 286  
*Calvinistarum grex, non est ciuitas dilecta.* 50  
*Calvinistas hereticos esse.* 186  
*Calvinistarum doctrina, ab omnibus, præterquam ab ipsis, damnata est.* 186  
*Calvinista auocant à studio bonorum operum.* 196  
*Calvinistas præcursores esse Antichristi, demonstratur. 181. vsque ad finem libri.*  
*Calvinista nituntur iuge sacrificium tollere.* 199  
*Calvinista tollunt venerationem crucis, & imaginem Christi, & Sanctorum.* *ibid.*  
*Cal-*

- Caluinista*, se ipsos in notitia sue salutis, & diuino  
 fauore, Christo præferunt. 238
- Caluinista* blasphemant Christum in Eucharistia. 242
- Caluinista* baptismi auferendi fundamentum posue-  
 runt. 200
- Caluinista* retinent diem Dominicum. 201
- Caluinista* diuina officia, festa & ieiunia Ecclesie  
 sustulerunt. 201
- Caluinista* quos Scriptura libros reijciant. 202
- Caluinismum* cur multi amplexentur. 259
- Calumnia* Præfatoris in Pontificem, quantum pec-  
 catum. 175
- Castalion* Euangelicus, asserit *Caluinistarum* Deum  
 esse Satanam. 238
- Catholicorum* vitam & doctrinam, per mendacia  
 impudentissima traducunt hæretici. 245
- Catholicus*ne sit Auctor hereticæ Præfationis? 261
- Catholicorum* fundamentum solidum. 269
- Catholici* nulli Pontificem propriè Deum esse credi-  
 derunt, aut dixerunt. 31
- Charactèrem Antichristi stolidè explicat Auctor  
 hereticæ Præfationis. 52
- Christus Ecclesiam suam deseruit, si Pontifex est  
 Antichristus. 8
- Christi corpus ubique esse, blasphemauit Luth-  
 erus. 23
- Christum in cruce damnatorum pœnas sustinuisse,  
 blasphemè docuit Calvinus. 237
- Christo ignorantiam sui status tribuunt *Caluinista*. 237
- Christum graniter peccasse, sequitur ex dictis Calui-  
 nistarum. 238
- Christi

- Christi sanguine nos non posse saluari, docet Calvinus.* 240
- Christum non pro omnibus, sed pro solis secum consentientibus, mortuum esse, blasphemè docent Calvinista.* 241
- Christum ipsum feriunt blasphemie in Rom. Pontificem ipsius Vicarium, & Ecclesiam Catholicam ipsius sponsam, iaculate.* 242
- Comparatio prima Lutheranorum, Calvinistarum, & Anabaptistarum cum Antichristo, in studio abducendi à fide Catholica.* 193
- Comparatio secunda eorundem, in neglectu bonorum operum, & licentia vite.* 195
- Comparatio tertia in tollendo sacrificio.* 198
- Comparatio quarta, in tollendis Ecclesia Sacramentis, & carimonijs.* 200
- Comparatio quinta, in mutilandis & pervertendis Scripturis.* 202
- Comparatio sexta, in tollendo mysterio Trinitatis.* 213
- Comparatio septima, in variis blasphemijs.* 218
- Comparatio octava, in hypocrisi & fraudibus.* 244
- Comparatio nona, in persecutione contra Ecclesiam.* 252
- Comparatio decima, in falsis miraculis.* 253
- Cornu parvulum est Antichristus.* 142
- Cornua decem apud Daniele, non sunt decem series seu successiones Regum, sed decem Reges singulares.* 142
- Cornu parvulum, non est multorum successio, sed unus Rex.* 15
- Cornua decem Apocal. 13. sunt Regna decem Regum,*



# INDEX RERVM.

gum, in qua orbis tunc erit diuisus. 105  
 Cornua decem Apocal. 17. sunt decem postremi  
 Reges. ibid.

## D.

**D** Amascenus notat dupliciter accipi nomen  
 Antichristi in Scripturis. 1

Demonstratio prima, quod Pontifex Romanus non  
 sit Antichristus, ex auctoritate Doctorum &  
 SS. Patrum. 3

Demonstratio secunda, ex absurdo. 6

Demonstratio tertia, ex unitate Antichristi. 10

Demonstratio quarta, ex tempore & modo muta-  
 tionis. 16

Demonstratio quinta, ex repugnantia aduersus  
 Christum. 24

Demonstratio sexta, ex modo veniendi, & receptione  
 à Iudeis. 25

Demonstratio septima, ex professione Antichristi. 29

Demonstratio octaua, ex tempore aduentus. 38

Demonstratio nona, ex persecutione Antichristi. 44

Demonstratio decima, ex miraculis Antichristi 56

Demonstratio undecima, ex consideratione nominis.

64

Demonstratio duodecima, ex loco & sede Anti-  
 christi. 69

Demonstratio decimatertia, ex tempore quo regnabit  
 persequens Ecclesiam. 91

Demonstratio decimaquarta, ex consideratione po-  
 tentie & praeliorum eius. 103

Demonstratio decimaquinta, ex consideratione duo-  
 rum Prophetarum, Enoch & Elia. 120

Demonstratio decimasexta, ex consideratione finis  
 Antichristi. 168

## V

Deus

# INDEX RERVM.

|   |     |
|---|-----|
| Deus omnium scelerum auctor primarius, ex sententia Caluini.  | 220 |
| Deus est magis auctor sceleris iuxta Caluinum, quam Satan, vel homo.  | 227 |
| Deus ex sola sua voluntate predestinauit homines ad æternum exitium, ex sententia Caluini & Lutheri.  | 230 |
| Dei filium esse mediatorem, etiam secundum naturam diuinam, docent <u>Caluinus</u> , <u>Beza</u> , <u>Melanchthon</u> , liber concordia Lutheranorum. | 235 |
| Dies Domini magnus, quis dicatur?   | 155 |
| Dies iudicij an poterit praesciri?  | 101 |
| Discessionis nomine quid intelligat Apostolus?  | 107 |
| Disputationis de Antichristo precipuus status.  | 2   |
| Dissensio hæreticorum de tempore quo sedes Romana Antichristi facta sit.  | 2   |

## E.

|   |     |
|---|-----|
| <b>E</b> ccllesia, iam à mille annis penitus <u>euerfa</u> est, si Pontifex Romanus sit Antichristus. | 6   |
| Ecclesia nõ deficiet penitus tempore Antichristi.   | 108 |
| Ecclesia adherentes, non sunt heretici.   | 184 |
| Ecclesia Apostolica non potuit tota sensim corrumpi.  | 185 |
| Ecclesiam Catholicam reiiciens, non credit Christo.   | 194 |
| Elias & Enoch, duo Propheta, opposituri se Antichristo.   | 142 |
| Elias & Enoch cur sua corpora induent cilicio.  | 166 |
| Elias & Enoch an publicè translati.   | 167 |
| Elias & Enoch corpora an subiecta in calum, & aucta incorruptibilia.                                  | 160 |
|   | Fa- |

## F.

- F**arellus, quem Beza ut fidelem laudat, resurrectionem corporum omnino negavit. 241
- Fidei articulos Rex & Parlamentum in Anglia definiunt. 37
- Filium Dei non esse Deum, sequitur manifestè ex doctrina Caluini. 235
- Frustrà omnia hactenus in Ecclesia facta, si Pontifex Romanus est Antichristus. 7

## G.

- G**ladius sedentis super equum, quid designet? 170
- Gog & Magog seducuntur ab Antichristo. 169
- Gregorij verba, ab hæreticis obiecta, stant à Catholicis; & solum Constantinopolitanum Patriarcham notant. 22

## H.

- H**ebdomas in Scripturis, septenarium vel annorum vel dierum significat. 98
- Hæresim promouentes, etiam seculares, præcursores sunt Antichristi. 182.
- Hæretici, præ odio iniquo, mendaciter affirmant Papam, magnum esse Antichristum. 2
- Hæretici Pontificem, & omnes ipsi adhaerentes, crudelissimè persequuntur. 48
- Hæretici Scripturam ingulant. 128
- Hæreticorum argumenta, quibus contra apertam Scripturam probare nituntur Eliam non venturum. 152
- Hæretici, Patres seponi, & sua commenta suscipi volunt. 153
- Hæretici, Principes Catholicos, Antichristi seruos iniuriosè vocant. 181

# INDEX RERVM.

|  |     |
|--|-----|
| <i>Hæretici qui?</i>   | 191 |
| <i>Hæretici huius temporis tollunt, ubi possunt, iuge sacrificium.</i>   | 199 |
| <i>Hæretici huius temporis plerique tollunt, venerationem crucis, &amp; imaginum Christi, &amp; Sanctorum.</i> | 199 |
| <i>Hæretici Sacramenta omnia, præter Baptismum, sustulerunt.</i>   | 200 |
| <i>Hæretici nostri sustulerunt omnia Officia diuina, Festa, &amp; ieiunia Ecclesiæ.</i>                        | 201 |
| <i>Hæretici nostri retinent diem Dominicum.</i>  | 201 |
| <i>Hæretici cur sibi ipsis contradicant?</i>   | 228 |
| <i>Hæretici in Sanctos omnes, qui in Ecclesiâ Catholica à mille annis vixerunt, blasphemii.</i>                | 243 |
| <i>Hæretici, dum se præponunt Patribus, Conciliis, Christi Vicario, Antichristum insigniter imitantur.</i>     | 243 |
| <i>Hæreticorum superbia.</i>   | 243 |
| <i>Hæreticorum hypocrisis.</i>   | 244 |
| <i>Hæreticorum fraudes &amp; mendacia.</i>   | 245 |
| <i>Hæretici, cum aliquod paradoxum statuere volunt, clamant id esse clarissimum.</i>                           | 248 |
| <i>Hæretici, quo Catholicorum argumenta validiora sunt, eò se magis fingunt ea contemnere.</i>                 | 249 |

## I.

|  |    |
|--|----|
| <b>I</b> erusalem rellè Sodoma appellatur.   | 72 |
| <b>I</b> gnem è calo descendentem, ineptè interpretatur Auctor Præfationis fulmen excommunicationis.               | 62 |
| <b>I</b> maginem bestia ridiculè Auctor Præfationis interpretatur supremam Pontificis potestatem.                  | 63 |
| <b>I</b> oannes Baptista non est Elias, de quo agitur Malachia 4. etsi quibusdam alijs Scripturæ locis sic vocetur |    |

# INDEX RERVM.

|  |     |
|--|-----|
| cetur ob similitudinem officij.          | 152 |
| Iudæi negant Trinitatem.                 | 214 |
| Iudeorum regnum suscitabit Antichristus. | 65  |

## L.

|  |    |
|--|----|
| Λατῖνοι, non vocantur Pontifices Romani, sed<br>Λατῖνοι. | 65 |
|--|----|

|  |   |
|--|---|
| Lutherus fatetur, eos qui dicunt Pontificem esse An-<br>tichristum, scriptoribus antiquis repugnare. | 3 |
|--|---|

|                                     |     |
|-------------------------------------|-----|
| Lutherus præcursor est Antichristi. | 181 |
|-------------------------------------|-----|

|  |     |
|--|-----|
| Lutherus quos Scriptura libros rejiciat? | 203 |
|--|-----|

|                                       |     |
|---------------------------------------|-----|
| Lutheri sententia de regula credendi. | 207 |
|---------------------------------------|-----|

|   |     |
|---|-----|
| Lutherus viam strauit tollendo mysterio Trinitatis. | 214 |
|---|-----|

|  |     |
|--|-----|
| Lutherus blasphemias vt dogmata fidei statuit. | 219 |
|--|-----|

|  |     |
|--|-----|
| Lutherus, diuinam naturam in Christo passam esse,<br>blasphemè asseruit. | 233 |
|--|-----|

|   |     |
|---|-----|
| Lutherus blasphemè docuit, corpus Christi ubique<br>esse. | 235 |
|---|-----|

|  |     |
|--|-----|
| Lutherus Nestorij & Eutychetis heresim, una<br>blasphemia, præclarè complexus est. | 236 |
|--|-----|

|   |     |
|---|-----|
| Lutheri quinquaginta mendacia in uno libello no-<br>tata. | 274 |
|---|-----|

|  |     |
|--|-----|
| Lutherus in <u>duabus</u> tantùm confutationibus con-<br>uictus est de mendacis octingentis septuaginta-<br>quatuor. | 248 |
|--|-----|

|   |   |
|---|---|
| Lutherani iactant, Lutherum primum docuisse Pa-<br>pam esse Antichristum. | 3 |
|---|---|

|                          |     |
|--------------------------|-----|
| Lutherani sunt hæretici. | 186 |
|--------------------------|-----|

|  |     |
|--|-----|
| Lutheranorū doctrina ab omnibus damnata est. | 186 |
|--|-----|

|  |     |
|--|-----|
| Lutherani auocant à studio bonorum operum. | 196 |
|--|-----|

|   |     |
|---|-----|
| Lutheranos esse præcursores Antichristi, demon-<br>stratur. | 181 |
|---|-----|

|                                     |     |
|-------------------------------------|-----|
| Lutheranorum insignis inconstantia. | 236 |
|-------------------------------------|-----|

M.

- M** Alachias, cap. 4. necessario de vero Elia est exponendus. 135
- Melanchthon docet Deum proprie fuisse causam proditionis Iudae, & adulterij Davidis, ut vocationis Pauli. 233
- Melanchthon praecursor est Antichristi. 181
- Menno praecursor est Antichristi. 181
- Ministri omnes haeretici, praecursores sunt Antichristi. 181
- Miracula Sanctorum vera fuerunt. 9
- Miracula Antichristi erunt mendacia. 57
- Mysterium ridicule scrutatur Auctor haeretica Praefationis. 82
- Mysterij nomine quid designet Ioannes. ibid.
- Mulier insidens bestia Apocal. 17. non designat Antichristum, sed Romam. 81. & 82

N.

- N** Omen Antichristi. 64
- Numerus nominis bestia non convenit Bonifacio, aut dictioni Latinus. 23. & 64
- Numerus certus, quando pro incerto in Scriptura ponatur. 99. & 114

P.

- P** Atres asserunt Antichristum à Iudeis recipiendum. 27
- Patres docent Antichristum venturum sub finem mundi. 40
- Patres docent Antichristum fore Iudaeum. 65
- Patres omnes condemnat imperitia extrema Scriptor Praefationis haeretica. 96
- Patres asserunt Eliam & Enoch opposituros se Antichristo. 142

Phocas

# INDEX RERV. M.

- Phocas nihil novi tribuit Apostolica sedi.* 21
- Pontifices Romani Christum humillimè colunt, & ut ab alijs colatur, elaborant.* 25
- Pontifices Romani ad pedes aliorum Christi seruatorum accidunt.* 25
- Pontificum nullus se pro Messia aut Deo venditavit.* 31
- Pontifices se seruos seruorum Dei humillimè nominant.* ibid.
- Pontificum pauci, à mille annis, miracula fecerunt.* 58
- Pontifici Romano non congruit nomen, aut numerus nominis Antichristi.* 65
- Pontifices Romani summam curam gerunt, ut Scriptura sacra quàm emendatissimè excudatur.* 130.
- Pontifex Romanus numquam suppressit Scripturas.* 134
- Pontificem Romanum, Christi Vicarium, qui Antichristum vocat, quantum peccet.* 76
- Præcurfor quis dicatur?* 122
- Præcursores Antichristi qui?* 181
- Propheta duo magni se opponent Antichristo.* 120
- Propheta duo Apocal. 11. non designant nouum & vetus Testamentum.* 123.
- Propheta duo non designant Ministros Caluiniianos & Lutheranos.* 136
- Propheta duo Apocal. 11. qui?* 140
- Punitio hereticorum, non potest dici persecutio Antichristi.* 46

R.

**R** Edemptionis mysterium euertit Caluinus. 239

**R** Rex Angliæ nullum Iudicem agnoscit in terris. 37

V 4

Reges

- Reges Egypti, Libya, & Aethiopia, bello sibi sub-*  
*uciet Antichristus.* 103
- Reges omnes Catholicos sceleratissimos esse, & fuisse,*  
*sequitur ex eo, quod Auctor haeretica Praefationis*  
*asserat, eos per decem Reges designari.* 116
- Regulam credendi quam statuant haeretici.* 205
- Roma Antichristi tempore erit deleta.* 73
- Roma non est sedes Antichristi futura.* 77
- Roma impia, qualis fuit tempore S. Ioannis, & futura*  
*est sub finem mundi, est ciuitas magna, per mulie-*  
*rem in Apocalypsi significata. 81. eadem dicitur*  
*Babylon mystica.* ibid.
- Romanum imperium, sub finem saeculi, in decem Re-*  
*ges diuidendum.* 104
- Romanum imperium ante diem Iudicii deficiet.* 107
- S.
- S***acerdotes omnes potestate diuinitus accepta, pec-*  
*cata condonant, non solus Pontifex.* 36
- Scripturam pro se stare, falso & frustra singula ha-*  
*reticorum secta ingeminant.* 5
- Scriptura Moysen & Principes Iudicesque Deos*  
*appellat.* 31
- Scriptura quomodo interficiatur, iuxta Auctorem*  
*haeretica Praefationis.* 126
- Scripturam ingulant haeretici.* 128
- Scriptura vulgata translatione usa est Ecclesia plus*  
*quam mille ducentis annis. 128. ea merito alijs*  
*omnibus praefertur.* 129
- Scriptura, qua ratione natus carens, regula*  
*Lesbia, &c. nuncupetur.* 130
- Scriptura antiqua editio, merito praeferenda etiam*  
*Graecis & Hebraeis exemplaribus.* 133
- Scriptura verba Sanctis aptari possunt.* 133
- Scri-*



*Scriptura translationes in linguam vernaculam merito non passim permiffa.* 134

*Scriptura diuina quàm indignè ab hæreticis tractetur.* 177

*Scriptura testatur hæreticos esse præcursores Antichristi.* 182

*Scriptura iudicium, quomodo hæretici appellent.* 190

*Scriptura partes, sibi clariùs aduersarias, tamquam adulterinas, reijciat Antichristus.* 202

*Scriptura partes, si quas recipiat, non ex sententia Patrum explicabit Antichristus.* 202

*Scriptura libros quos hæretici reijciant.* 202

*Scriptura sensum vi peruertant hæretici.* 204

*Scripturas quàm irreuerenter tractent hæretici, exemplis ostenditur.* 211

*Scripturas hæretici habent ludibrio.* 270

*Scriptura sensus recipiendus fidelibus.* 270

*Seçta singula à se inuicem condemnata sunt.* 189

*Septem capita bestia, quàm acutè explicet Auctor Præfationis hæretica.* 86

*Septem capita bestia cap. 13. Apocal. nõ sunt septem Reges, de quibus cap. 17.* 90

*Septem capita bestia Apocal. 13. designant septem Reges, qui victis tribus, se submittent Antichristo.* 105

*Signa secundi sui aduentus, à Domino tradita.* 39.

*Signum in dextera, stolidè explicat Auctor Præfationis hæretica.* 52

*Spiritus Caluinistarum priuati, iudicium fallax.* 269

*Symboli Apostolici quatuor articulos hæretici in sensu antiquo Ecclesia non admittunt.* 271

*Symbolum Nicanum, seu Constantinopolitanum,*

# INDEX RERVM.

- peruersa interpretatione corrumpunt Calvinistæ.*  
 273  
*Symbolo Athanasij non credunt Calvinistæ.* 274  
*Synodus Nicena, Arrij hæresim, ex doctrina non*  
*scripta, damnavit.* 276

## T.

- T***emplum Dei 2.ad Thessal. 2. non significat se-*  
*dem Apostolicam, sed templum materiale*  
*& visibile.* 78  
*Tempus apud Danielem, designat annum.* 100  
*Testamenta duo, ineptissime Auctor hæretica Præ-*  
*fationis dicit significari per duos Prophetas.* 121  
*Traditiones humana non præferuntur Scripturis à*  
*Catholicis.* 131  
*Trinitatis fides ut abrogaretur, ad laborarunt*  
*Calvinus & Lutherus.* 213

## Z.

- Z***winglius, præcursor est Antichristi.* 181  
*Zwinglius docet, Deum cogere homines ad pec-*  
*candum.* 232  
*Zwinglius Lutherum blasphemiam redarguit.* 234

AD MAIOREM  
 DEI, DEIPARÆQUE  
 GLORIAM.

APPROBATIO.

**D**ISPVTATIO hæc Apologetica, ob luculentissimas solidissimæque grauiissimæ rei Demonstrationes, digna est quæ typis excusa diligenter ab omnibus legatur, & seriò ab Aduersariis indagandæ veritatis studio expendatur, si quando det illis pœnitentiam ad cognoscendam veritatem, & resipiscât à diaboli laqueis, à quo captiui tenentur ad ipsius voluntatem.  
Datum XXVII. Octob. M. DC. X.

*Guilielmus Fabricius Nouiomagus  
Apostolicus librorum Censor.*

## SVMMA PRIVILEGII.

**A**LBERTI & ISABELLÆ CLARÆ  
 EVGENIÆ, Archiducum Austriæ,  
 Ducum Burgundiæ, Brabantix, &c. Sere-  
 nissimorum Belgicæ Principum, Priuilegio  
 cautum est; ne quis, *De Antichristo & eius*  
*Præcursoribus Disputationem Apologeti-*  
*cam geminam, qua refutatur Prefatio mo-*  
*nitoria, falsò ut creditur adscripta Magnæ*  
*Britanniæ Regi, Auctore Leonardo Lessio*  
*Societatis IESV S. Theol. Professore*, præter  
 Martinæ Plantinæ viduæ & Balthasaris &  
 Ioannis filiorum Ioannis Moreti p. m. vo-  
 luntatem, intra sexennium imprimat, aut  
 alibi terrarum impressam, in has Inferioris  
 Germaniæ ditiones venalem importet. Qui  
 secus faxit, confiscatione librorum & aliâ  
 graui pœnâ mulctabitur, vti latius patet in  
 litteris datis Bruxellæ, xvii. Nouembr.  
 M. DC. X.

Signat.

*Buschere.*


ANTVERPIÆ,  
EX OFFICINA PLANTINIANA,  
Apud Viduam & Filios Io. Moreti.

clō. lōc. xi.




ANT 176135











3575

12  
C54